

VI. 5. 17.

C. 16.

41.9.B.14

21963

22

~~14-13. C. 13~~

H1-9-B-14

41

Y500

~~15. E. 13~~
452

He passed through (topia)

41. F. E. 13

2

Coll. 19m. RATIO *Sci. Jes. cat. infer.*
ATQ. INSTITVTIO
STVDIORVM

41-9-B-14



BIBLIOTECA NAZIONALE
ROMA
VITTORIO EMANUELE



R O M A E,
In Collegio Societatis Iesu. Anno Dñi
M. D. XCI.

Cum facultate Superiorum.

ATTEST
R. A. T. O. 1790

ST. N. ...
...



R. O. M. A. E.
...

...

1

REGVLÆ PRÆPOSITI PROVINCIALIS.


IM ex primarijs Societatis nostræ ministerijs vnum sit, vniuersas, quæ ab Instituto nostro non abhorreant, disciplinas in publicis Academijs ita proximis tradere, vt inde ad Conditoris ac Redemptoris nostri cognitionem atque amorem excitentur; omni ope contendendum sibi putet Præpositus Prouincialis, vt tam multiplici Scholarum nostrarum labori fructus is, quem gratia nostræ vocationis exigit, abunde respondeat.

DE SCRIPTVRIS.

AC primum operam ac diligentiam præcipuâ collocet in excolendis promouendisque Scripturarum studijs: Magnam quoque rationem habeat eorum, qui in hac facultate illustranda strenue laborant: Hi namque cum linguarum peritia, eruditionis varietate, antiquitatis observatione, Scholasticæ munimento; alijsque præsidijs egeant; nisi modis omnibus subleuentur, incitenturque; vix erunt, qui possint laboriosum hoc stadium decurrere.

A

Itaque



3 Itaque sedulo perficiat, & vt Nostorum auditorum frequentia, quanta fieri potest, sublati ferme exceptionibus, hæc lectio cohoneſteretur: & vt huius facultatis Profeſſor ea doctrinæ, eloquentiæ, ingenij, aliarumque rerum præſtantia excellat, vt ſcientiæ, quam tractat, exiſtimationem & dignitatem ſuſtentet, atque amplificet.

4 Huiusmodi Profeſſores ne deſint, alendi ſouendique eſſent multo ante, quam ad docendum accedant, obſeruatis ijs, qui ad eam rem promptiores videntur, & aptiores. Frequenter itaque cum Rectore, cum Præſecto, cum Theologiæ Profeſſoribus agat, vt & ipſi eam cogitationem ſuſcipiant, perſpiciantque, qui nam potiffimum ex auditoribus ad hoc opus deligendi inſtituendique ſint.

5 Ad hæc vt ſatis tempeſtiue Scripturarum lectio Noſtris incipiat eſſe familiaris, præſtare ſtudeat, vt Nouitij, per id temporis, quod illis ad Doctrinam Chriſtianam piumue aliud ediscendum concedi ſolet, mādent etiam memoriæ Pſalterium, Prouerbia Salomonis, & aliquid ex nouo Teſtamento.

DE SCHOLASTICA

Theologia.

6 **Q** Vadriennio abſoluendus eſt Theologiæ curſus, idque à tribus Profeſſoribus,

bus, vbi vel id exigit Collegij fundatio, vel certe vbi Præpositus Prouincialis censuerit ad hunc numerum sustentandū suppetere & reditus quos oportet, & Professorum copiam ingenio plusquam mediocri, & eam celi salubritatem, firmamque Nostrorum auditorū valetudinem, quæ quotidianis quattuor lectionibus, tribus quidem Scholasticæ Theologiæ, & vnâ Scripturæ non grauetur.

7 Vbi vero harum rerum opportunitatem desiderari cognoscet, duos constituat Professores, qui quadriennio totam decurrant Theologiam: Materias autem, quæ in Conscientiæ Casibus positæ sunt, nec plus amplificet, quam grauiores res aliæ patiuntur, nec omittant penitus; sed in aliquot conclusiones vnâ aut altera auctoritate probandas, summatim redigant ac dicent.

8 Sin ad id præstandum hi duo Professores præratam iam non habeant suppellectilem, aut tantum temporis Theologicis disputationibus subtrahere non possint; quærat extraordinarium Scholasticæ Magistrum, qui toto biennio nihil aliud explicet quam Moralem Theologiam, hoc est, amplectentem eas Casuum materias, quæ in Theologicarum quæstionum Catalogo sub finem quarti generis indicantur.

9 Id si fiat, Auditorum Theologorum vnâ dimidia pars audiat biennio hunc extraordinarium Professore, altera verò Scripturam.

Quod si eorum numerus minus fuerit copiosus, quam ut cōmode diuidi possit duz in partes, Scripturæ interpret & extraordinarius Professor alternis toto quadriēnio diebus doceant, & audiantur ab vniuersis Theologis.

10 Præpositi autem Prouincialis erit perspicere, an vnus atque idem Professor sustinendo huic vtrique oneri tam Scripturæ, quam extraordinariæ lectionis par esse possit, cum alternatim explicantur; Quod si vtrūque non sustineat, quibus vacabit diebus, comparare sibi poterit in omnem Theologiam prælectiones, quas, si quando fuerit opus, publice vt ordinarius Professor habeat.

11 Porro sicubi hæc difficiliora Prouincialis indicarit, quam vt successura confidat, constituat ex Theologiæ Doctoribus aliquem, quantæ maximæ auctoritatis haberi poterit, etiam si studiorum Præfectus esset, vt tertia & sexta ferijs per totum quadriennium à prandio, extrema scholarum hora, in amplissimo quod fuerit gymnasium, aut in templo, quo celebrior auditorum frequentia conueniat, omnibus Theologis (his enim diebus Scripturæ explicationi super sedendum esset) Casuum Cōscientiæ materias superius memoratas explicet grauiter, & distincte per aliquas conclusiones, quas vno aut altero fundamento confirmet.

12 Cæterum, vbi nihil horum commode præstari posse cognouerit, ne Theologiæ Audito-

res rerum tam vtilium ac potius necessariarum scientia careant; faciendum omnino est, ut audiant biennio Casuum Professore, eum scilicet, qui sortitus fuerit eas materias enarrandas, quas Theologiæ Professores prætereunt iuxta ea, quæ in Casuum Professoris regulis habentur.

DE GRADIBVS BACCALAVREATVS,
Magisterij, & Doctoratus.

13 **D**ET operam, ut ne externi quidem Actus, per quos ad Doctoratum seu Magisterium perueniri solet, inchoent, nisi peracto Philosophiæ triennio, vel quadrien-
nio Theologiæ: & illi quidem dimidijs annus, huic autem biennium adijciendum est, quo & celebrentur Actus, & Gradus suscipiantur.

Par. 4. c.
15. 5. 2.

14 In ijs, qui ad Gradus promouendi sunt, Examinis & Actuum ratio seruetur, quæ in studiorum Præfecti regulis habetur, vbi seuerior alia præscripta non fuerit ex instituto & fundatione Academiae, nec nouam, licet meliorem introduci posse speretur.

15 Quod vero pertinet ad caeremonias, seruentur etiã, quæ in iisdem Regulis positæ sunt: Tametsi in ijs Academijs, in quibus habemus externos Professores collegas, aliorum ritum & Academiae leges sequi Nostros oporteat.

16 In alijs etiam Academijs, quæ pleno iure

Nostriſ ſubſunt, quamvis cęremonię, ſi quę longo iam uſu receptę ſint, ac ferę non dedecant, retinendę videantur: & in ſolemnitatibus, munuſculis, ſumptibus, cęterisq; huiuſmodi mediocria quędam externis de more Patrię permitti poſſint: Nostriſ tamen non debet licere quicquam eorum, quę non bene conueniant cum Conſtitutionibus. Par. 4. c. 15. F.

17 In his itaque promotor, ſi Noſter eſt, violacea cappa non utatur, niſi forſan Epomide, quę haud multo ſit alijs prolixior. Reſtori autem Academia ſi plus aliquid videbitur tribuendum, haudquaquam magnificentius ſit, quam religioſa ſimplicitas ferat.

18 Chirothecę alięve dona Noſtriſ Doſtoriſbus non diſtribuantur: nam externis, dummodo moderata ſint, ſolent eſſe pars quędam ſtipendij. Nec ullos Noſtri ad hanc celebritatę per ſe ipſos inuitent: inuitent, quos volent, promouendi, ſed per Bidellum.

19 Conuiuia tollantur penitus; vix enim modum legemq; patiuntur ullam. Sin tolli nequeunt, ad id, quod minime indecorum ſit, ſeuere redigantur; nec his interſint Noſtri, niſi cum id Pręceptor & Promotor declinare non poterunt.

20 Noſtri ad Magiſterium vel Doſtoratum promouendi eſſent, cum doſturi ſunt Philoſophiam aut Theologiam, ob maiorem auctori-

tatem;

tatem; quin etiam paucos alios oporteret esse promotos, qui vel subsidio esse possint ægrotantibus Doctoribus; vel designantur, ut aliquando doceant: non enim pridie fere antequam quis doceat, decet Doctorem fieri.

21 Ea vero de re, quoties usus fuerit, Præpositus Generalis consulendus est: a quo etiam quærendum, an nonnullis in Prouincijs, ubi Graduum ordo in confidendo seruatur, Humanitatis & Rhetoricæ Magistri Gradu aliquo insigniendi sint.

22 Insignia vero Nostrorum, qui promouentur, essent moderanda, & satis esse possent fila illa serica, quæ ponuntur in medio pilei, de quibus Congr. prima, Can. 19. vel Epomides, sicubi sunt in usu.

DE CASIBVS CONSCIENTIÆ.

23 **D**VOS in primarijs Collegijs Casuum professores cōstituatur, qui partito ore re vniuersas id genus materias explicent bienio. Vbi duo nō possunt haberi, prælegat vnus, seruatis ijs, quæ statuuntur in regulis Professoris Casuum. Dum vero ea lectio domi repetitur, ad eā (nisi suam seorsim Collationē habere magis expediat iudicio Superioris) conueniāt omnes etiam Sacerdotes, qui in eo Collegio, licet auditores non sint, sunt tamen publici Cō-

fessarij. Accedant autem parati, vt interrogentur, & interrogent.

24 Vbi nulla est publica Casuum lectio, Sacerdotes Nostri tam in Collegijs, quam in Domibus bis aut semel in hebdomada conueniant ad habendam inter se de Casibus Collationem aliquo præside, qui prudenter ac tuto possit hanc prouinciam sustinere.

25 Ab hac Collatione, præter Theologiæ Professores, aliosque Patres Præsidii suppare, qui mutuis horâ extraherent contentionibus, nulli præterea Sacerdotes, qui ex professo, vel interdum confessiones audiunt, eximantur, imo curandum est, vt ipsi etiam Superiores quoad commodè fieri potest, interesse studeant: Magistri etiam scholarum, nisi nimium grauarentur. Hac enim exercitatione nisi vel audita recolant, vel noua etia addiscant, magnopere verendum est, ne in multis, quæ sui muneris sunt, perinepte, aut etiam perperam se gerant.

DE LINGVA HEBRÆA.

26 **A**D maiorem huius linguæ auctoritatem, cre fuerit, vt eam, si calleat & commodè possit, doceat Sacræ Scripturæ Professor, qui non paucos ad hoc studium alliciet, si quem Scripturæ librū Latine enarrat Theologis, eundem Hebræis auditoribus interpretetur ex Hebræo textu.

27 Id si fieri non poterit, faciendum tamen, vt Hebræus Professor sit & Theologus, cum in diuinis versetur oraculis : & linguæ Chaldaicæ ac Syriacæ non ignarus, cum ex his linguis pleaque in libris Canonicis sparsim habeantur : & linguæ Græcæ peritus, propter Testamentū Nouū, & Veteris versionem à Septuaginta Interpretibus editā. Tandem sit tam industrius ac dexter, eaque doctrinarum varietate præditus, vt insuauia, aspera, peregrina, aliaque id genus multa, quibus huius linguæ studium nonnullis laborare videtur, Doctōris præstantia leniantur.

28 Ab hac lectione audienda nulli (nisi qui forte penitus inepti cēserentur) videntur eximendi; alioquin Magistrorū, qui Hebrææ scholæ præfici possint, inopia maiori laborabimus in dies.

29 Cum Rectore deliberet Prouincialis, quanam ante, qui post Artium & Theologiæ studium ad Hebræas litteras addiscendas idonei sint. Et quamuis ordinarie ad eam linguam audiendam, qui in secundo Theologiæ anno versantur, videantur admittendi: dispensari tamen potest cum nonnullis, qui fidei firmitate & humilitate præstent, vt huius linguæ studia capeffant multo antea, prout ad maiorem Dei gloriam visum fuerit. Tametsi his studijs maxime opportunum sit biennium illud, quod repetendæ Theologiæ præscribitur.

30 Si secundo Theologiæ anno hanc linguam didicerint in schola , tertio deinde anno , quæ didicerint , domesticæ Academiæ præsidio confirment , præsertim qui aptiores, & ad eam propensiores videbuntur, ex quibus aliqui semper, qui eam postea publice profiteantur , designandi instituendique essent.

DE PHILOSOPHIA.

31 **P**hilosophiæ Professores (nisi necessitas aliud exigat) oportet esse Theologos, vt eorum doctrina tutior, grauior, vberior esse possit , magisque Theologiæ deseruiat.

32 In primarijs Collegijs quotannis vnus Philosophiæ cursus absolendus , & inchoandus alter . Id si præstari nequierit , præstetur quod poterit . Triennio quoque Philosophiæ cursus prælegatur, & sequenti semestri repetatur. Nec vsquam Logicæ compendium ad finem ætatis in classe Rhetoricæ exponatur audituris Philosophiam, sed initio Philosophici triennij reseruetur.

33 Nostri ad Philosophiam audiendam non admittantur , nisi post vnum saltem annum in Humanitate consumptum, & in Rhetorica alterum si grandiores sint, ex quibus haud magnus in hisce rebus fructus expectari queat : nam cæteri biennio detineantur in Rhetorica; aut

ca; aut, si quorum patiatur ætas, & egregij sperentur progressus, neque id ipsis molestum sit, triennio etiam.

34 Cum nostris etiam alumnis, aut Conuictoribus agendum est, quoad eius fieri poterit, ut vel annum audiant Rhetoricam, antequam Philosophiam aggrediantur, eorumque parentibus, quantum id expediat, demonstrandum. Cum cæteris quoque externis. id tentandum, paulo tamen mitius, præsertim cum grandioribus; nec tamen eijciendi, si nolint acquiescere. Si quæ tamen adhuc plane pueri ad Philosophiam velint accedere, ex quibus perturbatio potius timeatur; posset cum ijs agi, quod de illis, qui nollent promissione obligari, vel nomina in Matriculam referenda dare, præscribunt Constitutiones.

Par. 4. c.
17. D.

35 In examine, quo diiudicandum est, quinam ex Nostris ad Philosophiam audiendam admittendi sint, si quos siue ex ingenij tarditate, siue ex ætate iam prouecta parum profecturos in Philosophia compertum fuerit, ij statim ad audiendos Casus mittantur, sed post auditam Logicæ summulam, non publice tamen, sed priuatim ante Studiorum Renouationem.

36 Qui vero non leue specimen ingenij ediderint, nec paruam de se, spem fecerint, Philosophiam aggrediantur, sed sub Paschales ferias rursus examinandi: & quicumque nihilo minus quam mediocrem in Philosophia progressum factu-

ri videbuntur, in ea pergere toto triennio iubeantur. Contra vero ab ea mediocritate qui abfuerint, mittantur ad Casus statim, siue quando opportunius videbitur: Quod si linguam Latinam bene teneant, eam ut docere velint, curandum.

37 Si qui tamen dubij planè fuerint, ut de eorum fructu nihil certo, nec valde probabiliter statui possit, pergant totum annum, deque illis repetito ad Septembrem examine, iudicium ultimum feratur.

38 Fiat examen (nisi obftet multitudo) simul omnium: cui si qui ex ineptis ultro nolint exponi, non exponantur, eoque ipso inepti esse intelligantur. Vniuersi porro quicunque amouendi sunt ab incæpto Philosophiæ studio, quam suauissime fieri potest, amoueantur.

39 Verûtamen si qui non multo minus quam mediocri essent ingenio, magnam vero præ se ferrent indolem ad regendum, vel ad concionandum, non viderentur arcendi à Philosophiæ & Theologiæ studio, nisi magna appareat inæqualitas, quæ Nostrorum tranquillitatem valde perturbat, cum præsertim eos imprimis, qui Concionatores aut Superiores futuri sunt, oporteat in humilitate fundari, & paratos esse ad desistendum à studijs, cum oportuerit.

DE PHILOSOPHIA MORALI.

40 **C**onstituatur Præpositus Prouincialis & Philosophiæ Moralis Professor, qui semestri tempore libros Ethicorum Aristotelis explicet ijs Philosophis, qui post triennium (nisi ubi moris esset, ut à philosophici cursus Professore, & in ipsomet Cursu Ethica prælegantur) repetendæ Philosophiæ, eiusque Actibus celebrandis vacant per sex menses.

DE MATHEMATICIS.

41 **A**LTERO eiusdem anni semestri spatio ex ijsdem Philosophis domi fiat Academia rerû Mathematicarum, quas nauus aliquis ac bene peritus Professor bis quotidie explicabit Nostri, quibus seuerè interdendum, ne cæteris ullis tunc studijs implicentur, sed Mathematicis audiendis, repetendis, disputandis se totos tradant. Fiat in his quanto amplior fieri potest progressus iuxta P. Clauij cõpendium: & qui magnopere profecerint, nec ab ea re alieno sint animo, dicentur huic studio tam priuatis Academijs frequenter amplificando, quam publice, quando opus fuerit, profitendo.

42 Audiant & secundo Philosophiæ anno Philosophi omnes in schola tribus circiter horæ quadrantibus a prandio Mathematicam prælectio-

lectionem ex Elementis Euclidis : in quibus postquam per duos menses aliquantisper versati fuerint, ita diuidatur prælectionis tēpus, vt aliquid Euclidi, aliquid vero Geographiæ vel Sphæræ, alijsve, quæ libenter audiri solent, tribuatur.

43 Vbi commodè fieri poterit, vel diuersis horis Professor idem, vel eadem hora Professores duo binas quotidie lectiones publicas habeant, quibus Mathematicum quoddam curriculum a Patre Clauio scribendum explicant duobus annis, priori quidem physicis, posteriori autem Metaphysicis: tametsi adhuc posteriorem Nostri nec compellendi, nec admittendi sint, nisi quibus id postulantibus Superiores concesserint.

44 Seuerissime caueant, qui præsent, ne Philosophi Professores inter docendum, aut alibi Mathematicorum dignitatem eleuent, neve eorum refellant sententias, vt de Epicyclis: sit enim sæpe, vt qui minus ista nouit, his magis detrahat.

TEMPORA SCHOLASTICARVM exercitationum, aut vacationum.

45 **Q**UILIBET in sua Prouincia Præpositus Prouincialis cum suis deliberet, quibusnam toto anno horis surgendum, prandendum, cœnandum, cubandum, & inchoan-

choandæ finiendæque scholæ sint. Quod autem prudenter ac recte constitutum fuerit, in eo constanter perseverandum.

46 Vt certi statique sint dies festi, quorum numerum minui magis, quam augeri oporteat, eorum catalogum conficiendum curet iuxta suæ Regionis ritum, vt omnibus compertum esse possit, quibus diebus a scholarum opere cessandum sit.

47 Singulis mensibus generales tam Philosophorum quam Theologorum disputationes, vbi sūt in vsu, tueatur, aut sedulo curet, vt sint, si citra offensionem poterunt introduci; cæteroquin Regionum consuetudini seruiendum.

48 Curet vt superiorum etiam facultatum Professores doceant his diebus.

In Anninversario Defunctorum a prandio.
Statim post festum Sanctorum Innocentiū.
Feria sexta, & Sabbatho sexagesimæ.

Feria secunda, & tertia Quinquagesimæ,
vbi id consuetum fuerit.

Feria quarta Cinerum a prandio.

Hebdomadæ Sanctæ feria secunda & tertia,
mane etiam quartæ.

Post Pascha Feria quinta, & sequentibus, &
vbi moris est, etiam quarta.

Mane vigiliarum (nisi vbi id scandalo foret) Natalis & Pentecostes, saltem vt post paulo breuiorem lectionem aliquid piæ cohortationis subijciatur.

49 Vbi sunt in vſu ſtudioꝝ remiſſiones a prandio, Italis Philoſophis ac Theologis conſuetæ ineunte Iulio, propter caloris vehemētiā (quo tempore Scholaſticæ Theologiæ Profeſſores alternis diebus prælegunt) non committat Prouincialis, vt qui his remiſſionibus pomeridianis interquieuerint, poſt eas vacent toto die, niſi per ſeſquimenſem. Deſinant itaque ad finem Auguſti, & ſub feſtum S. Lucæ redeant ad ſcholas, niſi id alicubi valde incommodum eſſe, res ipſa docuiſſet.

50 Huiuſmodi vero remiſſiones non introducantur, vbi non ſunt; ſed vacetur duobus menſibus: minus etiam, ſi minus eſt conſuetum propter mitiorem cæli temperiem. Nec intra annum plurium dierum vacationes vl- læ, vbi non ſunt, inducantur; nec vbi ſunt, longius extrahantur.

51 Et quamuis citius tardiusve anniuerſarias vacationes finire, & ſtudia repeti, diuerſis locis poſtulare ſoleat vel vetus Academiae Publicæ mos, vel cæli inclementia, vel Regionum conſuetudo: vniuerſe tamen conandum, ne ſub anni finem Noſtri vltra ſeſquimenſem vel duos menſes Prælectionibus deſtituantur.

52 Operam det Prouincialis, vt ſingulis hebdomadibus dies vnus recreationis integer, ſi eſt in vſu, ſeruetur; vbi vero ſolum a prandio vacatur, nihil adiſciatur, niſi fortæſis dies integer ſingulis æſtiuis menſibus: nec vſpiā Hebdoma

LECTORI. S.



DE omni studiorum nostrorum ratione quæcunque sex Deputati Patres in conuentu Romæ habito ante annos circiter octo differuere, ea primū in vniuersam Societatem dimissa, & ab omnium Prouinciarum Doctioribus nostris diligenter diiudicata sunt; Deinde quæ in Prouincijs obseruata, atq; animaduersa fuerunt, ea præcipui Doctores Collegij Romani cum Deputatarum patrum tribus, qui in hunc usum in vrbe retenti fuerant, sedulo recognouere: Denique cunctis, quæ, aut in vrbe, aut in Prouincijs acta fuerant, accurate perpensis R. P. Præpositus Generalis, Claudius Aquaiua ex Patrum Assistentium consilio ea, quæ è re litteraria nostrorum esse maxime visa sunt, censuit approbanda. Verum quoniam ea pars, quæ opinionum delectum censuramq; continet, nunc edimittique non potuit (mittenda tamen propediem speratur) idcirco data opera est, vt altera saltem pars, quæ studiorum ordinem ac praxim instituit, mitteretur, in mores inducenda per omnem Societatem. Itaque Rectores ac Præpositi Prouinciales serio & grauiter incumbant, vt hæc tota ratio, atq; præscriptio diligenter a Nostreis vbique seruetur, abrogatis omnibus alijs, quæ vnquam constituta fuerint, si repugnent his regulis. Cæterum cum nouis semper institutionibus maius firmitatis pondus ab experimento soleat accedere; idcirco placuit eo consilio

nunc

nunc primum publicari, & in nostrarum Scholarum
vsum adhiberi hanc studiorum rationem: ut si qua in
hisc regulis quotidianus ipse vsus docuerit, emolu-
menti minus, quam speratum fuerat, habitura; noten-
tur haud segniter in singulis Prouincijs: tametsi non
multa sane huiusmodi futura putandum sit; quoniam
difficultates, quæ in hoc toto genere propositæ fue-
rant à Prouincijs; Romæ gnauiter ac strenue versa-
te retractataque sunt; curatumq;, ut tollerentur om-
nino, aut certe magna ex parte leuarentur siue per
communes, siue per proprias seorsim regulas. Quæ-
cunque vero obseruata fuerint, post tres circiter an-
nos Patri Præposito Generali perscribantur, ut post-
quam eius iussu ab ijs, à quibus oportuerit, omnia de-
nuo recognita atque excussa fuerint: perpetua de-
mum stabilitate firmentur.

domadaria vacationis dies interponatur, cum festum vnũ (in quamcumque feriam cadat) est in hebdomada.

53 Eius tamen vacationis loco, vt valetudini consulatur, in festo moderatus aliquis lusus, seu deambulatio, aliudve huius generis a prandio Nostris indulgendum est. Sin hæc citra offensionem non liceant, nisi in quartam vel quintam feriam incidat festum, interponatur vacationis dies.

DE PRÆFECTO STUDIORVM, EO
præsertim qui facultatibus superioribus præest

54 **S**ERIO & grauitè agat cū Rectore, vt studiorum Præfecto quāto plus potest suæ potestatis impertiat in rebus litterarijs moderandis: ex eo namque fiet, vt & ipse magis expedite in alias curas adijcere animum possit, & Præfectus liberius atque alacrius suo munere perfungatur, & ceteri illum magis vereantur & colant.

55 Præfecto studiorum subesse atque obtemperare iubeat non modo Nostros omnes tam auditores quam Professores qui in Collegijs nostris agunt, sed etiam Præfectos ac Repetitores omnes, qui in Conuictorium Alumnorumque degunt Collegijs seu Seminarijs, quorum omnis ratio studendi, repetendi, disputandi, &

di, & quicquid ad litterarias pertinet exercitationes, pendere debet ex præscripto Generalis Præfecti, qui eo munere fungitur in primario Nostrorum Collegio.

56 Verum si primarij huius Collegij Rectori alia Collegia seu Seminaria non pareāt; quæcunque ad eorum studia moderanda proprie ac seorsim pertinent, Præfectus non ad suum Rectorem, sed ad Præpositum Prouincialem referat.

DE INFERIORIBVS STVDIIS,
hoc est, Grammaticæ, Humanitatis,
& Rhetoricæ.

Ratio ac numerus classium, & Professorum.

57 VIX certo constitui potest vniuersæ, an expediat, Nostrorum, qui litteris vacant, Seminaria singulis Prouincijs propria ita separare, vt in aliquo Collegio floreat studia Humanitatis, in alio Philosophiæ & Theologiæ. Quocirca cum huius rei inciderit deliberatio, ad P. Generalem referatur.

58 De crudiendis Abecedarijs sedulo seruetur, quod in Constitutionibus habetur his verbis. In legendo & scribendo alios instituiere opus etiam charitatis esset, si is personarum numerus Societati suppeteret, vt omnibus vacare posset: propter earum tamen penuriam

hoc

hoc ordinarie docere non consueuimus.

59 In cæteris etiam Classibus, quas admittere solemus, admittendis prospiciatur, vt quam minimo fieri potest earum numero grauetur Societas. Ordinarie tamen quinque solent esse, sed vbi quinque non sunt, videatur, an obtineri possit, vt altiores potius retineantur scholæ, sublata infima; nec in Gymnasium admittantur, qui Rudimenta & Syntaxeos introductionem nō bene teneant, nisi alicubi aliud iudicet Prouincialis.

60 Vbi ingens affluit auditorum multitudo, consideret, an aliqua Classis diuidenda sit in duas: & si in duas, in ambasne vniuersimodi, an in duos ordines diuisas propter magnā discipulorum inæqualitatem; non tamen multiplicet præceptores Generali inconsulto. Delibere etiam, an aliqua Classis, vt Rhetoricæ, duos requirat Professores: quamuis enim vnus satis sit, cum quaternis quotidie horis in ea docetur, sicut ordinarie docendum est: vbi tamen doceri solet quinque horis, videat, an Professor, penes quem totius scholæ administratio est, per Adiutorem aliquem vnius lectionis onere leuandus sit.

QVA UTENDVM GRAMMATICÆ.

61 **A**EQVVM est nostris in scholis nō aliam, quam P. Emmanuelis Aluari

B 2 Gram-

Grammaticam exponi. Quod si quotidianis fere experimentis compererit Præpositus Provincialis illam accuratioris esse methodi, quàm in sua Prouincia ferat puerorum captus, licebit aut vti Emmanuele in Romanam methodum nuperrime redactò, aut consulto Præposito Generali illam alia quapiam ratione suorum consuetudini, & ingenijs adaptare, salua tamen ipsa vi ac proprietate omnium præceptorum Emmanuelis.

MAGISTRO RVM DELECTVS

& institutio.

62 **O**MNI ope contendat, vt quocunque potest perpetuos habeat Magistros: hi nanque & vtilius docent, & plus habent auctoritatis; & liberant nos ab incommodis, quæ a nouis Magistris oriuntur.

63 Quod si ex ijs, qui sponte hisce se scholis in perpetuum addixere, nonnulli aut defatigatione, aut docendi satietate minus strenuos in suo se munere præbeant, vacent vno alterove anno: & postquam vires refecerint, redeant ad scholas, si fructuosum id esse speretur; sin minus, Theologiæ aut Conscientiæ Casibus studeant, fiantq; legitimo tempore Sacerdotes, neque serius, quam si nõ docuissent, ne sint deterioris conditionis, quam alij.

64 Ex ijs, qui ad Societatem se conferunt, si quos nactus fuerit, qui per ætatem & ingeniũ

non

non magnos in grauioribus studijs processus facturi viderentur, eos (cum id sine vocationis periculo fieri potest) priusquam in Societatem admittat, benigne & comiter adhortetur, vt velint & apud se statuunt perpetuo, aut quoad Superioribus videatur, pueros docere: aperte tamen ac disertis verbis præmoneat & hoc docendæ Grammaticæ munus magis utile esse quam speciosum, & ipsos hac conditione in Nostrorum numerum cooptari.

65 Hac lege qui allecti fuerint, intelligant licitum sibi non fore ab ea deinde discedere. Quod ne vanum sit, neue defugiendi muneris causæ quærantur; in iussu Præpositi Generalis ad alia officia ne trāsferātur, vt difficultas rei consequendæ eos a tentādi volūtate deterreat.

66 Magistri non perpetui ordinarie non minus triennio doceant: sed neque id temporis prorogandum, nisi permissu Præpositi Generalis: sed & illud magnopere caueant qui præfunt, ne cum quis se strenue ac patienter gerit in docendo, suam hanc esse occasionem existiment, vt illum magis ac magis onerent, aut diutius in eo laborare detineant: alioquin ne id sibi contingat, segnius alij atque oscitantius suo munere fungentur.

67 Ne Magistri docendi rudes ad docendum accedant, & quæ antea non didicerint, ea deinde discere cogantur cum Auditorum damno nostræque existimationis iactura, Primarij

Collegij, ex quo humaniorum litterarum & Grammaticæ Magistri solent educi, Rectori, studiorumque Præfecto demandet quotannis sub æstiuum solstitium, vt deligant vnum aliquem docendi peritissimum, ad quem quotidie (præter diem recreationis aut publicæ disputationis Metaphysicorum) per horam futuri Doctores conueniant ad nouum instituen- di Magisterium, idque vicissim prælegendo, scribendo, dictando, emendando, aliaque munia boni Præceptoris obeundo.

68 Ab hac exercitatione quotiescunque per æstates singulas redierit, nulli, qui indigeant, eique non incommode vacare possint, eximantur: non Rhetores, non Casistæ, non Philosophi, non Theologi, si docturi sunt: cum enim ad eos probe instituendos vno anno satis tēporis non sit, ea institutio per plures annos iisdē inculcanda est: Inde etiā fiet, vt quoties necessitas, præsertim tumultuaria coget, copia suppetat eorū, qui Magistrū agere possint sine ijs periculis, quibus patere solēt rudes Magistri.

69 Ad tuendam Humaniorum studiorum auctoritatem, & conseruandam Magistrorum veluti seminarium quoddam, habere studeat in Prouincia binos vt minimum, aut ternos Humanioribus litteris & eloquentia præstantes. Quod ita consequetur, si ex ijs, qui ad hæc studia idonei propensiq; sunt, ad ea subinde non nullos dicare studeat, cæteris facultatibus sa-

tis excultos, quorum opera ac sedulitate bonorum Professorum genus quoddam & tanquam seges ali ac propogari possit.

70 Iam vero scholis Nostreis admodum conducibile esset, Nostros (nisi necessitas aut aliquorum præstans ingenium ac doctrina aliud exigat) initium docendi facere ab ea schola, qua vno saltem gradu superiores scientia sint; & quotannis ad altiore progredi cum magna parte auditorum suorum, præsertim in Collegijs minoribus, in quibus Magistrorum commutatio cum magnum momentum habeat, minus tamen sentietur, si notis iam Magistris & magna æstimatione præditis alijs nec prorsus ignoti, nec sine aliquo bene docendi usu atque opinione succedant.

71 Enitendum porro, vt scholis nequaquam præficiantur, qui vel philosophiam (si eam audieturi sunt) nondum audierint, cum qui iam audierint, non desunt: vel ætate, seu moribus leuiores sint: facile nanque vel vilescunt, vel insolescunt, vel rebus noxijs implicantur.

NULLAE EXEMPTIONES

a docendi munere,

72 **E**orum, qui Philosophiæ aut Theologiæ alijsve Societatis ministerijs vacaturi sunt, Præpositus Prouincialis neminẽ nisi permissu Præpositi General. a docendi munere in classibus Græmaticæ, vel humanitatis, exi-

mat, vt omnis querelarum & æmulationum
occafio præcidatur.

73 Etsi cum cætera paria sunt, docendæ Grâ-
maticæ partibus potius grauandi videntur
cæteri, quam qui Theologi iam sunt: non ta-
men hi penitus liberandi, si nunquam eam do-
cuerûnt, siue in Societate, siue extra studuerint
Theologiæ.

74 Si quos Prouincialis in sua Prouincia ha-
beat ex aliena missos studiorum caussa, ne ijs
quidem immunitatem dandam putet, ne vel
ea inæqualitas offendat cæteros. Illos itaque
suo tempore aut scholis ipse præficiat, aut in
suas remittat Prouincias ad docendum, aut
ad alias, quæ Magistrorum indigeant.

75 Quod si qui eorum, qui nūquam docuere,
post auditam Philosophiam distributis iam
scholis redundât, retinendi per annum viden-
tur in classe Rhetoricæ aut Humanitatis, vt in
prôptu id genus Professores habeamus, sicubi
opus sint. Annus autem, qui ita cōsumptus fue-
rit, quanquam in discêdo potius quàm in docen-
do, æquum est, vt numeretur inter tres annos,
quibus ab vnoquoque docendum est.

76 Denique si hoc etiam adhibito remedio,
adhuc abundaremus huiusmodi Magistris,
aut interdum Theologiæ seu Philosophiæ Præ-
ceptoribus egeremus, tum consulto Præposito
Generali locus esset aliquos eximendi: exi-
mendi autem essent minime ambitiosi, quique
mode-

modestiz atque obedientiz studio ceteros anteirent vt plane intelligatur ab omnibus hoc præmium virtutis, non ambitionis esse.

77 Quinimo ne inter Nostros perniciofa ingeneretur opinio, ambitiofos & retractantes leuari onere: modestos & obsequentes opprimi: nec deesse qui simulata imbecillitate, aut Grammaticæ littérarumque Humaniorum in scitia, docendi onus detrectant, iubeat, si qui prætexerent in scitiam, erudiri publice aut priuatim, quoad idonei sint ad docendum: Eos autem, qui esse censerentur minus infirmis viribus, quam sibi ipsi videantur, aut scholæ non magni laboris præficiat, aut in classe Rhetoricæ, quoad dicant se conualuisse, detineat.

78 Quanta maxima etiam potest diligentia, & si oportuerit seueritate, caueat, ne ex Consultoribus aut Superioribus, aut ex Seniotibus vllus ita quorundam iuuenum indole, atque ingenio delectetur; ita conciones, disputationes, cæteraque quæ ab illis geruntur, etiam si mediocria, laudibus efferant, vt facile eiusmodi blanditijs non modo capiantur, sed etiam extollantur adolescentium animi: incipiantq; maiora moliri studia, & ad profitendam Philosophiam aut Theologiam ita sensim ac tacite aspirare, vt Grammaticæ, & Humanitatis contemnunt Magisterium.

79 Ipsos etiam iuuenes, quos animaduertit aut sponte, aut seniorum elatos gratia, aut incita-

incitatos exemplo paucorum, qui alieno patrocínio ac deprecatione immunes à docendi iugo ad officia speciosiora promoti sunt, ipsos quoque inire velle viam illam, quam expeditā vident esse ad id quod habent in votis, consequendum, ita coerceat ac frangat, ut persuasum omnibus sit Instituti nostri rationē, scholam esse humilitatis, non inuidiæ & ambitionis seminarium.

QVOMODO CONSERVANDI

Præceptores.

80 **C**VRET diligentissime, ut salva religiosi instituti disciplina, Præceptorū cōseruet hilaritatem, & in ea putet posita esse præsidia omnia scholarum bene gerendarum: de quibus non optime mereri solent Magistri, quam diu amaro sunt animo, ut vix suo muneri satis faciant.

81 Videat itaque, ne hoc nomine, quod Humanitatem aut Grammaticam doceant, irrideantur ab alijs: quæ res vulgo hæc studia reddit odiosa, & multos alioquin bene animatos ab eis deterret tanquam probrosis: quāquam Grammaticæ & Humanitatis Magistri occasionem sui irridendi præbere non debēt, exagitando Philosophos ac Theologos tanquam barbaros.

82 In Collegijs præsertim minoribus, operam

nam dabit, ut Coadiutorum satis sit, ne eorum munera Magistri obire cogantur, diebus præfertim quibus docent, quo se commodè parare possint: & satis fuerit dominico die tantum (nisi alius ipsis Professoribus sit commodior) in huiusmodi eos ministerijs occupari. Potius auditores, aut etiã Confessarij, si quando oportet, onerandi essent.

83 Sua Grammatici recreatione non careant semel in hebdomada vel per integrum diẽ, vel saltem pomeridianis horis, prout Regionum usus tulerit: ad quã mittendi essent a Superiore, sicut ceteri Professores: Ea, nanque cura Præpositorum mirifice exhilarat subditos, red ditque alacres ad laborem.

INCITAMENTA STUDIORVM.

84 **P**UBLICA præmiorum distributio, par est, ut quotannis recurrat: nec Dramata æquo diutius intermittantur; friget enim Poësis sine theatro, modo ne labor ille multiplex in erudiendis actoribus, in varia veste sumptuque conquirendo, in extruendo Theatro, alijsque scenicis actionibus, ferme totus incumbat in Poetam; cum æquissimum sit illum aliorum, qui ab ipso dirigantur, operaleuari. Neque vero quo loco dramata exhibentur, aditus sit mulieribus: neque ullus muliebris habitus, aut si forte necesse sit, non ni-

si de-

si decorus & grauis introducatur in scenam.

VACATIONES ET DIES FESTI.

85 **V**ACATIONES vbi fere non sunt, non videntur introducendæ, nisi moderatæ, si sine offensione res fieri possit. Sicubi autem vacationes nequeant dari discipulis, certe Magistris dari par est ad tēpus aliquod, videlicet successores assignando.

86 Tam in vacationibus hebdomadarijs, quā in alijs, quas vel omnibus Prouincijs nostris, vel earum quibusdam conuenire iudicatum fuerit, constantia non minus inuiolabiliter seruetur, quam in plerisque Externorum Aca-
demijs cernitur, vt non leuibus, sed maximis de causis, si quid immutandum est, immutetur, cum è Nostri Gymnasij dignitate non sit tam facile vacationis diem modo differri, modo anticipari.

87 Anniuersarias Rhetoricæ vacationes, siue vnus Magister sit, siue plures, longiores vno mense esse non oportet: vbi vero breuiores dari solent, nequaquam prorogandæ, modo ea de re ab aliqua vniuersitate, vel à Nostrorū Præpositorum Generalium vllō aliud constitutum non sit.

88 Vacet Humanitatis classis tribus Hebdomadis: prima Grammaticæ duabus: vna tantum

tum reliquæ, nisi ubi toto mense Septembri vel Octobri pro regionum varietate, vacare cogit omnes auditores necessitas redeundi ad patriam, & quærendi commeatus ac sumptus.

89 Quo tempore Superiorum facultatum Classes vacant, inferioribus à prandio semihora remittenda non est, nisi summis tantum caloribus, nec plusquam per mensem: reliquo autem tempore item ut cætero anno duas horas ac dimidiam quotidie doceatur, etiam a prandio.

90 Ne populus offendatur frequentia vacationum, toto anno quoties dies aliquis festus in hebdomadam incidat, nullus præterea vacationis dies concedatur, sicut neque in hebdomada Paschatis & Pentecostes, cum diebus festis tribus satis feriatum sit.

91 Ferientur omnes classes tum mane tantum in die commemorationis Defunctorum, & in feria quarta Cinerum: tum vespere tantum in perunigilio Natalis Domini, & Pentecostes, & in feria quarta maioris hebdomadæ & in die Recreationis hebdomadæ.

92 Vacetur etiam toto die tum tribus ultimis diebus maioris hebdomadæ, tum in feria quinta sexagesimæ, ubi mos est eum diem Genio concedi, ne sine graui causa dies vacationis suo moueatur loco. Sed feria secunda &

tertia

tertia Quinquagesimæ, nisi aliter consuetum sit, doceatur.

QUAEDAM ALIA SCHOLARVM
adiumenta.

93 **D**OMI Latinæ linguæ vsum strenuè conseruandum, curet non a Professoribus & Auditoribus modo, sed in Collegijs, præsertim quæ Nostrorum Seminaria sunt, a Superioribus etiam, & a Sacerdotibus omnibus, licet Confessarijs tantum.

94 Efficiat omnino, ne in primarijs Collegijs, in quibus numerus discipulorum copiosior esse solet, tam pauci sint Confessarij, vt Auditores plurium classium, aut vnius omnes vnum adire cogantur, cum præsertim æquum non sit minora Collegia Confessarijs abundare, indigere Primaria; aut si non indigent, illis tamen vti potius ad externos alios, quam ad nostros discipulos audiendos, cum id officij non minus his, quam illis, & forte etiam his magis aut debeatur, aut vtiliter impendatur.

95 Videat, an Catechismus ex libello P. Canisij in sua etiam Prouincia commode possit exponi, vt cum reliqua Societate consentiat. Verum sicubi libellus alius, nihilo minus utilis introductus iam sit, de mutatione non est magnopere laborandum.

96 Quoties in his Regulis, aliquid Prouinciarum

ciarum seu Prouincialium arbitrio relinqui-
tur, ex illis leuiora quædam Præfecto, paulo
grauiora Reſtori demandet; præcipua ſibi re-
ſeruet, modo nec à ſe nec ab illis ſine perito-
rum & Magiſtrorum conſilio ſtatuantur. Intel-
ligat tamen hic non agi de ijs, quæ inconſulto
Præpoſito Generali facere non poteſt.

REGVLÆ RECTORIS.

Par. 4.
proem.



VM ad hoc Collēgia & Vni-
uerſitates Societas amplecta-
tur, vt in his Noſtri commo-
de poſſint & doctrina cæte-
risque rebus, quę ad adiuuan-
das animas conferūt, inſtrui:
& quę didicerint ipſi, cōmunicare cum pro-
ximis; potiores nullas ſui officiij partes eſſe
Rector exiſtimet, quam efficere, vt ſalua reli-
gioſę vitę pietate hunc finem, quem in Gym-
naſijs admittendis Societas ſibi propoſuit,
conſequatur.

DE SCRIPTVRIS.

2 **A**C primum operam ac diligentiam
præcipuā collocet in excolendis pro-
mouendisque ſcripturarum ſtudijs: Magnam
quoque rationem habeat eorum, qui in hac ſa-
cultate illuſtranda ſtrenue laborant: Hi nan-
que cum linguarum peritia, eruditionis varie-
tate, antiquitatis obſeruatiōe, Scholaſticę
munimento, alijsque præſidijs egeant; niſi mo-
dis omnibus ſubleuentur, incitenturque; vix e-
runt, qui poſſint laborioſum hoc ſtadium de-
currere.

3 Itaque ſedulo perficiat, & vt Noſtrorum
auditorum frequentia, quanta fieri poteſt, ſu-
blatis

blatis ferme exceptionibus, hæc lectio cohoneſtetur: & vt huius facultatis Profeſſor ea doctrinæ, eloquentiæ, ingenij, aliarumque rerum præſtantia excellat, vt ſcientiæ, quam tractat, exiſtimationem & dignitatem ſuſtentet, atque amplificet.

4 Quo iuniorum animi ad Scripturarum ſtudia magis inflammentur, ad Magiſterium Doctoriſvè gradum non promoveantur, niſi qui prius nonnullas Theſes de primarijs aliquot Scripturæ locis defenderint, ſcholasticis intermiſcendas conſuſionibus.

5 Ad id etiam non parum conferet, ſi det operam Rector, vt Scholæſticæ Profeſſores quoties inter prælegendum aut diſputandum egregiū aliquem Scripturarum expoſitorem in mediū producant, aut ab alijs productum audiunt, eum & cum dignitate proferāt, & ab alijs prolatum excipiant honorifice.

6 Proderit etiam, ſi ſtatuat diem, quo & ſemel in hebdomada domi repetantur prælectiones Scripturarum: & ſemel etiam ſingulis menſibus auditorum aliquis celebriorem aliquem Scripturæ locum, dum cœnatur aut prandetur, explicet in triclinio.

DE SCHOLASTICA

Theologia.

7 I TA reliqua negotia diſpenſet ac temperet, vt omnes quidem litterarias exer-

C

cita-

citationes fouere atque amplificare possit; cum primis vero frequenter interesse Theologorum Philosophorumque disputationibus priuatis & publicis: obseruet quibus causis fructus huius exercitationis impediatur: Corrigat quæ corrigenda sunt: collaudet strenuam in ea re operam quorundam: aliorum socordiam redarguat saltem priuatim ac seorsim: perficiat denique, vt intelligant omnes magnam eam rem sibi curam esse.

8. Non ferat Auditorum vllum disputationibus abesse, multo minus quam lectionibus: nec patiatur, vt quicquid occupationis extraordinem illi nanciscuntur, aut nancisci possunt, id omne conferant in diem, & horas disputationum, non secus ac si supernacua & otiosa quædam res esset. Sane spes nulla futura est rem istam bene componendi, nisi firmissime statuat Rector eum se præbere, per quem nulli liceat disputationibus deesse, eaque omnis spes præcidatur non secus, imo & multo seuerius, quam si dies esset lectionis.

9. Si priuatæ Nostrorum repetitiones fiant in Gymnasio, quamuis extra scholarum tempus, non prohibeat Rector externos, si velint repetere cum Nostris, modo externorum gratia nihil commutetur de tempore & modo, quæ Nostris commoda sunt iuxta Societatis consuetudinem.

10. Repetitionibus, quæ per anniuersarias vacationibus

cationes domi a Philosophis & Theologis fieri solent, curet, vt intersint omnes priori mensi; altero autem ita distribuatur eos, qui vicissim exeunt ad Villam, vt numero mediocri sustentetur hæc exercitatio per tres huius mensis hebdomadas; nam quarta penitus vacandum est.

11 Sicut boni doctoris est opiniones seligere tutiores ac magis receptas: ita ad Rectoris pertinet vigilantiam, præstare, ne quid in eo genere peccetur: & si quid peccatum fuerit, emendare, si peccatum sit non in opinionibus quæ rectæ in Deum fidei repugnant (in his enim quid facto opus sit, satis patet) sed in alijs, quæ merito Nostris placere non solent, & ad Societatis curam censuramque spectant.

12 Si quid animaduersione dignum observatum delatumue sit de cuiusquam Professoris doctrina, eum Præfectus admoneat: si admōnenti non acquiescat, rem expendant ac dijudicent Rector & Præfectus, adhibitis in consilium duobus, vbi sunt, Professoribus alijs: & si res postulat, recognoscant etiam scripta duorum triumue auditorum: interrogent etiam duos tresue secreto, & caueant, ne quid calumniæ subsit; id enim impunitum esse non debet ad terrorem aliorum.

13 Vbi de re constiterit, Rector Præceptorē admoneat humaniter: & si quid handquam ferendum fuerit, retractet continuo: se-

cus amoueatur: sin res non adeo clara sit, expectet occasionem aliquam, omnino tamen & quamprimum quærendam, qua dicat, Illud sibi aliquando placuisse, nunc autem minime, faciatque, ut quæ scripserant, corrigant auditores.

14 Quicquid inter Præfectum & Professore aliquem non conuenerit, præsertim in recognoscendis corrigendisque Conclusionibus, quæ sub aliquo Professore defendendæ sunt, ad Rectorem referatur: qui postquam eos, aut etiã si oportuerit, alios audierit, quicquid statuet, per Præfectum denuntiet atq; exequatur.

15 Quæ de Gradibus conferendis, vel de Horarum distributione per annum, vel de linguæ Hebrææ auditoribus, vel de eiusdem linguæ & Mathematicarum rerum Academia per sex menses post Moralem Philosophiam, vel de vacationibus aut Remissionibus studiorum, vel de festis diebus per annum à Præposito Provinciali constituta fuerint, & mature sciat, & diligenter custodiat.

DE CASIBVS CONSCIENTIÆ.

16 **D**VM publica Casuum prælectio domi repetitur, ad eam (nisi suam seorsim habitori sint Collationē, quod fere satius est) conueniant omnes, etiam Sacerdotes, qui in eo collegio, licet auditores non sint, sunt ta-

men publici confessorij. Accedant autem parati, ut interrogentur: & interrogent.

17 Vbi nulla est publica Casuum lectio, Sacerdotes Nostri tam in Collegijs quam in domibus bis aut semel in hebdomada conveniant ad habendam inter se de Casibus Collationem aliquo præside, qui prudenter ac tuto possit hanc provinciam sustinere.

18 Ab hac Collatione, præter Theologiæ Professores, aliosque Patres Præsidi suppare, qui mutuis horâ extraherent contentionibus, nulli præterea Sacerdotes, qui ex professio, vel interdum confessiones audiunt, eximantur, imo curandum est, ut ipsi etiam Superiores quoad commodum fieri potest, interesse studeant: Magistri etiam scholarum, nisi nimium gravarentur. Hac enim exercitatione nisi vel audita recolant, vel nova etiam addiscant, magnopere verendum est, ne in multis, quæ sui muneris sunt, per inepte, aut etiam perperam se gerant.

19 Erit autem Collationû hæc fere ratio. Principio Præses materiam aliquam, de qua disserendum sit, proponat: eius deinde præcipua capita, ac fundamenta ipsemet aperiat breviter, ut generalem quandam notitiam & tanquam lucem in omnes illius tractationis partes præbeat.

20 Deinde ad singularum partium, & questionum explanationem accedat; non ut ipse per se illas exponat, sed alicui mandet de illius

materiae parte aut capite aliquo tres quatuorue Casus seligendos: eosque à se recognitos & emendatos in Collationum loco iubeat affigi, notato die, quo pertractandi sint.

21. His Casibus, qui propositi fuerint, studeant ceteri vel indistincte apud quoscunque voluerint Doctores, vel (quod utilius videtur) quilibet apud vnum aliquem à Præsidente præstitutum. Postquam conuenerint omnes, ipse interroget de primo Casu fere tres, quos satius est præmoneri & vicissim commutari. Postea ex his, quæ dicta sunt ab illis, colligat ipse doctrinam, quam vt tutiorem sequantur vniuersi. Eodem deinde ordine Casum secundum, & reliquos deinceps excutiat.

22. Illis Casibus sic explicatis à Præsidente, proponant, qui velint, suas ipsidem de rebus dubitationes, respondente vno ex illis tribus præmonitis, & Præsidente tandem, quid sentiendum sit, definiente. Erit autem Sacerdotum, sententia Præsidis esse contentos, nec illius opinionones apud alios Doctores exagitare. Id ne fiat, seuere caueat Rector, ruet enim huius exercitationis fructus omnis, nisi auctoritatem Præsidis tueatur.

23. Hoc ordine pertractari possunt singulae quaestiones, quæ ad aliquam materiam pertinent: deinde ad aliam gradus fiat. Si qui tamen Casus alicui Confessario extra ordinem acciderent, quorum explicatio grauis, ac difficilis

facilis esset, deferantur (si nihil obstat) Præsi-
di, vt ipse illos expendi versarique iubeat in
repetitione proxime futura, seruatō modo ac
formula ordinarijs quæstionibus præscripta.

DE PHILOSOPHIA.

24 **N**OSTRI ad Philosophiam audien-
dam non admittantur, nisi post vnū
saltem annum in Humanitate consumptum,
& in Rhetorica alterum, si grandiores sint, ex
quibus haud magnus in hisce rebus fructus
expectari queat: nā cæteri biennio detinean-
tur in Rhetorica; aut, si quorū patiatur ætas,
& egregij sperentur progressus, neque id ipsis
molestum sit, triennio etiam.

25 Cum nostris etiam alumnis, aut Conuictoribus agendum est, quoad eius fieri poterit, vt
vel annum audiant Rhetoricam, antequam
Philosophiam aggrediantur, eorūque paren-
tibus, quantum id expediat, demonstrandum.
Cum cæteris quoque externis id tentandum;
paulo tamen mitius, præsertim cum grandio-
ribus; nec tamen eiiciendi, si nolint acquie-
scere. Si qui tamen adhuc plane pueri ad Phi-
losophiam velint accedere, ex quibus pertur-
batio potius timeatur; posset cum ijs agi, quod
de illis, qui nolent promissione obligari, vel
nomina in Matriculam referenda dare, præ-
scribunt Constitutiones. p. 4. c. 17. D.

26 In examine, quo diiudicanda est, quinā ex Nostreis ad Philosophiam audiendam admittendi sint, si quos siue ex ingenij tarditate, siue ex ætate iam prouecta parum profecturos in Philosophia compertum fuerit, ij statim ad audiendos Casus mittantur, sed post auditam Logicæ summulam, non publice tamen, sed priuatim ante Studiorum Renouationem.

27 Qui vero non leue specimen ingenij ediderint, nec paruam de se spem fecerint, Philosophiā aggrediantur, sed sub Paschales ferias rursus examinandi: & quicunq; nihilo minus quā mediocrem in Philosophia progressum facturū videbuntur, in ea pergere toto triennio iubeantur. Contra vero ab ea mediocritate qui abfuerint, mittantur ad Casus statim, siue quando opportunius videbitur: Quod si linguam Latinam bene teneant, eam ut docere velint, curandum.

28 Si qui tamen dubij plane fuerint, ut de eorum fructu nihil certo, nec valde probabiliter statui possit, pergant totum annum, deque illis repetito ad Septembrem examine, iudicium vltimum feratur.

29 Fiat examen (nisi obstat multitudo) simul omnium: cui si qui ex ineptis vltro nolint exponi, non exponantur, eoque ipso inepti esse intelligantur. Vniuersi porro quicunque amouēdi sunt ab incæpto Philosophiæ studio, quam suauissime fieri potest, amoueantur.

30 Verūtamen si qui non multo minus quam mediocri essent ingenio, magnam vero præ se ferrent indolem ad regendum, vel ad concionandum, non viderentur arcendi a Philosophiæ & Theologiæ studio, nisi magna appareat inæqualitas, quæ Nostorum tranquillitatem valde perturbat, cum præsertim eos imprimis, qui Concionatores aut Superiores futuri sunt, oporteat in humilitate fundari, & paratos esse ad desistendum a studijs, cum oportuerit.

31 De Vacationibus, de Repetitionibus, de Disputationibus, de Censura Doctrinæ & alijs id genus, de Philosophis etiam intelligantur, quæcunque de Theologis dicta sunt, ut suis ferre locis superius indicatum est.

LINGVÆ LATINÆ VSUS.

32 **D**OMI linguæ Latinæ usum strenuè conseruandum curet a Professoribus & auditoribus nostris, imo & a Sacerdotibus omnibus licet Confessarijs tantum, ut scilicet Nostri parati sint, si quando usus ferat, ad Concilia Prouincialia Episcoporum, & ad prompte loquendum cum aduenis peregrinæ linguæ.

33 Ab hac Latine loquendi lege non eximantur nisi Vacationum dies, & si ijs qui præsent, videbitur, Recreationis hora. Superiores per

se ipsi huius rei censura fungantur: sit & Præfectus non tam aliorum censor quam admonitor, sicut & Magister Auditorum.

34 Minuendam curet eam opinionem, quæ siue ex inscitia, siue ex praua quadam consuetudine increbuisse videtur, Nempe parum acutos esse in intelligendo, qui sint in loquendo disertissimi, aut paulo cultiores: efficiat potius, ut Magistri & auditores, etiam Theologi & Philosophi turpe sibi putent barbare & inquinatè loqui, pulchrum disertè & latine, & irrideatur atque adeo explodatur a quotidiani sermonis usu tam domi, quam in scholis fœda quædam barbaries, & verò affectata nonnunquã a nonnullis, quo videantur doctiores: cum contra vera latinitas non modo impedimento non sit ad rectè intelligendum, sed magno etiam adiumento ad sensû animi vel cum dignitate Magistrorum, vel cum discipulorum utilitate conferenda.

35 Quo verò magis his litteris vel immisceatur, vel uti cogantur, superiorum facultatum Professoribus etiam Theologis præcipiat, ut quotannis in auspicijs docendi præfationem habeant minimum vnius quadrantis horæ: barbariem vero non modo ipsi fugiant, sed in Auditoribus redarguant; aut certe eam si fugere non possunt, significant tamen sibi displicere.

36 Ad hæc ut cæteri elegantia studiosos, quorum

rum opem aliquando implorāturos sese intel-
ligant, contemnerē vereantur, & disertī pluris
æstiment hæc studia, quæ etiam Philosophis ac
Theologis decora esse videant, grauitèr com-
mendet, vt quicunque publicas theses in celē-
briori aliquo conuentu defensuri sunt (ad ve-
ro nullis argumentantibus permittendū) bre-
uem habeant præfationem, ab omni quidem
specie assentationis alienam, sed bene Latī-
nam, nec minus verbis quam rebus illustrem.

37 In argumentando etiam videant, non mo-
do quid dicturi sint, sed etiam quomodo di-
cturi; nequod sæpe accidit, argumentum so-
læcismis inquinent. In Problematis etiam
ac disputationibus publicis disertī indisertis,
si cetera sint fere paria, anteponantur.

38 Faciendum quoque; vt Nostri litteras, cū
ad eos scribunt qui Latīne intelligunt, Latīne
seribant; Bis adhuc aut ter in anno cum ali-
qua celebritas agitur, Philosophi ac Theolo-
gi carminum aliquid affigant: Id qui ne-
sciunt, soluta tamen oratione breuem cohör-
tationem aut Paradoxum aliudve id genus
conscribant affigantque. Quæ omnia sponte
euenient, si Philosophiæ ac Theologiæ Magi-
stri ex Humaniorum litterarum peritis ac stu-
dio sis deligantur.

DE PRÆFECTO STUDIORUM, EO
*præsertim qui facultatibus superio-
 ribus præest.*

39 **F**aciendum sibi omnino putet esse Re-
 ctor, vt studiorū Præfecto quāto plus
 potest suæ potestatis impertiat in rebus litte-
 rarijs moderandis: ex eo nanque fiet, vt & ipse
 magis expedite in alias curas adijcere animū
 possit, & Præfectus liberius atque alacrius suo
 munere perfungatur, & cæteri illum magis ve-
 reantur & colant.

40 Itaque Rector primum adsciscat aut po-
 scat sibi Præfectum non eū, cui quædam quies,
 aut immunitas conueniat potius, quam tam
 magnus ac multiplex labor: oportet enim ef-
 se virum quam maxime fieri potest acrem, so-
 lertem, assiduum, obsequentem, & rerum, quas
 pertractat, scientissimum: deinde illum quan-
 ta maxima potest auctoritate muniat atque
 instruat, vt vere Præfecti, non administri tan-
 tum aut internuntij personam agat.

41 Quicquid igitur in re litteraria agendum
 est, id agat Rector per Præfectum: Efficiat
 quoque, vt si quicquam ille, quod a Professo-
 ribus auditoribusve erratum sit, deferat per
 se vel per Bidellum, obtineat, vt is qui erraue-
 rit, a Rectore eiusve Ministro statim (nisi
 quid obstitit) pœnas pendere iubeatur.

42 Si quid denique Rectori delatum fuerit de
 Præ-

Præfecto, nihil ipse constituat, sed re cum illo communicata, quicquid mutandum videbitur, mutet opera Præfecti: qui id opportune præstet ac prudenter, tanquam re melius a se perspecta mutasset consilium, ut ipsius consulari auctoritati; alioquin varijs patere posset calumnijs, ut propterea neminem reprehendere audeat, vel monere.

DE INFERIORIBVS STVDIIS,

hoc est, Grammaticæ, Humanitatis,

& Rhetoricæ.

Quomodo conseruandi sint Professores.

43 **P**RINCIPIO existimet maxime sibi cordi esse debere, ut salua religiosi instituti disciplina, Præceptorum conseruet hilaritatem, & in ea putet posita esse præsidia omnia Scholarum bene gerendarum; de quibus non optime mereri solent Magistri, quando amaro sunt animo, ut vix suo muneri satisfaciant.

44 Videat itaque ne hoc nomine, quod Humanitatem aut Grammaticam doceant, irrideantur ab alijs: quæ res vulgo hæc studia reddit odiosa, & multos alioquin bene animatos ab eis deterret tãquam probrosis: quanquam Grammaticæ & Humanitatis Magistri occasionem sui irridendi præbere non debent exagitan-

gitando Philosophos ac Theologos tanquam barbaros.

45. Prospiciat quoque, ne aut ministerijs domesticis magis onerentur, aut minoribus commodis in distributione vestium, cubiculorum, rerumque huiusmodi fruantur, quam Professores Philosophiæ, quippe cum in minus specioso ac magis molesto opere versetur, quam alij.

46. In celebritatibus & conuentibus publicis, inferiorum Classium Præceptores non debent negligi, sed potius sedere post Magistros Philosophiæ, si hi quoque adsint, in quo tamen locorum consuetudo spectanda est.

47. Qui vacant Humanitati, si quid carminum aut Orationum publice proferunt aut pronuntiant, det operam, vt tam ipse quam seniores patres intersint, audiant, collaudent; sin nihil tale scribunt atque edunt, eos ipse vrgeat atque inflammet ad hoc exercitationis genus: vtile quoque foret ter aut quater in anno egregias aliquas siue solutas, siue metro astrictas compositiones, Nostrorum publice pronuntiari in aula aliqua vel in triclinio cum aliqua celebritate & conuentu omnium.

48. Alternis saltem mensibus conuocet Humanitatis ac Grammaticæ Magistros, vt beneuole roget, ecquid eis desit, ecquid scholarum, progressum impediat, & alia huiusmodi. Id vero non solum cum vniuersis faciat in conuentibus, qui agi solent, sed etiam cum singulis, vt

& liberius possit signa edere suæ in illos benevolentia, & vtilius si quando opus sit, admonere: ipsi etiam fidentius per eam occasionem suas necessitates exponent.

49 Si quis Magister in docendo, aut alijs in rebus suo muneri defuisse videbitur interdum, errantem perquam humaniter admoneat: neque per se ipse dumtaxat, sed per alios etiam, quibus ille non grauante solet acquiescere: nec semel, aut iterum, sed sæpe & sæpius, donec emendationis spes reliqua est. Tandem curet in Magistros frustra admonitos animaduertendum: aut ne animaduersione quidem correctos, mature, priusquam malum serpat latius, amouendos.

QVAEDAM ALIA SCHOLARVM adiumenta.

50 **A**GA T cum Præposito Prouinciali mature de ijs, quæ à se ipso circa scholas inferiores constitui nequeunt: & quæ ab illo constituta iam fuerint, cum Præfecto, & si opus est cum consultoribus conferat ad explorandum, quonam quidque modo exequi satius sit; & post deliberationem quæcunque ferme fieri volet, mandata det Præfecto, eumque sibi referre iubeat, an bene res cesserit; & multo magis, si ipsa rerum necessitas eum detruserit ad aliquid immutandum.

51 Si ob Gymnasij nostri amplitudinem ac varietatem per vnum studiorum Præfectum non videatur scholarum omnium rationibus satis esse prospectum, duos constituat: quorum vnus Inferioribus facultatibus ac disciplinis, alter Superioribus proprie ac per se præsit, inferioribus autem velut e longinquo, ac per alterum frequentius, quam per se ipsum.

52 Quinetiam sicubi consuetum sit, idque ingens discipulorum exigit multitudo; adijciat & tertium, qui scholarum atrio præsit, prouideatque, ne quid turbarum intra extraue scholas accidat: si acciderit, componat statim: examinet pueros, qui noui auditores ad nos accedent; aliaque huiusmodi munia obeat, ad morum potius curam, quam litterarum spectantia: quæ vt Rectoris est plura paucioraue, prout res tulerit, præscribere: ita eorum ratio Rectori, non vlli Præfeetorum reddenda est.

53 Oratio quoque in studiorum instauratione publice pronuntianda, non committat, vt ab alio quam a Magistro aliquo insigniore scribatur: verum si is memoria aut actione parum valeat, dicatur ab aliquo alio quamuis discipulo siue e Nostris, siue ex externis, si quis longe his rebus emineat. Quo in genere ne eiusdem argumenti iteratio seu similitudo pariat satietatem, ad idem argumentum nisi post plures annos non redeatur.

54 Enixe conandum, vt quolibet anno semel
cum

cum minimum præmia publice distribuuntur modo sumptus, ad quos liberaliter tribuendos prudenter ac beneuole essent inducendi vel Magistratus, vel Episcopi, vel ditiores & illustriores aliqui, moderati sint. Ea tamen statuatur moderatio, quam & Scholarum numerus, & amplitudo Collegij, & dignitas postulat Mæcenatum, quorum honorifica sane mentio facienda esset publice in ipsa præmiorum distributione.

55 De agendis Comædijs & Tragædijs ut tempestiue deliberetur, Præposito Prouinciali suggerat; Neque committat, ut labor ille multiplex in erudiendis actoribus, in varia veste sumptuq; conquirendo, in extruendo Theatro, alijsque scenicis actionibus, ferme totus incumbat in Poetam, cum æquissimum sit, illum aliorum, qui ab ipso dirigantur, opera leuari. Neque verò quo loco Dramata exhibentur, aditus sit mulieribus: neque ullus muliebris habitus, aut si forte necesse sit, non nisi decorus & grauis, introducatur in scenam.

56 Præmiola, quæ varijs subinde de causis distribuenda sunt ab vnoquoque Magistro victoribus pueris; esse possent fere illa, Adipisci honestiorem in schola locum: Vnum ab ijs, qui vapulant, ietum deprecari: Victoris nomen publice proponi in tabella Vncialibus litteris notatum, quod vnusquisq; puer qui velit, egregia librarij manu elaboratum secum habere

D atque

atque in scholam ferre posset in hunc usum :
 Dono accipere sacrā aliquam & quidem par-
 uam, sed non inelegantem imaginem, & cæte-
 ra id genus.

57 Ne Nōstris quātum satis est librorum de-
 sit, aliquem redditum annum amplificandæ
 Bibliothecæ attribuat, quem alios in vsus con-
 uertere non liceat. Bibliothecarium autē no-
 strum in librorum tam distributione quam
 emptione subiectum iubeat esse Præfecto: per
 quem etiam cūret, ne Magistri libris aut utili-
 bus careant, aut abundant inutilibus: efficiat
 etiam, vt tempestiue cum publicis Bibliothec-
 carijs agatur, ne librorum quibus priuatim &
 publice aut in dies vtimur, aut sequentem in
 annum vsuri sumus tam nos, quā externi au-
 ditores nostri, copia desideretur.

58 Sedulo deliberet, an præter Magistrorum
 pias exhortationes in Sabbatho, alia adhuc a
 Patre quopiam graui habenda sit in ampliore
 aliqua classe, ad quam inferiores tantum, vel
 etiam superiores cogantur: & an ex vsu sit, vt
 ipsemet Præfectus alijsve aliquo per hebdo-
 madam die in aliqua classe in orbem variā-
 da, monita salutaria & propria puerorum mo-
 ribus tradat.

59 Diebus & horis ad excipiendas discipulo-
 rum confessiones constitutis, contendat om-
 nino, vt Confessarij, quotquot opus fuerint,
 tempestiue præsto sint, ne tempus terant ex-

pectan-

pectando. Deliberet etiam quando & ubi post
Scholas Missam à discipulis audiri expediat.

60 Det operam denique, ut D. Mariæ Annun-
tiate Congregatio ex Romano Collegio in
suum propagetur, nec nisi qui ei nomen dede-
rint, cooptentur in Academiam, in qua recoli
solent scholasticæ exercitationes: huius enim
proprio tanquam pabulo ad illam inuitandi
sunt, modo ne ea, quæ ad Congregationem vel
Academiam spectant, fiant eo tempore quo
sacræ conciones seu lectiones habentur in
Templo.

REGVLÆ PRÆFECTI
SVPERIORVM FACVLTATVM.
OFFICIVM ET FINIS.



VDITORVM, Professorū-
que omnium regulas & ha-
beat, & perinde ac suas sedulo
curet obseruandas: cogitetq;
ad id se esse delectum, vt omni
ope atque opera P. Rectorem
adiuuet in scholis nostris ita regendis ac mo-
derandis, vt qui eas frequentant, quantum in
bonis artibus atque in vitæ probitate profi-
ciant, nec eos, nec eorum parentes pœniteat.

DE SCRIPTVRIS.

1 **A**C primum operam ac diligentiam
collocet in excolendis promouen-
disque Scripturarum studijs: curetque vt No-
strorum auditorum frequentia, quanta fieri
potest sublatiſ ferme exceptionibus, hæc lectio
cohonestetur.

3 Quo iuniorum animi ad Scripturarum stu-
dia magis inflammentur, ad Magisterium Do-
ctorisve gradum non promoueantur, nisi qui
prius nonnullas Theses de primarijs aliquot
Scripturæ locis defenderint, scholasticis in-
termiscendas conclusionibus.

4 Ad id etiam non parum conferet, si det ope-
ram

ram Præfectus, vt Scholaſticę Profefſores quoties inter prælegendū aut diſputandū egregiū aliquem Scripturarum expoſitorem in mediū producunt, aut ab alijs productum audiunt, cum & cum dignitate proferāt, & ab alijs prolatum excipiant honorifice.

5 Proderit etiam, ſi agat cum Reſtore, vt ſtatuat diē, quo & ſemel in hebdomada domi repetantur prælectione Scripturarum: & ſemel etiam ſingulis menſibus auditorum aliquis celebriorem aliquem Scripturæ locum, dum cœnatur aut prandetur, explicet in triclinio.

DE SCHOLAſTICA Theologia.

6 **V**BI tres ſunt Scholaſticæ Theologiæ Profefſores, eos ita ſibi temperare iubeat, vt hæc tripartita Theologiæ diuiſio auditorum ingenia non obruat, ſed ſubleuet: neque per hanc occaſionem plus infarciatur quaſtionum, ſed quod a duobus permoleſte & aceruatim fuerat ingerendum, à tribus commodè ac ſuauiſſime inſtilletur, ne plus oneris acceſſiſſe videatur, ſed idem quod erat antea, quo facilius ſuſtineretur, in plures fuiſſe diuiſum.

7 Vnumquemque ex Scholaſticis Profefſoribus, præſertim ſi quem paulo tardiorē compererit, vrgeat ad progrediendum, vt cuiuſque anni penſum perſoluat in tempore: neque

fatis esse putet, si respondeat is, inijisse iam se suas rationes, ut partem quam sortitus est, expleat quadriennio. Accideret enim aliquando, ut imprudens etiam ac nolens nunc alios, nunc se ipsum falleret. Eum igitur instiget, ut suas disputationes non ad quadriennij solum, sed ad annui etiam spatij normam, ac modum redigat & dispenset.

8 Cum non possint quaestiones singulae quolibet quadriennio copiose pertractari ab unoque Professore, obseruet Praefectus, quae nam quaestiones superiore quadriennio perstrictae aut amplificatae fuerint, ut praescribere possit, quid sequenti quadriennio dilatandum, quid contrahendum sit, cum valde expediat, quae in uno quadriennio breuius differuntur, in alio plenius disputari.

9 Omnibus disputationibus, ad quas professores siue Theologi, siue Philosophi, siue utriusque conueniunt, Praefectus intersit, atque omnia moderetur: argumentandi formam, loquendi vices, spatia singulis ad disputandum praestituta seuerè tueatur: nihil confuse, praepostere, perturbate agi permittat; absentes notet, & absentiae causas acriter inquirat.

10 Ex se pendere putet vniuersas disputandi leges ac fructum. Attentionem itaque ac modestiam omnium serio & grauitè exigat, hortetur, moneat, arguat; & quos oportet, coerceat, etiam Professores, quamuis cum his ut plurimum

num agendum sit comiter & honorifice : omnes deniq; qui disputationibus interfunt, intelligant , multum sua interesse , suam operam, silentium, verecundiam , acumen , acrimoniam indolem , perspicaciam a Præfecto probari.

11 Non committat quicquam, quod in disputationem veniat, vltro citroque sic agitari, & mutuis ita clamoribus confundi, vt non minus postea quam antea inexplicita atque indefinita maneat rei difficultas. Postquam igitur de aliqua re satis fuerit concertatum , iubeat eam ab aliquo Professorum, quantum satis est, explicari.

12 Argumenta non soluat ipse, sed argumentantibus, & respondētibus potius moderetur: id quod maiori cum dignitate præstabit, si ne argumentetur quidem, quamuis id aliquando possit, & interrogando potius, quo difficultas clarius explanetur. Potest interdum datam ab alio solutionem plenius explicare, & ostendere, quam bene satisfaciatur argumento, cum is qui argumentatur, nondum videtur esse contentus.

13 Seligat ipse cum Professorum consilio auditores, qui ingenio ac doctrina ea præstent, vt Theologicos actus siue Particulares, siue Generales cum dignitate celebrare possint bienio, quod repetendæ Theologiæ datur: vbi vero id nondum potuit introduci, anno Theolo-

gici studij quarto, aut si quo pauciores hi sint, tertio: idque etiam ubi Nostri domi Theologiam audiunt, externis tunc inuitatis cum apparatu.

14 Particulares actus vnā ex quattuor Theologiæ partibus complectantur; neque tamen quattuor ab vno quolibet habendi sunt, sed vnus: fiant autem ab instauratione studiorum ad paschales ferias, idque vel in Sabbatho, vel in festo aliquo minus celebri, vel aliter feriato die.

15 Post Pascha celebrentur Generales, hoc est, totius fere Theologiæ. Hos habituri qui sunt, eorum vnus in vltimam reseruetur hebdomadam, qua studia finienda sunt. Alter in eam, qua scholæ rursus aperiendæ.

16 Generalium conclusiones si placet, possunt & esse communes Nostris omnibus intra eundem annum defensuris, & publicis typis (nisi loci consuetudo id nequaquam ferat) excudi.

17 Particulares actus duabus horis & dimidia circumscribantur, nec nisi mane vel a prandio tantum. Generales vtrumque tempus occupent: vel ad quattuor aut quinque horas protrahantur, ubi non nisi mane, vel a prandio disputari moris est. Argumententur non minus quam tres, quorum primus sit Doctor.

18 Ad hos vtrosque actus nō nisi cæteris ingeniosiores admittantur. Et pauciores ad Generales

rales, quam ad particulares: ad quos particulares delecti qui fuerint, suam Theologiæ partem renouatis statim studijs Præfeti ac Professorum arbitrio sortiantur.

19 Ad Generales habendos bis aut ter quotannis inuitentur etiam externi ij, qui Theologiæ curriculum in nostro Gymnasio non exigua cum laude peregerint: Huiusmodi tamen Actus oportet esse cæteris solemniore: & frequenti Nostrorum Externorumque Doctorū conuentu celebrari.

20 Præsideant omnibus Actibus Professores vel alternis, vel simul ambo, quolibet de quæstionibus a se expositis respondente. Præsidere etiam possunt alij Doctores nostri, si fuerint, vel aliquis externus Doctor insignis auctoritate, si ratio foundationis, seu consuetudinis id exigat.

21 Conclusiones non sint plures quam octo vel nouem in disputationibus Hebdomadarijs; quam duodecim vel quindecim in Mensuris: quam quinquaginta in Generalibus: pauciores etiam, si publicus Academiae mos aliter habeat.

22 Conclusionum quælibet non excedat tria seu quattuor membra, non sterilia tamen: earum vero duas aut tres circiter breuiter confirmet responsurus, antequam disputetur: nec disputent externi, si fieri potest, nisi rogati.

23 **A**D obseruandum, quæ Professores minus caute doceant aut loquātur in scholis, illos audiat aliquando; nec rarius quam bis in mense: & semel quidem per se ipsum, iterum autē per Collegam, si eum habuerit: legat interdum commentarios à discipulis exceptos, per speciem inspiciendi, an recte ac fideliter scribant.

24 Duos præterea tresue auditores ex Nostris non minus fidos quā ingeniosos frequenter roget quid in hac, quid in illa quæstione definitū sit à Præceptore, tanquā aliud agens, nihil læsa, quantum fieri poterit, Doctoris estimatione. Id quod diligentius præstandū est, cum Doctor aliquis in materijs lubricis versatur, vel in quibus à Societate præscriptæ iam sunt opiniones certæ.

25 Si quid animaduersione dignum obseruatum delatumue sit, Præfectus Professore perquam benigne & comiter admoneat: si admonenti non acquieuerit, res tota ad Rectorem referatur, eiusque stetur arbitrio. Idem seruandum, cum in recognoscendis conclusionibus aliquid incideret, quod inter Præfectū & Professore non conueniret; neque enim is conclusionem vllam aut delere aut cōmutare debet inconsulto Professore, quocum ea de re
debet

debet agere, Bidello penitus infcio.

26 Si quid ab aliquo Professorum inter disputandum perperam dictum sit, quod commode dissimulari queat, Præfctus conniueat : sin ea res plus habet erroris & periculi, quam ferendum sit, nihil differat, sed prudenter rem totā curet tunc declarandam siue per Præceptorē siue per se : Inde tamen si plus timeatur contentionis & turbarum, finem imponat, Rectorique statim exponat omnia.

DE PHILOSOPHIA.

27 **N**O STRI ad Philosophiam audientiam non admittantur, nisi post vnū saltem annum in Humanitate consumptum, & in Rhetorica alterum, si grandiores sint, ex quibus haud magnus in hisce rebus fructus expectari queat : nā cæteri biennio detineantur in Rhetorica; aut, si quorum patiatur ætas, & egregij sperentur progressus, neque id ipsis molestum sit, triennio etiam.

28 Cum nostris etiam alumniis, aut Conuictoribus agendum est, quoad eius fieri poterit, vt vel annum audiant Rhetoricam, antequam Philosophiam aggrediantur, eorumque parentibus, quantum id expediat, demonstrandum. Cum cæteris quoque externis id tentandum, paulo tamen mitius, præsertim cum grandioribus; nec tamen eiiciendi, si nolint acquiescere.

scere. Si qui tamen adhuc plane pueri ad Philosophiam velint accedere, ex quibus perturbatio potius timeatur; posset cum ijs agi, quod de illis, qui nollent promissione obligari, vel nomina in Matriculam referenda dare, præscribunt Constitutiones. p. 4. c. 17. D.

29 In examine, quo diiudicandum est, quinam ex Nostriis ad Philosophiam audiendam admittendi sint, si quos siue ex ingenij tarditate, siue ex ætate iam prouecta parum profecturos in Philosophia compertum fuerit, ij statim ad audiendos Casus mittantur, sed post auditam Logicæ summulam, non publice tamen, sed priuatim ante Studiorum Renouationem.

30 Qui vero non leue specimen ingenij ediderint, nec paruam de se spem fecerint, Philosophiã aggrediantur, sed sub Paschales ferias rursus examinandi: & quicumq; nihilo minus quã mediocrem in Philosophia progressum facturi videbuntur, in ea pergere toto triennio iubeantur. Contra vero ab ea mediocritate qui abfuerint, mittantur ad Casus statim, siue quando opportunius videbitur: Quod si linguam Latinam bene teneant, eam vt docere velint, curandum.

31 Si qui tamen dubij plane fuerint, vt de eorum fructu nihil certo, nec valde probabiliter statui possit, pergant totum annum, deque illis repetito ad Septembrem examine, iudicium vltimum feratur.

32 Fíat examen (nisi obftet multitudo) simul omnium: cui si qui ex ineptis vltro nolint exponi, non exponantur, eoque ipso inepti esse intelligantur. Vniuersi porro quicunque amouēdi sunt ab incæpto Philosophiæ studio, quam suauissime fieri potest amoueantur.

33 Semestri tempore, quod repetendæ philosophiæ datur: vbi vero id nondum potuit introduci, sub finem triennij cursusque Philosophici ad exhibendum specimen aliquod suorum studiorum, Actum aliquem paulo celebriorem de vniuersa Philosophia, qui eam audierunt, tueantur; pauci tamen & egregie instructi, qui eius loci dignitatem sustinere valeant, hoc est, qui multo plusquã mediocriter profecerint.

34 Hi seligendi sunt per examinatores tres, aut etiam plures, si cuius Academiæ mos id exigat: neque sint semper ijdem, sed vt onus diuidatur in plures, aderit semper cum Præfecto Præceptor proprius, tertius vero vicissim commutetur: modo sit aliquis Professor, aut certe auditor Theologiæ eo munere non indignus.

35 Alumnos seu conuictores satis est examinari a suo Præfecto, & duobus Philosophiæ repetitoribus: aut si ij defuerint, a prouectionibus duobus Theologiæ Auditoribus: tametsi qui ad Actum videbuntur idonei, priusquam ad eum sese accingant, proprii quoque Præceptoris

ptoris & studiorum Præfeti Generalis indicio probandi sint.

36 Horum examen sit vel priuatum, vel si facile potest introduci, publicum, hoc est, si Nostrorum est, coram omnibus Nostris Philosophiæ Auditoribus: si Alumnorum seu Conuictorum, coram omnibus sui Collegij Philosophis; si externorum, coram omnibus externis Philosophis saltem suæ clâssis.

37 Ab hoc examine & quidem seuerè agendo nullus ordinarie Nostrorum siue Fratrum siue Alumnorum, siue Conuictorum excipendus, vt & inepti deterreantur a Philosophia, & apti magis accendantur ad studium. Externi si facile ad id compelli possunt, compellantur: si minus, cogendi non sunt, si nolint; nec si velint, repellantur.

38 Duret examen singulorum non minus horis duabus, si per alias occupationes licet: si minus, vna. Vbi vero pauci præsto sunt Examinatores, & examinandi non pauci, differât in aliud atque aliud tempus, quoad quam minime incommodè res confici possit.

39 Examen istud statim post Pascha tertij anni, inchoetur, distributis dierum præsertim festorum vicibus eo ordine, quem Rector audito Præfeti, & Præceptoris proprii consilio existimauerit commodiorem. Eat examen per omnes primarias materias, quas Præfetus eodem die vel pridie distribuet Examinato-

natoribus. Agatur vt plurimum interrogationibus, breuibus etiam interdum argumentationibus, quo certius exploretur respondentis ingenium.

40 Actus totum scholarum tempus occupet cum minimum vel mane vel a pradio: Tres argumentetur: primus aliquis ex Nostriſ profeſſoribus ſiue Theologiæ, ſiue Philoſophiæ: alter Doctor quiſpiam externus: vltimus egregius quiſquam inter auditores ſiue Theologiæ, ſiue Philoſophiæ condiscipulus Defendentis. Conclusionum autem numerus ac ratio non diſcrepent ab eo, quod de Theologicis ſtatutum eſt.

41 Qui hoc Actu digni cenſentur, ſi multi fuerint, vt octo vel decem, vel eo plures, neceſſe non eſt, vt eadem æſtate tot Actus habeantur, ſed ita diuidantur, vt duo circiter in æſtatem cadant, totidem fere in tempus vacationum Autumnalium: alij in ſequentis anni tempora diſtribuantur, vt in ferias Natalitias, in dies Bacchanaliũ, in Paſchales vacationes, alioſve dies feſtos. Ita ſi diſtrahantur, fiet, vt maiori cum dignitate obeantur, & ſint ipſa raritate gratiores.

42 Theologos omnes non modo auditores, ſed etiam Profeſſores compellat Præfeſtus, vt veniant ad Actus Theologicos, imo etiam ad Philoſophicos, præſertim cum actus aliquis celebrior cæteris ac magnificentior eſt:

Nam

Nam in alijs, satis est, si adsint alternatim, ut duo fere nunquam desint, qui (nisi id alicubi videatur indecorum) argumentando, vrgendo, interrogando, collaudando, aliaque huiusmodi præstando alacriorem ac solemniorem reddant disputationem.

43 De Vacationibus, de Repetitionibus, de Disputationibus, de Censura Doctrinæ & alijs id genus, de Philosophis etiam intelligantur, quæcunque de Theologis dicta sunt, ut suis fere locis superius indicatum est.

DE GRADIBVS.

44 **D**ET operam, ut ne externi quidem Actus, per quos ad Doctoratum seu Magisterium perueniri solet, inchoent, nisi peracto Philosophiæ triennio, vel quadriennio Theologiæ, & illi quidem dimidius annus, huic autem biennium adiiciendum est, quo & celebrentur Actus, & Gradus suscipiantur.

45 In examine, quo diiudicandum est, sit ne aliquis ad publicos Actus & ad Magistri seu Doctoris Gradum idoneus, ipse Præfectus cum tribus alijs Doctoribus seu Magistris iudex se deat cum prærogatiua suffragij, cum suffragia pária sunt. Hi candidatum apertò capite sedem in scamno priuatim examinent duabus horis, argumetando nonnunquam, sed sæpius interrogando de præcipuis totius Theologiæ

vel

vel Philosophiæ quæstionibus, quas duabus tribusve ante diebus Præfectus distribuerit examinаторibus.

46 Examine peracto exeat candidatus, & dū foris opperitur, inter se deliberēt examinatores, dignus ne sit, qui ad Actus publicos admitratur, pluribusque suffragijs res decernatur. Posset tamen tam hæc deliberatio, quam præuium examen breuissimè & quasi perfunctorie transigi cum aliquo insignioris ingenij, cuius eximij in studijs progressus notissimi sint.

47 Si quis autem Examinatorum suffragijs nondum aptus iudicaretur, perhumaniter ei denūtiēt Præfectus, egere ipsum diuturniore studio: postquam vero aliquanto diligentius studuerit, alterum illi examen subeundum esse. Vicissim ei, quem idoneum censuerint, Præfectus diem primi Actus celebrandi indicat.

48 Actus publicos quinque Theologus persoluat: quorum priores quattuor sint particulares, hoc est, ex vna S. Thomæ parte, nempe primus ex prima parte, alter ex prima secundæ, tertius ex secunda secundæ, quartus ex tertia parte, nouissimus autem sit generalis, qui totā Theologiam quinquaginta circiter conclusionibus ambiat, totumque scholarum tempus mane ac vespere occupet. Nam Particulares singuli quindecim fere conclusionibus, & horis duabus cum dimidia, siue matutinis siue pomeridianis contenti sunt.

49 Philosophorum tres celebrentur actus publici: vnus ex Logica, ex octo libris Physicorum, & ex libris de Cælo: Alter ex libris de Generatione, ex libris de Anima, & ex libris Metaphysicis, quorum quilibet quindecim circiter conclusionibus instruat; postremus generalis sit collectis ex vniuersa Philosophia thesibus quinquaginta fere.

50 In his Actibus tantum, Nostri qui ad Gradum Magistri seu Doctoris promoti iam sunt, vtantur Epomide, vbi eius vsus fuerit: Immo nec promoti omnes, sed solum qui Philosophia professores sunt, aut fuerunt, aut qui argumentaturi tunc sunt, ad tuendam Academicæ auctoritatem; neque enim nisi promoti argumentari debent, vbi eorum satis magnus suppetit numerus.

51 In sedendo ipse Præfectus seu Cancellarius cæteros antecedit, secundus a Rectore. Doctoribus alijs & Professoribus Theologiæ assignentur loca distincta a Doctoribus Professoribusque Philosophiæ. Inter hos vero, qui actu docent, præcedant alios, qui actu non docent; nisi antiquiores præferendi sint ex Academicæ instituto, quod immutare nostri iuris non sit. Cæteri omnes siue promoti, siue non promoti, intersint quidem, sed nullo ordine sedeant inter alios.

52 Post quemlibet actum qui examinandi munere funguntur, inter se deliberent, an & quomodo

modo progrediendum sit in reliquis Actibus. Actus enim, in quo candidatus inepte admodum se gesserit, inter Actus necessarios numerandus non est, sed pro eo alter obeundus: si non usque adeo indocte responderit, minus tamen apte quam par erat (ut aliqua existimationis eius habeatur ratio) non iteretur idem actus, sed alter longius differatur, donec diligentius studeat, inseratque in actu sequenti difficiliore aliquas Theses ex priori.

53. Candidatum tertio iam Theologiæ Actu bene defunctum Cancellarius vel Præceptor publice pronuntiet Baccalaureum post fidei professionem, & orationiculam, qua gradum illum postulet. Idem gradus conferendus est Philosophis, qui octo Physicorum libris auditis Theses aliquas bene defenderint. Baccalaureis vero præscribendum non est, vel ut exponant aliquem librum sententiarum, seu Aristotelis, vel ut legant plusquam vno die, idque semel, nec ultra horam.

54. Ad Theologiæ Magisterium seu Doctoratum nullus, qui aliquo sacrorum ordinum initiatus non sit, promoueatur: promoueatur autem hoc fere ritu. Ante promotionis diem Candidatus coram Præfecto ter aperiat sacra Biblia: ex locis illis tribus, quos casu liber apertus obiecerit, vnum quem maluerit Candidatus seliget, quem post viginti quattuor horas sequenti die exponat in loco promotionis.

Idem Philosophi præsent in Aristotelis libro:
 35 Promotionis locus sit aliqua classis amplior cæteris, vel Aula in hos actus & promotiones dicata. Templum quoque esse posset, cū Theologiæ conferretur Doctoratus, seu Licenciatus, vbi est in vsu: Insternantur aliquot scæna tapetibus: eo conueniant omnes & Professores & Auditores superiorum Facultatum, nec non & Rhetoricæ, nisi vbi nimium frequens esset Doctorum promotio.

36 Indicta Promotionis hora Candidatus talari veste indutus ex sedē paulo editiore, infra tamen Doctores, suam (si vnus sit: nam si plures simul, fiat quod fieri solet) habeat prælectionem paulo longiorem semihora: pari dein de spatio de proposita quæstione duo tresue Doctores argumententur: quibus solus ipse faciat satis nullo patrōno vel adiutore: nisi forte Præfecto videretur in laborantis subsidium subinde aliquid suggerere, breuissimè tamen.

37 His peractis promotor, qui esse debet ordinariè Cancellarius seu Præfectus studiorum (nisi exonerandus videretur nonnunquam ob frequentiam promouendorum) breui orationeula Candidati sedulitatē atque ingenium commēdet: vel si satius videatur, de re aliqua Theologica, quæ tempori & Auditoribus bene conueniat, nonnulla verba faciat.

38 Abrogetur mos, quo cādidatis publice sui mores & errata cum iocis & cachinnis exponantur.

brantur. Non ab re tamen fuerit, vt ante promotionem sedere iubeantur humillimo loco; breuiterque à Promotore alione admoneantur, vt humanæ conditionis, indignitatisq; propriæ non immemores tanto se honori existiment impares: nec eum alia de causa deposcât, quam vt diuini nominis gloriæ, Ecclesiæque illustrandæ honestiorem vtilioremque operam nauare possint.

59 Post eam oratiunculam, candidatus positus ante promotorem genibus, Fidem catholicam clara voce profiteatur iuxta formulam a Pio 4. editam: qua perlecta iuret tacto Euangeliorum libro, Astet Bidellus manu tenēs annulum, pileum nouum, & librum Bibliorum pro Theologis, vel Aristotelis pro Philosophis.

60 Surgat inde promotor operto capite, & gradum conferat hac verborum formula. Ego N. Sacræ Theologiæ Doctor Apostolicæ sedis auctoritate Nostræ Societati concessa, mihi vero commissa, confero tibi R. N. Sacræ Theologiæ seu Philosophiæ Magisterium vel Doctoratum iuxta omnia Academiæ priuilegia: vt vbique diuinas Scripturas, Scholasticamq; Theologiam, vel Philosophiam docere possis publice. In huius vero honoris & gradus monumentum ac pignus, pileum capiti tuo impono; & hoc sacrosanctum volumen Bibliorum, vel librum Aristotelis in manus tuas trado: digitum denique annulo, Doctoratus insigni no-

ta, circundo: id quod in Christi optimi maximi gloriam, Ecclesiæque vtilitatem cedat In nomine Patris, & Filij & Spiritus Sancti.

61 Tum promotor nouum Doctorem amplectatur, vel manum tangat pro more patriæ, & reliqui deinceps Doctores, quos inter dum promotus confidet, honoris & hilaritatis gratia musicum aliquid interponatur, breuiter tamen ac modeste. Promotione peracta vnus aliquis ab ipso candidato ad id inuitatus oratione breuissima nouum Doctorem ad eam dignitatem morum grauitate, & assiduo labore, ac studio tuendam cohortetur.

62 Nouus postea Doctor ex Cathedra, tanquam Doctoratus possessionem aditurus, aliquæ diuinæ Scripturæ locum interpretetur breuissime, eamque interpretationem claudat oratiuncula, qua Deo primum, deinde Doctoribus suis ac Promotori gratias agat. Tandem inter gratulantium occurfus ac voces, & instrumenta musicorum, inter Rectorem & Cancellarium medius deducatur in templum; vel si iam sit in templo, ad Altare maius, vbi Te Deum laudamus, decantetur, & dimittatur concio.

63 Porro necesse est, vt promotioni interfuerit aliquis Tabellio siue Academiae proprius, siue ad id extra ordinem conductus; qui authenticum promotionis Instrumentum conficiat, vel publico, vel proprio Societatis sigillo muniendum, Verum de hac aliisque solemnitatibus

bus ac cæremonijs diligenter Præfectus quarat, quæ à Proposito Prouinciali pro varijs gè-
tium moribus constituta sunt; eaque ad amuf-
sim exequi suas esse partes existimet.

DE CASIBVS CONSCIENTIÆ.

64 **V**BI sunt duo Casuū Professores, suas
vnicuiq; materias partiatur. Si vnus
fuerit, præscribat etiam, quātum progredi de-
beat quotannis. Porro seuerissimè caneat, ne
hi Professores ad aliena, præsertim Theologi-
ca digrediantur; sed ea duntaxat, eoque modo
doceāt, vt possint nihil aliud, quam peritos at-
que vtilis Confessarios seu Parochos informa-
re. Neque committat, vt aliquis sit in Collegijs
publicus Confessarius, qui domesticæ Casuum
vel repetitioni vel Collationi propriæ non in-
ter sit.

DIVISIO TEMPORIS ET

Librorum.

65 **P**ERMAGNI interest, vt Auditoribus
nō modo Nostri, sed Alumnis etiam
& conuictoribus, & si nihil obstiterit, externis
quoque Præfectus per Magistros diurnum tē-
pus ita distribuatur, vt priuati studiij horas, quan-
to maximo fieri potest compendio bene collo-
cēt: curetque Visitatores instituendos, qui an

id obseruetur, explorent;
 66 Theologiæ Auditoribus non quoslibet, sed certos quosdam ex Professorum consilio distribuatur libros, quibus in priuato studio utatur. Et ij quidem, qui sunt ingenio vix mediocri, primo semestri non committat, vt legant nisi S. Thomam, ne Caietanum quidem; postea tamen habere poterunt duntaxat vnum, cumque facilem ac perspicuum, vt Durandum, Bonauenturam, Richardum, Ferrariensem, Argentinatē. Poterit & is aliquando commutari, si iudicabitur expedire.


67 Qui vero mediocri aut plusquam mediocri pollent ingenio, primis sex mensibus præter S. Thomam legant etiam Caietanum, præsertim si sint ex numero eorum, qui Philosophiam publice docuerunt. Postea tertius etiā auctor accedere potest, & fere ex clarioribus. Tertio anno Gabriel, Gregorius, Henricus, Paludanus, Herueus, Scotus, sed horum vnus fere. Quarto demum anno quibusdam vt Capreo-
 lus concedatur, nihil prohibet.

68 Tridentinum Concilium quilibet semper habeat: habeat & Bibliorum volumen, ex quibus caput vnum singulis quarti anni diebus perlegant. Turpe est enim Theologo nūquam Sacras Scripturas perlegisse.


69 Secundo anno aliquem ex Patribus habeant, & eum fere quem petierint, modo & vtilis sit non parū, & si fieri potest, consentaneus

ijs quæstionibus, quas tunc audiunt: poterit & is cōmutari, si post aliquod tempus alium possint, sed curetur, ne in hoc sint nimij vt cōcio nabundi; nec illum legant, nisi succisiuis quadrantibus, vel post tædium longioris studij.

70 Vnicuique etiam Philosophorum proprii Professoris opera diuidat commentarium aliquem, qui ex obscurioribus non sit, nisi forte in Metaphysicis.



REGVLÆ PRÆFECTI
STVDIORVM INFERIORVM.
OFFICIVM ET FINIS.

1 VDITORVM, Professorū-
que omnium regulas & ha-
beat, & perinde ac suas sedulo
curet obseruandas: cogitetq;
ad id se esse delectum, vt omni
ope atque opera P. Rectorem
adiuuet in scholis nostris ita regendis ac mo-
derandis, vt qui eas frequentant, quantum in
bonis artibus atque in vitæ probitate profi-
ciant, nec eos, nec eorum parentes pœniteat.

QVALES QVÆRENDI
informandique Professores.

2 **P**RIMARIJ Collegij, ex quo huma-
norum litterarum & Grammaticæ Ma-
gistri solent educi, Præfectus quotannis sub
æstium solstitium Rectori ac Prouinciali re-
uocet in memoriam, vt si nouis in annum al-
terum indigeant Præceptoribus, deligant vnū
aliquem docendi peritissimum, ad quem quo-
tidie (præter diem recreationis aut publicæ
disputationis Metaphysicorum) per horam
futuri Doctores conueniant ad nouum insti-
tuendi

tuendi Magisterium, idque vicissim prælegend-
do, scribendo, dictando, emendando, aliaque
munia boni Præceptoris obeundo.

3 Aget cum P. Rectore, vt ab hac exercitatio-
ne quotiescunque per ætates singulas redie-
rit, nulli, qui indigeant, eique non incommo-
de vacare possint, eximantur: non Rhetores;
non Casistæ, non Philosophi, non Theologi, si
docturi sunt: cum enim ad eos probe instituen-
dos vno anno satis temporis non sit, ea institu-
tio per plures annos ijsdem inculcanda est:
Inde etiam fiet, vt quoties necessitas, præser-
tim tumultuaria coget, copia suppetat eorū,
qui Magistrum agere possint sine ijs pericu-
lis, quibus patere solent rudes Magistri.

4 Det operam, vt ad hanc Academiam, quæ
futuris velut Seminarium quoddam Profello-
ribus dicata est, quicunque pertinent, diligen-
ter exerceantur, sed ij diligentius, qui scholis
propediem præficiendi sunt. Non sunt autem
præficiendi qui vel ætate, seu moribus lenio-
res sint: facile nanque vel vilescunt, vel insole-
scunt, vel rebus noxijs implicantur.

5 Iam verò scholis Nostris admodum con-
ducibile esse existimet, Nostros (nisi neces-
sitas aut aliquorum præstans indoles ac doctri-
na aliud exigat) initium docendi facere ab
ea schola, qua vno saltem gradu superiores
scientia sint, & quotannis ad altiorem progré-
di cum magna parte auditorum suorum, præ-
sertim

tertium in Collegijs minoribus, in quibus Magistrorum commutatio cum magnum momentum habeat, minus tamen sentietur, si notis iam Magistris & magna existimatione præditis alij nec prorsus ignoti, nec sine aliquo bene docendi usu atque opinione succedant.

6 Curet, quod in se est, ut qui se perpetuos dicarunt Magistros, a tam laudabili proposito non excidant, neve cum non perpetuis quoad eius fieri potest, eodem in Collegio doceant: obseruet etiam, ex illis ecqui defatigatione aut docendi satietate minus strenuos in suo munere præbeant: referatque ad Præpositum Prouincialem.

7 Vtilissimum quoque putet, ut qui perpetui non sunt, ordinarie nec minus triennio, nec amplius doceant: & solerter inuigilet, ut noui Præceptores decessorum suorum docendi morem & alias consuetudines sedulo retineant, quo minus externi frequentem Magistrorum mutationem incusent, si intelligant, licet Magistri mutantur, docendi tamen rationem manere.

8 Et quoniam Hebrææ Græcæque linguæ cognitio, timendum est, ne nobis paulatim propter occupationes alias intercيدات, contendat, quoad eius fieri potest, ut earum instituantur Academiae inter Nostros, in quibus eo tempore locoque Academici bis aut ter in hebdomada sic exerceantur, ut inde prodire possint,

qui

qui harum linguarum & scientiam & dignitatem priuatim ac publice tueantur.

QVOMODO PROFESSORES dum docent, adiuvandi.

VIDEAT diligenter (ab eo nanque qui præsunt, de his rebus docēdi sunt) an cuiusquam scholæ multitudo discipulorum duas requirat classes: & si duas, ambasne vnius modi, an duos in ordines diuisas ob magnam discipulorum inæqualitatem. Quod si auditorum frequentia magna non sit, sed tanta inæqualitas, vt sub eodem Magistro duos exigat ordines, præter themata & auctorum explicationes, quæ vtrisque ordinibus debent esse fere communia, in cæteris dispiciat, satiusne sit a Magistro alternis illos diebus exerceri, an quotidie ambos, sed breuiori tempore singulos.

IO Postquam vnaquæque Prouincia statuerit in Emmanuelis Aluari Grammatica, malitne Auctoris, an Romanum ordinem sequi, iuxta ordinem, qui suæ prouinciæ placuerit, summo opere contendat, vt scholarum proprii fines ac termini conseruentur, & vnusquisque Professor suis contentus non inuadat in alienos.

II Imo in proprio singularum classium penso si qua difficiliora inciderint, demonstret ipse cuilibet Magistro, quamnam ex illis aut leui-

ter

ter attingat, plenius edisserenda; postmodum in superiore schola, aut in locum opportuniorē reijciat, aut facilioribus intermisceat.

12. Ante studiorum instaurationem de Catalogo librorum, qui eo anno explicandi sunt in scholis nostris, conficiendo mature referat ad P. Rectorem. Adhuc ipse statuatur, quinam deinceps intra annum libri, vel auctores variandi sint. Nec solum inuigilet, ne Magistri libris aut vtilibus careant, aut abundant inutilibus, sed efficiat etiam, ut tempestive cum publicis Bibliothecarijs agatur, ne librorum, quibus privatim & publice aut in dies utimur, aut sequentem in annum usuri sumus, tam nos quam externi auditores nostri, copia desideretur.

13. Præscribat tum anni initio, quis in quotidianis exercitationibus obeūdis ab unoquoque Magistro ordo seruandus sit, sicui iustis de causis non conueniat is, qui in Professorum regulis constitutus fuit; tum primo quoque mense, quibusnā diebus aut scribendum in schola pro Magistratibus obtinendis, aut inferior ac superior classes inter se cōmittendæ in mutuā concertationem; nec modo defendendās theses antea recognoscat, sed etiam dum certatur, præsens ipse sedulo curet, ut fructuosæ, modestæ, pacatæ gerantur omnia: quæ etiam de causa intersit ipse cum Humanistæ ad Rhetoricæ, vel Rhetorēs ad Humanitatis scholā hebdomadariæ declamationis gratia conueniūt.

14 Omni opē qua poterit, præstare nitatur, ut Magistri alacri doceant animo: eaque de causa cum P. Rectore, quoties oportuerit, agat, ut legitimis vacationibus, recreationibus, alijsque commodis, quæ religiosos viros non dedeçant, minime careant; sed reficiantur potius defessi, & subleuentur laborantes.

15 Inter ea, quæ quis docturus est, si qua sint quæ ipse non satis percalleat, solerter prospiciat, a quonam in his adiuuari possit opportune, ne opus sit postmodum quærere medicamenta post vulnus.

16 Die minimum quintodecimo quoque singulos Magistros docentes & palam & clam audiat: sed & interdum eorum recognoscat libellos, in quibus prælectionem habendam, & dictandum thema domi scribere solent. Quin etiam eorum docendi rationem ex discipulorum scriptis exploret, caute tamen per speciē exigendi audita, aut ea quæ scripserint inspiciendi, quam bene se habeant.

16 Obseruet, an Magistri quantum satis est progrediantur in suo penso tam persoluyendo, quam statis vicibus recolendo: an dato signo statim ingrediantur scholam: an transiliant plagarum modum in varia delicta a Rectore constitutum: an dum agūt cum discipulis, decore, grauitate, laudabiliter agant; an demum ita prudenter ac sedulo se gerant in omnibus, ut inde spes existat non levis optatum Gymnasij

nasij nostri fructum percipiendi.

17 Siquis Magister in docendo, aut alijs in rebus suo muneri defuisse videbitur interdum, errantem perquam humaniter admoneat: neque per se ipse dumtaxat, sed per alios etiam, quibus ille non grauante solet acquiescere: nec semel aut iterum, sed sæpe & sapius, donec emendationis spes reliqua est. Tandem curet in Magistros frustra admonitos animaduertendum: aut ne animaduersione quidem correctos, mature, priusquam malum serpat latius, amouendos.

NOVOS AUDITORES

admittendi ratio.

18 **I**N vltimam classem Præfectus nec admittat iuvenes iam ætate prouectos, qui nec disciplinam ferunt ipsi, & ferme alios turbant: neque pueros nimium teneros, etiãsi probæ tantum educationis gratia mitterentur in scholam, nam dum nugas quas domi facerent, faciunt in schola, mirum in modum onerosi sunt Magistris.

19 Nullum contagioso fædore morbo laborantem, cuius confessum & cõsuetudinem alij exhorreant, recipiat. Quin etiam si qui iam sunt huiusmodi in scholis, eorum parentibus vel curatoribus monitis dimittendi sunt, nec recipiendi, donec se se probe purgarint.

20 Rursus reditus ad scholas nostras nemini pateat, eorum, qui eiectioni sunt, aut ipsi ultro discesserunt, præsertim si ex desidia aut infrequentia proficiebant pene nihil. Quocirca non alienum est ab eis initio sciscitari, an alias ad nostras scholas ventitarint; quo facilius in Albo recognosci possit, qualis tum is fuerit, aut cur dimissus, curue discesserit.

21 Ut pericula fraudis euitentur, nullum, quoad eius fieri potest, in discipulorum numerum referat, qui non adducatur à parentibus, alijsque, quibus curæ sit, aut quem præfectus ipse non antea nouerit, aut de quo facile non possit ab alijs sibi iam notis edoceri.

22 In Gymnasium quoque nostrum cooptandi non sunt, qui licet rudimentorum Grammaticæ satis periti sint, nesciunt tamen recte legere & scribere, quantum satis est. Qui nanq; horum vitiorum altero laborant, nequeunt eorum compositiones sine stomacho aspici a Magistris, ne dum corrigi: & si ante ista non didicerint, vix postea futurum est, ut discant.

23 Admittendis denique Præfectus ostendat regulas Auditorum, ut quales eos esse oporteat, si nostræ se disciplinæ tradere velint, intelligant: statimque notet in libello diem & annum, quo quis admissus est, cognomen etiam, Patriam, parentes, aut eos in quorum tutela est, ubi habitet; cequis veterum discipulorum eius nouerit domum: harum enim rerum noti-

tia maximos & præcipuos vsus habet.

4. **QVOMODO EXERCENDI, EXCI-**
tandique sint Auditores.

24 **P**ERMAGNI interest, vt Auditori-
 bus non modo Nostris, sed Alumnis
 etiam vel Conuictoribus, & si nihil obstiterit,
 externis quoq; Præfectus per Magistros diur-
 num tempus ita distribuatur, vt priuati studij
 horas quanto maximo fieri potest compendio
 bene collocent: curetque Visitatores instituē-
 dos, qui an id obseruetur, explorent.

25 In hac temporis partitione assignari de-
 berent ad scribendum Rhetoribus horæ duæ,
 Humanistis vna: ad Græca vero recolēda scri-
 bendaue illis quidem minimum semihora, his
 autem aliquanto minus. Agendum quoque, vt
 cum domi ad latina repetenda conueniūt, no-
 uissimum quadrantem collocent in Græcis.
 Aliquid præterea supersit temporis ad edi-
 scendum, ad audita priuatim recognoscenda,
 ad vtile quicquam legendum, aliaque id ge-
 nus, si non ad omnia quotidie, ad plura tamen
 alternis.

26 Præfectus etiam auditis Magistris statuatur,
 qui quibus auditoribus libri a Bibliothecario
 nostro distribuendi sint. Distribuendi autem
 sunt ij tantum, qui in eorum schola vel expo-
 nuntur, vel possunt ac solent exponi: ex alijs

vero,

vero, præsertim si Auctorum recētiorum sint,
& pauci & magno cum delectu: nam vtilium
etiam librorum multitudo & opprimit inge-
nia, & impedit, ne quotidianum pensum com-
mode reddatur.

27 Externis etiam, si fieri potest, hic librorum
delectus, seu paucitas imperetur: nec libri per-
mittantur nondum purgati, si purgatorum nō
desideretur copia; quæ tamen vt sit, præstare
Præfetti est.

28 Proprias vniuscuiusque scholæ exercita-
tiones non modo inniolate custodiat ac tuea-
tur, nec ab ijs vllam præsertim diuturnam, pue-
ris indulgeat exemptionem, nisi grauib; de
causis: sed ad eas etiam firmitus inculcandas
& propagandas latius, det operâ, vt ex inferio-
rum classium Adolescentibus instituiatur Aca-
demia, in qua statis diebus certisque legibus
vicissim prælegatur, scribatur, recitetur, dispu-
tetur, aliæque naui auditoris partes agantur.

29 Latinæ linguæ vsum strenue conseruandū
curet, nec tantum in scholis data Notula, siue
aduersarijs se mutuo accusantibus, sed etiam
priuatim domi præsertim inter discipulos &
Professores: quos non modo latine, sed etiā be-
ne latine loqui par est, cū affectare barbariē in
vitio sit. Excipiendi tamē videntur vacationū
dies, & si ijs qui præfunt videbitur, Recreationis
hora. Superiores per se ipsi huius rei cēsura
fungantur: sit & Præfetus non tã aliorū censor

F 3 quam

quã admonitor, sicut & Magister Auditorum.
 30. Declamationibus mēstruis non modo intersit, sed etiam quoniam dicendi Magistros sepe impedit pudor, ipse corroget auditores alios honorarios, præsertim eos qui præsunt.
 31. Oratio quoque in studiorum instauratione publice pronūtianda, non committat, ut ab alio quam a Magistro aliquo insigniore scribatur: verum si is memoria aut actione parum valeat, dicatur ab aliquo alio quamvis discipulo, siue e Nostreis, siue ex externis, si quis longe his rebus emineat. Quo in genere ne eiusdē argumenti iteratio seu similitudo pariat satietatem, ad idem argumentum nisi post plures annos non redeatur.

32. Ad P. Rectorem referat tum de litteraria aliqua celebritate alternis mētribus instituenta, qua discipulorum versus per eos menses compositi affigantur honorifice; tum ut in illis sribus quibusdam per annum solemnitatibus præsertim cum votorum seu studiorum renatio celebratur, a Nostreis Philosophis etiam & Theologis Auditoribus, ne Poeticen dediscant, carmen aliquod publice proponendum edatur. Eos autem versus maxime probandos censeat Præfectus, qui non modo eleganter, argute, deque rebus honestis scripti sint, sed ad pios etiam affectus tam leniter quam graviter permouendos plurimū valeant: turpe est enim a prophanis Poetis prophane affici potuisse lectorem,

ctorem, a pijs pie affici non posse, in tanta præsertim rerum diuinarum copia, quam Christiana Religio abunde suppeditat.

33 Cum Emblemata, aliaue poemata celeberrimis aliquot diebus ac locis propalam collocanda sunt, ea prius non modo accurate emendentur, sed etiam postquam eleganter descripta fuerint, recognoscantur non a Magistro quouis, nec ab ipso Præfecto, si in hisce rebus non sit apprime versatus, sed a duobus per P. Rectorem designandis earum facultatum peritissimis; qui legant omnia, seligant pauca de multis: optima enim fere pauca sunt; & ex his potius, quam ex numerosa quadam farragine existiment bonum doctrinæ specimen edendū propagandumque esse, præsertim si pauca illa manu quoque librarij, vt par est, exornentur.

34 Ad instruendos etiam Magistros futuros, faciendum est, vt a Nostrijs Rhetoribus, & qui Humanitati vacant, habeantur in triclinio non modo Orationes semel aut iterum in mense, sed prælectiones etiam interdum, non ab omnibus tamen, sed Rectoris abitrio deligendis. Verum prælectiones oportet ante probatas esse Præceptoribus, ne speciosa magis quàm vtilia proferantur. Nonnunquam etiam orationes seu conciones latinæ de scripto haberi possunt, si quem memoria, aut tempus ediscendi deficiat.

35 Enixe conandum, vt quolibet anno semel cum minimum præmia publice distribuuntur. Ea vero sumptuum statuatur moderatio, quã & scholarum numerus, & amplitudo Collegij, & dignitas postulat Mæcenatum, quorum honorifica sane mentio facienda esset publice in ipsa Præmiorum distributione: in quâ hæc fere leges seruandæ sunt.

DE DIVISIONE PRÆMIORVM.

P R I M A E classi, quæ Rhetorum est, sex præmia proponuntur, duo solutæ orationis Latinæ, duo carminis, duo linguæ Græcæ. Secundæ classi, quæ est Humanitatis, sex ite præmia pari ratione diuidentur.

Tertiæ classi, quæ est prima Grammaticorum, quattuor præmia; duo prosæ orationis Latinæ, totidem carminis dabuntur.

In quarta, quæ est secunda Grammaticorū, duo prosæ orationis, aut etiam plura pro discipulorum multitudine. Idem iudicium de cæteris, Classibus, quotquot infra secundam fuerint.

Addentur etiam præmia tot, quot erunt scholæ, diuidentur ijs, qui Christianæ doctrinæ rudimenta melius tenebunt. Vnus duntaxat ex vnaquaque classe id præmij consequetur.

L E G E S .

1 **S**CRIBENDI certamen in tres dies diuisum esto: Primo die Latina oratione, secundo carmine Latino, tertio Græco sermone certanto.

2 Omnes in suam quisque scholam tempore primæ exercitationis matutinæ diebus constitutis conueniunto.

3 Accepto argumento scribendi, totis tribus horis nemo e sua schola egreditor, neque cum alio extra Gymnasium colloquitur: qui secus faxit, quod is postea scripserit, eius nulla ratio habetor.

4 Si quis longius spatium ad rem accuratius perficiendam expetit, is modo ne pedē e schola efferat, neque ultra vigesimam quartam horam tempus proroget, quandiu voluerit, maneto.

5 Suam quisque orationem accurate descriptam, & quo signo maluerit, obsignatam, sine nomine tamen, cum discedere volet, gymnasij Præfecto reddito: aliam item chartam, in qua cum nomine sit idem signum expressum, diligenter obsignatam, ne nomen inspicere possit, eidem dato.

6 Gymnasij Præfectus omnia sedulo, & fideliter asservato, neque chartam nomina continentem, priusquam factum sit iudicium, resignato.

7 Iudices tres & docti, & religiosi, qui nesciāt, cuius quæque sit scriptio, deliguntor. Hi perlectis omnium scriptis, & re diligenter inspecta, de communi sententia victores, tum primum, tum secundum in vnoquoq; genere declaranto: quod si quis de iudicibus vel manu cuiuspiam agnouerit, vel alio argumento coniecerit, cuius sit oratio, quæ in contentionem venit, eius de illa iudicium irritum esto.

8 In iudicio, cuius melior erit orationis forma, is cæteris omnibus, licet multo plura scripserint, antefertor: si qui genere ipso, & stylo pares in scribendo erunt, qui recte scribendi rationem studiosius fuerit secutus, victor esto. Si observatio etiam recte scribendi fuerit in duobus omnino par, plura paucioribus anteponuntor. Si qui & orationis habitu, & orthographia, & longitudine, ac breuitate prorsus pares reperientur, illis qui elegantius expresserint litterarum notas, præmium adiudicator.

9 Si quis in omnibus generibus scribendi cæteros omnes vicerit, is etiam omnium generum præmia consequitor. Iudicio perfecto, solus Gymnasij Præfectus, remotis arbitris, chartas in quibus nomina certantium cum signis adscripta erunt, resignato: nomina victorum ex signis diligenter, ne erret, inuestigato: Cognita nemini enunciat.

Consti-

10. Constituto deinde die quanto maximo fieri poterit apparatu, & hominum, frequentia nomina Victorum publice prædicantur, & in medium procedentibus præmia cuique sua honorifice diuiduntur. Si quis non aderit, nisi commeatum antea iustis de causis acceperit a Præfecto, præmium vel optimo iure sibi debitum amittunt.

Vnumqueinque Victorem e media turba præco euocabit hoc fere modo.

Quod felix faustumque sit Reipublicæ literariæ, omnibusque nostri Gymnasij Alumnis, primum & secundum & tertium &c. Præmium in classe Rhetoricæ seu Humanitatis &c. meritis & consequutus est N. Tum Victori tradat librum, nec sine aliquo ad rem maxime apposito disticho, quod statim a Cantoribus repetatur.

Ante præmiorum distributionem, æquū est, si fieri potest, Breuem aliquem dialogum, argumento quod & Musis & pietati conueniat, exhiberi.

36 Neque de his modo sollicitum oportet esse Præfectum, sed aget adhuc cum Rectore de excogitandis tum trophæis quibusdam victoriæ, quam cuiusque scholæ pars vna reportare solet ab altera; tum de quotidianis fere præmiolis, quæ pueri vel aduersarium vincendo, vel integre aliquem librum repetendo memoriter reddendo, vel illustre aliquid gerendo

in dies commeruisse videbuntur.

37 De agendis denique Comædijs aut Tragedijs vt tempestiue deliberetur, Præposito Pro-
uinciali suggerat; Neque committat vt labor
ille multiplex in erudiendis actoribus, in va-
ria veste sumptuque conquirendo, in extruen-
do theatro, alijsque scenicis actionibus, ferme
totus incumbat in Poetam, cum æquissimum
sit illum aliorum, qui ab ipso dirigantur, ope-
ra leuari. Neque vero quo loco dramata exhi-
bentur, aditus sit mulieribus: neque ullus mu-
liebris habitus, aut si forte necesse sit, non ni-
si decorus & grauis introducatur in scenam.

AVDITORVM EXAMEN.

*& promotio ad superiorem
classẽ.*

38 **G**ENERALIS solemnisque pro-
motio semel in anno post anniuersa-
rias vacationes facienda est: ad quam cum
strenue discipuli vno ferme ante examen men-
se instruendi sint, faciendum omnino Præfecto
est, vt hoc velut messis tempus ipsis Magistris
reseruetur, neque tunc eis relaxationis gratia
(ea vero circa ferias Paschatis aut S. Io. Ba-
ptistæ danda esset, quibus opus est) noui alij
substituâtur ad tempus, cum discipuli sub an-
ni exitum non modo difficilius in officio con-
tineantur, sed vsu iam callidi facile inexper-
tos

ros præceptores eludant; atque ideo peritum, suumque desiderant, qui totius anni quasi fructus tum colligat.

39 Promouendorum Examinatores tres esse oportet ab ipso Rectore de Præfecti sententia constitutos: qui quidem sint & Iudices ad plura suffragia. Horum supremus sit Præfectus: duo alij nec sint Præceptor, a quo pueri ascendunt, nec alter ad quem ascendunt; sed alij (vbi possunt haberi) licet Philosophiæ vel Theologiæ auditores, modo in humanioribus litteris versati sint, easque docuerint aliquandiu, & ab huiusmodi studijs recētes sint. Quales si non facile reperiantur, certe oportebit eum, qui præsidet examini, huiusmodi esse, ut quod cæteris desit, supplere ipse possit.

40 Porro vbi est ingens multitudo discipulorum, ut expeditius res geratur, plures tribus adhiberi possent qui examinent, modo idonei sint; atque ita distribuantur, ut & si locis diuisi sint a Præfecto, ei tamen, quem ipse sibi suffecerit, pareant; atque ab illius præscripto & auctoritate nullo modo discedant.

41 Cum Magistri iudicium de singulis magnam habeat auctoritatem ac momentum in discipulorum examine, principio qui ad examinandum federint, perlegant Catalogum a Magistro traditum adscriptis notis egregiæ industriæ, aut negligentæ; ingenij, aut tarditatis; frequentiæ, aut infrequentiæ, reliquorumq;

rumque rerum. Conferant etiam cum superioris anni catalogo nouum, vt ex vtroque, quid quisque profecerit, aut profecturus sit, facilius appareat.

42 Biduo fere aut triduo ante, dies, quo Examinis causa scribendum sit, pronuntietur a Magistro: simulque præmoneantur discipuli, vt pridie eius diei omnes adsint ad scriptio- nis leges cognoscendas: quarum vel vna negle- cta eis plurimum obesse possit. Sunt autem hæ fere leges.

1 Ipso scriptionis die si qui (nisi grauibz di- stenti causis) desiderentur, eorum in Exami- ne nullam habitum iri rationem, nisi forte vt propter inertiam & negligentiam ad inferio- rem scholam truantur ad tempus.

2 Mature veniendum ad scholam, vt thema- tis argumentum, & ea quæ tunc Præfectus tra- diturus est aut vltro, aut interrogatus, fide- liter excipiant: nam post indictum silentium nemini cum alijs, ne cum Præfecto quidem ip- so loqui licitum fore: quicumque vel vnum ver- bum miserit, eum non impune laturum. Ipse etiam Præfectus inter scribendum si quæ mo- nitum oportebit, ne turbentur alij, ad eum ac- cedat, & nutu potius quam voce rem compo- nat.

3 Accedere oporteret instructos atramento, calamo, charta, libris, cæterisque rebus ad

scri-

scribendum necessarijs, ne quicquam ab ullo alio vtendum petere necesse sit inter scribendum: qui petierit, aut alia de causa cum ullo fuerit locutus, eo loco habendum, perinde ac si nihil scripserit.

4 Curandum, vt ad suæ quisq; classis gradum apposite scribat, & ex præceptis in ea traditis: si qui suæ classis fines ac modum exceserint, superioris scholæ rationem affectando, horum etiam recte scripta pro erratis numeratum iri.

5 Dilucide scribendum, & iuxta thematis verba modosque præscriptos. Ambigue scripta in deteriore partem acceptum iri: verba etiam omissa aut temere immutata difficultatis euitandæ causa pro erratis fore.

6 Cauendum a confessoribus: nam si duæ forte compositiones similes ac geminæ reperiuntur, vtramque habitum iri pro mala, cum vter ab vtro furatus sit, exploratum esse non possit.

7 Ad fraudes vitandas, si cui forte potestatem exeundi, postquam scribi cœptum sit, dare necessitas cogat, iuris esse, vt is & argumentum scriptiois, & quicquid scripserit, apud Præfectum relinquere iubeatur.

8 Compositione absoluta, suo quisque loco quæ scripsit diligenter recolat, castiget, expoliat, quantum velit: nam simulatque compositio tradita Præfecto sit, si quid deinde correctum

ctum oporteat, haud quaquam redditum iri: proinde ne illi postea molesti sint.

9 Rite complicandam esse, vt Præfectus iusserit, suam vnique compositionem: atque in tergo auctoris tantum nomen cum cognomine adscribendum latine, quo facilius compositiones omnium in Alphabeti ordinem redigi possint.

10 Cum suam quisque compositionem traditurus accedit ad Præfectum, secum suos habeat libros, vt ea tradita statim silentio exeat e schola, nec cæteros turbet, qui adhuc ad scribendum intenti sunt: hi vero alijs discedentibus loca non mutant: sed compositionem quo cœperint loco, perficiant.

11 Bis soluta oratione, bis carmine, bis græce scribendum ad examen: si quis forte cum scribitur primum, absit sine iusta causa, etiam cū scribitur iterum, excusationem nullam habiturum: at si iusta de causa abfuerit, alteram solum scriptionem vsui futuram ad examen.

12 Quæ potissima in quaque schola sunt & accuratissime tradita, ea potissimū in cuiusque classis dictatum inclusum iri. Id quod non eo tantum tempore, sed iam inde ab initio anni pueris denuntiandum est, vt ad huiusmodi res bene percipiendas acuat eorum industriā.

13 Si quis tempore ad scribendum circumscripto scriptionem non absoluerit, vt eam ipsam partem, quam scripserit, tradat, coactum iri.

Idcir-

Idcirco probe intelligi ab omnibus oportere, quantum temporis ad scribendum cuique conceditur, vt scribat, recognoscat, rescribat, & rescripta tradat in tempore.

43 Scribentibus præsit non Magister, sed Præfectus aut alius, cui hoc ille muneris dederit: qui quo die scribendum est, signo dato argumentum accurate tradat: quod breue potius quam longum esse oporteret, quo pueris plus temporis suppetat ad accurate scribendum, recognoscendumque quod scripserint.

44 Sit etiam thema perspicuum, nec extraordinarijs refertum difficultatibus, sed ijs tantum, ex quibus, an probe quis teneat, quæ suæ classi propria sunt, iudicium ferri possit. Dictatum vero iubeat Præfectus continuo recitari; explicet, si quid obscurius videatur: vocabula & dicendi formulas, quas per se discipuli reperire nequeant, sponte tradat: præscribat etiam si quid accommodate ad aliquod præceptum fieri volet.

45 Postquã scriptum fuerit, dimissis pueris, compositiones in fasciculum coniiciat Præfectus, & diuidat Examinatoribus: a quibus, vt vno aspectu, cum ad examen ventum fuerit, cuiusque errata cernantur, æquum est, vbi commodè fieri potest, partito inter ipsos onere, cuiusque classis compositiones per otium domi
perle-

perlegi, & errores notari in margine, errorum
que summam referri ad cuiusque nomen.

46 Quid de vnoquoque in examine constitu-
tum fuerit, silentio supprimatur: ipsos etiam
lateat Magistros ad motus turbasque vitan-
das. Præfectus autem superiorum facultatum
si velit interdum examini interesse, nec inter-
roget, nec ferat sententiam, ne eius auctoritas
Examinatores obruat.

47 Pueri dum ad examen accedunt, libros de
quibus interrogandi sunt, secum afferant; dum-
que interrogatur vnus, ceteri qui adsunt dili-
genter attendant, vt si eadem de re ipsi inter-
rogentur, paratum habeant, quod respondeant.
Verum nec annuent alijs, neque corrigent
quenquam nisi rogati.

48 Ere est ternos interrogari, vel quod Socie-
tas in periculo animos faciat, vel quod dum
alius alium corrigit, magnum fit compedium
temporis. Verum dum tres interrogantur, to-
tidem pro foribus modeste præstolentur; ac
deinceps vbi tres interrogati ad Gymnasium
redeunt, tres item alij summittantur a Magi-
stro, idque seruato alphabeti ordine, vt omne
certamen honoris tollatur in præcedendo.

49 Examini ratio hæc fere sit. Primum suæ
quisque compositionis partem recitet; deinde
errata corrigere, & eorum rationem reddere
iubeatur, regula, contra quam peccatum sit, in-
dicata: post a Grammaticis vernaculum ali-

quid

quid statim vertendum latine exigatur, aliquid etiam de generibus aut præteritis pro varietate scholarum: brevis adhuc cuiusquam Ciceroniani loci interpretatio ex libro in schola explicato reposcatur.

50 Ab humanitatis ac Rhetoricæ discipulis figuræ etiam alicuius, aut argumenti ex locis deprompti exemplum exquiratur, aut hæc eadem in aliqua Ciceronis oratione a Magistro explicata iubeantur agnoscere: interrogentur etiam de Arte metrica; tametsi Græcarum litterarum examen alias seorsim habendum sit.

51 Timidioribus addantur animi, idque enixe curandum, cum nonnunquam perturbentur etiam ij, qui in optimis numerantur. Quod si quis acriter reprehendendus videatur, id non ante fiat, quam finis factus sit interrogandi. Et discipuli, qui optimam in Magistri catalogo habebunt notam, citius poterunt expediri: in mediocribus ac dubijs excutiendis plus operæ ponetur & temporis.

52 Examinatorum labor vicissitudine releuetur: quare interrogandi munera cum varia sint, ea inter se partiantur, aut omnia certe per vices obeant, vti eis commodum fuerit. Post cuiusque vero ternarij examen, protinus recentibus adhuc examinantium iudicijs, sententiæ de interrogatis ferantur, habita trium rerum ratione, Compositionis, Notæ a Magi-

stro additæ, & Interrogationis. Ex quibus si quis apparet ineptus, nullus aut externis aut nostris locus pateat ad deprecandum.

53. Si de nonnullis dubia atque anceps fuerit deliberatio, multos esse dubios edicatur in schola ad omnes in officio continendos. Ad constituendum autem de dubijs Præfectus primum eorum quotidianas compositiones per intervalla temporum ex improviso exigat: deinde tota classis iterum scribere iubeatur iisdem legibus: habenda tamen semper est in dubijs ratio ætatis, temporis in ea classe positi, ingenij quoque ac diligentia: & tandem ij promoucantur, quibus superior classis nihilo minus, quam sua profutura existimetur.

54. Peracto demum examine, cuiusque classis catalogus promouendorum conficiatur: eoq; publice recitato statim subijciatur, Alios præterea iustis de causis promotum iri, quo nomine intelligentur, qui non alia fere de causa prouehentur, nisi quia vel grandiores natu, vel diutius in ea schola versati sint ob ingenij tarditatem, quanquam non indiligentes.

55. In Catalogo recitando, si qui forte inter ceteros emineant, primi honoris causa nominentur: in cæteris Alphabeti ordo seruabitur: dum modo si qui negligentiores ægre quidem, promouebuntur tamen, in extremum reijciantur cum huiusmodi nota, Eos promoueri experiundi causa, quid possint in superiori schola,

ea tamen lege, ut si minus suam Magistro probarint industriam, ad inferiorem retrudantur.

56. Præter hanc generalem promotionem, intra annum insuper qui in superiori schola magis, aut nihilo minus, quam in sua (id verò vix accidere potest Humanistis) profecturi videbuntur, nequaquam detineantur amplius, sed ascendant omnino siue pauci, siue (excipe Primanos, quorum perpauci & eximij quidam ad id esse solent idonei) multi fuerint, idque quolibet anni tempore, etiam si sæpe & sæpius id faciendum esset.

57. Ad inuestigandum autem, qui nam intra annum promotione digni sint, recolat frequenter Præfectus Discipulorum catalogos cum notis additis a Magistro: ipse etiam interdum eorum, quos prope maturos existimat, compositiones recognoscat, cumque ei videbitur opportunum, rem ad duos alios examinatores referat; & plurimum iudicio, quid facto opus sit, decernatur.

PIETAS AC DISCIPLINA morum.

58. **P**ATREM Rectorem roget, an præter Magistrorum pias exhortationes in sabbato, alia adhuc à Patre quopiam graui habenda sit in ampliore aliqua classe, ad quam

inferiores tantum vel etiam superiores cogantur: & an ex usu sit, vt ipsemet Præfectus aliusve aliquo per hebdomadam die in aliqua classe in orbem varianda, monita salutaria & propria puerorum moribus tradat.

56 Diebus & horis ad excipiendas discipulorum confessiones constitutis, contendat omnino, vt confessarij quotquot opus fuerint, tempestive præsto sint, ne tempus terant expectando: statuatur etiam cum a discipulis exitur tam in atrium quam ex atriio Gymnasij, quis scholarum ordo seruandus sit: omnibus adhuc præsidij ad id opportunis enitatur, vt puerorum ingressus in templum & egressus strepitu careant, & nunquam ne die quidem vacationis, Missam audiant, nisi præsentem aliquo Magistrorum, quem vereantur ac timeant.

60 Cuiusque anni initio sua singulis auditoribus sciamna & confessores assignet, eos scilicet qui singulorum modestiæ ac moribus profuturi credantur: nobilibus etiam nobiliora subsellia: nec committat, vt in confidendi ordine magna aliqua se incio fiat commutatio.

61 Suum in quaque classe publicum censorem constituat, qui vt in honore sit apud condiscipulos, priuilegio quopiam exornandus erit, & ius habeat leuiiores pœnas aliquibus condonandi. Is curet, ante signum datum ne quis ex discipulis hæreat in atrio, sed statim scholam; nec alienam, sed suam ingrediatur: nec ab ea,

-omni

vel

vele suo loco discedat: referat etiam ad Præfektum si quis externus scholam intrarit, ac, si quid præfente Magistro peccetur in schola. Præter hunc sint & alij Præfektio secreti censores, vnde certius cuncta cognoscat: *et alij*

62 Caueat, ne pueri propter domestica delicta plectantur in schola, nisi raro & magna de causa. Recusantibus autem plagas aut moderata vis inferatur, aut si quâdo id in dedore fiat, præsertim cum paulo grandioribus, qui nunquam cogendi sunt, gymnasium nostrum his interdicatur, sicut & ijs, qui frequenter absunt a schola.

63 In atrio scholarum nihil patiatur armorum, nihil otiosorum, qui modestiæ, quieti, ac disciplinæ morum solent obesse non parum: Nihil denique concursationum & clamorum, præsertim per æstiuos calores à prandio.

64 Tam festos dies, quam legitimas vacationes aut Prouincijs omnibus communes, aut suæ proprias ab ijs, qui præsunt, diligenter cognoscat, easque Magistris tempestiue denuntiet, præsertim hebdomadarias: aliquid etiam scribendum ediscendumque pueris imponat per anniuersarias vacationes, ne otio deliniti abalienentur a Musis, aut etiam in noxia quæque dilabantur.

65 Mature etiam exploret, ac Magistris significet, quibus quoque anni tempore horis inchoandæ scholæ finiendæque sint: quando item

discipuli ad Processiones, ad spectacula, alia-
que id genus dimittendi: intelligat denique
iniussu Rectoris sibi ius non esse aut noui ali-
quid in rebus grauibz introducendi, aut ea,
quæ vsu iam recepta sunt, abrogandi.

REGVLÆ PROFESSORIS SCRIPTVRARVM.

1 **I**NTELLIGAT suas præcipue partes esse, diuinas Scripturas iuxta germanum litteralemque sensum, qui rectam in Deum Fidem bonorumq; morum instituta confirmet, pie, docte, grauiter explicare.

2 Eum sensum vt assequatur, locutiones ac figuras scripturis proprias obseruet: nec modo loci, quem in manibus habet; antecedentia & consequentia, sed alia quoque loca, in quibus eadem Phrasis, idem aut non idem valeat, solerter inter se conferat.

3 Ex Hebræis ac Græcis exemplaribus, quod vsui fuerit in eam rem, proferat: breuiter tamen, nec nisi cum vel ipsorum Latineque editionis vulgatæ aliqua diuersitas cōciliationis indiget, vel aliarum linguarum idiotismi ad maiorem conferunt siue perspicuitatem, siue energiam.

4 Aliarum versionum siue Latinarum recentiorū, siue Chaldaicæ, Syriacæ, Theodotionis, Aquilæ, Symmachi nec errores, nisi & insignes & in speciem probabiles, suscipiat refellendos: nec ea vicissim prætereant, quæ latinæ editioni vulgatæ fideiq; nostræ mysterijs valde fa-

ueant; præsertim si fuerint apud septuaginta
Interpretes, de quibus honorifice semper lo-
quendum est,

5 Si quem litteralem cuiusquam loci sensum
esse significant Pontificum, seu Conciliorum,
præsertim Generalium, Canones, eum littera-
lem esse defendat; nec alios præterea litterales
addat, nisi eximijs adductis coniecturis.

6 Idem Canones si quo ex loco dogma ali-
quod Fidei constabiliunt ex instituto, eū quo-
que sensum aut litteralem, aut mysticum, cer-
tum tamen, esse doceat.

7 Sanctorum quoque Patrum vestigijs vene-
ranter insistat. Ex quibus si quicunque locum
quempiam tractarunt, in eius sensum aliquem
siue litteralem, siue allegoricum cōsentiant di-
sertis verbis, præsertim dū ex professo de scri-
pturis aut de Dogmatibus disputant, ab eo-
rum interpretatione non recedat.

8 Sin de vno aliquo sensu inter Patres non
conueniat, ex eorum varijs (tanto magis, si
contrariæ non sint) expositionibus, eam præ-
ferat, in quam a multis iam annis Ecclesia ma-
gno consensu videtur esse propensior.

9 Quin etiam si quod est fidei dogma, quod fe-
re quam plurimi Patres aut Theologi ex scri-
pturis probare contendunt, id ipse probari in-
de posse non neget.

10 Si quid sit in Hebræorum Rabinis, quod
vel pro latīna editione vulgata, vel pro Catho-
licis

licis Dogmatibus fructuose posset afferri, id ita afferat, vt illis propterea nec auctoritatem vllam, nec auditorum amorem conciliet, præferrim si fuerint ex ijs, qui post Christum Dominum scripserunt.

11. In cæteris Rabinorum rebus conquirēdis, aut etiam erroribus exagitandis, nisi valde celebres sint, non laboret. Idemque seruet in legendis quibusdam recentioribus Christianis interpretibus, plus nimio Rabinos secutis.

12. Imo neque punctis, quod Rabinorum inuentum est, confidat admodum, sed diligenter expendat, quomodo Noster vel Septuaginta, vel Antiqui Interpretes alij legerint, cum puncta non essent.

13. In quolibet Scripturæ loco, nisi magnum sit & moræ & operæ pretium, non hæreat valde, ne lēti fiant progressus. Quin potius totum v. g. Esaiam vno anno explicare laudabile est.

14. Quocirca sacrorum librorū aliquos quidem (facilioribus eorum nonnullis capitibus exceptis) explicet ad longum, vt Iob, Psalmos, Prophetas, Ecclesiastem, Cantica, Prouerbia, prima capita Geneseos, Euangelia, Epistolas S. Pauli, ac cæteras, quæ vocantur Canonica, & Apocalypsim.

15. Ceteros autem libros sicut per quæstiunculas, (nisi raro nec sine magni emolumentispe) explicare non debet: ita satis fuerit summam capituli initio perstringere, mox paucis quibus-

quibusdam difficilioribus explanatis, ad alia
progredi.

16. Quæstiones Scripturis proprias, Scholasti-
co more non pertractet; nec (nisi locus ipse id
exigat necessario) in varia temporum supputa-
tione, aut in perscrutandis Terræ sanctæ locis,
aut in huiusmodi alijs parum vtilibus multum
temporis ponat. Auctores, qui de his copiose
differunt, satis erit indicare.

17. Allegorias & Moralia, si vulgata non sint,
& in sensu ipso litterali quodammodo nata vi-
deantur, atque ingeniosum ac perspicax ali-
quid præferant, non prætermittat. Quæ eius-
modi non fuerint, significet tantum, quibus ex
Patribus possit ea sumere, qui velit.

18. Si quem incidat in locum vel nobis cum
hæreticis cōtrouersum, vel in Theologicis cō-
certationibus in vtramque partem iactari so-
litum, exponat tantum, grauiter tamen & stre-
nue, præsertim si aduersus Hæreticos agat,
quantum is locus ponderis habeat ad eā quæ-
stionem definiendam: omittat cetera, vt insti-
tuti sui memor nihil aliud, quam scripturam,
docere videatur.

19. Si aliqui duo Scripturæ libri in eadem ma-
teria versentur, dum exponit vnum, proprii
quidquid habet alter, inserat. Hoc modo refer-
ri potest Deuteronomium ad alios tres proxi-
mos Moïsis libros: Paralipomenon ad libros
Regum, & in Euangelijs Marcus ad Matthæum;
tametsi

tametſi cum his etiam Lucas & Ioannes expo-
ni poſſent, ſed non niſi cum eandem rem, ali-
ter tamen enarrant.

20 Nouum & vetus teſtamentum, niſi aliud
interdum ſatius eſſe iudicetur, alternis annis
explicet. Nec librum vno capto anno extra-
hat in alterum, niſi grauem ob cauſam.

21 Ad eundem librum interpretandum non
recurrat, niſi poſt explicatam maiorem fortal-
ſis partem præcipuorum librorum.

22 Vt ſcripturæ ſtudio magno in honore
apud auditores ſit, quoad eius fieri poterit, eni-
tatur. Quare cum egregium aliquem ſcrip-
turæ expoſitorem in medium producit, cum
dignitate proferat, & ab alijs prolatum exci-
piat honorifice.

23 Semel in hebdomada, quo die Rector ſta-
tuerit, prælectiones ſuas domi repeti iubeat a
Noſtris, eos de præcipuis capitibus per hebdo-
madam auditis interrogando.

24 Semel etiam quolibet menſe ipſe vna cum
ſtudioſorum præſecto deſignet vnum aliquem ex
Theologis auditoribus, qui in Reſectorio dum
prandetur, aut cænatur, lectionem habeat, qua
obſcuriorem aliquem ac celebriorem Scriptu-
ræ locum egregie pertractet atque explicet.

25 Idem ſemel aut iterum per menſem publi-
ce fiat in Gymnaſio; idque ea hora, qua profeſ-
ſor ipſe docere ſolebat: dimidia prælegat audi-
torum aliquis, dimidia altera duo, quos ad id

Profeſ-

Professor satis instruxerit, argumententur, nō aliunde tamen, quam ex varijs siue Scripturæ locis, siue linguarum Idiotismis, siue Patrum interpretationibus.

26 Hortetur suos interdum ad hoc studij genus, eisque denunciaret, ad Magistri Doctorisue gradum non promotum iri, nisi qui prius ex primarijs Scripturæ locis Theses aliquas defenderint, Scholasticis intermixtas.

Ad hoc studij genus, eisque denunciaret, ad Magistri Doctorisue gradum non promotum iri, nisi qui prius ex primarijs Scripturæ locis Theses aliquas defenderint, Scholasticis intermixtas.

REGVLÆ PROFESSORIS
SCHOLASTICÆ
THEOLOGICÆ.
FINIS ET OFFICIUM.



Sed VI muneris esse cogitet, solidam disputandi subtilitatem ita cum orthodoxa fide ac pietate coniungere, ut huic in primis illa deferuiat. Eam obrem quæcunque de opinionum delectu a Societate præscripta sunt, caste integreque seruare studeat.

PROFESSORVM ANNORVMQUE
termini.

Si duo fuerint professores, vnus quadraginta tres quæstiones ex prima parte S. Thomæ explicet primo anno.

Secundo anno materiam de Angelis cum quæstione, An repugnet assumi creaturam, ut instrumentum creationis; Et viginti vnâ quæstiones ex prima secundæ.

Tertio anno a quæstione quinquagesima quinta, vel septuagesima prima ad finem primæ secundæ. In explicando autem originali peccato aliquid ex prima parte posset inferi
de

de statu innocentia, saltem de essentia, & subiecto originalis iustitiæ.

Quarto anno ex secunda secundæ disputet de Fide, de Spe, de Charitate cum omnibus vel plurimis controuersijs de Scripturis, de Traditionibus, de Concilijs, de Ecclesia, de Romano Pontifice.

Alter autem professor primo anno exponat ex secunda secundæ quæstiones de Iustitia & iure, & præcipua quædam de Religione, vt de Voto, de Iuramento, de Simonia.

Secundo anno ex tertia parte quæstiones de Incarnatione; & si potest, aggrediatur etiã Sacramenta in genere; quæ si tunc non absoluerit, sequenti absoluat anno.

Tertio anno de Baptismo, & Eucharistia: & si quid poterit, de Sacramentis Confirmationis, Ordinis, Extremæ vnctionis differat.

Quarto anno de Pœnitentia, & Matrimonio.

3. Vbi tres erunt Theologiæ professores, primus enarret anno primo viginti sex quæstiones ex prima parte.

Secundo anno, reliquas eiusdem primæ partis quæstiones, quasunque poterit.

Tertio anno, ex prima secundæ quicquid poterit, antè quæstionem octogesimam primam.

Quarto anno, reliquum primæ secundæ.

Secundus professor exponat anno primo ex
secun-

secunda secundæ Controuersias de Scriptura, de Traditionibus, de Ecclesia, de Concilio, de Romano Pontifice.

Secundo anno, quæstiones de Fide, Spe, & Charitate.

Tertio anno, quæstiones de Iustitia & iure; de Restitutione, de Vsura, de Contractibus quantum potest.

Quarto anno absoluat si qua de Contractibus superfuerant: & addat, quæ de Religione & Statibus disputat S. Thomas.

Tertius Professor edisserat primo anno ex tertia parte quæstiones de Incarnatione; & si potest explicet etiam Sacramenta in genere, vel inchoet sequenti anno finienda.

Secundo anno disputet de Baptismo & Eucharistia.

Tertio anno de Pœnitentia & Matrimonio.

Quarto anno de Censuris Ecclesiasticis; & nonnihil de Sacramentis Confirmationis, Ordinis, & Extremæ vnctionis, si de his nihil secundo vel tertio anno differere potuit.

4 Quoniam in partibus S. Thomæ quædam sunt quæstiones, quas scholasticæ Theologiæ non tam necessitas, quam plenitudo postulat: quænam illarum sibi sint omittendæ, vel percurrendæ, vel alio trāsponendæ, cognoscet professor ex Catalogo, qui ad finem Regularum subijciatur.

Ex

5 Ex quaestionibus vero, quæ sibi pertractanda fuerint, singulas intra annum, cui ascriptæ sunt, absoluat. Si quas non poterit, prætermittat omnino, nec alterum in annum reiciat.

EXPLICATIO S. THOMÆ.

6 **S**I quando S. Thomas eandem difficultatem in plures distrahit articulos, præsertim diuersarum quaestionum, caueat professor, ne idem duobus repetet locis.

7 Poterit etiam, si velit, in vnâ disputationem vel in compendium redigere articulos illos; dummodo nihil prætereat, quod in articulis singulis obseruatione dignum sit, vt sit potius ordinata quædam S. Thomæ explicatio.

8 Faciles percurrat articulos: Itaque prælecto titulo, mox vel nudas S. Thomæ conclusiones indicet, vel dicat tantum, respōdet S. Thomas negatiue, vel affirmatiue.

9 Difficiliores autem diligenter explanet, magis tamen, minusve pro rerum grauitate; idq; hoc fere modo atque ordine.

Continuetur primum Articuli titulus; atq; explicetur, si quid habet obscuri.

Tum exponatur distinctio, si quæ est, ex cuius membris conclusiones S. Thomæ nascuntur.

Mox

Mox conclusio primaria S. Thomæ; dehinc alia, vt appendices, ponantur.

Conclusionibus singulis, nisi perspicua sint, annectatur aliqua ratio S. Thomæ: verumtamen non nisi nudas conclusiones scribant auditores continuationis gratia, vel etiam aliud quid, si obscurum sit.

Siquid præterea indicari ex libro operæpretium sit, quia id per se discipuli perspicere, aut colligere nequeunt, indicetur.

Dehinc dubia litteralia, si qua fuerint, edifferantur.

10 In his omnibus curandum imprimis, vt auditores erga, S. Thomæ doctrinam bene afficiantur, eiusque distinctiones, ac rationes magni faciant: quare regulariter explicandæ illæ sunt, & aliunde muniendæ, cum alijs in locis se ipse declaret.

QVAESTIONVM PERTRACTATIO.

11 **E**XPLICATIO quolibet S. Thomæ articulo, suam, si res exigat, quæstionem Professor instituat: non tamen prolixiorum vllum tractatum, nisi in ijs materijs, quæ vel in S. Thoma non habentur, vel habentur quidem, sed vtilius explicantur compendio.

12 In quæstionibus, de quibus inter Doctores non conuenit, non adducantur opiniones obsoletæ, absurdæ, inutiles, manifesto falsæ.

H

Suas

13 Suas Professor conclusiones probare studeat argumentorum non tam numero, quam pondere: seligat itaque præcipua quædam, leuiora prætereat.

14 Cum ex Doctorum testimonijs pugnandum est, non ipsa auctorum verba recitet, sed sententiam, nisi aliud res postulet: & pauca fideliter potius proferat, quam multa, quorum ipsos fontes sedulo non explorauerit.

15 Non coaceruet obiectiones, sed potissimas seligat: nec earum vnâ multipliciter refellat, nisi graui de causa: quin & interdum earum confutatio prætereunda est, si ex iactis ea fundamentis facile pateat.

16 Atque hæc omnia vel ampliora, vel contractiora esse oportet pro vario quæstionum gradu, atque ordine: sunt enim quædam adeo leues, vt vna fere probatissima opinione, eiusque vna, aut altera ratione contentæ sint, vix totidem adductis, ac solutis obiectionibus.

17 Ex quæstionibus autem mediocriter aut breuiter exponi solitis, quæ astrictius ac prescius vno quadriennio tractatæ fuerint, tractentur in altero paulo plenius per alterum professorem, quem principio quadriennij, studiorum Præfectus admonebit.

D E D I C T A N D O.

18 **S**I quis professor citra dictationem ita docere potest, ut quæcunque scribenda sunt, commode valeant ab auditoribus excipi, is ne dicet, optandum est.

19 Id vero assequi, nisi dictando, quicunque non poterunt, ita dicent, ut non verbatim interposita mora, sed vno fere spiritu propositione pronuntient; & si oportuerit, repetant totidem verbis.

20 Nec omnia, quæ docentur, dictanda sunt; non enim quæ habentur in vulgatis atque in promptu positis auctoribus, nisi quid occurrat obscurum admodum.

21 Breuiter ac presse dictandum, non obscure quidem, sed neque tam enucleate, ut vilescat professoris explicatio: resideat potius in auditoris animo stimulus quidam ad attente studendum, ad inquirendum, ad interrogandum.

22 Nec totam quæstionem professor dicet, mox explicet; nec contra; sed dictando explicandoque vicissim, suam prælectionem ex utroque pertexat, ut vni statim succedat alterum, idque in singulis fere particulis ac periodis: quarum vnam aut alteram postquam explicauerit, continuo dicet; aut simulac dictauerit, explicet.

23 **I**N opinionibus a Societate definitis non est satis Professore referre Doctorum sententias, suam reticere: sed defendat opinionem præscriptam, vel quæstionem ipsam relinquat, differatve ad cogitandum accuratius de proposita re.

24 Theses publice proponendas postquam ipse recognouerit, recognoscendas mittat & Præfecto: eiusque si quid commutandum putauerit, acquiescat arbitrio: sin minus, Rector adeundus.

25 Si quid inter docendum disputandumve erratum fuerit non aduersus rectam Fidem (tunc enim quid facto opus sit, perspicuum est) sed aduersus decreta Societatis, id Professor ex Præfecti præscripto exponat, aut retractet.

REPETITIONES.

26 **O**PTABILE est, vt Præceptor ad ea, quæ docuit statim repetenda, suos in schola & in officio contineat; eorumque vnum aut plures de varijs lectionis audite partibus interroget, cæteris audientibus: Deinde per se vel alium dubitationes tunc ab auditoribus proponi solitas explicet.

27 Id vero si ægre potest obtineri, post lectionem in schola vel extra scholam per quadrantem

tem cum minimum maneat, vt a Noſtris & ab externis ad eum accedentibus poſſit interrogari. Qui vero non accedunt, inter ſe repetant bini ſeu quaterni. Tametſi ſi qui tunc audire reſpondentem Magiſtrum poſſint & velint, prohibendi non ſint.

28 Domi quoque quotidie præter ſabbata, vacationes, & Feſta, ſiant a noſtris repetitiones; a quibus abeſſe, ſi velit, Præceptor poteſt, dummodo præſto ſit alius, qui admodum commodè præſſe valeat, Reſtoris arbitrio.

29 Iubeat præſes omnes ad repetendum totum paratos accedere: interroget autem quos ipſe volet, partite tamen ac membratim; neq; vero pauciores, quam tres, per quadrantem.

30 Id ubi ægerrime fieret, aut non bene cederet; præmoneantur tres ad totum quidem, ſed poſtea per partes exigendum a præſide. Nec repetatur ex ſcripto, ſed memoriter.

31 Poſt repetitionis quadrantem diſputetur: Antequam vero quæſtio, quam Præceptor ad explicandum S. Thomam habere ſolet, finiatur, de ea nullus argumentetur.

32 Diſputetur autem a tribus, a quolibet per quadrantem: tribus etiam quotidie, quo plures exerceantur, reſpondentibus. Id temporis vt ſatis ſit tribus, rigor formæ in diſputando ſeruetur, & cum iam noui nihil aſſertur, præcidatur argumentum: ſi quando tamen non eſſet locus tertio, differatur iſ in ſequentem

eiusdem materiæ repetitionem.

33 Veruntamen si vel ob materiæ difficultatem, vel ob discipulorum paucitatem, vel ob tarditatem ingeniorum, vel quia frequenter locus tertio deesset, id seruari non posset, duo sint satis: & si quid interdum temporis superesset, dubia proponantur.

34 Vbi sub Kalendas Iulias vacant a prandio superiores facultates, ab eo die ad Natalem B. Mariæ repetantur audita toto anno, distributis aut designatis a præceptore primarijs quæstionibus.

35 In hac exercitatione vnus auditorum repetat præcipuas conclusiones cum vno vel altero argumento per quadrantem; duo argumententur contra duos alios reliqua hora.

36 Repetantur autem vnus professoris quæstiones hebdomada vna, altera vero alterius: ita tamen vt hebdomada qualibet interponantur duæ præsentium lectionum repetitiones, vna vnus, altera alterius professoris.

37 Hoc ipsum repetitionum genus introducatur in ea quoque loca, in quibus licet non vacetur æstate post prandium; vacatur tamen duobus mensibus post annuos studiorum labores.

38 Et priori quidem harum vacationum mense, intersint omnes repetitionibus. Altero autem ita distribuantur, qui vicissim egrediuntur ad villam, vt numero mediocri sustentetur

hæc exercitatio. Sed vltima hebdomada vacā-
dum penitus.

39 Toto harum repetitionum tempore, siue
ab æstiuis pomeridianis, siue ab annuis vaca-
tionibus inchoentur, semel in hebdomada, die
Dominicæ alioue pro Rectoris arbitrio, inter
feratur (nisi obstiterint crebræ aliæ ex veteri
Academiarum more disputationes) hæc alia
exercitatio. Professor, in cuius hebdomadā is
dies Dominicus cadit, assignet amplas quas-
dam & illustres materias, quas vnus aliquis au-
ditorum vicissim tamen commutandus, expli-
cet ornate per dimidiam horā cum apparatu
& aliorum conuentu ad exercitationem & re-
creationem: reliqua dimidia hora defendat,
quæ legit, argumentante vno vel altero.

DISPUTATIONES.

40 **I**N Sabbato alioue, quem vetus Acade-
miæ cōsuetudo exigit, die, professores
vicissim proprias habeant in scholis disputa-
tiones per duas (plus etiam, vbi multiplex
externorū cōcursus) horas vltimas; quatuor, si
non obftet paucitas auditorum, argumenten-
tur, & quidem duobus quilibet argumētis per
seminhoram.

41 Si quam in hebdomadam duo festi dies in-
cidant, vel cum festo vno hebdomadaria vaca-
tio, non disputetur, sed legatur in Sabbato,

Id vero si tribus continuaretur hebdomadis, vna interponatur disputatio.

42 Præterea, vbicumque receptus Academiæ mos nihil obest, singulis, aut si valde pauci sint auditores, alternis mēsis (excipe duos æstiuos vltimos, vbi cœlum æstuosius est) communes ac generales fiât in scholis disputationes.

43 Perdurent mane ac vspere toto scholarum tempore, si professores sint tres: sin duo, duabus horis; nisi plus exigit externorum frequentia doctorum, qui subinde breuiter argumentari soleant.

44 Quot fuerint professores, totidem auditores & quidem ex eodem scamno, defendant, vnus quilibet professoris quæstiones: præsideant e scamnis professores, vnusquisque suo, moderante vniuersam disputationem Præfecto studiorum.

45 Argumententur ordinariè non minus, quàm trēs mane, totidem a prandio; & quilibet aduersus defendentes duos; quorum (si nihil impediât) qui prior mane responderat, sit a prandio posterior.

46 Intersint alij quoque Doctores Nostri, & tam ipsi, quam professores argumentorum, quæ agitantur inter partes, vim vrgeât; modo nec vnus, quod alter vrserat, prosequatur: nec prosequendum Professor suscipiat argumentum, cui vtiliter ac strenue adhuc insistit auditor.

47 Id ipsum præstare liceat externis etiã Docto.

ctoribus: Quin & ad argumentandum ex professione (nisi fortassis ea consuetudo alicubi minus probetur) a defendentibus inuitari possunt. Hoc tamen in priuatis disputationibus siue Præfetti permisso & delectu non faciendum.

48 Præter hebdomadarias ac mensuras disputationes, fiant adhuc Actus publici particulares alij, alij Generales, idque non modo ubi Nostris publice, sed etiã ubi domi Theologiam audiunt, externis tunc inuitatis cū aliquo apparatu. Habeantur autem hi Actus ab Auditoribus biennio, quo repetendæ Theologiæ vacant: ubi vero id nondum potuit introduci, anno Theologici studij quarto; aut si a quo pauciores hi sint, tertio.

49 Particularis Actus vnã ex quatuor Theologiæ partibus complectatur, neque tamen quatuor ab vno quolibet auditore habendi sunt, sed vnus: fiant autem hi particulares actus ab instauratione studiorum ad paschales ferias vel in Sabbatho, vel in festo minus celebri, vel aliter feriato die.

50 Post pascha celebrētur Generales, hoc est, totius fere Theologiæ. Hos habituri qui sunt, eorum vnus in vltimã reseruetur hebdomadã qua studia finiendã sunt: alter in eã, qua scholæ rursus aperiendæ. Qui vero Actũ aliquem siue Generalem siue particulare habiturus est, initio nonnullas conclusionum suarum breuiter grauiterq; confirmet. Idem in Mensuris etiã

disputationibus, si videbitur, fieri poterit.

51 Generalium Actuum conclusiones, si placeat, possunt & esse communes Nostri omnibus intra eundem annum defensoris, & publicis typis (nisi loci consuetudo id nequaquam ferat) excudi.

52 Particulares actus duabus horis & dimidia circūscribātur, nec nisi mane vel a prandio tantum. Generales vtrumque tempus occupent: vel ad quatuor aut quinque horas protrahantur, ubi non nisi mane, vel a prandio disputare moris est. Argumententur non minus, quam tres, quorum primus sit Doctor.

53 Ad hos utrosque actus auditores cæteris ingeniosiores iudicio Præfecti & consilio professorum seligantur, & pauciores ad Generales quam ad particulares: ad quos delecti qui fuerint, suam Theologiæ partem renouatis statim studiis præfecti ac professorum arbitrio sortiantur.

54 Ad Generales habendos bis aut ter quotannis inuitentur etiam ij, qui Theologiæ curriculum in nostro gymnasio non exigua cum laude peregere; huiusmodi tamen actus oportet esse cæteris solemniores, & frequenti Nostrorum externorumque Doctorum conuentu celebrari.

55 Præsideant omnibus actibus vicissim professores, vel alij Doctores Nostri; si fuerint; vel etiam aliquis externus Doctor insigni aucto-
cto-

toritate, si ratio foundationis vel consuetudinis id exigat.

56 Conclusiones non sint plures quam octo vel nouem in disputationibus hebdomadarijs: quam duodecim vel quindecim in Menstruis: quam viginti in actibus particularibus: quam quinquaginta in Generalibus: pauciores etiā, si publicus Academiæ mos aliter habeat.

57 Conclusionum quælibet non excedat tria seu quatuor membra, non sterilia tamen: nec disputent externi, si fieri potest, nisi rogati.

58 Sic autem instituantur iuuenes, vt nihil eos magis pudeat in disputando, quam a formæ rigore defecisse. Nihil ab illis seuerius atque inuiolabilius exigat præceptor, quam disputandi leges ac statas vices; quicquid in his delinquatur, emendet statim: si quid aliter disputetur, non fructum, sed magnam doctrinæ & existimationis iacturam putet.

59 Itaque qui respondet, repetat primum argumentationem propositam: deinde addat Nego vel Concedo Maiorem, seu Minorem, seu Consequentiam: interdum etiam distinguat, modo minus frequenter: rarius autem vel declarationes vel rationes, præsertim inuitis, obtrudat.

60 Ex auditoribus publice non disputent, nisi doctiores: cæteri priuatim exerceantur, & quidem eo diligentius, quo rudiores: raro tamen prodeant in publicum, nec nisi prius a

præ-

præceptore sic instructi, vt eo loco non putentur indigni.

61 Esse tandem cogitet præceptor disputationis diem non minus quam lectionis laboriosum; futurumque si segniter ipse langueat, vt segnitie quadam ac tædio tota etiam classis obtorpeat: excitet oportet omnibus, quibus potest artibus auditores, his potissimum.

Nullo modo ferat iuuenes fabulari: nō dormire: non egredi pro arbitrato: hortetur, coarguat, pudefaciat, prout expedire iudicauerit.

Disputationibus ita præsit, vt ipse videatur esse, qui in utroque concertatore concertet.

Collaudet, si quid afferatur boni: & attendere omnes iubeat, cum insignis aliqua proposita fuerit difficultas.

Suggerat subinde breue aliquid, quo vel fulciat respondentem, vel argumentantē dirigat.

Exprobet interdum, nondum intellectam rem aliquam esse, quam ipse toties inculcarit.

Neque diu taceat: neque semper loquatur, vt ipsi etiam discipuli promant quod sciunt; ipse vero quod promptum fuerit, emendet aut expoliat.

Non subterfugiat difficultatem vllam: sed disputantem progredi iubeat, dum vim obtinet vnum atque idem argumentum: nam si ad aliud ille tacite proreperit, id a professore dissimulandum non est.

Non patiatur vel argumentum pene solum longius vrgeri, vel responsionem non bene constantem diu sustineri; sed post aliquam concertationem indicto omnibus silentio, re totam breuiter explanet, vt certi definitique aliquid ex ea schola reportent auditores.

Quin & ob eandem causam aliqua professor ex prolixis lectionibus resecet, in diemque disputationis referuet: digna, quæ sedulus auditor obseruet inter disputandum, & in libellum deinde referat, si velit.

Ad disputationes, priuatas etiam, se inuicem inuitent professores, diuersarum licet facultatum, saltem per horam aliquam, quo magis concertatio feruescat congressu præceptorum: quibus tempestiue theses, de quibus disputandum est, oporteret indicari.

Ad easdem etiam inuitandi, qui in nostris scholis studuerunt, præsertim doctoratum consecuti.

Si quid denique aliud vsquam in usu est, quo disputationes reddi solent celebriores, id sedulo retinendum, enixeque curandum, ne frigescant paulatim & concidant.

CATALOGVS

QVAESTIONVM,

QVAE A THEOLOGO PROFESORE
tractandae non sunt: vel si tractantur, non
tractandae, nisi certo quodam loco,
nec in alio repetendae.



VATVOR imprimis rerū genera sunt, à quibus, licet Theologi doctores soleāt ea pertractare nō raro, par tamē est nostros professores scholasticā Theologiae, quo in eā liberius incumbant, quoad eius fieri poterit, abstinere.

Vnum genus quaestiones aut commentationes diuinis scripturis proprias complectitur. Has scholasticus concedat interpreti scripturarum. Qui tamen sicubi non fuerit, aut non credatur propediem peruenturus ad ea loca, in quibus edisseri solent quaestiones non nullae tam ipsi, quam scholastico professori quodammodo communes, ad eas explanandas paulo liberius poterit excurrere scholasticus: vniuersim tandem suarum partium esse putet, ut quādocunque in scripturarum incidat mentionem totū hoc studij genus, & Doctores, etiam neotericos de eo bene meritos, honorifice prosequatur: efficiatque apud suos, ut in pretio, quo res
 tanta

tanta digna est, habeatur.

Aliud genus in Controuersijs aduersus Hæreticos positum est : in quibus pertractandis, quoties in S. Thomæ partibus occurrerint, seruet scholasticus scholasticam potius, quam Historicam rationem : & satis esse putet conclusionem quamlibet duobus aut tribus illustribus munire fundamentis : diluere etiam totidem fere præcipuas Hæreticorum calumnias : In singulis tamen indicet auctorem quempiã, ex quo cætera promere possit, qui velit.

In tertio genere sũt philosophicæ res : quas haudquaquã ex professo retractet Theologus, sed vt ab alijs pertractatas sumiat : cunque eas ad Theologiam explicandam adsciscit, non tã disputando, quam recitando hoc faciat, idque iuxta receptas philosophorum sententias ; neque enim fas est Theologo : nouam sibi concedere Philosophiam,

Ad extremum genus pertinent conscientie Casus quos vocant : Hos vero si tres sunt Theologi professores, non minus copiose pertractent, quam cæteras quæstiones. At si duo, & has etiam materias exponere iussi fuerint Præposito Prouinciali, quæcunque sunt huius generis in partibus S. Thomæ, in aliquas ea conclusiones vna aut altera auctoritate seu ratione probandas redigant summam ; vt quam minimo fieri potest theologicarum quæstionum detrimento, scientia Casuum, quæ satis esse censeatur,

seatur, non careant auditores.

Cæterum si a Prouinciali constitutum fuerit, ut Theologiæ auditores seorsim a Theologiæ curriculo doctrinam Casuum hauriant aliunde, scholastici professores duogenerali-
bus quibusdam rerum moralium principijs, de quibus disputari scholastico more solet, cōtenti distinctiorem illam ac minutio-
rem Casuum explicationē prætereant, præsertim quæ ad contractus, ad impedimenta matrimonij, ad censuras Ecclesiasticas, ad confessionis, & confessarij conditiones, ad varios hominum status & officia pertinent.

Meminerit tamen scholasticæ Professor, quāuis ea, quæ harum quatuor facultatū propria sunt, aut omittere debeat, aut attingere parcius: æquum tamē esse, ut ipse nec publice, nec priuatim quicquam detrahat, sed beneuole potius, ac solerter consulat existimationi atque auctoritati eorum, qui illas quatuor facultates profitentur, etiam si non nisi domesticæ de Casibus collationi præsent. Quare si quando audiat, illos quicquam minus accurate aut docuisse, aut respondisse, non irrideat, non oppugnet, non facile condemnet; excuset si potest, aut eleuet culpam, aut rem Præfecto, Rectoriue deferendam curet.

His generatim perstrictis, operæ pretium iā est, enucleatiorem adhuc scribere catalogū, hæc & id genus alia distinctius complectentē.

In

In quo licet quæstionibus, quæ ad eundem & professorem & annum spectant, proprius attribuatür locus; non ita severe tamen, ut intra eundem annum transferri nequeant, si videbitur professori.

Quinimo quoscunque S. Thomæ Articulos, Quæstiones, Materias recidendas, aut ad alios professores reijciendas esse demonstrat Catalogus, etiam si moneat de his nihil esse dicendum; plenam tamen eorum prohibet explanationem, nõ breuiorem aliquam, si velit professor, & vacet.

Q. 1. 1.

1. 1. 1.

1. 1. 1.

1. 1. 1.

CATALOGVS ALIQVOT QVÆSTIONVM EX PRIMA PARTE

· · · · · S. Thomæ.

Q. 1. ar.
1.

NON videtur disputandum hic de
S. Thomæ solutione ad secundū
quia philosophica est, sicut & quæ
stio de potentia neutra. Vtrum
insit hominī naturalis appetitus
ad claram Dei visionem, differatur in 1. 2. q. 3.
art. 8. vel q. 5. art. 8. Quæstio item de necessita-
te doctrinæ reuelatæ in genere, remittatur ad
secundam secundā, vbi agitur de necessitate fi-
dei. Tametsi nihil prohibet hic breuiter dispu-
tari de necessitate Theologiæ tantum.

ar. 2.

Quæ pertinent ad naturam scientiæ, & ad
subalternationem scientiarum, non disputen-
tur hic, sed supponantur ex Logica.

ar. 3.

Non tractetur hic de rationibus formali-
bus obiectorum scibilium: neque an scientia
sit vnus simplex habitus, & qualitas in genere:
hæc enim philosophorum sunt: sed his supposi-
tis sufficit quærere, an Theologia ex aliqua ra-
tione peculiari sit vnus habitus, & vna simplex
qualitas.

ar. 4.

Non disputentur, sed supponantur, quæ dici
solent de speculatiuo & practico, vt sunt
disse-

differentiæ scientiarum.

Non tractetur, quid sit certitudo assensus, ar. 5.
quid firmitas, quid veritas, quid euidētia, &
quotuplex, sunt enim Logicorum.

Vtrum Theologus possit euidēter aut ar- ar. 8.
ticulos fidei probare, aut diluere aduersario-
rum argumēta, non hic tractetur, sed in secun-
da secundæ. Id tamen licebit hic disputare de
conclusionibus tantum, quas ex fidei princi-
pijs Theologus deducit.

An decuerit Scripturam abundare meta- ar. 9.
phoris & parabolis, & an sacra littera aper-
ta & clara sint, relinquuntur lectori scriptu-
ræ, & controuersiarum, sicut etiam tractatus
de sensibus scripturæ.

Non explicetur, sed ex Logica supponatur, Q. 1.
quid, & quotuplex sit propositio per se nota, &
immediata: nec rationes S. Thomæ, quibus de-
monstrat Deum esse, confutentur, sed potius
corroborentur.

An aliquod corpus moueat immotum, & Q. 3. ar.
an viuens nobilius sit non viuente, & an Ari- 1.
stoteles recte probauerit Deum esse incorpo-
reum, relinquatur philosophis.

Nihil hic de principio indiuiduationis. ar. 3.

Non tractetur de distinctione suppositi, & ar. 3.
naturæ; pertinet enim ad 3. par. q. 3. ar. 3. Quo-
modo autem distinguantur, in creaturis esse
& essentia, relinquatur Metaphysico.

In quæstione an Deus sit in prædicamento, ar. 4.

rescindantur quæ sunt propria Logicorum.
 Quæstio vero, an Angeli, & Cœli sint in Prædicamento, tota logico relinquatur.

ar.7. An simplicitati diuinæ repugnet personarum, & relationum pluralitas, non tractetur hic, sed infra q.28. ar.2.

Q.4.ar.1. An aliqua perfectio, quæ formaliter sit in Deo, libere ei conueniat, differatur in q.19. ar.2. An autem relatio diuina secundum se sit aliqua perfectio, remittatur ad materiam de Trinitate.

Q.5. Prætermittatur, & ex Metaphysica supponatur, quid sit bonum.

Q.7.ar.1. Quid Aristoteles senserit de Dei infinitate, relinquatur philosopho.

ar.2.3. An creari possit aliquid infinitum in quantitate, vel in qualitatibus naturalibus, philosophi est disputare, sicut & de infinito in genere substantiæ; cum tam hoc, quam illud infinitum esse creabile, iisdem fere argumentis probari soleat aut oppugnari. An autem possibile sit infinitum in qualitatibus supernaturalibus, a Theologo disseratur, sed in secunda secunda, q.24.ar.7.tantummodo.

Q.8. De vbiuitate humanitatis Christi non tractetur hic, sed in 3.par.q.2.

Q.9. An Angeli & Cœli sint entia necessaria, & immutabilia, non est quæstio Theologi, sed Metaphysici.

Q.10. Tempus discretum pertinet ad hunc locum.

De

De vno, vt est passio entis, nihil dicat Theo Q. 11.
logus, cum sit Metaphysica res.

Non hic agatur de naturali appetitu visio- Q. 12.
nis Dei, sed in prima secundæ. ar. 1.

An repugnet in subiecto quanto inhzere ar. 3.
accidens spirituale, vel in subiecto immate-
riali accidens corporale, differatur in mate-
riam de Eucharistia.

Tractare de inæqualitate præmiorum, sicut ar. 6.
& meritorum, pertinet ad primam secundæ. q.
4. ar. 2.

De cognitione beatifica animæ Christi non ar. 8.
disputetur hic, sed in 3. parte.

An puro viatori possit communicari cui- ar. 12.
dens notitia abstractiua articulorum fidei, nõ
hic disputandum est, sed supra q. 1. ar. 1.

De distinctione attributorum & essentiæ ni Q. 13.
hil hic repetatur, si de ea supra disputatum est ar. 3. &
q. 3. 4.

Nõ disputetur de Analogia entis, cum spe- ar. 5.
ctet ad Metaphysicum.

Nihil hic dicatur de relationibus in gene- ar. 7.
re, cum id Metaphysicæ speculationis sit.

Modi, quibus sumitur nomē Dei, & ea quæ ar. 8. 9.
dici solent de nomine Tetragrammato, relin- 10. 11.
quantur inrerpreti scripturæ. 12.

Disputatio de vero & falso, Metaphysici ne- Q. 16. &
gotij est. 17.

An Deus sit causa peccati, & an teneamur Q. 19.
voluntatem nostram diuinæ conformare, per- ar. 9. &

1 3 tinent 12.

tinent ad primam secundæ.

Non moretur Theologus in explicanda Peripateticorum, aliorumque Philosophorum sententia de prouidentia Dei.

Q. 23. Ad quem finem ordinaretur homo, si non esset finis supernaturalis, non disputetur hic, sed in prima secundæ, q. 2.

art. 3. Quid agendum sit ei, cui sua damnatio reuelaretur, non tractetur hic, sed in materia de Spe.

art. 5. De prædestinatione Christi, & quomodo Christus sit causæ nostræ prædestinationis, relinquatur tertiæ parti.

Q. 24. Exactior disputatio de libro vitæ pertinet ad interpretem Scripturæ.

Q. 25. An actio sit in agente ut in subiecto, quæstio Physicorum est, non Theologorum.

art. 1. An Deus per se solum possit efficere rem, quæ est peccatum, pertinet ad primam secundæ, sicut ad secundam secundæ, An possit per se, vel per alium dicere falsum.

art. 6. Nihil hic de Beatitudine in genere, vel de nostra.

Q. 27. De verbo mentis nihil aliud tractetur, quàm an producat ab intellectu nostro, ut terminus actionis, & quomodo ab ea distinguatur: nec fiat longa tractatio de Trinitate probanda ex Scripturis.

art. 2. An pili & capilli in animalibus uiuat, relinquatur Philosopho.

Non

Non disputetur, an amatum sit in amante: ar. 3.
neque an notitia concurrat actiue ad actum
voluntatis: prius enim ad Philosophiam, poste-
rius ad primam secundæ pertinet.

Quæcunque Caietanus, vel alij hic disputāt Q. 28.
de Relationibus in genere, relinquuntur Me- ar. 1. &
taphysico. 2.

Quid suppositum addat supra naturam sin- Q. 29.
gularem, pertinet ad tertiam partem.

An euidenter dilui possint argumenta con Q. 32.
tra Mysterium Trinitatis, pertinet ad credibi-
litate articulorum fidei, de quæ agitur in 2.

2. q. 1. ar. 4. 2. 15

De varia censura, & qualitate propositionū ar. 4.
non disputetur hic, sed in materia de Fide.

Non disputetur hic, quomodo persona diui Q. 39.
na distinguatur ab essentia, si q. 28. tracta-
tum fuit de distinctione relationū & essentia.

De visibilibus signis, in quibus apparuit Spiri Q. 43.
tus Sanctus, commodius disputare potest in-
terpres scripturæ. An autem illa hypostatice,
vnita fuerint Spiritui Sancto, pertinet ad ter-
tiam partem. 2. 15

Item an apparationes visibiles, quæ in yete 2. 15
ri seu nouo Testamento tribuuntur Deo, fue-
rint factæ immediate per Deum, an per Ange- 2. 15
los, non fuisse tractetur hic, sed in scripturæ in-
terpretatione. 2. 15

An motus Angelorum possit fieri in instan- Q. 53.
ti supponit multa philosophica, quæ hic non

tractentur. Id quod etiam seruetur in ijs, quæ disputantur. q. 3. 4. ar. 1. & 3.

EX PRIM A SECUNDAE.

Q. 1. ar. 1. **H**IC nihil, aut breuissime differendum est de deliberata voluntate, De consensu perfecto & imperfecto, & quid sit hominem esse dominum suarum actionum: hæc enim locum suum habent inferius. Item nihil hic dicitur de causalitate finis; est enim quæstio physica.

ar. 2. An Deus agat propter finem, pertinet ad 1. partem in materia de voluntate Dei. Item vtrum natura agat propter finem, quæstio philosophica est. Igitur de his nihil hoc loco dicendum videtur.

ar. 3. Cauendum est, ne hic & inferius eadē quæstio disputetur, nempe. Vtrum actus hominis recipiant speciem à fine. Leuiter igitur hic attingatur, & plene differatur inferius.

ar. 4. Quomodo bonum sit sui diffusiuum, non disputetur hoc loco.

Q. 2. Vel omittatur, vel compendio exponatur, cum tota in Ethicis Aristotelis contineatur.

Q. 3. ar. 1. An Deus videatur à Beatis visione Dei increata, hic explicetur, non in 1. Parte.

ar. 2. An habitus sit melior suo actu, non videtur hic explicandum, cum sit Quæstio Philosophica, & inferius habeat suum locum.

De perfectione sensuum in corpore glorio- ar.3.
so, eiusque dotibus, hic & q.4. ar.6. aliquid dica-
tur, si vacat, cum ad materiam de nouissimis
non perueniatur. Item an Deus videri possit
per aliquem sensum, seu sensitiuam notitiam,
non hic, sed in 1. parte differatur.

In quo consistat summa miseria damnato- ar.4.
rum, non explicetur hoc loco, sed inferius, vbi
de pœna peccati agitur.

Nihil dicatur de intellectu practico & spe- ar.5.
culatiuo, nec de praxi & speculatione.

Omittatur, vel breuiter attingatur Caieta- ar.6.
ni commentarius in hunc locum.

De obiecto intellectus, & vtrum anima na- ar.7.
turaliter possit cognoscere substantias separa-
tas, non disputetur hoc loco, sed relinquatur
Philosophis.

Quicquid hic differi solet de differētia de- Q.4. ar.
lectationis, amoris, & fruitionis differatur in 1.
q. de frui & vti. Item an cum visione Dei possit
aliquo modo stare tristitia, reijciatur in 3. par-
tem, vbi quæritur, an Christus secundum ratio-
nem superiorem passus sit.

An delectatio quæratuꝝ propter operatio- ar.2.
nem, an contra tractetur in Ethicis: hic vero
nihil, vel breuissime.

An animæ sanctorum à corporibus separa- ar.3.
tæ statim Deum videant, hic tractetur, non in
1. parte.

Quæ sunt propria visioni beatificæ, relin- Q.5. ar.
quantur 3.

quantur 1. parti; & solum hic disputetur contra hæreticos de inæqualitate præmiorum in genere: Item an hæc inæqualitas tollat, quo minus habeat satiātū appetitū, qui minus beatus est.

ar.3. Relinquatur fere primæ parti totus.

ar.5. Nihil dicatur de merito, aut de necessitate luminis gloriæ.

ar.8. An vero appetitu ordinato magis appetat damnatus non esse, quam sic esse, pertinet ad quæstionem de pœna peccati.

Q.6.ar. Non differatur hoc loco de libero arbitrio 1. contra hæreticos, sed in materia de grātia.

ar.2. Vnde proueniat, quod homo sui compos sit proprie liber & dominus suorum actuum, tractetur infra in quæstione de electione.

ar.3. Nihil dicatur de pura omisione.

ar.4. Disputetur hic, an voluntas possit cogi, nō autem an possit necessitari, quia de hoc inferius tractandum est.

ar.6. Quomodo metus irritet matrimonium, votum, iuramentum, & contractus, reseruetur secundæ secundæ, & tertiæ parti.

ar.8. Difficultates de ignorantia reseruentur in q.76.

Q.7. Plenior consideratio circumstantiarum nō est huius loci, cum de illis sæpe inferius discernendum sit.

Q.9.ar. De concursu Dei cum nostra voluntate nō 4: hic disputetur, sed in prima par. Nihil etiam dicatur

dicatur de fortuna.

Nihil hic differatur de præscientia seu præ- ar. 4.
definitione actuum liberorum, neque de gra-
tuita motione, qua Deus mouet voluntatem
humanam.

Non videtur hic quicquam differendum de Q. 11.
obiecto spei, neque an possit beatus frui diui-
na essentia, non fruendo personis, vel vna per-
sona & non alijs, hoc enim pertinet ad primā
partem.

Non tractetur, vtrum intellectus possit si- Q. 12.
mul multa intelligere. ar. 3.

Non differatur hic, vtrum aliquando liceat Q. 14.
consulere minus malum.

De consensu formali, vel interpretatino, & Q. 15.
an pertineat ad rationem superiorem, infe-
rius tractandum est.

Quomodo ratio imperet membris exter- Q. 17.
nis, nepe despotice, an politice, disputare phi-
losophi moralis est: breuiter igitur hoc loco
expediatur.

Varie acceptiones boni & mali differan- Q. 18.
tur in materiam de peccatis: vbi etiam tracta ar. 1.
ri potest de entitate illa morali. Item contro-
uersia cum hæreticis, an omnis actio humana
sit mala, differatur in materiam de gratia.

Vtrum in homine existente in gratia detur ar. 9.
aliquis actus indifferens ad meritum & de-
meritum, disputetur in materia de merito.

Prætereantur ea, quæ pertinent ad confes- ar. 11.
sionem

sionem circumstantiarum.

Q. 20.
ar. 5. Hæc difficultas repetitur in materia de peccatis: quare in eum locum reseruetur, exposito hic solo textu S. Thomæ.

Q. 21.
ar. 4. Difficultates huius articuli differantur in materiam de merito.

Quæstiones quæ sunt inter 21. & 71. omitti possunt. Explicentur tamen pauca de habitibus, & de virtutibus in genere,

Q. 71.
ar. 4. Quomodo peccatum virtutes, præsertim infusas, expellat, non hic explicetur, sed in secunda secundæ, in materia de Charitate.

Q. 72.
ar. 2. Relinquatur interpreti scripturæ illa quæstio, vtrum dæmones possint coire cum fœminis: quamuis in materia de Angelis aliquid ea de re possit attingi.

ar. 5. Nihil hic de distinctione mortalis & venialis.

ar. 8. Hæc difficultas satis explicata manet ex q. 18. ar. 5.

ar. 9. Non repetantur, quæ supra de circumstantijs dicta sunt.

Q. 73.
ar. 8. Non descendatur ad casus particulares de scandalo, vel restitutione: neque hic tractetur, vtrum is, qui alium ad peccatum inducit, grauius peccet, quam qui occidit, pertinet enim ad materiam de scandalo.

ar. 9. De infinita malitia peccati aduersus Deum commodius tractatur in principio tertiæ partis.

Non

Non tractetur, quæ fides requiratur ad salutem. Q. 76. ar. 2.

Nihil dicatur de immediato Dei concursu cum secundis causis. Q. 79.

Vtrum Deus aliquem necessarijs auxilijs ad salutem destituat, non tractetur hoc loco, sed in materia de prædestinatione, & reprobatione. ar. 3.

Immaculata conceptio B. Mariæ, non est huius loci, sed tertiæ partis, ubi etiam dum de eiusdem sanctificatione agitur, tractetur quoque de fomite, & quomodo ligetur, aut tollatur. Q. 81. ar. 3.

Quomodo natura lapsa differat a puris naturalibus, tractetur in materia de gratia. Q. 85.

Vtrum dimissa culpa maneat reatus pœnæ, reseruetur in materiam de pœnitentia. Q. 87. ar. 6.

Quomodo Deus peccata patrum puniat in filijs, relinquatur interpreti scripturæ. ar. 8.

Expositio S. Pauli relinquatur Lectori scripturæ. Q. 89. ar. 2.

De primis motibus sensualitatis in infidelibus satis esse videntur, quæ superius de primis motibus dicta sunt. Vtrum autem omnia opera infidelium sint peccata mortalia, differatur in secundam secundæ, q. 10. ar. 4. ar. 5.

Non disputetur hic, vtrum peccent, qui pœnæ metu legem seruant: nec vtrum Deus peccata permittat, an velit. Q. 92.

Disputatio de Cessatione Legalium pertinet. Q. 103.

net ad materiam de Legibus. At si quo quadriennio non vacaret agere de Legibus, differatur in materiam de Baptismo.

Quæstiones 101. 102. 104. 105. & expositio S. Pauli in Q. 89. ar. 2. prætereantur, cum Scripturarum sint.

Q. 109. Quid intersit inter modum præcepti, & eius substantiam, & utrum modus charitatis sit in præcepto, non differatur hic, sed in materia de Legibus.

ar. 4. ar. 5. Materia huius Articuli differatur in Quæstionem 114. ar. 7.

ar. 7. Non disputetur hic de macula peccati, nec de reatu pænæ, nec de corruptione boni naturalis, nec de alijs huiusmodi, quæ in materia de peccatis explicata sunt.

Q. 110. An gratia ponat aliquid in anima, vel hic tractetur, vel in quæstione 113. de iustificatione ar. 2.

Q. 111. Gratia gratis data, earumque explicatio plenior relinquatur interpreti Scripturæ.

ar. 1. & 4. ar. 3. Vtrum Deus insignes aliquos peccatores necessarijs auxilijs destituat, hic explicandum est, non in materia de prædestinatione.

Q. 112. Nihil hic dicatur de causalitate Sacramentorum circa gratiam.

ar. 1. ar. 2. Vtrum gratia primi hominis, & Angelorum in eorum creatione data fuerit supposita ipsorum dispositione, non hic tractetur, sed in prima parte.

Non

Non videtur hic agendum de contritione ar.3.
 continuata Caietani, vel de intensione Sco-
 ti; pertinent enim ad materiam de pœnitentia.

De necessitate Fidei in Christum ante vel post Euangelium promulgatum, non hic disputetur, sed in secunda secundæ. Q. 113. ar.4.

Utrum augmentum gratiæ detur in principio, an in fine actionis meritoria, & utrum si operatio meritoria successiua sit, ipsa etiam gratia successiue augeatur, melius reseruantur in questionem de augmento charitatis in secunda secundæ. ar.7.

De numero, & ordine, & necessitate omnium actuum, qui concurrunt ad iustificacionem, hic disputetur, non in materia de pœnitentia. ar.8.

Utrum in homine detur naturalis potentia ad gratiam, non disputetur hic, quia non multum differt ab illa, qua quaeritur de naturali appetitu, & capacitate beatitudinis circa princ. primæ secundæ. ar.10.

Nihil hic de merito Christi dicatur, cum pertineat ad tertiam partem. Q. 114. ar.6.

Utrum per quælibet opera augeatur gratia, & Caritas, reseruetur in materiam de Caritate in secunda secundæ. ar.3.

- Q. 1. **H**IC disputandum est de Scriptura, de Ecclesia, de Papa, de Concilijs, de Traditionibus, & si qua alia sunt huius generis.
- Q. 4. ar. 3. Non tractetur hic, sed infra in materia de Caritate, an Caritas sit forma omnium virtutum in genere.
- ar. 6. Disputetur hic, an Fides sit vnus habitus, non tamen, an sit simplex qualitas.
- Q. 5. ar. 1. Nihil de fide Angelorum in genere, de hac enim in materia de Angelis; sed hic tantum, an fuerit fides in primo Angelo, si erat ei euidentius Deum esse, qui loquebatur, & reuelabat ei mysteria.
- Q. 6. Non nisi breuissime, quia difficultas in materia de gratia tractatur.
- Q. 10. ar. 2. Quæstio de baptizandis pueris infidelium reseruetur in materiam de Baptismo.
- Q. 12. Hic non fiant longi tractatus de potestate Ecclesiastica & ciuili.
- Q. 23. ar. 2. Materia huius articuli non hic discutienda, sed in Quæstionibus de gratia: vbi etiam de distinctione caritatis, & gratiæ: sed an caritas sit virtus specialis, hic in ar. 4.
- Q. 26. Nihil hic de contritione, sed tantum, an Deus sit summe diligendus intensiue, seu solum æstimatediue; quod in materia de pœnitentia non repetatur.
- Q. 61. In materia de merito, non hic disputetur,
vtrum

utrum retributio meritorum apud Deum sit
secundum iustitiam commutativam, an distri-
butivam.

EX TERTIA PARTE.

NEC de potentia obedientiali videtur Q. 1. ar. 1.
hic agendum, nisi obiter, cum pertineat
ad primam partem in quaestione de omnipo-
tentia Dei: nec de Incarnationis possibilitate,
de qua tamen si quid hic agendum videretur,
non repetatur in q. 2. Nec de distinctione
suppositi & naturæ, sed remittatur ad q. 3. ar.
3. Tandem an sit de ratione boni se actu com-
municare, pertinet potius ad primam partem
in q. de bonitate Dei, vel in quaestione de libe-
ro arbitrio Dei.

Quomodo nos satisfaciamus pro peccatis, ar. 3.
& quo modo satisfactio nostra nitatur satisfa-
ctioni Christi, differatur in materiam de pœ-
nitentia.

Omittenda videntur dubia Caietani de ar. 4.
peccato originali.

De aduentu Messia contra Iudæos non di- ar. 6.
spudet Scholasticus, sed interpret Scripturæ;
cum ea res nitatur scripturis; quæ si diligen-
ter examinentur, occupant multum tempo-
ris; si breuiter, non potest res tanta firmiter
probari, propter multa Iudæorum subterfu-
gia, & cauillationes.

Q.3. An in Deo sint tres subsistentiæ, & an essentia secundum se subsistat, an per relationes, nō hic disputetur, sed supponatur ex prima parte in materia de Trinitate: vtrum autem possit vnum essentialiter dependere a multis dependentia causali, supponatur ex Philosophia.

Q.4.ar. Non disputetur de esse obiectiuo contra Scotum, sed supponatur ex prima parte in q. de scientia Dei.

Q.6.ar. Non videtur huc pertinere quæstio Caietani, an anima reuerſa ad corpus retineat suam propriam terminationem.

ar.4. An materia iam proxime disposita, sit propria formæ ante aduentum formæ, relinquatur philosopho: sicut & illud, an realiter totum distinguatur a partibus.

Q.7. An virtus heroica differat specie a virtute communiter dicta, supponatur ex philosophia morali, vel ex prima secundæ.

Q.8.ar. An humanitas Christi actiue concurrat ad infusionem gratiæ, & ad opera miraculorum, cum habeat eandem difficultatem cum sacramentorum causalitate, ideo ne sæpe repetatur idem, possunt ista coniungi, & simul tractari in materia de sacramentis in genere. Ex ijs tamen si quis voluerit non nihil in hac octaua quæstione attingere ad explicandum instrumentarium humanitatis concursum, hoc quicquid attigerit, nullo modo repetat in materia de sacramentis.

Non

Non videtur disputandum, qui sint, aut non sint membra Ecclesiæ, cum id pertineat ad materiam de Ecclesiâ. ar. 2. & 3.

Aliena videtur ab hoc loco illa quæstio Caietani, quomodo sequatur ex eo, quod actus habeatur secundum quandam eminentiam, quod sit actius omnium aliorum eiusdem rationis. ar. 5.

An intelligere diuinum possit communicari animæ Christi, pertinet ad primam secundæ, q. 3. ar. 1. Q. 9. ar. 1.

Ea, quæ ad cuiusque Beati statum pertinet, quando, & quomodo videantur, non tractetur hic, sed in prima parte, sicut & reliqua, quæ pertinent ad visionem Dei in communi. Q. 10. ar. 2.

An viator possit habere notitiam euidentem abstractiuam Trinitatis, non hic pertinet, sed ad primam partem. Q. 11. ar. 1.

Quicquid de habitu hic disputari solet in communi, supponatur ex philosophia, vel ex prima secundæ. ar. 5.

Quæ actiones dicantur humanæ, quæ non humanæ, quæstio est primæ secundæ. Q. 18. ar. 4.

De Christi sacrificio in cruento in cœna, & de ratione sacrificij, & hostiæ in communi, commodius disputatur in materia de Eucharistia, & Missa: item de sacerdotio Melchisedech, & vt fuit figura Christi, melius est, vt disputet interpret Scripturæ. Q. 23.

Non repetantur hic, quæ pertinent ad præ-

K 2 desti-

destinationem hominum, & Angelorum.

Q. 25. Omittenda videntur, quæ hic nonnulli tractant de phantasticis imaginibus, & varijs demonum illusionibus.

Ceteræ quæstiones de Incarnatione possunt omitti, præter sex fere: quarum prima sit de officio Mediatoris: vbi etiam aliquid de inuocatione Sanctorum dicendum est. Secunda de Conceptione Beatæ Mariæ. Tertia de miraculis Christi, propter quosdam hæreticos nostri temporis, qui vim miraculorum Christi, quantum possunt, eleuare conantur. Disputare autem de miraculis in genere, & quæ possibilia sint Deo, pertinet ad q. de omnipotentia Dei in prima parte; nulli vero creaturæ esse possibilia, fere disputatur in materia de Angelis. Quarta, an sint in Christo duæ filiationes, sed non disputetur in genere, Num vna numero relatione possit quippiam referri ad diuersos terminos. Quinta, an ratio superior sit passa in Christo. Sexta de descensu Christi ad inferos contra Caluinum.

DE SACRAMENTIS

in genere.

Q. 60. QVÆSTIO, an Sacramentum sit in aliquo prædicamento, non videtur admodum digna Theologo.

Q. 61. Vtrum semper, etiam in lege naturæ, fuerit necess-

necessaria Fides, non huc pertinet, sed ad secundam secundæ. . .

Vtrum Deus possit uti creatura tanquam Q. 62.
instrumento ad creandum, potius est primæ
partis in materia de creatione.

DE BAPTISMO.

OMITTANTVR quæstiones quædam
absurdiores, qualis est illa, Vtrum asinus
possit bibere baptismum.

De solemnitatibus & cæremonijs Baptismi
breuiter.

Nihil dicatur de cognatione spirituali in
baptismo contrahi solita, sed ad matrimoniū
transmittatur.

De pœna paruulorum sine baptismo de-
cedentium non tractetur hic, sed in materia de
peccato originali in prima secundæ.

Sacramenta Confirmationis, Ordinis, Ex-
tremæ Vnctionis tractentur prout vacauerit
plene, vel breuiter, aut etiam prætereantur, cū
& faciliora sint, & habeatur in promptu, vnde
peti possint. Vbicunque tamen propter hære-
ticos ea tractatio videbitur necessaria, nequa-
quam omittatur.

DE EVCHARISTIA.

AN quantitas distinguatur a substantia,
Philosophis relinquatur, sicut & illud,

de quo Scotus hic disputat, An accidens possit producere substantiam.

De figuris Eucharistiæ multiplicibus, earumque comparationibus vel nihil, vel breuiter.

DE PŒNITENTIA.

AN repugnet sine vlla infusione qualitatum supernaturalium, vel sine vilo pœnitentis actu iustificari peccatorem, & an pœnitere, sicut oportet, indigeat Dei auxilio gratuito, pertinet ad 1. 2. de iustificatione. Illic etiam agendum est, non hic de ordine inter dispositionem, & infusionem gratiæ.

An in peccatore post peccatum transactum aliquid aliud remaneat præter obligationem ad pœnam, supponatur ex prima, secunda in materia de peccato.

An aliqui destituantur auxilio necessario ad pœnitendum, pertinet ad materiam de Gratia 1. 2. q. 1. r. ar. 3.

Vtrum pœna damni sit eadem in omnibus damnatis, pertinet potius ad materiam de peccatis, & eorum effectibus.

Quæstiones de Restitutione, de Eleemosyna, de Ieiunio, de Oratione, de Correptione fraterna remittantur ad 2. 2.

Multa etiam, quæ ad casus conscientie spectant, relinqui possunt, vt superius annotatum est.

DE MATRIMONIO.

OMITTENDVM videtur, quod a quibusdam hic tractatur, an virginitas sit virtus, & qualis virtus.

An maleficium maleficio possit dissolui, pertineret sane ad secundam secundam, sed quoniam ad eum locum raro peruenitur, & maleficium inter matrimonij impedimenta numeratur: commodius hic videtur collocandum.

Matremne an vxorem occidere sit grauius, non est huius loci.

De substantia voti tam simplicis, quam solemnis tractandum potius videtur in 2. 2. quam hic.

De substantia voti tam simplicis, quam solemnis tractandum potius videtur in 2. 2. quam hic.

REGVLÆ PROFESSORIS

CASVVM CONSCIETIAE.

1 **E** O suam omnem operam atq; industriam conferre studeat, vt peritos ac strenuos parochos seu sacramentorum administratores instituat.

2 Si duo fuerint, vt esse deberet in primarijs Collegijs, Casuum professores, eorum vnus explicet Contractus, Censuras, Impedimenta matrimonij, eaque absoluat biennio.

3 Professor alter biennio item explicet septem sacramenta, & præcepta tam Dei, quam Ecclesiz, & hominum status atque officia: perstringat etiã breuissimis definitionibus Theologica quædam, sine quibus Casuum doctrina non parum vacillat: vt quid character & quotuplex sit; Quid peccatum mortale aut veniale; quid consensus; Quid lex, & quando obliget, & similia. A Theologicis vero rebus, quæ vix vllam habent cum Casibus necessariam connexionem, penitus abstineant ambo Professores.

4 Ab iisdem professoribus pauca tãtum, eaque vtiliora Confessarijs attingenda sunt, de Interdicto, de Suspensione, de Depositione, de Degradatione, de Sacramentis Confirmatione.

mationis, Ordinis, Extremæ vnctionis, & Eucharistiæ, de Magia, de Emphiteusi, de Hæresi, & Schismate, de statu Regum & Principum, de Bello, de processu Inquisitorum, & alijs id genus, quæ carptim percurrenda sunt, nisi schismatis belliue tempus aliufve casus horum omnium; vel aliquorum pleniorẽ exigat explanationem.

5 In referendis opinionibus habeatur delectus, vt non obsoletæ aut manifesto falsæ, sed pauca ac probabiles recitentur. Quin etiam citra scholasticum apparatus vnaquæque difficultas euoluatur per dubia & conclusiones, in quibus confirmandis seligantur ad summũ duæ tresue rationes optimæ; nec Canonistarum more coaceruentur allegationes.

6 Vnicuique generali præcepto seu regulæ subnectat præceptor, exempli gratia, tres circiter particulares casus; atque ita suas constabiliat opiniones, vt si quæ alia fuerit probabilis, & bonis Auctoribus munita, eam etiã probabilem esse significet.

7 Quamlibet lectionem repetendam curet quotidie, non modo in scholis per dimidiam horam, sed domi etiam per horam, tribus, qui totam repetant, præmonitis, a quibus postea exigat partem, quam maluerit: ipse enim vtrifque repetitionibus interesse debet ad explicanda tam ea, quæ breuiter docuerat in scholis, quã dubia, quæ post repetitionẽ proponuntur.

Huic

8. Huic repetitioni non solum Cafistæ interfint, sed alij quoq; Sacerdotes bis, aut semel saltem in Hebdomada, licet hæc alias audierint; si & confessiones audiunt externorum, & aliā domi non habent de Casibus Collationem. Audiant itaque illos repetentes: interrogent, de quibus dubitant; interrogentur & ipsi, quid adhuc, vel illum casum responderent; parati igitur accedant.

9. Quolibet Sabbato, prætermissa lectione, per duas horas de propositis conclusionibus disputetur in schola corā Magistro: ea vero disputatio non tam instituatur argumentationis filo, quam interrogationis; ita ut vel exigatur explanatio alicuius difficultatis, vel nouus casus mutata circumstantia aliqua proponatur, dummodo non sit extra materiam conclusionum; vel petatur quomodo hæc cohereant cum antecedentibus, cum quibus parū consentire videntur; vel alicui conclusioni opponatur Canon seu Doctor ex primarijs; seu nonnulla brevis argumentatio, quo res plus habeat dignitatis, temperate tamen, & longe infra philosophicam consuetudinem.

10. In quibus Collegijs duo Casuū lectores non sunt, sed vnus, si potest, ipse binas quoridie lectiones sustineat matutinam & vespertinā, materijs quomodo superius dictum est, distributis, ut biennio vniuersas emetiatur.

11. Sin vnus vni tantum habendæ lectioni par fuerit,

fuerit, is explicādis omnibus, quæ ad Casuum doctrinam pertinent, totum triennium consummat. Sin graues ob causas hoc omne studium intra duos annos redigendum fuerit, oportet, lectorem duplo fere breuiorem esse, quam ubi binæ quotidie sunt lectiones. Itaque facilioribus omisis, seligat paulo grauiores quæstiones, & in ijs vnā aut alterā opinionem referat. Quamlibet vero conclusionem vno fere probet argumento; nec diluat obiectiones, nisi forte aliquā molestiorē: quin & in conclusionibus seruet, quam potest maximā paucitatem, & constitutis primarijs quibusdam regulis, ad minutiora non delabatur.

12 In Collegijs autem, in quibus Theologi scientiam Casuum non audiunt ab ordinarijs scholasticæ professoribus, ad illos erudiendos extraordinarius constituendus est, qui in his potissimum exponendis, biennioque absoluedis laboret, quæ a scholasticæ Theologiæ professoribus omittuntur; qualia sunt Contractus, Impedimenta matrimonij, Censuræ Ecclesiasticæ, Confessionis & confessorij conditiones, varij hominum status & officia, denique minutiora omnia, quæ per vniuersas Casuum materias sparsa sunt. Quo autem in gymnasio, an quotidie, qua hora, quo ordine prælegere debeat, a præposito Prouinciali statuetur.

13 Sicubi nec ab ordinarijs scholasticæ professo-

feſſoribus, nec ab extraordinario Theologi poterunt in Conſcientiæ Caſibus erudiri, primo & ſecundo anno (nam tertio & quarto ſcripturis vacaturi ſunt) vnā audiant Caſuum lectionem, ſi duæ quotidie ſolent haberi ſiue ab vno, ſiue a diuerſis profeſſoribus.

14 Verum ſi vnā tantum ſit Caſuum lectio, quam Theologis, & Caſiſtis oportet eſſe communem, in his Collegijs Caſus & ſcriptura alternis diebus prælegantur; eaſque lectiones ſic viciffim toto quadriennio frequentent Theologi, vt quo die ex Scripturis nihil exponitur, Caſuum profeſſor explicet eas materias, quæ a Theologis audiendæ ſunt.

REGVLÆ PROFESSORIS LINGVÆ HEBRÆÆ.



NIL antiquius habeat, quam Constit. part. 4. c. 6. §. 5. & c. 12. §. 2.
vt prima ipsa sanctæ Scripturæ
verba perquam integra fide in-
terpretetur, cumque illis Lati-
nam editionem vulgatam bene

conuenire demonstrat; & Auctorum, qui id feliciter præstiterunt, tueatur existimationem.

2 P. Bellarminij Grammaticam explicet: ex qua bimestri circiter spatio primas illas ac simplices Coniugationes & Declinationes perecurrat.

3 Postmodum dum reliquas prosequitur institutiones, nonnullum etiam tradat Auctoris alicuius gustum, præsertim Historici & perspicui.

4 Dum Scripturas interpretatur, non tam in rebus ac sententijs expendendis laboret, quàm in vi, ac potestate verborum, & in Grammaticæ præceptis iuxta germanum Auctorum usum obseruandis.

REGVLÆ PROFESSORIS PHILOSOPHIÆ.

FINIS ET OFFICIUM.

Constit.

part. 4. c.

12. §. 1. &

3.



PO consilio atque solertia Philosophiam pertractare studeat, vt proximos ad cognitionem, & amorem sui Creatoris excitet: auditoresque suos ad Theologiam capefendam dociles atque obsequentes comparet.

ANNORVM RATIO

ac termini.

1. VNIVERSAM philosophiam triennio prælegat, idque binis quotidie horis, antemeridiana vna, altera pomeridiana, nisi aliter in aliqua vniuersitate constitutum sit.

3. Explicet anno primo Logicam: sed primo huiusmodi summulam P. Fonseca: neque enim ferendum, vt ad finem æstatis in classe Rhetoricæ compendium Logicæ exponatur auditoris anno sequenti Dialecticam.

Secundo anno libros octo Physicorum sex circiter mēsis; reliquis autē libros de Cælo & Mundo, & priorem librum de Generatione.

III

Tertio

Tertio anno alterum de Generatione librum, & libros de Anima per quinque circiter menses: reliquum anni Metaphysicis impendat. Neque vsquam cursus absoluat, antequam venerint, aut proximæ sint vacationes, quæ sub anni finem dari solent.

4 Magnum quæstionum delectum habeat, solerterque caueat, ne aut inuadat in alienas, aut ex suis alias prolixius quam res postulent, alias alieno loco pertractet. Seruet itaque quæ sequuntur, tam in quæstionibus, quam in Aristotelis libris explicandis, nisi aliud vniuersitatis alicuius leges exigant.

ANNO PRIMO.

IN prolegomenis Logicæ disputet tantum, an sit scientia, & de quo subiecto; tum pauca de secundis intentionibus.

Plenam de Vniuersalibus disputationē differat in Metaphysicam, contentus hic tradere mediocrem quandam eorum notitiam, idque fere sub interrogandi dubitandique characterē.

De Prædicamentis etiam faciliora quædā, quæ fere attinguntur ab Aristotele, declaret; cætera in postremum reijciat annum.

Librum secundum Perihermenias, & ambos Priorum libros, præter octo vel nouem prima capita prioris, compendio percurrat:

rat: exponat tamen proprias illis quæstiones: breuissime vero eam, quæ est de Contingentibus, nec in ea quicquam de libero arbitrio.

Ne secundus annus plus æquo, vt assolet, oneretur; nonnulla, quæ Logicorum captum non exuperent, ex eo recidantur, & in primum retrahantur annum multis iam leuatum quæstionibus, quippe quæ in Metaphysicam dilatæ sunt. Itaque sub finem posteriorum Analyticorum plenior instituaturs tractatio de scientia, in eamque conijciantur prolegomena Physicæ maxima ex parte; vt scientiarum Diuisiones, abstractiones, speculatiuum, practicum, subalternatio; illud etiam, An scientiæ subalternentur Metaphysicæ: Diferfus quoq; procedendi modus in Physicis, & Mathematicis, de quo Aristoteles lib. 2. Phys. Demum quicquid de Definitione dicitur libro secundo de Anima.

Ex Topicis, & Elenchis Locos, & Fallacias commodiorem redigat in ordinem; textum vero prætereat, præter primum forte, & secundum librum Topicorum.

Anni tandem initio non totam Fonseca summulam explicandam sibi putet, sed ex ea nonnulla; quæ magis ex vsu tironum videbuntur, seligat, non ex ijs propriam sibi summulam componendo, sed diuersa Auctoris loca, ex quibus, & ad quæ transeat, indicando. Nihil vero tum scribant Auditores, nisi bre-

breuissima forte scholiola, vt assuescant.

ANNO SECVNDO.

IN octo libris Physicorum, compendio tradatur textus librorum sexti, & septimi, etiam primi in ea parte, quæ est de Antiquorum opinionibus.

In octauo libro nihil differatur de numero Intelligentiarum; nec de Infinitate seu Libertate primi Motoris; sed hæc in Metaphysicis disputentur, & quidem solum iuxta sententiã Aristotelis.

Textus secundi, tertij, quarti librorum de Cælo breuiter perstringatur, magna etiam ex parte prætereatur.

In his libris non tractentur nisi pauca de Elementis quæstiones: de Cælo autem duntaxat de eius substantia, & de Influentijs: cæteræ vel Mathematicæ professori concedantur, vel si is desit, conferantur in Epitomen.

Meteorologica fere percurrantur compendio æstiuis mensibus, quibus vna tantum habetur quotidie lectio, vltima pomeridianæ scholæ hora: Idque siue ab ordinario, si velit, & possit, Philosophiæ professore, siue ab alio extraordinario.

In primo libro de Gêneratione Antiquorum opiniones strictim referantur, & cursim.

ANNO TERTIO.

IN libro primo de Anima veterum placita philosophorum summatim percenseantur. In secundo libro, expositis sensorijs, non digrediatur philosophus in Anatomiam, & cætera, quæ Medicorum sunt. Addat potius, si vacat, parua Naturalia.

○ In Metaphysicis præcæmum, ac quinti, septimi, duodecimi librorum textus magna ex parte diligenter explicetur.

○ In cæteris libris seligantur ex vnoquoque quidam præcipui textus, tanquam fundamenta quæstionum, quæ ad Metaphysicum pertinent.

Quæstiones de Deo & Intelligentijs, quæ aut omnino, aut magnopere pendent ex veritatibus reuelatis, prætereantur: si quis tamen velit de Supposito, & Natura, & de Concursu etiam Dei cum secundis Causis aliquid attingere, non tam disputando, quam rem declarando, breuissimeque probando, in gratiam externorum, quorum plerique Theologiam audituri non sunt, liberum permittitur.

ARISTOTELICI TEXTVS

explicatio.

STRE NVE conetur Philosophiæ professor Aristotelicum textû bene interpretari:

tari: in eumque nihilo minus operæ, quam in quæstiones collocet: auditoribus etiam persuadeat, valde mutilam ac mancā futuram Philosophiam eorum, quibus id studij in pretio non sit.

6 Itaque tam ipse, quam discipuli, Aristotelis librum ferant in scholam; & docendi semper initium faciat prælegendis primis præsentis lectionis verbis, si textum expositurus est.

7 Deinde loci, quem tractaturus est, continuationem cum præcedentibus; & scopum, ad quem ea Aristotelis disputatio pertineat, breuiter indicet.

8 Tum memoriter præsentis textus sententiā colligat: distinguat etiam sedulo id, quod ab Auctore probatur, ab argumento, quo probatur, ne vnum pro altero sumptum, totum confundat ordinem. Quodlibet etiam illius argumentum in syllogismi redigat formam, vt eius vsum auditores in Aristotele obseruent, & imitentur.

9 Quin etiam si textus sit paulo perplexior, descendat ad aliquam verborum constructionem, grauius tamen, vt iuuenes Aristotelis phrasibus consuescant; & vna aliqua fere interpretatione, quæ optima videatur, contentus, alias non congerat.

10 Cum incidit in textus aliquos admodum celebres, & in disputationibus sæpe iactari solitos, varijs etiam vsibus accomodos, eos

accurate perpendat, atque explanet, non omnibus quidem, sed illustrioribus aliquot interpretationibus inter se collatis, ut quæ quibus anteferenda sit, innotescat ex antecedentibus & consequentibus, vel ex vi Græci sermonis, vel ex aliorum locorum observatione, vel ex insignium interpretum auctoritate, vel ex rationum momentis.

11 Postremo veniatur ad dubiola quædam siue de re ipsa, siue de mente Aristotelis: non assectanda quidem, sed si cuius momenti sint, non omittenda.

QVÆSTIONVM

de huius pertractatio.

12 **Q**VÆSTIONES, quæ non ex ipsius Aristotelicæ disputationis visceribus nascuntur, sed ex occasione cuiusquæ axiomatis, aut pronuntiati, quod inter disputandum Aristoteles obiter usurpat interdum, si alijs in libris proprium locum habent, eo reijciuntur: sin minus, continuo post textum ipsum, in quo sese obtulerint, explicentur.

13 Verum Quæstiones, quæ per se ad materiã, de qua disputat Aristoteles, pertinent, nõ pertractentur ante finem omnium textuum ad propositæ rei summam spectantium, si plures hi non sint, quam vna, aut altera lectione possint exponi.

Sin

14 Sin huiusmodi textus plus æquo pateant in longum; vt qui sunt de Principijs, de Causis, de Motu &c. in his nec prolixi Tractatus habeantur; nec totus Aristotelis Contextus anteponiatur quæstionibus; sed cum illis grata vice coniungatur; vt subiecta re, quæ in manibus versatur, suas in partes distributa, post aliquam textuum seriem, ex quæstionibus aliquid interferatur.

15 In quæstionibus, de quibus inter Philosophos non conuenit, non adducantur opiniones obsoletæ, absurde, inutiles, manifesto falsæ.

16 Suas professor conclusiones probare studeat argumentorum non tam numero, quam pondere. Seligat itaque præcipua quædam; leuiora prætereat.

17 Cum ex Auctorum testimonijs pugnandum est; non ipsa Auctorum verba recitet, sed sententiam, nisi aliud res postulet: & pauca fideliter potius proferat, quam multa, quorum ipsos fontes sedulo non explorauerit.

18 Non coaceruet obiectiones, sed potissimas seligat; nec earum vnâ multipliciter refellat, nisi graui de causa. Quin & interdum earum confutatio prætereunda est, si ex iactis ea fundamentis facile pateat.

19 Atque hæc omnia vel ampliora vel contractioniora esse oportet pro vario quæstionum gradu atque ordine. Sunt enim quædam adeo leues, vt vna fere probatissima opinione, eius-

que vna, aut altera ratione contenta sint, vix totidem adductis ac solutis obiectionibus.

DE DICTANDO.

20 **S**I quis professor citra dictationem ita docere potest, vt quaecumq; scribenda sunt, commode valeant ab auditoribus excipi, is ne dicet, optandum est.

21 Id vero assequi nisi dictando quicumque non poterunt, ita dicent, vt non verbatim interposita mora, sed vno fere spiritu propositio nem pronuntiet; & si oportuerit, repetant totidem verbis.

22 Nec omnia, quae docentur, dictanda sunt: non enim quae habentur in vulgatis, atque in promptu positae Auctoribus, nisi quid occurrat obscurum admodum.

23 Breuiter ac presse dictandum: non obscure quidem, sed neque tam enucleate, vt vilescat professoris explicatio: resideat potius in auditoris animo stimulus quidam ad attente studendum, ad inquirendum, ad interrogandum.

24 Nec totam praelectionem professor dicet, mox explicet; nec contra: sed dictando explicandoque vicissim suam praelectionem ex utroque pertexat, vt vnum statim succedat alteri, idque in singulis fere particulis ac periodis, quarum vnā aut alterā postquam explicarit, continuo dicet, aut simul ac dictauerit, explicet.

R E P E T I T I O N E S.

25 **O**PTABILE est, vt præceptor ad ea, quæ docuit, statim repetēda, suos in schola & in officio contineat per semihoram, eorumque vnum aut plures de varijs lectionis auditæ partibus interroget, cæteris audientibus. Deinde per se vel per alium dubitationes tunc ab auditoribus proponi solitas explicet.

26 Id vero si ægre potest obtineri, diuidat præceptor quaternos, aut quinos, qui inter se repetant per semihoram, vno aliquo Fratrum nostrorū, si fieri commodè potest, attributo singulis quaternionibus. Ipse interim nūc hæc, nunc illa obambulet auditorum scamna, vt & eos quiete modesteque agere iubeat, & de dubijs, quæ suboriuntur, interrogandum se præbeat.

27 Domi quoq; quotidie, præter Sabbata, vacationes, & festa, fiant à Nostreis repetitiones. A quibus abesse, si velit, præceptor potest, dummodo præsto sit alius, qui admodum commodè præesse valeat, Rectoris arbitrio.

28 Iubeat præses omnes ad repetendum totū paratos accedere: interroget autem quos ipse volet, partite tamen ac membratim: neque vero pauciores, quam tres per quadrantem.

29 Id vbi ægerrime fieret, aut non bene cederet, præmoneantur tres ad totum quidem, sed postea per partes exigendum a præside. Nec

repetatur ex scripto, sed memoriter.

30 Post repetitionis quadrantem disputetur. Antequam verò quæstio, quam præceptor ad explicandum Aristotelem habere solet, finiat, de ea nullus argumentetur. Summulæ tamen auditores primâ circiter hebdomada nihil disputent, nuda fere rerum, dubiorumque explanatione contenti.

31 Disputetur autem a tribus, a quolibet per quadrantem: tribus etiam quotidie, quo plures exerceantur, respondentibus. Id temporis ut satis sit tribus, rigor formæ in disputando seruetur: & cum iam noui nihil affertur, præci datur argumentum.

42 Verum si vel ob materiæ difficultatem, vel ob discipulorum paucitatem, vel ob tarditatē ingeniorum, vel quia frequenter locus tertio deesset, id seruari non posset, duo sint satis: & si quid interdum temporis superat, dubia proponantur.

33 Vbi sub kalendas Iulias vacant a prandio superiores facultates, ab eo die ad Natalem B. Mariæ repetantur audita toto anno, distributis, aut designatis a præceptore primarijs quæstionibus.

34 In hac exercitatione vnus auditorum repetat præcipuas conclusiones cum vno vel altero argumento per quadrantem: duo argumententur contra duos alios reliqua hora; & qualibet hebdomada interponantur duæ præsen-

santium lectionum repetitiones.

35 Hoc ipsum repetitionum genus introducat in ea quoque loca, in quibus licet non vacetur æstate post prandium; vacatur tamen duobus mensibus post annuas studiorum labores.

36 Et priori quidem harum vacationum mense intersint omnes repetitionibus. Altero autem ita distribuantur qui vicissim mittuntur ad villam, ut numero mediocri sustentetur hæc exercitatio: sed vltima hebdomada vacandum penitus est.

37 Toto autem harum repetitionum tempore, siue ab æstiuis pomeridianis, siue ab annuis vacationibus inchoentur, semel in hebdomada, die Dominico, aliove pro Rectoris arbitrio, interseratur (nisi obstiterint crebræ aliæ ex veteri Academiæ more disputationes) hæc alia exercitatio. Professor assignet amplas aliquas & illustres materias, quas vnus aliquis ex auditoribus, vicissim tamen commutandus, explicet ornate per dimidiam horam cum apparatu & aliorum conuentu ad exercitationem & recreationem: reliqua dimidia defendat quod legit, argumentante vno vel altero.

DISPUTATIONES.

38 **I**N Sabbato aliove, quem vetus Academia consuetudo exigit die, professores proprias habeant in scholis disputationes per

per duas (plus etiam, vbi multiplex externorum frequentia) horas vltimas. Quatuor, si nō obftet paucitas auditorum, argumententur, & quidem duobus quilibet argumentis per semi horam.

39 Si quando in hebdomada duo festi dies incidant, vel cum festo vno hebdomadaria vacatio, non disputetur, sed legatur in Sabbato. Id vero si tribus continuaretur hebdomadis, vna interponatur disputatio.

40 Præterea ubicumque receptus Academiae mos nihil obest, singulis, aut si valde pauci sint auditores, alternis mensibus (excipe duos æstivos vltimos, vbi cælum æstuosius est) communes ac generales fiant disputationes in ea classe, quæ cæteris Philosophicis amplior sit, & perdurent mane ac vespere toto scholarum tempore.

41 Quot fuerint professores, totidem auditores, & quidem ex eodem scamno, defendant, vnus quilibet professoris Quæstiones. Præsideant ex scamnis Professores, vnusquisque suo, moderante vniuersam disputationem Præfecto studiorum.

42 Argumententur non minus quam tres mane, & totidem a prædio: & primus quidem per horam: aliorum vero duorum singuli per ternos circiter quadrantes.

43 Et mane quidem disputet primo loco aliquis Theologiæ (vbi Theologorum suppetit copia)

copia) studiosus contra Metaphysicum : contra Physicum Metaphysicus : contra logicum Physicus . Sed a prandio pugnet Metaphysicus cum Metaphysico, Physicus cum Physico, cum Logico Logicus.

44 Tam professores, quam alij si interfuerint, nostri Doctores argumentorum, quæ agitantur inter partes, vim vrgeant; modo nec vnus, quod alter vrserat, prosequatur: nec prosequendum professor suscipiat argumentum, cui utiliter ac strenue adhuc insistit auditor.

45 Id ipsum præstare liceat externis etiam Doctoribus: quin & ad argumentandum ex professo (nisi fortassis ea consuetudo alicubi minus probetur) a defendentibus inuitari possunt. Hoc tamen in priuatis disputationibus sine Præfecti permissu ac delectu, non faciendum.

46 Quin etiam vbi non est nisi vnus Philosophiæ professor, ad excitandos audientium animos, ter aut quater in anno instituat solemniore aliquas disputationes pomeridianas in Festo, aliove feriato die: idque eo splendore atque apparatu, inuitatis etiam Religiosis & Medicis ad argumentandum, vt ex ea re studijs nostris non infructuosus aliquis feruor accedat.

47 Verum toto summulæ tempore nec professor, nec auditores in menstruas disputationes cum alijs conueniant: tametsi post vnam

aut

aut alteram hebdomadā in sua classe possent defendere Theses aliquas in sabbato, suggerente, si oporteret, argumenta præceptore, donec paulatim exerceantur ad pugnam.

48 Præter hebdomadarias & menstruas disputationes, semestri adhuc tempore, quod repetendæ philosophiæ datur; ubi vero id nondum potuit introduci, sub finem triennij cursusque philosophici ad exhibendum specimen aliquod suorum studiorum, Actum aliquem paulo celebriorem de vniuersa Philosophia, qui eam audierunt, tueantur.

49 Ad huius Actus locique dignitatem sustinendam non nisi qui multo plus quam mediocriter profecerint, seligendi sunt per Examinatores tres, quorum vnus sit proprius professor.

50 Ab hoc examine nullus ordinarie nostrorum siue Fratrum, siue Alumnorum, siue Conuictorum excipiendus est. Nam externi cogendi non sunt, si nolint; nec, si velint, repellendi.

51 Agatur examen per interrogationes: admisceantur & interdum breuiores quædam argumentationes, quibus certius exploretur respondentis ingenium.

52 Actus totum scholarum tempus occupet cum minimum, vel mane, vel a prandio. Tres argumententur. Primus aliquis ex Nostriis Professoribus siue Theologiæ, siue Philosophiæ. Alter Doctor quispiam externus: Ul-

timus

timus egregius quisquam inter auditores siue Theologiæ siue Philosophiæ, condiscipulus Defendentis.

53 Conclusiones non sint plures quam octo, vel nouem in Disputationibus hebdomadarijs: quam duodecim vel quindecim in mensuris; quam quinquaginta in Actibus: pauciores etiam, si publicus Academiæ mos aliter habeat.

54 Conclusionum quælibet non excedat tria, siue quatuor membra; non sterilia tamen. Earum uero duas aut tres circiter antequam disputetur, responsurus breuiter confirmet in Actibus, in mensuris etiam, si videbitur, disputationibus: nec vnquam disputent externi, si fieri potest, nisi rogati.

55 Sic ab ipsis Logicæ incunabulis iuuenes instituantur, ut nihil eos magis pudeat in disputando, quam a formæ rigore defecisse: Nihil ab illis seuerius atque inuiolabilius exigat præceptor quam disputandi leges ac statas uices: quicquid in his delinquatur, emendet statim: si quid aliter disputetur, non fructum, sed magnam doctrinæ & existimationis iacturam putet.

56 Itaque qui respondet, repetat primum argumentationem propositam: deinde addat Nego, vel Concedo Maiorem, seu Minorem, seu Consequentiam: interdum etiam distinguat, modo minus frequenter: rarius autem

vel

vel declarationes, vel rationes, præsertim in
iuris, obtrudat.

57. Ex auditoribus publice non disputent nisi
doctiores: cæteri priuatim exerceantur: & qui-
dem eo diligentius, quo rudiores: raro tamen
prodeant in publicum, nec nisi prius a præce-
ptore sic instructi, vt eo loco non putentur in-
digni.

58. Esse tandem cogitet præceptor disputa-
tionis diem non minus, quam lectionis, labo-
riosum: futurumque, si segniter ipse langueat,
vt segnitie quadam ac tædio tota etiam clas-
sis obtorpeat. Excitet oportet omnibus, qui-
bus potest artibus, auditores, his potissimum.

Nulla modo ferat iuuenes fabulari: nõ dor-
mitare: non egredi pro arbitrato: hortetur,
coarguat, pudefaciat, prout expedire iudica-
uerit.

Disputantibus ita præsit, vt ipse videatur ef-
fe, qui in vtroque concertatore concertet.

Collaudet, siquid afferatur boni: & attende-
re omnes iubeat, cum insignis aliqua propo-
sita fuerit difficultas.

Suggerat subinde breue aliquid, quo vel ful-
ciat respondentem, vel argumentantem diri-
gat.

Exprobet interdum, nondum intellectam
esse rem aliquam, quam ipse toties inculcarit.

Neque diu taceat, neque semper loquatur,
vt ipsi etiam discipuli promant quod sciunt;

ipse

ipse vero quod promptum fuerit, emendet, aut expoliat.

Non subterfugiat difficultatem ullam: sed disputantem progredi iubeat, dum vim obtinet vnum atque idem argumentum: nam si ad aliud ille tacite prorepserit, id a Professore difsimulandum non est.

Non patiatur, vel argumentum pene solum, longius vrgeri, vel responsionē non bene constantem diu sustineri: sed post aliquam concertationem, indicto omnibus silentio, rem totam breuiter explicet, vt certi, definitique aliquid ex ea schola reportent auditores.

Quin & ob eandem causam aliqua Professor ex prolixis lectionibus rescet, in diemque disputationis reseruet, digna quæ sedulus auditor obseruet inter disputandum, & in libellum deinde referat, si velit.

Ad disputationes, etiam hebdomadarias, inuitandi sunt quicunque possunt, siue ex Nostreis, siue ex externis, qui in Nostreis scholis studuerunt, præsertim Doctoratum consecuti.

Siquid denique aliud vsquam in vsu est, quæ disputationes reddi solent celebriores, id sedulo retinendum; enixeque curandum, ne frigescant paulatim & concidant.

59 **P**HILOSOPHIÆ Professor ab Aristotele non recedat, nisi quid incidat a doctrina, quam Academia ubique probant, alienum: multo magis, si Orthodoxæ Fidei repugnet, aduersus quam si qua sunt illius aliufve Philosophi argumenta, ea strenue refellere studeat iuxta Lateranense Concilium.

60 Aristotelis interpretes de Christiana religione male meritos, non sine magno delectu aut legat, aut in scholam proferat; caueatque ne erga illos afficiantur auditores.

61 Eam ob rem nec Auerrhois (idem de eiusmodi alijs iudicium) digressiones in separatum aliquem tractatum conferat; nec sectas diuidat Auerrhoistarum, Græcorum, Latinorū; nec harum sectarum vlli vel se, vel suos addicat; sed singulorum per se sententiās in ordinarijs quæstionibus exponat.

62 Si quid boni ex Auerrhoe proferendum, sine laude proferat: & si fieri potest, id eum aliunde sumpsisse demonstret; illumque a Nostri non minus recte quam ab Auerrhostis intelligi solerter ostendat; nec Philosophis alijs ut tenebricosiorem, ita & doctiorem esse.

63 Illius potius pro re oblata dissolutam methodum obscuritatemque coarguat; nec errata dissimulet, sed inde acrius eius auctoritatem deterat, magis tamen argumentis, quam

conui-

conuitijs. Contra vero de S. Thoma nunquam non loquatur honorifice, libentibus illum animis, quoties oporteat, sequendo: aut reuerenter & grauate, si quando minus placeat, deferendo.

64 In opinionibus à Societate definitis, non est satis Professore referre Doctorum sententias, suam reticere: sed defendat opinionem præscriptam, vel quaestionem ipsam relinquat, differatve ad cogitandum accuratius de proposita re.

65 Theses publice proponendas postquam ipse recognouit, recognoscendas mittat & Præfecto: eiusque, si quid commutandum putauerit, acquiescat arbitrio: sin minus, Rector ad eundem.

66 Si quid inter docendum disputandumve erratum fuerit, non aduersus rectam Fidem (tunc enim quid factum opus sit; perspicuum est) sed aduersus decreta Societatis; id Professor ex Præfecti præscripto exponat, aut retractet.

67 Enixe studeat communiores, magisque nunc approbatas Philosophorum sententias tueri: quales, exempli gratia sunt, quæ sequuntur.

1 Naturalis est motus cœli, saltem secundum principium passium.

2 Motus & tempus sunt entia realia.

3 De anima intellectiua, etiam ut intellecti-

M ua,

ua, tractare Phisici est.

4 Anima rationalis, etiam secundum Aristotelem, est immortalis, nec educitur de potentia materiæ, & est vere proprieque corporis forma.

5 Naturaliter demonstrari potest, & iam demonstratum est, Animam rationalem esse immortalem, nec vnā in omnibus; & ita naturalem esse corporis formam, vt definitio Animæ ab Aristotele tradita, ei competat vniuerse, secundum gradum etiam intellectiū.

6 Anima rationalis, etiam dum est in corpore, & vt est forma corporis, ab eo non dependet, sed vere ac proprie per se subsistit.

7 Non negetur esse aliquam potentiam motiuam in substantia animæ, per quam anima seperata per se mouere se possit.


8 Nec Brutum, nec hominis cogitativa discurrunt formaliter.

9 Non datur sensus agens.

10 Ab appetitu sensitiuo seu Voluntate non minus distinguitur potentia motiua, quam Intellectus vel Imaginatio: tametsi has potentias ab animæ Angelive substantia realiter distinguere cogendus sit nullus.

Et alix id genus opiniones.

REGVLÆ PROFESSORIS PHILOSOPHIAE MORALIS.

1  NTELLIGAT sui institu-
ti nequaquam esse in Theolo-
gicas quæstiones, præsertim
quæ a spiritu sancto reuelatæ
sunt, digredi, sed breuiter, do-
cte, & grauitè præcipua ca-
pita scientiæ moralis, quæ in decē libris Ethi-
corum Aristotelis habentur, explicare per ho-
ram quotidie, idque semestri tempore.

2 Auditores habebit eos Philosophos, qui
post triennium auditæ Philosophiæ repetendæ,
eiusq; actibus celebrandis vacant per sex men-
ses, nisi vbi moris est, vt a Philosophici cursus
Professore & in ipsomet cursu Ethica præle-
gantur.

3 Absoluta lectione iubeat eam per qua-
drantem saltem repeti in scholis iuxta morem
aliorum Philosophorum. Binas etiam per heb-
domadam domi repetitiones habeat, duobus
semper aduersus ea, quæ repetita fuerint, argu-
mentantibus: Bis etiam singulis mensibus per
sesquihoram iisdem de rebus disputetur in
schola.

REGVLÆ PROFESSORIS

M A T H E M A T I C A E.

1 **P**HYSICIS omnibus explicet in schola a Prædio tribus circiter horæ quadrantibus Euclidis elementa: In quibus postquā per duos menses aliquantis per versati fuerint, ita diuidat prælectionis tempus, vt aliquid Euclidi, aliquid vero Geographiæ, vel Sphæræ, alijsve, quæ libenter audiri solent, tribuatur.

2 Semel aut iterum in mense Auditorum aliquis in magno Philosophorum Theologorumque conuentu illustre aliquod Problema Mathematicum enarret, prius a Magistro, sicut oportet, edoctus.

3 In cuiusque etiam mensis Sabbato vno, prælectionis loco præcipua, quæ per eum mensem explicata fuerint, publice repetantur, non perpetua oratione, sed se mutuo percunctantibus auditoribus hoc fere modo.

Repete illam propositionem:—

1 Quomodo demonstratur?

2 Potest ne aliter demonstrari?

Quem vsum habet in artibus & in reliqua vitæ communis praxi? Nam & hæc quoque indicanda sunt a Magistro inter prælegendum, quo magis auditores alliciat.

Vbi

4 Vbi commodè fieri poterit, vel diuersis horis professor idem, vel eadem hora professores duo binas quotidie lectiones publicas habeant, quibus Mathematicum quoddam curriculum a P. Clauio scribendum explicent duobus annis, priori quidem Physicis, posteriori autem Metaphysicis: tametsi ad hunc posteriorem Nostri nec compellendi, nec admittendi sint, nisi quibus id postulantibus Superiores concesserint.

5 Præter has publicas lectiones, ex iisdem Philosophis Nostris, qui Philosophiæ repetitionem, & Ethicam per sex menses absoluerint, altero eiusdem anni semestri spatio domi fiat Academia rerum Mathematicarum, quas in hunc usum P. Clavius in compendium quoddam redegerit. Bis quotidie prælegatur, fiatque quâto amplior fieri potest progressus; nec Auditores alijs ullis studijs tunc implicentur, sed Mathematicis audiendis, repetendis, disputandis se totos tradant.


DE COLLEGIIS, IN QVIBUS præter vnā Rhetoricā, & alterā Humanitatis clāssē, sunt adhuc aliæ trēs Grammaticæ clāssēs, videlicet, Prima hoc est, suprema, secunda, & tertia, hoc est, infima.

REGVLÆ PROFESSORIS

TERTIÆ CLASSIS

Grammaticæ.

OFFICIUM ACADEMICVM.



TA pueros, qui in Societatis disciplinam traditi sunt, instituendos esse sibi putet, vt e scholis nostris, quas frequentarint, vna cum bonis litteris veram etiam animi pietatem imprimis suxisse videantur.

GRAMMATICÆ PARS, quæ huic clāssi propria est.

2 EX Grammatica P. Emmanuelis Aluari eam explicet partem, in qua Declinationes ac Genera Nominum: Verborum conjugationes, præterita ac Supina, aliaque huiusmo-

ijsmodi Rudimenta traduntur.

3 Addat & perspicuam quandam Syntaxeos Introductionem, complectentem quatuordecim illa communia Constructionis præcepta; & si qua alia, utpote facillima quæque, ex ipsa met Emmanuelis Syntaxi in huius Classis vsu vnaquæque provincia sibi colligenda, & in Commentariolum redigenda censuerit.

4 In Prouincijs autem, quibus placuerit uti Emmanuele in Romanam methodum nuperri me redacto, Introductionis loco, erunt Concordantiæ, & Generales Regulæ ab Actinis ad Figuratam usque Constructionem exclusiue, omisis tamen Appendicibus.

5 Quæcunque siue in Rudimentis, siue in præceptis Introductionis, animaduernerit ipsemet Magister, & a studiorum Præfecto cognouerit esse difficiliora, quam suorum puerorum captus ferat, ea vel prætereat, vel leuiter attingat, postmodum a secundæ classis Professore plenius explicanda. Est enim præcipuus huius scholæ fructus non alius sane, quam prompta quædam puerorum facultas in nominum verborumque varijs flexionibus reperiendis, & in facillimis quibusque thematibus latine vertendis.

6 Ea vero, quorum diligentem pertractationem ad se pertinere nouerit, sic disponat, ut a faciliioribus sumat initium: in quorum explanationem adhuc si qua difficiliora incurrant,

ea partim in opportuniorem locum differat, partim grata vice facilioribus intermiscat, ut quantum in his festinat, tantum in illis exponendis, ac recolendis hæreat.

QUOTIDIANÆ EXERCITATIONES.

7 **I**N Nominibus flectendis sic assidue ac strenue suos exerceat, ut quouis proposito nomine, assuescant continuo reddere, quemcunque casum ex tempore fuerint interrogati.

8 Exerceat autem non temere ac fortuito, sed gradatim, hoc fere ordine. Principio pueros iubeat substantiua nomina nuda declinare: Deinde simplicia etiam pronomina: Tum substantiua nomina singula cum singulis epithetis: postea cum binis epithetis nunc eiusdem, nunc diuersarum declinationum.

9 Post non nullam in simplicibus nominibus exercitationem, Verborum etiam coniugationes misceantur: fiatque initium a Substantiuo verbo; deinde ad simplices quatuor Coniugationes aliorum verborum: tum ad Deponentia, & Communia procedatur. Singulis vero Latinorum temporum vocibus non nisi singulæ vernaculæ interpretationes reddantur, etiam in Coniunctiuo & Infinitiuo modo, ne rudiū mētes obruat interpretatio multiplex.

10 Simulac primas quasdam & communiores

res Nominum Verborumque flexiones iam tenere pueri videbuntur, ad Syntaxeos Introductionem accedendum est; Sed adumbranda prius aliqua descriptio Rudimentorum, seu partium orationis, vt puer intelligat, quid sit Nomen, quid Verbum, quid Aduerbiū, quid Participium &c. Ea tamen post mediocrem in Syntaxi progressum, plenius exponenda sunt.

11 Syntaxim vero varijs modis atque exemplis & explicet Magister, & a pueris repetendam curet: quantoque locus, quem in manibus habet, difficilior est, tanto diutius in eo inculcando, pluribusque exercitationibus illustrando, donec probe ac firmiter teneatur a pueris, commoretur, cum præsertim non sit quotidie explicanda Syntaxis, sed interponenda primum difficiliores Nominum Verborumque flexiones: deinde Generum enarratio: Tum Præteritorum ac Supinorum.

12 Pro difficilioribus autem flexionibus habeantur, præter alias, flexiones & Nominum, quæ Anomala, quæque Partitiua dicuntur: & pronominum quæ vocantur Deriuatiua, & Relatiuorum; & Verborum, quæ Anomala, vel Defectiua, vel Impersonalia cognominantur, & similia.

13 Hæc autem non perpetua semper serie a Recto per obliquas flexiones ad finem vsque ducantur: sed nunc quidem continenter casus, Modi, Tempora decurrantur; nunc aulsæ per

se vo-

se voces atque inclinationes modo ista, modo illa reposcantur interruptim.

14. Adhuescant itaque pueri tum quamcunq; cuiuslibet nominis ac Verbi flexionem ex vernacula latinam, & ex latina vernaculam prompte reddere; tum prolato vno aliquo tempore Actiua vocis statim passiuam adiungere; tum verborum, quæcunque proposita fuerint, tam præterita quam supina indicare quâprimum: tum denique inter coniugandum perpetua serie, per singula tempora breuem aliquâ phrasim latinam eiusdem temporis conficere, confectamque statim in vulgarem sermonem conuertere.

15. Hæc dum sedulo pertractant, quoad pueri ad stylum idonei fiant, creberrimis locutionibus ex præscripto syntaxeos, quæ illis per id tempus explicatur, verbo tenus transferendis in latinum exerceantur; & ijs quidem non temere confectis, sed ex probatis auctoribus ita petitis, vt quam paucissimæ voces immutentur nec quod fere fit, dum Grammaticam addiscunt, impure loqui & inquinate consuescant.

16. Præpositum vero thema puer statim iisdem repetat verbis: id deinde postquam tantisper meditatus fuerit, non verbatim, sed totum simul latine redditum efferat attendentibus alijs, vt deinde, si forte eueniat, interrogati, in promptu habeant quod respondeant.

17. Pueris hac exercitatione, quantum satis est

est progressus, quotidie præter diem Sabbati, thema dictandum est, perspicuum sane, nec ferre prolixius quattuor versiculis. Illud vero antea Magister domi & latine scribat, & patrio sermone conuertat: & quamuis pro captu puerorum, elaboratum tamen, perinde ac si in ea re prudentiæ, ingenij, doctrinæ specimen edendum sibi foret.

18 Itaque argumentum sit nec ineptum, nec vulgare: Ordo commodus: verba appositæ ad res explicandas; neque abiecta & odiosa; neque nimis exquisitæ & obscuræ. Quidquid denique dictandum est, dirigatur quò ad eius fieri potest, ad imitationem Ciceronis, & ad normam seu filum cuiusdam narrationis, suasionis, gratulationis, admonitionis, aliarumque id genus rerum, quæ aut pueris pro varietate temporum vsui aliquando esse possint, aut frequenter in familiarem sermonem incidunt.

19 Themate, quod postea domi latine conuertendum est, tradito, tradat statim Magister, faciliora quædam vocabula, aliaque subsidia, quibus pueri iuuari possint, ut & perspicuitatis in scribendo rationem habeant quàm maximam, & nihil, quoad eius fieri poterit mandent litteris, quod ex idoneis auctoribus, ex M. Tullio præsertim, depromptum non sit.

20 Duplex vnusquisque puer suæ compositionis exemplum scribat, vnum sibi, alterum Magistro ad emendandum accedenti; qui superiore

periore ex loco clara corrigit voce exempla quina vel sena quotidie, & in his vnum aliquod ex deterrimis, palā indicādo quidquid in Syntaxi, in Orthographia, in interpūctione, aut aliter erratum fuerit.

21 Inter emendandum cum primum erratum aliquod publice pronuntiarit, iubeat; vt qui errarunt, aut eorum æmuli regulam cōtra quam peccatum est, statim proferant, atq; reliqui omnes, suum quisque, exemplum corrigant correctumque tradant si non quotidie, aliquando tamen æmulis, qui dispiciant, correctum ne sit ex Magistri præscripto, & an habeat alia præterea, quæ corrigenda sint. Ad eā vero censuram honore aliquo, & si commode potest excogitari, præmiolo incitandi essent.

22 Hoc sane modo cum omnium exempla quotidie Magister corrigere non possit: corrigat tamen, quo plura potest; quædam etiam priuatim ipse recognoscat e suggestu; ex ijs præsertim, quorum suspecta diligentia est, nūc illum ad se vocando, idque saltem eo tempore, quo æmuli aliorum exempla perlegunt & errata colligunt: prorsus vt schola in ternas quaternasve partes diuisa, nullus sit, cuius compositionem semel in hebdomada non emendarit.

23 Dum priuatæ tacitæque vacat correctioni, iubeat eos, quibus tunc negotij nihil est (ne perstrepant ex otio) aut vertere M. Tullij prælectionem ex latino, aut ex grammaticæ regulis

lis recens explicatis depromere, quæ in certamen proponant æmulis, aut ex eiusdem M. Tulij epistolis aliquid emendate, interpunctim, elegantique charactere transcribere, idque sic attente, ut iam nunc incipiant, quod in exscribendo Thucydide ferunt Demostheni contigisse, occultam Ciceronis imitandi facultatem & consuetudinem nancisci.

24 Eorum vero, quæ tunc descripta aut composita fuerint, arripiat quamcunque potest occasionem legendi modo hæc, modo illa, ad emendandam, præter alia, orthographiã, qua nihil vitiosius in puero. Eadem de causa etiã inter dictandum semper admoneat, quomodo quæque orationis pars scribenda, interpūgendaque sit: atque id ipsum a pueris non scribentibus solum sed etiam dictatum clara voce legentibus, exigat sedulo.

25 Ad hæc ut gustum aliquem Ciceronis habeant pueri, vnde compositionum suarum prima exempla decerpant, ex illius epistolis breuiiores ac faciliores aliquas seligat, quas explicet nullo quidem rerum apparatu, nulla locutionum varietate: totidem tantum vulgaris linguæ vocibus, sed quibus vocabulorum locutionumque maxime propriam ac genuinam vim (quo ingenere suam Magister operam egregie probare nitatur) exprimat; referatq; explicationem omnem potissimum ad pueros grammaticæ præceptis, præsertim ijs quæ
proxi-

proxime didicerint, informandos.

26 Id quo melius fiat, saltem prælectionum capita, & ea potissimum quæ dictaturus est in schola, domi prius recte atque ordine sic scribat, ut ab alijs perlegi possint: Quæ autem scripserit, aut secum cogitarit, postea pueris tradat atque explicet hoc fere modo.

§. 1. Primum sententiam Auctoris, & antecedentium, cum ijs, quæ modo interpretanda sunt, connexionem perstringat quam paucissimis.

§. 2. Deinde periodum ad verbum interpretetur, nec Auctoris voces ac figuras suis locis, nisi coactus, dimoveat, ut simul & locutionis integritati, quæ disiungendis vocibus persæpe corrumpitur, & aurium interiori illi iudicio, quod plurimum refert in cognoscendis oratorij numeris, consulatur.

§. 3. Tum periodum totam, indicandæ structuræ gratia, resoluat, nec semel tantum, sed, si opus fuerit, etiam tertio & quarto, prorsus ut quæ quanque vox regat, clare pueri intelligant; nec vtilis quasdam latinæ linguæ observationes bonis auctoribus familiares ignorent.

§. 4. Singula postmodum Auctoris verba, non omnia quidem, quo progressus fiat in Auctore, sed bina fere aut terna eorum, quæ maxime excellunt, perperdat; curetque ut puer eorum non communem quandam atq; adumbratam

bratam intelligat significationem, sed propriā imprimis ac natiuam, eamque non nisi vnam aut alteram: nec aliunde quam ex Cicerone, Varrone, Festo, Nonio, Gellio alijsve antiquioribus, qui de Verborum proprietate scripserunt repetitam: & duobus non amplius quam maxime appositis exemplis ex eodem potissimum auctore, enucleatam.

s. 5. Metaphoras quoque, præsertim Ciceroni proprias (quæ nisi intelligentur, veram ac germanam linguæ cognitionem vehementer impediunt) demonstret maxime rudi Minerva, notissimarumque rerum exemplis.

s. 6. Ad hæc tres aut quattuor elegantiores phrasés excerpatur ac dictetur, earumque postea vsum atque imitationem exigat in scribendo. Dictetur autem intra tempus explicationi definitū, ne eam ob causam necesse sit tempus interpretationis prorogare.

s. 7. Prælectio ipsa siue Auctoris, siue Grammaticæ, præsertim ex Generibus, & præteritis, non longius pateat ternis aut quaternis verbis.

s. 8. Seuere pueris interdicit, vt ne vnam quidem litteram scribāt, nisi iussi, ne cum delectum ipsi nesciāt habere, res leues, protritæ, male coagmentatæ, nec raro vitiosas, mēdisque repletas pro pretiosis rebus excipiant.

s. 9. Caueat denique, ne Pædagogi pueris domi lectiones alias exponant, sed repetant
dun-

duntaxat auditas in scholis, ne bonæ interpretationis, quam in scholis didicere, domi iacturam faciant.

27 Habitæ prælectionis rationem a pueris statim exigat; curetque ea prorsus in repetendo seruari, quæ ipse seruauerat explicando. Nonnunquam etiam inter prælegendum absoluta aliqua periodo, eius repetitionem reposcat a pueris, quo vigilantius attendant.

28 Efficiat, vt qui repetunt, clara voce pronuntiēt, emendate, distincte, & quantum satis est, expresse, ea præsertim verba seu litteras, in quibus enucleate proferendis puerilis lingua laborare solet. Cuiusmodi pronuntiationi vt assuescant, iubeat interdum Auctoris contextum, quem explicaturus est, ab aliquo prælegi, non recte solum, sed ita lente, vt per iusta intervalla voces ipsæ (quod sponte continget) sen sim in memoria collocentur.

29 Non vni repetitionem imperet, sed quam plurimis per partes: nec eos interroget ordine quo confident, sed prætereat quos velit: non temere tamen, sed ex occulto catalogo, vt statis vicibus exerceat vniuersos. Et primum quidem prouectiores repetant, alij deinde, crebrius vero tum noui discipuli, qui & diligentius exercendi, & indulgentius tractandi videntur, tum alij segniores: quanquam ingenio aut lingua tardiores breuius interrogandi sunt, ne in his plus æquo temporis conteratur.

Ea

30 Ea repetitio quanquā ad Auctoris intelligentiam potissimum spectat; non refugienda tamen est nec prætereunda, si qua inde suppetetur materia vel occasio Coniugandi, Declinandi, componendorum ex tempore thematicum, exigendi indicandive Grammaticæ præcepta proxime explicata.

31 Absoluto aliquo libro, ad totius repetitionem pueros paratos esse iubeat in certum diem, tametsi eos non de omnibus, sed de præcipuis capitibus interrogaturus. Quod si præmiola quædam nancisci queat distribuenda victoribus, paratis iam ad repetendum pueris omnibus illa proponat, ac simul edicat, Ecqui velint profiteri se de omnibus, quæ eo libro continentur responsuros: ex professis autem aliquos sortito delectos, reliqui binis ternisque cessant interrogationibus, præmiumque ferant qui vicerint.

32 Ad hæc initio scholarum matutinam mane, vespertinam vespere lectionem pueri reddant memoriter Decurionibus: Hi vero vel Decurionum maximo; vel Magistro: qui tres etiam quatuorve ex alijs semper audiat per partes publice ac palam tum ad explorandam Decurionum fidem, tum ad ea pronuntiationis vitia corrigenda, quæ ut in legendo cauerentur, superius constitutum est. Audiat autem præsertim desidiosissimum quenque, quique serius ad ludum venerunt.

N

Porro

33 Porro cum operæpretium sit cum Græcis Latina coniungere, faciendū est, vt huius scholæ pueri Græcorum elementorum molestias deuorent, ne ijs velut spinis torqueantur pro- uectiores. Itaque doceantur primum legere Græce & scribere: deinde inflectere verba & nomina simplicia.

34 Quo autem exercitationes istæ fructuo- siores sint, silentium & attentionem puerorū omni ope atque opera Magister exigat: quam ad rem valet admodum si clara voce agant in- ter se; si feruide & acriter exerceantur a Ma- gistro: si nullus aut ad repetendum dicen- dumve aliquid se offerat, aut aduersariū pro- uocet, nisi permissu Magistri: si seuerè cauea- tur, ne quis proxime assidentibus quicquam suggerat, dum interrogantur a Magistro: si denique quicquid in hoc genere peccatur, nō impune peccetur.

35 Danda denique opera est, vt tempestiue li- bri, quibus vsuri iunt, emanant a pueris: secus qui fecerint, nullo modo immunes sint ab edi- scendo, sed describere iubeantur, quæ erunt explicanda, quoad eos sibi libros compara- rint.

INCITAMENTA STUDIORVM.

36 OMNIBVS, quibus potest, artibus, variandis tamen subinde, puerorum animos

animos ad litterarum studia Magister excitet atque inflammet; duabus potissimum, spe honoris ac laudum; Metu ignominiae & verberum: dummodo sicut in alijs, ita in hoc genere, nihil nisi consulto Praefecto introducatur noui.

37 Itaque suos Magister pueros referat in Decurias, quarum vnaquæque ex denis ferme pueris constet. In illarum autem tres quatuorve primas (pauciores etiam, vbi magna paucitas auditorum) non nisi ex doctrinae diligentiaeque praerogatiua adsciscantur: & prout quotidie suam, singuli operam probauerint, ita vel suum tueantur gradum, vel aliqui descendant, ascendant alij, modo id salua morum disciplina fieri possit.

38 Ut autem par est Decurijs in litterario certamine victricibus aliquem honorem aut immunitatem dari; ita in ignauissimum quenque de Rectoris Praefectique sententia constitui nonnullas ignominiae notas, eas tamē, quae perpenſa varietate regionum, pene nullam in eo loco habere soleant offensionem aut contumeliam.

39 Inter alias dedecoris notas, illud etiam probro ducatur, si quis eximi se postulet a scribendis versibus, ab audiendis Graecis, ab ediscendis lectionibus, alijsq; id genus, quae odiosiora videntur: Eiusmodi tamen exemptiones nunquam praceptor, Praefectus autem.

grauissimis tantum de causis concedat.

40 Singulis Decurijs singuli præsent Decuriones, quibus reliqui dicto audientes sint. Probos sane illos oportet esse, modestos, diligentes, incorruptos a muneribus & gratia; & a quibus vel Decurionum maximus, vel Magister pensum memoriæ, scriptionis, aliarumque exercitationum exigat, sicut ipsi ab alijs.

41 Est autem Decurionis inter suæ decuriæ pueros silentium facere; memoriter eos recitantes audire ex ordine, notareque in libello nomina eorum, qui optime, qui pessime, qui nihil, qui non totum recitauerint: quoties etiā quisque errarit in recitando.

42 Exploret idem, ecquis ab schola abfuerit: exigat quoque suæ decuriæ compositiones, cū primum Magister in scholam pedem intulerit: aut paulo antea, notetque ecquis omnino thema non scripserit: ecquis aut non totum, aut diuersum, aut lituris inquinatum, aut interuallis omissoꝝ verborum interruptum; aut duplex compositionis exemplum non tulerit, & cætera, quæ Magister præscripserit.

43 Est & illud mutuæ æmulationis quasi calcar pueris ad mouendum, vt veluti de principatu decertent. Diuidatur itaque schola in duas veluti classes, quarum vnaquæque suum habeat Prætorem, suum Tribunum, suos Senatores, suum denique summum Magistratum, siue Imperatorem illum, siue Consulem, siue

Dicta-

Dictatorem cognominare velint. Hi vero Magistratus (nisi ubi per discipulorum infrequentiam id non liceat) suam in sua classe decuriā, cuius Decurio sit ipse princeps, efficiant; se-deantque ante & extra eas etiam decurias, quarum delectum facit assiduitas & ingenij doctrinaeque praestantia.

44 Ad eos honores consequendos, quolibet mense semel a prandio componatur in schola: Breue thema proponatur, quod intra duas & dimidiatam horam scribi possit elaborate: omniū optime qui scripserit, magistratu summo potiatur: ex ijs vero, qui accesserint proxime, primus Praetoris, alter Tribuni, sex alij senatorum nominibus & honoribus augeantur. Sed & si quis primorum trium graui de causa fuerit suo loco mouendus, ad eum magistratū supplendum iterum intra eundem mensem eodem ordine componatur. Nec vero cum scribitur in schola, domestica discipulis scripto remittenda est, cuius tunc argumentum mane dictandum.

45 Fient etiam acriores ac solito solertiores pueri, si inter se tanquam singulari certamine depugnare iubeantur. Quocirca unicuique suus attribuatur aduersarius, ac velut Antagonista, quo cum statis quotidie temporibus, quae inferius praescribentur, decertet, & latine quoad eius fieri poterit: sed & per totum diē uterque ius habeat alterum aut cunctantem

anteuertendi, aut errantem corrigendi: si non correxerit, sit eiusdem noxæ reus. Rogent ipsi non nunquam Magistrum, permittat, ut Decurix superioris aliquem laceſſant ad pugnam, cuiusque locum illustriorem, si vicerint, conſequantur.

46 Ex vſu quoque fuerit, si nihil impediât, binos quosque Antagoniſtas ſeu æmulos non ex eadem, ſed ex oppoſitis ſcholæ claſſibus deligere, atque eos potiſſimum, qui ſibi ex aduerſo loco, magiſtratuve reſpondeant; facta poſteſtate ijs, qui in magiſtratu ſunt, ſubueniendū cuiſcunque ſuæ claſſis puero aut iam prolapſo, aut hærenti, laborantique, priuſquam ab æmulo corrigatur. Quæ vero claſſis per diem plura victoriæ puncta tulerit ab aduerſarijs, ea ſub finem ſcholarum veſpere ſuperior ac victrix non modo Magiſtri voce declaretur, ſed etiam, ſi nihil obſtiterit, externo quoque ſigno, tanquam trophæo, quod in diem poſterum alioſque, quoad vincat pars victa, perduret.

47 Ad hæc quo magis alacri erectoque ad ſtudium animo ſint, bis quolibet menſe Tertiani ad Superiorem ſcholam, per ſemihoram certaturi cum Secundanis, aſcendant; non omnes quidem, ſed lectiſſimi quique, dummodo eorum delectus ſine inuidia atque offenſione fieri queat; & ij qui non aſcendunt, Decurionum opera in officio contineri poſſint. Interſint

con-

concertationi Præfectus & duo præceptores, ipsi etiam inter se modeste disputaturi.

48. Disputent autem de ijs tantum, quæ suæ classi propria sunt: nec Dialectico more, sed illo fere modo.

Cedo mihi Modum, seu Tempus, seu Supinum illius verbi, siue Latini, siue Græci.

Inflexte nomen illud.

Ostende illius vocis etymologiam?

Est ne hæc oratio bene latina?

Conuerte Latine sententiam istam.

Expone illam regulam Grammaticæ locumve M. Tullij.

Quanam est huius vocabuli germana vis, & quotuplex?

Vnam aliquam sententiam duabus aut pluribus latinis phrasibus enuntia.

Et alia id genus.

49. Cum communia præmia publice diuidenda sunt, aut in Theatro ab adolescentibus nostris aliquid exhibendum; sicut his rebus pueriles animi exhilarantur, & ad studia bonarum artium inflammantur quam maximè; ita & Magister strenue laboret, vt & suos egregie instructos mittat ad certamen; & seuerè caueat, ne morum doctrinæve iacturam faciant, dum se comparant ad theatrum.

50 **P**RIMVS in artem grammaticam ingressus tribui posse videtur duas in partes. Quarum vna inferior, simplicior, faciliior est; & complectitur tum simplices fere verborum Nominumq; ac Pronomium flexiones & genera : tum concordantias ac prima Syntaxeos elementa, v. g. regulas Actiuorum verborum ad impersonalia iuxta Romanam methodum; quam Prouinciæ quæ non sequuntur, aliam huic non valde dissimilem, vt supra dictum est, sibi conficiant, licet.

51 Altera pars superior, difficilior, eruditior posita est in Anomalis nominibus ac verbis, in pronomibus deriuatiuis, in relatiuis, in præteritis ac supinis, alijsq; similibus copiose explicandis, quæ pars inferior adumbrauerat dūtaxat. Continet etiam generales Syntaxeos Regulas ab impersonalibus ad figuratam vsq; constructionem exclusiue omisis tamē appendicibus, prout in Romana methodo habetur; quæ quæ non vtuntur prouinciæ, possunt tamen ex similibus rebus propriam sibi conscribere.

52 Vbiunque poterit obtineri, vt in Gymnasium nostrum non admittantur, nisi mediocriter calleant priorem illam ac simplicio rem partem, ea breuiter repetita in superiorem

diffi-

difficilioremque potissimum incumbat tertię classis professor: quam & trimestri spatio absoluat, & trimestri altero repetat.

53 Id ubi consequi non possumus, vtraque Rudimentorum atq; introductionis pars in scholam tertiam coniicienda est: inter cuius auditores si non magna sit doctrinę inæqualitas, simul vniuersi priorem partem trimestri tempore, posteriorem trimestri altero condiscant.

54 At quoniam puerilis memorię magna sit facilitas, ita & imbecillitas est, & propterea quę facile imprimuntur, facile etiam dilabuntur, necesse est, vt quęcunque Magister semestri tempore docuit, eadem semestri altero recurrat atque inculcet. Is plane ad initia recursus quotannis bis iteratus proderit tum pueris, qui ab externis scholis ad nostras subinde ventitant: tum ijs Auditoribus nostris, qui cum intra annum, vt ad superiorem scholam ascēderent, idonei non fuerint, earum certe rerum, in quibus semel auditis minus, quam oportuit, profecerant, iteratione confirmandi sunt.

CAUSAE DUPLICANDI PROFESSORES vel Ordines tertię classis.

55 **A**TQVE hæc de tertiā classe, quę vno præceptore, vno itē ordine contenta est, constituta sūt. Sed quoniam geminandi

nandi vel præceptoris, vel ordinis causæ fere
tres incidere solent; de his videntur obseruan-
da, quæ sequuntur.

56 Prima duplicandi causa solet esse nume-
rosior auditorum multitudo, quam cui Magi-
ster vnus facere possit satis. Id vbi euenerit, di-
scipuli in duas tertias classes, duosque Magi-
stros diuidantur, qui diuersis quidem locis, eas-
dem tamen res doceant atque explicent: eo-
rumque quilibet seorsim illas eodem absoluat
tempore, quo eas vnus vno in loco Magister
solet absolvere.

57 Altera causa existit ex auditorum non
multitudine, sed inæqualitate: quæ sicubi tan-
ta sit, vt vniuersi in vnum referri nequeant or-
dinem, referantur in duos, sub eodem tamen
Magistro, qui inferiori ordini inferiorem etiã
introductionis partem, superiori item superio-
rem explicabit.

58 Explicabit autem has Introductionis par-
tes vel vno die vni ordini, altero alteri; vel am-
bobus quotidie, sed tempore quod Gramma-
ticæ explanandæ repetendæque in dies circũ-
scriptum est, diuiso duas in partes, quarum
vna ordini vni, altera alteri tribuatur. Eadem
erit ratio atque optio in obeundis exercita-
tionibus alijs.

59 Quamquam quod ad Thema pertinet, sa-
tius est, vt, ambobus ordinibus vnum commu-
ne sit, paulo quidem longius; quod totum ab
ordi-

ordine superiori scribatur, ab inferiori vero pars tantum prior, quæ Grammaticæ præceptis huic ordini proprijs respondeat, sicut & posterior Syntaxi superioris ordinis. Idem etiam Auctor ambobus explicandus; sed semel iuxta captum inferioris ordinis; iterum paulo eruditius in gratiam prouectorum.

60 Quandoquidem vero huic vni duorum ordinum Magistro ad eorum quemlibet scorsim erudiendum exercēdumque dimidio minus vacat, quam vnus Ordinis præceptor. Idcirco totum scholæ pensum, quod hic trimestri spatio persolvere, & trimestri altero repetere consuevit, ille sex mensibus absoluat, totidemque repetat. Sin hic suam Grammaticæ partem & semestri decurrit tempore, & semestri altero relegit ac retractat, ille in hoc utroque opere præstando totum consumat biennium.

61 Tertiam demum causam afferre solet tanta auditorum & multitudo simul & inæqualitas, ut in vnum nec ordinem, nec Magistrum redigi queant: Quocirca in duos tam ordines, quam Magistros segregandi sunt; duas item in classes, quarum vna Tertiæ classis Inferior ordo, altera Tertiæ classis Superior ordo nominetur.

62 Explicent autem hi Professores, vnus quidem inferiori ordini inferiorem Grammaticæ partem, alter superiori superiorem, postquam

quam inferiorem breuiter repetierit: & quilibet trimestre spatium in suo penso persoluen-
do, tantundem etiam in repetendo collocet:
prorsus vt audire pueri vno possint anno, quic-
quid vtrique ordini prælegendum relegen-
dumque est.

PROMOTIO AD SUPERIOREM
classē.

63. P O R R O discipuli ab inferiori scho-
la vel ordine ad superiorem promo-
uendi non sunt, nisi postquam quicquid suæ
scholæ ordini ve proprium est, semel atque ite-
rum audierint, cum auditarum rerum retra-
ctatio pueris pernecessaria sit. Nonnulli tamē
magna assiduitate ingenioque præstantes re-
petitionis non indigent: alijs contra, vt quan-
tum satis est, proficiant, eadem bis & ter recur-
renda atque inculcanda sunt.

64. Et generalis quidem solemnisque promo-
tio semel in anno, cum instaurantur studia, fa-
cienda est. Quam ob causam æquum est, vt vno
ferme ante examen mense strenue suos magi-
ster in præcipuis ac difficillimis exerceat, quæ
maximè ab ijs, qui promouendi sunt, requiri
solent.

65. Intra annum vero quicumque in superiori
schola magis, aut nihilo minus, quam in sua
profecturi videbuntur, nequaquam detinean-
tur

tur amplius, sed ascendant omnino, siue pauci siue multi fuerint; idque quolibet anni tempore, etiam si sæpe & sæpius id faciendum esset.

66 Ut autem Magister de suorum auditorum profectu iudicium semper paratum habeat, si a parentibus aut a Præfecto interrogetur de aliquo, sub initium anni in catalogum referat vniuersos: & ut quisque longo usu atque obseruatione specimen sui dederit, ita cuiusque nomini apponat notam industriæ aut negligentia: ingenij aut tarditatis; frequentia: aut infrequentia; temporis quoque in ea schola consumpti, ut intelligatur, ecqua sit spes progressus faciendi, si ad superiorem scholam transferit.

67 Alternis mensibus huiusmodi catalogum latine, & Alphabeti ordine conscriptum in folio tradat Præfecto: accuratissimum vero, cum instat annua: promotionis examen: Quod quoniam magna ex parte pendet ex Magistri iudicio, quo plures potest, discipulorum gradus distinguat in catalogo, ac ferme sex, Nempe Optimos, Bonos, Mediocres (qui tamen apti iudicantur:) Dubios, Retinendos, Reijciendos. Quæ notæ numeris significari possent. 1. 2. 3. 4. 5. 6.

QUOTIDIANA TEMPORIS RATIO,
ac diuifio.

68 **M**AGISTER ante signum datum scholas non ingrediatur; potius, si cum aliquo agendum, agat in atrio. Nec dato signo vsquam demoretur, aut ab vllis, licet grauius viris, detineri patiatur, modeste sui illos muneris admoneat, ingressumq; suum in scholam a discipulis iubeat anteuerti.

69 Det operam vt. quam minimum fieri potest recedat a temporum spatijs, quæ hic singulis exercitationibus assignantur, eaque vt ferre fit, distinguat ad Clepsydræ: Obseruet & exercitationum ordinem hic præscriptum, nisi iustis de causis Præfecto videretur variandus: In eo tamen, qui initio studiorum susceptus fuerit, constanter toto anno perseuerandum.

MANE HORA PRIMA.

1. **T**HEMATATA corrigantur: quod dum priuatim ac summissa voce facit præceptor, pueri primum memoriter recitent Decurionibus; deinde tacite scribant, quæ Magister hoc tempore scribenda constituerit.

2. Recitatio tamen posset etiam (si nihil impediât) ante præceptoris aduentum statim post primum campanæ signum inchoari: Eo

quo-

quoque tempore recognoscet Decurio, & colliget quicquid afferendum domo fuerit a pueris, idque Magistro tradat cum Censorijs notis, hoc est, cum obseruationibus eorum, quæ quisque bene malè gesserit in recitando, in scribendo, & in alijs huiusmodi.

H O R A S E C U N D A.

§. 3. **P** V B L I C E recitetur a nonnullis, & recognoscantur Censoriæ notæ: Deinde repetatur lectio pridiana: Tum præsens explicetur, & explicata exigatur a pueris. Horum autem quatuor operum cuiuslibet suus ferme horæ quadrans impendendus.

E X T R E M A E H O R A E

dimidio.

§. 4. **N** O M I N A & Verba inflectantur: sed paulo ante finem vacetur græcis: Et pueri quidem inferioris ordinis Græcos characteres legere ac fingere doceantur; superioris autem simplicia quædam nunc declinare, nunc coniugare.

A P R A N D I O H O R A P R I M A.

§. 5. **R** E C I T E T V R primū ex Grāmatica aliquod siue Rudimentū, siue præceptum,

ceptum, siue Coniugatio, siue Declinatio, siue plura quædam ex his. Deinde quæ ex imposito onere mane scripserint pueri, dum themata corrigerentur, recognoscantur publice quam plurima, & maxima cum alacritate atque testificatione cuiusque virtutis, & ignauia. Tum si quid horæ superest, grauitur inculcentur ea, quæ frequenter peccantur a pueris. 11

H O R A S E C U N D A.

§. 6. **D**IMIDIA exponatur ac repetatur grammatica: Altera dimidia dicitur tum breue scribendi argumentum; tum aliquod nomen ac verbum sequenti die flectendum. Doceantur item recte scribere vel illic traditis, vel domo allatis exemplaribus, quæ & elegantia, & emendata sint. In superiori tamen ordine postremus secundæ horæ quadrans in verborum temporibus, ac supinis exigendis ex tempore collocandus est; vt ex ante meridianæ vltimæ horæ dimidio, quadrans vnus Nominum generibus & Casibus, alter Græcis tribuatur, quæ etiam memoriter recitanda sunt initio scholarum.

E X T R E M A E H O R A E D I M I D I O.

§. 7. **M**AGNA aduersariorum concertatione disputetur, pueris siue se mutuo

mutuo prouocantibus ad extemporalia the-
mata, siue exigentibus vicissim phrascs ex au-
dita M. Tullij lectione, aut repositentibus gene-
ra, supina, flexiones Nominum & Verborum,
aut id genus alia.

DIE VACATIONIS.

§. 8. **Q**UICQUID tēporis in schola po-
netur, nō discrepet ab alijs diebus.

DIE SABBATI MANE.

§. 9. **R**ECITENTVR primum audita
per hebdomadam : imo ab ini-
tio libri præferat magister velle se librum il-
lum a principio singulis sabbatis recitari. Sed
vbi explicando ad quintam pagellam vel vltē-
rius progressus fuerit, ex primis paginis ali-
quas, modo plures, modo pauciores iuxta pen-
si magnitudinem remittat : interdū tamen
postremis paginis omisis primas iubeat reci-
tari, vt totius libri recens memoria retinea-
tur. Eo denique absoluto, sortito capiat ali-
quos ex ijs, qui vltro nomina in eam rem de-
derint, vt e suggestu totum librum per partes
cum dignitate pronuntiēt, nec sine præmiolo.
§. 10. Totius deinde hebdomadæ prælectio-
nes repetantur : & quia omnia eorum capita
non possunt, præcipua atque vtilissima quæq;

anteuertendi, aut errantem corrigendi: si non correxerit, sit eiusdem noxae reus. Rogent ipsi non nunquam Magistrum, permittat, ut Decuriae superioris aliquem laceessant ad pugnam, eiusque locum illustriorem, si vicerint, consequantur.

46 Ex usu quoque fuerit, si nihil impediatur, binos quosque Antagonistas seu amulos non ex eadem, sed ex oppositis scholae classibus deligere, atque eos potissimum, qui sibi ex aduerso loco, magistratue respondeant; facta potestate ijs, qui in magistratu sunt, subueniendi cuicunque suae classis puero aut iam prolapsso, aut haerenti, laborantique, priusquam ab amulo corrigatur. Quae vero classis per diem plura victoriae puncta tulerit ab aduersarijs, ea sub finem scholarum vespere superior ac victrix non modo Magistri voce declaretur, sed etiam, si nihil obstitit, externo quoque signo, tanquam trophaeo, quod in diem posterum aliosque, quoad vincat pars victa, perducat.

47 Ad haec quo magis alacri erectoque ad studium animo sint, bis quolibet mense Tertiani ad Superiorem scholam, per semihoram certaturi cum Secundanis, ascendant; non omnes quidem, sed lectissimi quique, dummodo eorum delectus sine inuidia atque offensione fieri queat; & ij qui non ascendunt, Decurionum opera in officio contineri possint. Interfint

con-

concertationi Præfectus & duo præceptores, ipsi etiam inter se modeste disputaturi.

48. Disputent autem de ijs tantum, quæ suæ classi propria sunt: nec Dialectico more, sed illo fere modo.

Cedo mihi Modum, seu Tempus, seu Supinum illius verbi, siue Latini, siue Græci.

Inflexite nomen illud.

Ostende illius vocis etymologiam?

Est ne hæc oratio bene latina?

Conuertere Latine sententiam istam.

Expone illam regulam Grammaticæ locumve M. Tullij.

Quanam est huius vocabuli germana vis, & quoruplex?

Vnam aliquam sententiam duabus aut pluribus latinis phrasibus enuntia.

Et alia id genus.

49. Cum communia præmia publice diuidenda sunt; aut in Theatro ab adolescentibus nostris aliquid exhibendum; sicut his rebus pueros animi exhilarantur, & ad studia bonarum artium inflammantur quam maxime; ita & Magister strenue laboret, ut & suos egregie instructos mittat ad certamen; & seuerè caueat, ne morum doctrinae iacturam faciant, dum se comparant ad theatrum.

50 **P**RIMVS in artem grammaticam ingressus tribui posse videtur duas in partes. Quarum vna interior, simplicior, faciliior est; & complectitur tum simplices fere verborum Nominumq; ac Pronomium flexiones & genera : tum concordantias ac prima Syntaxeos elementa, v. g. regulas Actiuorum verborum ad impersonalia iuxta Romanam methodum; quam Prouinciæ quæ non sequuntur, aliam huic non valde dissimilem, vt supra dictum est, sibi conficiant, licet.

51 Altera pars superior, difficilior, eruditior posita est in Anomalis nominibus ac verbis, in pronomibus deriuatiuis, in relatiuis, in præteritis ac supinis, alijsq; similibus copiose explicandis, quæ pars inferior adumbrauerat dūtaxat. Continet etiam generales Syntaxeos Regulas ab impersonalibus ad figuratam vsq; constructionem exclusiue omisis tamē appendicibus, prout in Romana methodo habetur: quæ quæ non vtentur prouinciæ, possunt tamen ex similibus rebus propriam sibi conscribere.

52 Vbicunque poterit obtineri, vt in Gymnasium nostrum non admittantur, nisi mediocriter calleant priorem illam ac simplicio rem partem, ea breuiter repetita in superiorem

diffi-

difficilioremque potissimum incumbat tertie
classis professor : quam & trimestri spatio ab-
soluat, & trimestri altero repetat.

53 Id ubi consequi non possumus, vtraque Ru-
dimentorum atq; introductionis pars in scho-
lam tertiam coniicienda est: inter cuius audi-
tores si non magna sit doctrinæ inæqualitas;
simul vniuersi priorem partem trimestri tem-
pore, posteriorem trimestri altero condiscant.

54 At quoniam puerilis memoriæ magna si-
cut facilitas, ita & imbecillitas est, & propte-
rea quæ facile imprimuntur, facile etiam dila-
buntur, necesse est, vt quæcunque Magister se-
mestri tempore docuit, eadem semestri altero
recurrat atque inculcet. Is plane ad initia re-
cursus quotannis bis iteratus proderit tum
pueris, qui ab externis scholis ad nostras su-
binde ventitant: tum ijs Auditoribus nostris,
qui cum intra annum, vt ad superiorem scho-
lam ascēderent, idonei non fuerint, earum cer-
te rerum, in quibus semel auditis minus, quam
oportuit, profecerant, iteratione confirmandi
sunt.

CAUSAE DUPLICANDI PRO-
fessores vel Ordines tertiæ classis.

55 **A**TQVE hæc de tertia classe, qua
vno præceptore, vno itē ordine con-
tenta est, constituta sunt: Sed quoniam gemi-
nandi

ordine superiori scribatur, ab inferiori vero pars tantum prior, quæ Grammaticæ præceptis huic ordini proprijs respondeat, sicut & posterior Syntaxi superioris ordinis. Idem etiam Auctor ambobus explicandus; sed semel iuxta captum inferioris ordinis; iterum paulo eruditius in gratiam prouectorum.

60 Quandoquidem vero huic vni duorum ordinum Magistro ad eorum quemlibet seorsim erudiendum exercendumque dimidio minus vacat, quam vnus Ordinis præceptor: Idcirco totum scholæ pensum, quod hic trimestri spatio persolvere, & trimestri altero repetere consuevit, ille sex mensibus absoluat, totidemque repetat, Sin hic suam Grammaticæ partem & semestri decurrit tempore, & semestri altero relegit ac retractat, ille in hoc utroque opere præstando totum consumat biennium.

61 Tertiam demum causam afferre solet tanta auditorum & multitudo simul & inæqualitas, ut in vnum nec ordinem, nec Magistrum redigi queant: Quocirca in duos tam ordines, quam Magistros segregandi sunt; duas item in classes, quarum vna Tertiæ classis Inferior ordo, altera Tertiæ classis Superior ordo nominetur.

62 Explicent autem hi Professores, vnus quidem inferiori ordini inferiorem Grammaticæ partem, alter superiori superiorem, postquam

quam inferiorem breuiter repetierit: & quilibet trimestre spatium in suo penso persoluen-
do, tantundem etiam in repetendo collocet:
prorsus vt audire pueri vno possint anno, quic-
quid vtrique ordini prælegendum relegen-
dumque est.

PROMOTIO AD SUPERIOREM
classē.

63. PORRO discipuli ab inferiori scho-
la vel ordine ad superiorem promo-
uendi non sunt, nisi postquam quicquid suæ
scholæ ordinis ve proprium est, semel atque ite-
rum audierint, cum auditarum rerum retra-
ctatio pueris pernecessaria sit. Nonnulli tamē
magna assiduitate ingenioque præstantes re-
petitionis non indigent: alijs contra, vt quan-
tum satis est, proficiant, eadem bis & ter recur-
renda atque inculcanda sunt.

64. Et generalis quidem solemnisque promo-
tio semel in anno, cum instaurantur studia, fa-
cienda est. Quam ob causam æquum est, vt vno
ferme ante examen mense strenue suos magi-
ster in præcipuis ac difficillimis exerceat, quæ
maxime ab ijs, qui promouendi sunt, requiri
solent.

65. Intra annum vero quicumque in superiori
schola magis, aut nihilo minus, quam in sua
profecturi vidēbuntur, nequaquam detinean-
tur

tur amplius, sed ascendant omnino, siue pauci siue multi fuerint; idque quolibet anni tempore, etiam si sæpe & sæpius id faciendum esset.

66 Ut autem Magister de suorum auditorum profectu iudicium semper paratum habeat, si a parentibus aut a Præfecto interrogetur de aliquo, sub initium anni in catalogum referat vniuersos: & ut quisque longo usu atque obseruatione specimen sui dederit, ita cuiusque nomini apponat notam industriæ aut negligentia: ingenij aut tarditatis; frequentia: aut infrequentia; temporis quoque in ea schola consumpti, ut intelligatur, ecqua sit spes progressus faciendi, si ad superiorem scholam transierit.

67 Alternis mensibus huiusmodi catalogum latine, & Alphabeti ordine conscriptum in folio tradat Præfecto: accuratissimum vero, cum instat annua: promotionis examen: Quod quoniam magna ex parte pendet ex Magistri iudicio, quo plures potest, discipulorum gradus distinguat in catalogo, ac ferme sex, Nempe Optimos, Bonos, Mediocres (qui tamen apti indicantur:) Dubios, Retinendos, Reiciendos. Quæ notæ numeris significari possent. 1. 2. 3. 4. 5. 6.

QUOTIDIANA TEMPORIS RATIO,
ac diuifio.

68 **M**AGISTER ante fignum datum
scholas non ingrediatur; potius, fi
cum aliquo agendum, agat in atrio. Nec dato
figno vfpiam demoretur, aut ab vllis, licet gra-
uibus viris, detineri patiatur, modefte fui illos
muneris admoneat, ingreffumq; fuum in scho-
lam a difcipulis iubeat anteuerti.

69 Det operam vt quam minimum fieri po-
teft recedat a temporum fpatijs, quæ hic fingulis
exercitationibus affignantur, eaque vt fe-
re fit, diftinguat ad Clepsydræ: Obferuet &
exercitationum ordinem hic præfcriptum,
nifi iuftis de caufis Præfecto videretur varian-
dus: In eo tamen, qui initio ftudiorum fufce-
ptus fuerit, conftanter toto anno perfeueran-
dum.

MANE HORA PRIMA.

1. **T**HÈMATTA corrigantur: quod
dum priuatim ac fummiffa voce fa-
cit præceptor, pueri primum memoriter reci-
tent Decurionibus; deinde tacite fcribāt, quæ
Magifter hoc tempore fcribenda conftituerit.

2. Recitatio tamen poffet etiam (fi nihil
impediat) ante præceptoris aduentum ftatim
poft primum campanæ fignum inchoari: Eo

quo-

quoque tempore recognoscet Decurio, & colliget quicquid afferendum domo fuerit, a pueris, idque Magistro tradat cum Censorijs notis, hoc est, cum obseruationibus eorum; quæ quisque bene maleve gesserit in recitando, in inscribendo, & in alijs huiusmodi.

H O R A S E C U N D A.

§. 3. **P**UBLICÆ recitetur a nonnullis, & recognoscantur Censoriæ notæ: Deinde repetatur lectio pridiana: Tum præsens explicetur, & explicata exigatur a pueris. Horum autem quatuor operum cuiuslibet suus ferme horæ quadrans impendendus.

E X T R E M A E H O R A E

dimidio.

§. 4. **N**OMINA & Verba inflectantur: sed paulo ante finem vacetur græcis: Et pueri quidem inferioris ordinis Græcos characteres legere ac fingere doceantur; superioris autem simplicia quædam nunc declinare, nunc coniugare.

A P R A N D I O H O R A P R I M A.

§. 5. **R**ECITETVR primū ex Grāmātica aliquod siue Rudimentū, siue præceptum,

ceptum, siue Coniugatio, siue Declinatio, sine
plura quædam ex his. Deinde quæ ex imposito
onere mane scripserint pueri, dum themata
corrigerentur, recognoscantur publice quam
plurima, & maxima cum alacritate atque testi-
ficatione cuiusque virtutis, & ignauia. Tum si
quid horæ superest, grauiter inculcentur ea,
quæ frequenter peccantur a pueris. 11

H O R A S E C U N D A .

§. 6. **D**IMIDIA exponatur ac repetatur
grammatica: Altera dimidia dicte-
tur tum breue scribendi argumentum; tum ali-
quod nomen ac verbum sequenti die flecten-
dum. Doceantur item recte scribere vel illic
traditis, vel domo allatis exemplaribus; quæ
& elegantia, & emendata sint. In superiori ta-
men ordine postremus secundæ horæ quadrans
in verborum temporibus, ac supinis exigendis
ex tempore collocandus est; vt ex antè meri-
dianæ vltimæ horæ dimidio, quadrans vnus No-
minum generibus & Casibus, alter Græcis tri-
buatur, quæ etiam memoriter recitanda sunt
initio scholarum.

E X T R E M A E H O R A E D I M I D I O .

§. 7. **M**AGNA aduersariorum concen-
tatione disputetur, pueris siue se
mutuo

mutuo prouocantibus ad extemporalia themata, siue exigentibus vicissim phrascs ex audita M. Tullij lectione, aut reposcentibus genera, supina, flexiones Nominum & Verborum, aut id genus alia.

DIE VACATIONIS.

§. 8. **Q**UICQUID tēporis in schola ponetur, nō discrepet ab alijs diebus.

DIE SABBATI MANE.

§. 9. **R**ECITENTVR primum audita per hebdomadam: imo ab initio libri præferat magister velle se librum illum a principio singulis sabbatis recitari. Sed ubi explicando ad quintam pagellam vel ulterius progressus fuerit, ex primis paginis aliquas, modo plures, modo pauciores iuxta pensi magnitudinem remittat: interdum tamen postremis paginis omisis primas iubeat recitari, vt totius libri recens memoria retineatur. Eo denique absoluto, sortito capiat aliquos ex ijs, qui vltro nomina in eam rem dederint, vt e suggestu totum librum per partes cum dignitate pronuntiēt, nec sine præmiolo.

§. 10. Totius deinde hebdomadæ prælectiones repetantur: & quia omnia eorum capita non possunt, præcipua atque vtilissima quæq;

recolantur, partim discipulis sua sponte red-
dentibus, aut inter se percunctantibus; partim
Magistro exigente.

A P R A N D I O

S. 11. **I**DEM præstandum de rebus pome-
ridianis: & thema paulo longius di-
standum, quod post dominicum diem corri-
gatur.

S. 12. Nouissima semihora in breuem expli-
cationem Catechismi, piamque exhortatio-
nem collocetur. Exponatur autem Catechis-
mus ex P. Canisij libello, nisi alicubi alius iam
in vsu sit nihilo minus utilis. Ediscetur etiam
quotidie, & mane recitabitur cum prælectio-
nibus alijs: tametsi superiori ordini satis fue-
rit, illum sabbato recitare duntaxat initio
scholæ.

I N F E S T I S E T A N N U I S

Vacationibus.

S. 13. **T**AM in festis, præsertim si plura
sint, quam in annuis vacationibus,
sive præfectus, sive magister pueris aliquid,
quo occupentur, imponat.

PIETAS AC DISCIPLINA

morum.

70 **I**NCENSIS potissimum studijs in id incumbat Magister, vt Christiana pietate teneras adhuc suorum mentes imbuat; quod maxime cōsequetur crebris apud Deum precibus, religiosis vitæ suæ exemplis, & salutaribus monitis; quæ cum per omnem asperget occasionem, inter prælegendum etiam, breuiter tamen; tum plenius in sabbato ad vespeream extrema semihora.

71 Nec solum hortetur ad orandum Deum quotidie; ad frequentandas conciones & sacramenta, solemnibus præsertim festis, ad obsequia parentum, ad vitanda consortia quæ noceant, ad vitiorum detestationem, ad omnem demum officij munus: sed explicet etiã, quænam ineunda ratio, vt pijs hisce exercitationibus deuote ac fructuose perfungantur: suadeatque vt aliquot libellos hoc argumento pie conscriptos, familiariter manibus terant & intelligant, vt virtute quisque præstiterit, ita Magistro fore carissimum; ac reliquis (si non valde imparia cætera sint) anteponendum.

72 Cum menstruæ puerorum confessiones excipiendæ sunt, statis quibusdam horis plures simul confessarij ad audiendum resideant, vt liberum semper sit cuique puero confiteri

O 2 cui

cui malit, dūmodo Confessario tradat in schedula descriptum suum nomen, & classem: quas schedulas vbi confessarius, suas cuiusque classis Magistro, reddiderit, is inde recognoscet; & qui defuerint.

73 Neque vero Confessionum causa quicquā remittendum est ex ijs, quæ scholarum propria sunt: sed terni mittantur initio ad confitendum: deinde vt singuli redeunt, ita ex cæteris singuli binive summittantur. Permagnū quoque interest, vt Magister & cum Confessarijs ex animo serioque consentiat, & eos doceat de ijs rebus, quæ de pueris aut a se cognitæ, aut etiam deprehensæ fuerint.

74 Missæ sacrificio quotidie discipuli interfint, idque ante scholas, vbi viget ea consuetudo: post pascha certe inducenda etiam est saltem in eas prouincias, quarum cælum æstuosius est. Adsint ad modestiæ censuram Decuriones, Magistri etiam omnes, qui sacerdotes non sint, vbi post scholas itur ad sacrum.

75 Cum ad Missam conuenitur ad templum, faciendum omnino est, vt ingressus egressusque strepitu careant. Neque in eundo & in exeundo e templo, (vt confusio caueatur) idem seruetur ordo, sed inuersus, vt primi exeant, qui nouissimi subierant.

76 Sabbato ad vesperam post litterarias exercitationes scholæ omnes ad B. Virginis litanias cogantur in templum, si capax omnium sit;

-sit; sin minus, in sua quisque classe Magister
-cas curet recitandas. Qui frequenter etiã pro
-re oblata collaudet assiduos in audiendis con
-cionibus; & ad eas bis in hebdomada suos mit
-tat in Quadragesima, aliquando etiam eos du
-cat ipse modeste apteque dispositos; huic rei si
-nihil obstitit.

77. Ad religiosam nullam familiam, multo mi
-nus ad nostram hortetur pueros, neque id se
-cupere præferat: quin potius secum ultro vo
-lentes agere ea de re, prudenter ad confes
-sarium remittat. Ad Congregationem autem
-B. Mariæ Annuntiatae præceptor eos, quos ido
-neos ac propensos ad eam rem viderit, horta
-ri poterit priuatim; publice vero nequaquam,
-nisi id magno cum fructu, nulloque incommo
-do fieri queat.

78. Non patiatur pueros, dum versantur in
-schola, vagari quo velint; Nec alijs munuscu
-la schedasve mittere: Nec in scholam afferre
-quicquam, quod turbæ, periculi, suspicionis
-aliquid habere videatur: Nec schola egredi,
-nisi necessitas cogat; ac tunc non nisi singu
-los: atque ita vt non mittatur alter, nisi prior
-reuerterit: Nec e schola quenquam euocari,
-nisi forsan a Congregationis Præfecto, vel a
-Confessario, idque prima ferme scholarum ho
-ra, admonito tamen Magistro.

79. Vt quæque decuria propius sedet ad scho
-la ianuam, & vt quæque schola propinquior

est gymnasij portis, ita primæ exeant ex præscripto Præfecti vel Magistri: qui non descendet e suggestu, priusquam omnes scholæ egresfos viderit.

80 Nonnullos habeat, qui suorum auditorum domos sciant, perque eos internuntios (spectatæ tamen integritatis & fidei) inquireat de reliquorum moribus, & cur aliquando ab scholâ abfuerint: neque enim temere causæ, quæ afferuntur a pueris, probandæ, nisi ab aliquo suorum confirmetur aut coram aut misso chirographo, quod suspectum non sit.

81 Qui sine causa plures dies abfuerint ab scholâ, in eam postea non recipiantur, nisi iussu Præfecti: Qui vero semel aut iterum, aut certe non crebro, grauitèr plectantur: & quot abfuerint diebus, loco compositionum, cum redierint, ferant in scholam totidem; imo duplo plures Auctoris prælectiones e latino in vernaculum conuersas.

82 Ex vsu quoque est, vt magister alternis fere mensibus cum negligentiorum aut periculosiorum parentibus alijsve, in quorum tutela sunt colloquatur, vt scilicet eorum studijs moribusque prospiciant. Id quod etiam cum ceterorum discipulorum parentibus interdum fieri expedit, cum ea res magnopere & pueros contineat in officio, & eorum parentes magistro Societatiq; conciliet.

83 Pauperum studijs vt bene prospectum sit, stre-

strenne det operā Magister, ne vllus iure queri possit eos a nobis negligi atque contemni. Cum nobilibus etiam mitius agēdum: si quid tamen peccarint, plectendi non secus ac ceteri. Atque hi quidem (si pro more patriæ ad adificationem & honestatem id pertineat) confideant simul omnes, & melioribus subsellijs habitata ætatis ratione: ad scholam tamen superiorem, si idonei non sint, nulla modo prouehēdi, ne detrimentum in beneficio accipiant.

84 Nec serio, nec ioco aliquē Magister carpāt: nec probrosa cognomina cuiquam imponat: neque quod vnius est vitium, toti generi aut sodalitati obijciat. Proborum, eorum præsertim, qui sunt e Congregatione, rationem habeat, eosque, si cætera paria sint, tractet indulgentius, modo ne delictis eorum parcat, aut aliat desidiam.

85 Vsitatis pœnis plagarumque modo, quia Præfecto alijsve Præpositis fuerit constitutus; noxios mulctet: inusitata supplicia ad Præfectum reijciat: ad eundem quoque referat, si quid animaduertendum in eos, qui domi peccarunt: neque enim delicta domi patrata facile in scholis punienda, ne nostros Magistros domesticorum impetus abripiat: Puniat autē per Correctorem, vbi est: sin desit, a pugnibus tamen ipse, a colaphis, ab alapis abstineat omnino.

86 Nec in puniendo præceps, nec in inquirendo

rēdo nimius sit: dissimulet quæ sine scholæ & cuiusque damno dissimulari possunt: alijs honoris dedecorisque stimulis vtatur frequentius, quam flagello. Cum vero id quantumvis modice, agendum est, ita verbis rem exaggeret, vt scuticæ metus atque opinio apud pueros (etiam cum cessatur a scutica) plurimum valeat, & vel leuissimus ictus magnæ ignominie loco ducatur.

87 Si quis supplicium recuset, moderata vis afferri potest: sin autem adolescens is sextum decimum annum excedat, accersatur Præfectus. Nec publice puniantur flagitia quædam secretiora, sed priuatim: aut si publice, aliæ ob tendatur causæ, & satis est eos, qui plectuntur, conscios esse causarum.

88 Non patiatür magister suorum odia & similitates; nec aliquid armorum in area, multo minus in scholis. Ad præfectum etiam sua sponte referat, si quid in schola grauius acciderit, etiam si turbarum quicquid fuerit, ab ipsomet compositum iam sublatumque sit.

89 Si quis interdum quidpiam aut ignorarit, aut peccauerit; ad id discendum in inferiore classē ordinemve non trudatur: sin crebro atque admodum negligens ac segnis fuerit, admonito Præfecto, & re ipsa per examen explorata, ad inferiorem locum deijci potest.

90 Iniussu Præfecti discipulum nullum aut in scho-

scholam admittat, aut admissum eijciat: Nec locorum, quæ singulis ad sedendum sub studiis instauratione Præfectus assignabit, eo inconsulto commutationem magnam imperet.

91 Cum extra scholam agit cum pueris, nec eos diu sinat esse aperto capite; nec de alijs agat rebus quam de serijs: idque eo loco modoque qui cæteris merito displicere non possit; nec eorum alat familiaritatem; quamprimum potius ab ijs se expediat.

92 Nec ad publica spectacula ac ludos, nec ad personam vllam in externorum theatris agendam, nec ad supplicia reorum (nisi forsitan hæreticorum) nec ad singulare & inusitatum aliquid pueros dimittat Magister, nisi à Rectore, siue a Præposito Prouinciali pro varijs gentium moribus constitutum fuerit expedire: Quod si Rectori videatur nõ esse permitendum, vt ad publicas processiones eant (modo eatur ad eas, quæ Iobileo præscribuntur) earum loco in vnaquaque classe litaniz recitentur paulo ante finem scholarum.

93 Suos quilibet magister censores & publicos & priuatos, & vnum censorem maximum habeat, per quos in aliorum mores inquirat.

94 Nullam in rem pro schola sumptum facere pueros patiatur; nec eorum vtatur opera in describendo. aut in alijs, quæ ad ipsorum vtilitatem, & vñtatas scholæ exercitationes non pertineant. Nec inconsulto Rectore externis
peda.

Pedagogum, aliumve, qui apud eos domi comoretur, proponat.

95 In qualibet classe suspensa ad parietem tabella palam omnibus exposita sint regulæ a discipulis observandæ, quas publicè legi iubeat singulis ferme mensibus.

REGVLÆ PROFESSORIS

SECVNDÆ CLASSIS

Grammaticæ.

OFFICIVM ET FINIS.

ITA pueros, qui in Societatis disciplinam traditi sunt, instituendos esse sibi putet, vt e scholis nostris, quas frequentarint, vna cum bonis litteris veram etiam animi pietatem imprimis suxisse videantur.

GRAMMATICÆ PARS, QUÆ
secundæ scholæ propria est.

SICVT tertia classis primum in artem grammaticam ingressum, siue introductionem sibi vendicat: ita secundæ classi propriæ cōuenit mediocris in illa progressus, hoc est, totius Syntaxeos compendium quoddam, quod fere generalibus Emmanuelis præceptis sine appendicibus continetur.

3 Huic compendio respondent in Emmanuele ad Romanam methodum explanato appendices tam primi, quam secundi generis. Nec enim quicquam Appendicum videtur communicandum cum tertia, quæ rebus & minutissimis,

ceptum, siue Coniugatio, siue Declinatio, siue plura quædam ex his. Deinde quæ ex imposito onere mane scripserint pueri, dum themata corrigerentur, recognoscantur publice quam plurima, & maxima cum alacritate atque testificatione cuiusque virtutis, & ignauia. Tum si quid horæ superest, grauiter inculcentur ea, quæ frequenter peccantur a pueris. 11

HORÆ SECUNDA.

§. 6. **D**IMIDIA exponatur ac repetatur grammatica: Altera dimidia dicitur tum breue scribendi argumentum; tum aliquod nomen ac verbum sequenti die flectendum. Doceantur item recte scribere vel illic traditis, vel domo allatis exemplaribus; quæ & elegantia, & emendata sint. In superiori tamen ordine postremus secundæ horæ quadrans in verborum temporibus, ac supinis exigendis ex tempore collocandus est; vt ex ante meridianæ vltimæ horæ dimidio, quadrans vnus Nominum generibus & Casibus, alter Græcis tribuatur, quæ etiam memoriter recitanda sunt initio scholarum.

EXTREMÆ HORÆ DIMIDIO.

§. 7. **M**AGNA aduersariorum concertatione disputetur, pueris siue se
mutuo

mutuo prouocantibus ad extemporalia the-
mata, siue exigentibus vicissim phrascs ex au-
dita M. Tullij lectione, aut reposcentibus gene-
ra, supina, flexiones Nominum & Verborum,
aut id genus alia.

DIE VACATIONIS.

§. 8. **Q**UICQUID tēporis in schola po-
netur, nō discrepet ab alijs diebus.

DIE SABBATI MANE.

§. 9. **R**ECITENTVR primum audita
per hebdomadam : imo ab ini-
tio libri præferat magister velle se librum il-
lum a principio singulis sabbatis recitari. Sed
vbi explicando ad quintam pagellam vel vltē-
rius progressus fuerit, ex primis paginis ali-
quas, modo plures, modo pauciores iuxta pen-
si magnitudinem remittat : interdum tamen
postremis paginis omissis primas iubeat reci-
tari, vt totius libri recens memoria retinea-
tur. Eo denique absoluto, sortito capiat ali-
quos ex ijs, qui vltro nomina in eam rem de-
derint, vt e suggestu totum librum per partes
cum dignitate pronuntiēt, nec sine præmiolo.

§. 10. Totius deinde hebdomadæ prælectio-
nes repetantur : & quia omnia eorum capita
non possunt, præcipua atque vtilissima quæq;

O

reco-

recolantur, partim discipulis sua sponte red-
dentibus, aut inter se percunctantibus; partim
Magistro exigente.

P R A E N D I O

§. 11. IDEM præstandum de rebus pome-
ridianis: & thema paulo longius di-
ctandum, quod post dominicum diem corri-
gatur.

§. 12. Nouissima semihora in breuem expli-
cationem Catechismi, piamque exhortatio-
nem collocetur. Exponatur autem Catechis-
mus ex P. Canisij libello, nisi alicubi alius iam
in usu sit nihilo minus utilis. Ediscetur etiam
quotidie, & mane recitabitur cum prælectio-
nibus alijs: tamen si superiori ordini satis fue-
rit illum sabbato recitare duntaxat initio
scholæ.

I N F E S T I S E T A N N U I S *Vacationibus.*

§. 13. TAM in festis, præsertim si plura
sint, quam in annuis vacationibus,
sive præfectus, siue magister pueris aliquid,
quo occupentur, imponat.

PIETAS AC DISCIPLINA

morum.

70 **I**NCENSIS potissimum studijs in id incumbat Magister, vt Christiana pietate teneras adhuc suorum mentes imbuat; quod maxime cōsequetur crebris apud Deum precibus, religiosis vitæ suæ exemplis, & salutaribus monitis: quæ cum per omnem asperget occasionem, inter prælegendum etiam, breuiter tamen; tum plenius in sabbato ad vespeream extrema semihora.

71 Nec solum hortetur ad orandum Deum quotidie; ad frequentandas conciones & sacramenta, solemnibus præsertim festis, ad obsequia parentum, ad vitanda consortia quæ noceant, ad vitiorum detestationem, ad omnem demum officij munus: sed explicet etiã, quænam ineunda ratio, vt pijs hisce exercitationibus deuote ac fructuose perfungantur: suadeatque vt aliquot libellos hoc argumento pie conscriptos, familiariter manibus terant; & intelligant, vt virtute quisque præstiterit, ita Magistro fore carissimum; ac reliquis (si non valde imparia cætera sint) anteponendum.

72 Cum menstruæ puerorum confessiones excipiendæ sunt, statis quibusdam horis plures simul confessarij ad audiendum resideant, vt liberum semper sit cuique puero confiteri

O 2 cui

cui malit, dūmodo Confessario tradat in schedula descriptum suum nomen, & classem: quas schedulas vbi confessarius, suas cuiusque classis Magistro, reddiderit, is inde recognoscet; ecqui defuerint.

73 Neque vero Confessionum causa quicquā remittendum est ex ijs, quæ scholarum propria sunt: sed terni mittantur initio ad confitendum: deinde vt singuli redeunt, ita ex cæteris singuli binive summittantur. Permagni quoque interest, vt Magister & cum Confessarijs ex animo serioque consentiat, & eos doceat de ijs rebus, quæ de pueris aut a se cognitæ, aut etiam deprehensæ fuerint.

74 Missæ sacrificio quotidie discipuli interfint, idque ante scholas, vbi viget ea consuetudo: post pascha certe inducenda etiam est saltem in eas prouincias, quarum cælum æstuosius est. Adsint ad modestiæ censuram Decuriones, Magistri etiam omnes, qui sacerdotes non sint, vbi post scholas itur ad sacrum.

75 Cum ad Missam conuenitur ad templum, faciendum omnino est, vt ingressus egressusque strepitu careant. Neque in eundo & in exeundo e templo (vt confusio caueatur) idem seruetur ordo, sed inuersus, vt primi exeant, qui nouissimi subierant.

76 Sabbato ad vesperam post litterarias exercitationes scholæ omnes ad B. Virginis litanias cogantur in templum, si capax omnium sit;

fit; sin minus, in sua quisque classe Magister eas curet recitandas. Qui frequenter etiā pro re oblata collaudet assiduos in audiendis concionibus: & ad eas bis in hebdomada suos mittat in Quadragesima, aliquando etiam eos ducat ipse modeste apteque dispositos, huic rei si nihil obstitit.

77. Ad religiosam nullam familiam, multo minus ad nostram hortetur pueros, neque id se cupere præferat: quin potius secum ultro volentes agere ea de re, prudenter ad confessorium remittat. Ad Congregationem autem B. Mariæ Annuntiatae præceptor eos, quos idoneos ac propensos ad eam rem viderit, hortari poterit priuatim; publice vero nequaquam, nisi id magno cum fructu, nulloque incommodo fieri queat.

78. Non patiatur pueros, dum versantur in schola, vagari quo velint; Nec alijs munuscula schedasve mittere: Nec in scholam afferre quicquam, quod turbæ, periculi, suspicionis aliquid habere videatur: Nec schola egredi, nisi necessitas cogat; ac tunc non nisi singulos: atque ita vt non mittatur alter, nisi prior reuerterit: Nec e schola quenquam euocari, nisi forsan a Congregationis Præfecto, vel a Confessario, idque prima ferme scholarum hora, admonito tamen Magistro.

79. Vt quæque decuria propius sedet ad scholæ ianuam, & vt quæque schola propinquior

est gymnasilij portis, ita primæ exeant ex præscripto Præfecti vel Magistri: qui non descendet e suggestu, priusquam omnes schola egressos viderit.

80 Nonnullos habeat, qui suorum auditorum domos sciant, perque eos internuntios (spectatæ tamen integritatis & fidei) inquirat de reliquorum moribus, & cur aliquando ab schola abfuerint: neque enim temere causæ, quæ afferuntur a pueris, probandæ, nisi ab aliquo suorum confirmetur aut coram aut misso chirographo, quod suspectum non sit.

81 Qui sine causa plures dies abfuerint ab schola, in eam postea non recipiantur, nisi iussu Præfecti: Qui vero semel aut iterum, aut certe non crebro, grauitè plectantur: & quot abfuerè diebus, loco compositionum, cum redierint, ferant in scholam totidem, imò duplo plures Auctoris prælectiones e latino in vernaculum conuersas.

82 Ex usu quoque est, vt magister alternis fere mensibus cum negligentiorum aut periculiosiorum parentibus alijsve, in quorum tutela sunt colloquatur, vt scilicet eorum studijs moribusque prospiciant. Id quod etiam cum cæterorum discipulorum parentibus interdum fieri expedit, cum ea res magnopere & pueros contineat in officio, & eorum parentes magistro Societatiq; conciliet.

83 Pauperum studijs vt bene prospectum sit, stre-

strenne det operā Magister, ne vllus iure queri possit eos a nobis negligi atque contemni. Cum nobilibus etiam mitius agēdum: si quid tamen peccarint, plectendi non secus ac ceteri. Atque hi quidem (si pro more patriæ ad ædificationem & honestatem id pertineat) confideant simul omnes, & melioribus subsellijs habitata ætatis ratione: ad scholam tamen superiorem, si idonei non sint, nulla modo prouehēdi, ne detrimentum in beneficio accipiant.

84 Nec serio, nec ioco aliquē Magister carpat: nec probrosa cognomina cuiquam imponat: neque quod vnius est vitium, toti generi aut sodalitati obijciat. Proborum, eorum præsertim, qui sunt e Congregatione, rationem habeat, eosque, si cætera paria sint, tractet indulgentius, modo ne delictis eorum parcat, aut aliat desidiam.

85 Vsitatis pœnis plagarumque modo, qui a Præfecto alijsve Præpositis fuerit constitutus, noxios mulctet: inusitata supplicia ad Præfectum reiiciat: ad eundem quoque referat, si quid animaduertendum in eos, qui domi peccarunt: neque enim delicta domi patrata facile in scholis punienda, ne nostros Magistros domesticorum impetus abripiat: Puniat autē per Correctorem, vbi est: sin desit, a pugnis tamen ipse, a colaphis, ab alapis abstineat omnino.

86 Nec in puniendo præceps, nec in inquir-

rēdo nimius sit: dissimulet quæ sine scholæ & cuiusque damno dissimulari possunt: alijs honoris dedecorisque stimulis vtatur frequentius, quam flagello. Cum vero id quantumvis modice, agendum est, ita verbis rem exaggeret, vt scuticæ metus atque opinio apud pueros (etiam cum cessatur a scutica) plurimum valeat, & vel leuissimus ictus magnæ ignominie loco ducatur.

87 Si quis supplicium recuset, moderata vis afferri potest: sin autem adolescens is sextum decimum annum excedat, accersatur Præfectus. Nec publice puniantur flagitia quædam secretiora, sed priuatim: aut si publice, aliæ ob tendatur causæ, & satis est eos, qui plectuntur, conscios esse causarum.

88 Non patiatür magister suorum odia & similitates; nec aliquid armorum in area, multo minus in scholis. Ad præfectum etiam sua sponte referat, si quid in schola grauius acciderit, etiam si turbarum quicquid fuerit, ab ipsomet compositum iam sublatumque sit.

89 Si quis interdum quidpiam aut ignorarit, aut peccauerit; ad id discendum in inferiore classē ordinemve non trudatur: sin crebro atque admodum negligens ac segnis fuerit, admonito Præfecto, & re ipsa per examen explorata, ad inferiorem locum deijci potest.

90 Iniussu Præfecti discipulum nullum aut in scho-

scholam admittat, aut admissum eijciat: Nec locorum, quæ singulis ad sedendum sub studiis instauracione Præfectus assignabit, eo inconsulto commutationem magnam imperet.

91 Cum extra scholam agit cum pueris, nec eos diu sinat esse aperto capite; nec de alijs agat rebus quam de serijs: idque eo loco modoque qui cæteris merito displicere non possit; nec eorum alat familiaritatem; quamprimum potius ab ijs se expediat.

92 Nec ad publica spectacula ac ludos, nec ad personam vllam in externorum theatris agendam, nec ad supplicia reorum (nisi forsitan hæreticorum) nec ad singulare & inusitatum aliquid pueros dimittat Magister, nisi à Rectore, siue a Præposito Prouinciali pro varijs gentium moribus constitutum fuerit expedire: Quod si Rectori videatur nõ esse permitendum, vt ad publicas processiones eant (modo eatur ad eas, quæ lobileo præscribuntur) earum loco in vnaquaque classe litaniz recitentur paulo ante finem scholarum.

93 Suos quilibet magister censores & publicos & priuatos, & vnum censorem maximum habeat, per quos in aliorum mores inquireat.

94 Nullam in rem pro schola sumptum facere pueros patiatur; nec eorum vtatur opera in describendo. aut in alijs, quæ ad ipsorum vtilitatem, & vñtatas scholæ exercitationes non pertineant. Nec inconsulto Rectore externis
peda.

Pedagogum, aliumve, qui apud eos domi com-
moretur, proponat.

95 In qualibet classe suspensa ad parietem ta-
bella palam omnibus exposita sint regulæ a di-
scipulis observandæ, quas publicè legi iubeat
singulis ferme mensibus.

REGVLÆ PROFESSORIS

SECVNDÆ CLASSIS

Grammaticæ.

OFFICIVM ET FINIS.



TA pueros, qui in Societatis disciplinam traditi sunt, instituendos esse sibi putet, ut e scholis nostris, quas frequentarint, vna cum bonis litteris veram etiam animi pietatem imprimis suxisse videantur.

GRAMMATICÆ PARS, QUÆ

secundæ scholæ propria est.

3 SICVT tertia classis primum in artem grammaticam ingressum, siue introductionem sibi vendicat: ita secundæ classi propriæ cōuenit mediocris in illa progressus, hoc est, totius Syntaxeos compendium quoddam, quod fere generalibus Emmanuelis præceptis sine appendicibus continetur.

3 Huic compendio respondent in Emmanuele ad Romanam methodum explanato appendices tam primi, quam secundi generis. Nec enim quicquam Appendicum videtur communicandum cum tertia, quæ rebus & minutissimis,

tissimis, & molestissimis, & numero quam plurimis satis implicita est. Accedit etiam puerorum maior & ruditas, & multitudo, & ordo duplex ut plurimum: sed & cum unico constat ordine, minus habet temporis, quam secunda.

¶ In hoc compendio difficiliora quæ fuerint; si suo Præfectique arbitrio puerorum captum superant, ea vix aut leuiter attingat, explicanda sunt enim postmodum a primæ Classis Professore. Sin ea secundæ classis modum non excedant, factò a facilioribus initio, difficiliora partim in opportuniorem locum differat, partim grata vice facilioribus intermisceat, ut quantum in his festinat, tantum in illis exponendis, recolendis, ac per varias exercitationes inculcandis hæreat, quoad probe ac firmiter teneatur a pueris; etiamsi ob eam causam oportet aliquando Syntaxeos explicationem intermittere.

¶ **QVOTIDIANÆ EXERCITATIONES.**

¶ **ALIQVO** D. quotidie verbū ac nomen inflectendum ex difficilioribus, præsertim quæ Auctoris explicatio, vel argumentum thematis obtulerit: idque nunc recto & continenti, nunc interrupto ordine cum singulis binisve epithetis: in quibus ita exerceantur pueri, ut etiam genera, præterita, supina, prom-

promptissime reddant: & inter Cōiugandum, per singula tempora breuem aliquam phrasim eiusdem temporis ex vernacula faciant latinam, & ex latina vernaculam.

6 Exponat Magister diligenter Syntaxim varijs modis atque exēplis, & iuxta illius præcepta exerceat sedulo pueros thematibus interdū verbo tenus transferendis in latinum: & ijs quidā non temere confictis, sed ex probatis auctoribus ita petitis, vt quam paucissimæ voces immutentur; ne, quod fere fit, dum Grammaticam addiscunt, impure loqui & inquinare consuecant.

7 Propositum vero thema puer statim ijsdem repetat verbis: id deinde postquam tantisper meditatus fuerit, non verbatim, sed totum simul latine redditū efferat attendentibus alijs, vt deinde, si forte eueniat, interrogati, in promptu habeant quod respondeant.

8 Thema etiam aliquod quotidie, præter diē Sabbati, dictandum, perspicuum sane, nec fere prolixius septenis versibus. Illud vero antea Magister domi & latine scribat, & patrio sermone conuertat: & quamuis pro captu puorum, elaboratum tamen, perinde ac si in ea re prudentiæ, ingenij, doctrinæ specimen edendum sibi foret.

9 Itaque argumentum sit nec ineptum, nec vulgare: Ordo commodus: verba apposita ad res explicandas; neque abiecta & odiosa; neque
nimis

nimis exquisita & obscura. Quidquid denique dictandum est, dirigatur, quo ad eius fieri potest, ad imitationem Ciceronis, & ad normam seu filum cuiusdam narrationis, suasionis, gratulationis, admonitionis, aliarumque id genus rerum, quæ aut pueris pro varietate temporum vsui aliquando esse possint, aut frequenter in familiarem sermonem incidunt.

10. Themate, quod postea domi Latine cōvertendum est, tradito, tradat statim Magister difficiliora quædam vocabula, aliaque subsidia, quibus pueri iuuari possint, vt & perspicuitatis in scribendo rationem habeant quam maximam, & nihil, quoad eius fieri poterit, mandent litteris, quod ex idoneis auctoribus, ex M. Tullio præsertim, depromptum non sit.

11. Duplex vnusquisque puer suæ compositionis exemplum scribat, vnum sibi, alterum Magistro ad emendandum accedenti; qui superiore ex loco clara corrigat voce exempla quina vel sena quotidie, & in his vnū aliquod ex deterrimis, palam indicando quidquid in Syntaxi, in Orthographia, in interpunctione, aut aliter erratum fuerit.

12. Inter emendandum cum primum erratum aliquod publice pronuntiarit, iubeat; vt qui errarunt, aut eorum æmuli regulam, contra quam peccatum est, statim proferant, atq; reliqui omnes, suum quisque exemplum corrigant correctumque tradant si non quotidie,
aliquan-

aliquando tamen æmulis, qui dispiciant, correctum ne sit ex Magistri præscripto, & an habeat alia præterea, quæ corrigenda sint. Ad eam vero censuram honore aliquo, & si commodè potest excogitari, præmiolo incitandi essent.

13 Hoc sane modo cum omnium exēpla quoti die Magister corrigere non possit: corrigat tamen, quo plura potest; quædam etiā priuatim ipse recognoscat e suggestu; ex ijs præsertim, quorum suspecta diligentia est, nunc istū, nunc illum ad se vocando, idque saltem eo tempore, quo æmuli aliorum exempla perlegunt & errata colligunt: prorsus vt schola in ternas quaternasve partes diuisa, nullus sit, cuius cōpositionem semel in hebdomada non emendarit.

14 Dum priuatæ tacitæque vacat correctio- ni, iubeat eos, quibus tunc negotij nihil est (ne perstrepant ex otio) aut vertere M. Tullij prælectionem ex Latino, aut ex grammaticæ regulis recens explicatis depromere, quæ in certamen proponant æmulis, aut ex eiusdem M. Tullij epistolis aliquid emendate, interpunctim, elegantique charactere transcribere, idque sic attente, vt iam nunc incipiant, quod in exscribendo Thucydide ferunt Demostheni contigisse, occultam Ciceronis imitandi facultatem & consuetudinem nancisci.

15 Eorum vero, quæ tunc descripta aut com-
posita

posita fuerint, arripiat quamcunque potest occasionem legendi modo hæc, modo illa, ad emendandam orthographiam, qua nihil vitiosius in pueris: & quidem non sine eorum culpa, cum nihil ab ipsis scribendum foret, quod aliquo ex libro non exscriberent. Eadem de causa etiam inter dictandum semper admoneat, quomodo quæque orationis pars scribenda, interpungendaque sit; atque id ipsum a pueris non scribentibus solum, sed etiam dictatum clara voce legentibus exigat sedulo.

16 Ad hæc explicet epistolas M. Tullij ex lib. 13. & 14. Constet Prælectio septenis fere versibus; nullo rerum apparatu, nulla aut modica locutionum varietate: totidem tantum vulgaris linguæ vocibus, sed quibus vocabulorum locutionumque maxime propriam ac genuinam vim (quò in genere suam Magister operam egregie probare nitatur) exprimat; referatque explicationem omnem potissimum ad pueros grammaticæ præceptis, præsertim ijs quæ proxime didicerint, informandos.

17 Id quo melius fiat, saltem prælectionum capita, & ea potissimum quæ dictaturus est in schola, domi prius recte atque ordine sic scribat, ut ab alijs perlegi possint: Quæ autem scripserit, aut secum cogitarit, postea pueris tradat atque explicet hoc fere modo.

§. 1. Primum sententiam Auctoris, & antecedentium cum ijs, quæ modo interpretanda

da sunt, connexionem perstringat quam paucissimis.

5. 2. Deinde periodum ad verbum interpretetur, nec Auctoris voces ac figuras suis locis, nisi coactus, dimoueat, ut simul & locutionis integritati, quæ disiungendis vocibus persæpe corrumpitur, & aurium interiori illi iudicio, quod plurimum refert in cognoscendis oratorijs numeris, consulatur.

5. 3. Tum periodum totam, indicandæ structuræ gratia, resoluat, nec semel tantum, sed, si opus fuerit, etiam tertio & quarto, prorsus ut quæ quaque vox regat, clare pueri intelligant; nec vtilis quasdam latinæ linguæ observationes bonis auctoribus familiares ignorent.

5. 4. Singula postmodum Auctoris verba, non omnia quidem, quo progressus fiat in Auctore, sed bina fere aut terna eorum, quæ maxime excellunt, perpendat; curetque, ut puer eorum non communem quandam atq; adumbratâ intelligat significationem, sed propriâ imprimis ac nativam, eamque non nisi vnam aut alteram; nec aliunde quam ex Cicerone, Varrone, Festo, Nonio, Gellio alijsve antiquioribus, qui de Verborum proprietate scripserunt, repetitam: & duobus non amplius quam maxime appositis exemplis ex eodem, potissimum auctore, enucleatam.

5. 5. Metaphoras quoque, præsertim Ciceroni

P

roni

roni proprias (quæ nisi intelligantur, veram ac germanam linguæ cognitionem vehementer impediunt) demonstret maxime rudi Minerva, notissimarumque rerum exemplis.

§. 6. Ad hæc tres aut quattuor elegantiores phrasés excerptat ac dictet: earumque postea vsum atque imitationem exigat in scribendo. Dictet autem intra tempus explicationi definitum, ne eam ob causam necesse sit tempus interpretationis prorogare.

§. 7. Prælectio ipsa siue Auctoris siue Grammaticæ, præsertim ex Generibus & præteritis, non longius pateat ternis aut quaternis versibus.

§. 8. Severe pueris interdicat, vt ne vnâ quidem litteram scribant, nisi iussi, ne quid delectum ipsi nesciant habere, res leues, proprietas, male coagmentatas, nec raro vitiosas, mendisque refertas pro pretiosis rebus excipiant.

§. 9. Caueat denique, ne Pædagogi pueris domi lectiones alias exponant, sed repetant duntaxat auditas in scholis, ne bonæ interpretationis, quam in scholis didicere, domi iacturam faciant.

18 Habitæ prælectionis rationem a pueris statim exigat; curetque ea prorsus in repetendo seruari, quæ ipse seruauerat explicando. Nonnunquam etiam inter prælegendum absoluta aliqua periodo, eius repetitionem reposcat

poscat a pueris, quo vigilantius attendant.

19 Efficat, ut qui repetunt, clara voce pronuntient, emendate, distincte, & quantum satis est, expresse; ea præsertim verba seu litteras, in quibus enucleate proferendis puerilis lingua laborare solet. Cuiusmodi pronuntiationi ut assuescant, iubeat interdum Auctoris contextum, quem explicaturus est, ab aliquo prælegi, non recte solum, sed ita lente, ut per iusta intervalla voces ipsæ (quod sponse continget) sensim in memoria collocentur.

20 Non vni repetitionem imperet, sed quam plurimis per partes: nec eos interroget ordine quo confident, sed prætereat quos velit: non temere tamen, sed ex occulto catalogo, ut statim vicibus exerceat vniuersos. Et primum quidem prouectiores reperant, alij deinde, crebrius vero tum noui discipuli, qui & diligentius exercendi, & indulgentius tractandi videntur, tum alij segniores: quanquam ingenio aut lingua tardiores breuius interrogandi sunt, ne in his plus æquo temporis conteratur.

21 Ea repetitio quanquã ad Auctoris intelligentiam potissimum spectat; non refugienda tamen est, nec prætereunda, si qua inde suppeditetur materia vel occasio Coniugandi, Declinandi, componendorum ex tempore thematicum, exigendi indicandive Grammaticæ præcepta proxime explicata.

22 Absolutō aliquo libro, ad totius repetitiō-
nem pueros paratos esse iubeat in certum diē,
tametsi eos non de omnibus, sed de præcipuis
capitibus interrogaturus. Quod si præmio-
la quædam nancisci queat distribuenda victo-
ribus, paratis iam ad repetendum pueris om-
nibus illa proponat, ac simul edicat, Ecqui ve-
lint profiteri se de omnibus, quæ eo libro con-
tinentur responsuros: ex professis autem ali-
quos sortito delectos, reliqui binis ternisve la-
cessiant interrogationibus, præmiumque ferāt
qui vicerint.

23 Ad hæc initio scholarum matutinam ma-
tine, vespertinam vespere lectionem pueri red-
dant memoriter Decurionibus: Hi vero vel
Decurionum maximo, vel Magistro: qui tres
etiam quatuorve ex alijs semper audiat per
partes publice ac palam tum ad explorandam
Decurionum fidem, tum ad ea pronuntiatio-
nis vitia corrigenda, quæ vt in legendo caue-
rentur, superius constitutum est. Audiat autē
præsertim desidiosissimum quenque, quique
serius ad ludum venerunt.

24 Porro cum operæ pretium sit cum græcis
latina coniungere, faciendū est, vt huius scho-
læ pueris primum refricetur memoria eorum,
quæ tradita sunt in classe inferiori: deinde tra-
dantur nomina & verba circūflexa: & hic cur-
sus bis in anno peragatur.

25 Quo autem exercitationes istæ fructuo-
siores

• flores sint, silentium & attentionem puerorū omni ope atque opera Magister exigat: quam ad rem valet admodum si clara voce agant inter se; si feruide & acriter exerceantur a Magistro: si nullus aut ad repetendum dicendumve aliquid se offerat, aut aduersariū pronocet, nisi permissu Magistri: si seuerē caueatur, ne quis proxime assidentibus quicquam suggerat, dum interrogantur a Magistro: si denique quicquid in hoc genere peccatur, nō impune peccetur.

26 Faciendum quoque est, vt Magister, & discipuli vt cunque poterunt, non nisi latine loquantur; data negligentibus (modo ne in Vniuersitates, in quibus id moris non sit, introducatur) Notula, seu Catenula, cuius ad finem scholæ ratio exigatur tam antemeridianis, quam pomeridianis horis.

27 Ea vero res sicubi intolerandas turbas excitet, satis fuerit, si quando patrium sermonē aliquis vsurpet, reprehendi ab aduersario, qui punctum victoriæ sibi notari iubeat, certo quodam punctorum numero constituto, quem qui excesserint, pœna aliqua litteraria afficiantur, hoc est, aliquid vltra quotidianum scholæ pensum aut ediscere, aut scribere iubeantur.

28 Danda denique opera est, vt tempestiue libri, quibus vsuri sunt, emantur a pueris: secus qui fecerint, nullo modo immunes sint ab ediscendo, sed describere iubeantur, quæ erunt

explicanda, quoad eos sibi libros compararent.

INCITAMENTA STUDIORVM.

29 **O**MNIBVS, quibus potest, artibus, variandis tamen subinde, puerorum animos ad litterarum studia Magister excitet atque inflammet; duabus potissimum, spe honoris ac laudum; Metu ignominiae & verberum: dummodo sicut in alijs, ita in hoc genere, nihil nisi consulto Præfecto introducatur noui.

30 Itaque suos Magister pueros referat in Decurias, quarum vnaquæque ex denis ferme pueris constet. In illarum autem tres quatuorve primas (pauciores etiam, ubi magna paucitas auditorum) non nisi ex doctrinae diligentiaeque prerogatiua adsciscantur: & prout quotidie suam singuli operam probauerint, ita vel suum tueantur gradum, vel aliqui descendant, ascendant alij, modo id salua morum disciplina fieri possit.

31 Vt autem par est Decurijs in litterario certamine victricibus aliquem honorem aut immunitatem dari; ita in ignauissimum quenque de Rectoris Præfectique sententia constitui nonnullas ignominiae notas, eas tamē, quae perpenſa varietate regionum, pene nullam in

eo loco habere soléant offensionem aut contumeliam.

32 Inter alias dedecoris notas, illud etiam probro ducatur, si quis eximi se postulet a scribendis versibus, ab audiendis Græcis, ab ediscendis lectionibus, alijsq; id genus, quæ odiosiora videntur: Eiusmodi tamen exemptiones nunquam præceptor, Præfectus autem gravissimis tantum de causis concedat.

33 Singulis Decurijs singuli præsent Decuriones, quibus reliqui dicto audientes sint. Probos sane illos oportet esse, modestos, diligentes, incorruptos a muneribus & gratia; & a quibus vel Decurionum maximus, vel Magister pensum memoriæ, scriptiois, aliarumq; exercitationum exigat, sicut ipsi ab alijs.

34 Est autem Decurionis inter suæ decuriæ pueros silentium facere; memoriter eos recitantes audire ex ordine, notareque in libello nomina eorum, qui optime, qui pessime, qui nihil, qui non totum recitauerint: quoties etiã quisque errarit in recitando.

35 Exploret idem, ecquis ab schola abfuerit: exigat quoque suæ decuriæ compositiones, cū primum Magister in scholam pedem intulerit, aut paulo antea; notetque, ecquis omnino thema non scripserit: ecquis aut non totum, aut diversum, aut lituris inquinatum, aut interuallis omissorum verborum interruptum; aut duplex compositionis exemplum non tu-

lerit, & cætera, quæ Magister præscripserit.

36 Est & illud mutux æmulationis quasi calcar pueris ad mouendum, vt veluti de principatu decertent. Diuidatur itaque schola in duas veluti classes, quarum vnaquæque suum habeat Prætorem, suum Tribunum, suos Senatores, suum denique summum Magistratum, siue Imperatorem illum, siue Consulẽ, siue Dictatorem cognominare velint. Hi vero Magistratus (nisi vbi per discipulorum infrequentiam id non liceat) suam in sua classe decuriã, cuius Decurio sit ipse princeps, efficiant; sed deantque ante & extra eas etiam decurias, quarum delectum facit assiduitas & ingenij doctrinæque præstantia.

37 Ad eos honores consequendos, quolibet mense semel a prandio componatur in schola: Breue thẽma proponatur, quod intra duas & dimidiatam horam scribi possit elaborate: omniũ optime qui scripserit, magistratu summo potiatur: ex ijs vero, qui accesserint proxime, primus Prætoris, alter Tribuni, sex alij senatorum nominibus & honoribus augeantur. Sed & si quis primorum trium graui de causa fuerit suo loco mouendus, ad eum magistratũ supplendum iterum intra eundem mensem eodem ordine componatur. Nec vero cum scribitur in schola, domestica discipulis scripto remittenda est, cuius tunc argumentum mane dictandum.

Fient

38 Fient etiam acriores ac solito solertiores pueri, si inter se tanquam singulari certamine depugnare iubeantur. Quocirca vnicuique suus attribuatur aduersarius, ac velut Antagonista, quo cum statis quotidie temporibus, quæ inferius præscribentur, decertet, & latine quoad eius fieri poterit: sed & per totum diem vterque ius habeat alterum aut cunctantem antevertendi, aut errantem corrigendi: si non correxerit, sit eiusdem noxæ reus: Rogent ipsi non nunquam Magistrum, permittat, ut Decuriaz superioris aliquem laceessant ad pugnam, eiusque locum illustriorem, si vicerint, consequantur.

39 Ex usu quoque fuerit, si nihil impediatur, binos quosque Antagonistas seu æmulos non ex eadem, sed ex oppositis scholæ classibus deligere, atque eos potissimum, qui sibi ex aduerso loco, magistratue respondeant; facta potestate ijs, qui in magistratu sunt, subueniendi cuicunque suæ classis puero aut iam prolapsso, aut hærenti, laborantique, priusquam ab æmulo corrigatur. Quæ vero classis per diem plura victoriæ puncta tulerit ab aduersarijs, ea sub finem Scholarum vespere superior ac victrix non modo Magistri voce declaretur, sed etiam, si nihil obstiterit, externo quoque signo, tanquam trophæo, quod in diem posterum aliosque, quoad vincat pars victa, perducat.

40. Ad hæc quo magis alacri erectoque ad studiū animo sint, bis quolibet mense Secundani ad Superiorem scholam, per semihoram certaturi cum Primanis, ascendant; non omnes quidem, sed lectissimi quique, dummodo eorum delectus sine inuidia atque offensione fieri queat; & ij qui non ascendant, Decurionum opera in officio contineri possint. Inter sint concertationi Præfectus & duo præceptores, ipsi etiam inter se modeste disputaturi.

41. Disputent autem de ijs tantum, quæ suæ classi propria sunt: nec Dialectico more, sed illo fere modo.

Cedo mihi Modum, seu Tempus, seu Supinum illius verbi, siue Latini, siue Græci.

Inflecte nomen illud.

Ostende illius vocis etymologiam?

Est ne hæc oratio bene Latina?

Conuerte Latine sententiam istam.

Expone illam regulam Grammaticæ locumve M. Tullij.

Quænam est huius vocabuli germana vis, & quotuplex?

Vnam aliquam sententiam duabus aut pluribus Latinis phrasibus enuntia.

Et alia id genus.

42. Præterea cuiquam puero ex prouectionibus demandet, vt circiter semihora prælectionem aliquam ex suggestu, qui aliquo tapeatio instratus sit, non tam nouam habeat, quam
habi-

habitā a Magistro repetat solito ornatius in Sabbato, idēue singulis fere mensibus. Immo id semel aut iterum etiam in anno faciendum cum honorariorum auditorum inuitatu, & apparatu maiori, sed qui pene nullum postulet sumptum.

43 Cum communia præmia publice diuidenda sunt, aut in Theatro ab adolescentibus nostris aliquid exhibendum; sicut his rebus pueriles animi exhilarantur, & ad studia bonarū artium inflammantur quam maxime; ita & Magister strenue laboret, vt & suos egregie instructos mittat ad certamen; & seuiere caueat, ne morum doctrinæ iacturam faciant, dum se comparant ad theatrum.

QUANDO DUPLICANDI PROFESSORES vel Ordines secundæ classis.

44 **V**BI admodū magna non fuerit auditorū multitudo aut inæqualitas; vnus Magister simul vniuersis semestri tempore totum Syntaxeos compendium explanet, sed prius repetita nihilo minus quam per mensem Introductione, quam audierant in tertia. Altero etiam semestri hoc totum pensum denuo recurrat atque inculcet, tum propter eos, qui propterea quod in eo non satis profecerant, ad primam scholam promoti non fuerint intra annum: tum propter novos auditores, qui
vel

vel ex tertia classe, vel ab externis scholis accedere solent ad secundam.

45 At si numerosior fuerit auditorum multitudo, quam cui Magister vnus facere possit satis, discipuli in duas secundas classes duosque Magistros diuidantur, qui diuersis quidem locis, easdem tamen res doceant atque explicet, eorumque quilibet seorsim illas eodem absoluat tempore, quo eas vnus vno in loco Magister solet absoluere.

46 Sin auditorum frequentia magna non sit, sed inæqualitas tanta, vt vniuersi (id vero raro accidit secundæ classi, & ne accadat enixe curandum: accidere tamen posse nihil prohibet) in vnum referri nequeant ordinem, referantur in duos, sub eodem tamen Magistro, qui Syntaxeos compendium duas dissecet in partes, & inferiorem inferiori ordini, superiorem vero explicet superiori.

47 Explicet autem has Compendij partes vel vno die vni ordini, altero alteri; vel ambobus quotidie, sed tempore quod Grammaticæ explanandæ repetendæque in dies circumscriptum est, diuiso duas in partes, quarum vna ordini vni, altera alteri tribuatur. Eadem erit ratio atque optio in obeundis exercitationibus alijs.

48 Quanquam quod ad Thema pertinet, fatius est, vt ambobus ordinibus vnum commune sit, paulo quidem longius; quod totum ab-

ordine superiori scribatur, ab inferiori vero pars tantum prior, quæ Grammaticæ præceptis huic ordini proprijs respondeat, sicut & posterior Syntaxi superioris ordinis. Idem etiam Auctor ambobus explicandus; sed semel iuxta captum inferioris ordinis; iterum paulo eruditius in gratiam prouectorum.

49 Quandoquidem vero huic vni duorum ordinum Magistro ad eorum quemlibet seorsim erudiendum exercēdumque dimidio minus vacat, quam vnus Ordinis præceptoris: sicut hic suam Grammaticæ partem & semestri decurrit tempore, & semestri altero relegit ac retractat, sic ille in hoc vtroque opere præstādo nō minus quā toto indiget biennio.

50 Denique sicubi fuerit auditorum tam frequens multitudo simul, & tam differens inæqualitas, vt in vnum nec Ordinem nec Magistrum redigi queant, in duos tam ordines quā Magistros segregentur, duas item in Classes, quarum vna secundæ Classis inferior ordo, altera secundæ Classis superior ordo nominetur. Explicent autem hi Professores, vnus quidem inferiori ordini inferiorem Compendij partem, alter superiori superiorem: & quilibet semestri spatium in suo penso persoluedo, tantundem etiam in repetendo collocet, prorsus vt audire pueri vno possint biennio, quicquid vtrique ordini prælegendum, relegendumque est.

PROMOTIO AD SUPERIOREM
classē.

31 **P**ORRO discipuli ab inferiori schola vel ordine ad superiorem promovendi non sunt, nisi postquam quicquid suæ scholæ ordinis proprium est, semel atque iterum audierint, cum auditarum rerum retractatio pueris pernecessaria sit. Nonnulli tamē magna assiduitate ingenioque præstantes repetitionis non indigent: alijs contra, ut quantum satis est, proficiant, eadem bis & ter recurrenda atque inculcanda sunt.

32 Et generalis quidem solemnisque promotio semel in anno, cum instaurantur studia, facienda est. Quam ob causam æquum est, ut uno ferme ante examen mense strenue suos magister in præcipuis ac difficillimis exerceat, quæ maxime ab ijs, qui promovendi sunt, requiri solent.

33 Intra annum vero quicumque in superiori schola magis, aut nihilo minus, quam in sua profectura videbuntur, nequaquam detineantur amplius, sed ascendant omnino, siue pauci siue multi fuerint; idque quolibet anni tempore, etiam si sæpe & sæpius id faciendum esset.

34 Ut autem Magister de suorum auditorum profectu iudicium semper paratum habeat, si a parentibus aut a Præfeco interrogetur de

ali-

aliquo, sub initium anni in catalogum referat
vniuersos: & vt quisque longo vsu atque obser-
uatione specimen sui dederit, ita cuiusque no-
mini apponat notam industriæ aut negligenti-
æ: ingenij aut tarditatis; frequentiæ aut in-
frequentiæ; temporis quoque in ea schola con-
sumpti, vt intelligatur, ecqua sit spes progres-
sus faciendi, si ad superiorem scholam tran-
sierit.

55 Alternis mensibus huiusmodi catalogum
latine, & Alphabeti ordine conscriptum in fo-
lio tradat Præfesto: accuratissimum vero; cū
instat annuæ promotionis examen: Quod
quoniam magna ex parte pendet ex Magistri
iudicio, quo plures potest, discipulorum gra-
dus distinguat in catalogo, ac ferme sex, Nem-
pe Optimos, Bonos, Mediocres (qui tamen
apti iudicantur:) Dubios, Retinendos, Reij-
ciendos. Quæ notæ numeris significari pos-
sent. 1. 2. 3. 4. 5. 6.

QUOTIDIANA TEMPORIS RATIO, *ac diuisio.*

56 **M**AGISTER ante signum datum
scholas non ingrediatur; potius, si
cum aliquo agendum, agat in atrio. Nec dato
signo vsquam demoretur, aut ab vllis, licet gra-
uibus viris, detineri patiatur, modeste sui illos
muneris admoneat, ingressumq; suum in scho-
lam a discipulis iubeat anteuertere.

Det

69. Det operam, vt quam minimum fieri potest recedat a temporum spatijs, quæ hic singulis exercitationibus assignantur, eaque vt ferre fit, distinguat ad Clepsydræ: Obseruet & exercitationum ordinem hic præscriptum, nisi iustis de causis Præfecto videretur variandus: In eo tamen, qui initio studiorum susceptus fuerit, constanter toto anno perseverandum.

MANE HORA PRIMA.

s. 1. **T**HEMATA corrigantur: quod dum priuatim ac summissa voce facit præceptor, pueri primum memoriter recitent. Decurionibus; deinde tacite scribant. quæ Magister hoc tempore scribenda constituerit.

s. 2. Recitatio tamen posset etiam (si nihil impediatur) ante præceptoris aduentum statim post primum campanæ signum inchoari: Eo quoque tempore recognoscat Decurio, & colliget quicquid afferendum domo fuerit a pueris, idque Magistro tradat cum Censorijs notis, hoc est, cum obseruationibus eorum, quæ quisque bene maleve gesserit in recitando, in scribendo, & in alijs huiusmodi.

HORA SECUNDA.

s. 3. **P**UBLICICE recitetur a nonnullis, nisi id faciendum potius videatur ad

ad extremum horæ primæ. Prælectio pridiana breuissime repetatur, tum præsens explicetur per semihoram fere ex M. Tullij epistolis & explicata statim exigatur a pueris.

HORÆ TERTIÆ DIMIDIO.

5.4. **V**ACETVR Græcis, habita prius repetitione eorum, quæ in tertia Classe Græce didicerant pueri.

A PRANDIO HORA PRIMA.

5.5. **R**ECITETVR Grammatica, & Decurionum censuræ recognoscantur per semihoram.

5.6. Per alteram vero eâ, quæ mane composita fuerint Præceptore themata corrigente, breuiter examinentur, publice tamen atque alacriter cum testificatione cuiusque virtutis & ignauit: tum aliquod verbum ac nomen ex difficilioribus inflectendum.

HORA SECVNDA.

5.7. **D**IMIDIA exponatur ac repetatur Grammatica cum extemporalium thematum exercitatione.

5.8. Dimidia item vel ex Virgilij Æglogis, vel ex honestioribus Ouidij epistolis Heroïdum aliqua breuiter prælegatur cum nonnulla repetitione: Satis est enim gustus aliquis Poetica.

Q

H Q

§. 9. **T**HEMA dictandum disputandumq;
magna aduersariorum concerta-
tione, pueris siue prouocantibus se mutuo sen-
tentijs Latine vertendis; siue exigentibus vi-
cissim phrasés ex auditis prælectionibus,
aliave id genus; siue aliquid vulgari sermone
dictatum ad Grammaticam rationem expen-
dentibus, viua voce exigente Magistro, atque
indicante, quomodo quidque scribendum sit
ad Grammaticæ leges.

DIE VACATIONIS.

§. 10. **Q**UICQUID téporis in schola po-
netur, nō discrepet ab alijs diebus.

DIE SABBATI MANE.

§. 11. **R**ECITENTVR primum audita
per hebdomadam: imo ab ini-
tio libri præferat magister velle se librum il-
lum a principio singulis sabbatis recitari. Sed
vbi explicando ad quintam pagellam vel vlte-
rius progressus fuerit, ex primis paginis ali-
quas, modo plures, modo pauciores iuxta pen-
sæ magnitudinem remittat: interdum tamen
postremis paginis omisis primas iubeat reci-
tari, vt totius libri recens memoria retinea-
tur. Eo denique absoluto, sortito capiat ali-
quos

quos ex ijs, qui vltro nomina in eam rem de-
derint, vt e suggestu totum librum per partes
cum dignitate pronuntiēt, nec sine præmiolo.
§. 12. Totius deinde hebdomadæ prælectio-
nes repetantur: & quia omnia earum capita
non possunt, præcipua atque vtilissima quæq;
recolantur, partim discipulis sua sponte red-
dentibus, aut inter se percunctantibus; partim
Magistro exigente.

A P R A N D I O

§. 13. **I**DEM præstandum de rebus pome-
ridianis: & thema paulo longius di-
standum, quod post dominicum diem corri-
gatur.

§. 14. Nouissima semihora in breuem expli-
cationem Catechismi, piamque exhortatio-
nem collocetur. Exponetur autem Catechis-
mus ex P. Canisij libello, nisi alicubi alius iam
in vfu sit nihilo minus vtilis. Ediscatur autem.
ac recitetur initio scholæ cum alijs prælectio-
nibus pomeridianis.

I N F E S T I S E T A N N V I S

Vacationibus.

§. 15. **T**AM in festis, præsertim si plura
sint, quam in annuis vacationibus,
siue præfectus, siue magister pueris aliquid,
quo occupentur, imponat.

58 **I**NCENSIS potissimum studijs in id incumbat Magister, vt Christiana pietate teneras adhuc suorum mentes imbuat: quod maxime cōsequetur crebris apud Deum precibus, religiosis vitæ suæ exemplis, & salutaribus monitis: quæ cum per omnem asperget occasionem, inter prælegendum etiam, breuiter tamen; tum plenius in sabbato ad vespeream extrema semihora.

59 Nec solum hortetur ad orandum Deum quotidie; ad frequentandas conciones & sacramenta, solemnibus præsertim festis, ad obsequia parentum, ad vitanda consortia quæ noceant, ad vitiorum detestationem, ad omne demum officij munus: sed explicet etiã, quænam ineunda ratio, vt pijs hisce exercitationibus deuote ac fructuose perfungantur: suadeatque, vt aliquot libellos hoc argumento pie conscriptos, familiariter manibus terant: & intelligant, vt virtute quisque præstiterit, ita Magistro fore carissimum; ac reliquis (si non valde imparia cætera sint) anteponendum.

60 Cum menstruæ puerorum confessiones excipiendæ sunt, statis quibusdam horis plures simul confessarij ad audiendum resideant, vt liberum semper sit cuique puero confiteri
cui

cui malit, dūmodo Confessario tradat in schedula descriptum suum nomen, & classem: quas schedulas vbi confessarius, suas cuiusque classis Magistro, reddiderit, is inde recognoscet, & qui defuerint.

61. Neque vero Confessionum causa quicquā remittendum est ex ijs, quæ scholarum propria sunt: sed terni mittantur initio ad confitendum: deinde vt singuli redeunt, ita ex cæteris singuli binive summittantur. Per magni quoque interest, vt Magister & cum Confessarijs ex animo serioque consentiat, & eos doceat de ijs rebus, quæ de pueris aut a se cognitæ, aut etiam deprehensæ fuerint.

62. Missæ sacrificio quotidie discipuli intersint, idque ante scholas, vbi viget ea consuetudo: post pascha certe inducenda etiam est saltem in eas prouincias, quarum cælum æstuosius est. Adsint ad modestiæ censuram Decuriones, Magistri etiam omnes, qui sacerdotes non sint, vbi post scholas itur ad sacrum.

63. Cum ad Missam conuenitur in templum, faciendum omnino est, vt ingressus egressusque strepitu careant. Neque in eundo & in exeundo e templo (vt confusio caueatur) idem seruetur ordo, sed inuersus, vt primi exeant, qui nouissimi subierant.

64. Sabbato ad vesperam post litterarias exercitationes scholæ omnes ad B. Virginis liternias cogantur in templum, si capax omnium

sit; sin minus, in sua quisque classe Magister eas curet recitandas. Qui frequenter etiã pro re oblata collaudet assiduos in audiendis concionibus: & ad eas bis in hebdomada suos mittat in Quadragesima, aliquando etiam eos ducat ipse modeste apteque dispositos, huic rei si nihil obstiterit.

65 Ad religiosam nullam familiam, multo minus ad nostram hortetur pueros, neque id se cupere præferat: quin potius secum ultro volentes agere ea de re, prudenter ad Confessarium remittat. Ad Congregationem autem B. Mariæ Annuntiatae præceptor eos, quos idoneos ac propensos ad eam rem viderit, hortari poterit priuatim; publice vero nequaquam, nisi id magno cum fructu, nulloque incommodo fieri queat.

66 Non patiatur pueros, dum versantur in schola, vagari quo velint; Nec alijs munuscula schedasve mittere: Nec in scholam afferre quicquam, quod turbæ, periculi, suspicionis aliquid habere videatur: Nec schola egredi, nisi necessitas cogat; ac tunc non nisi singulos: atque ita vt non mittatur alter, nisi prior reuerterit: Nec e schola quenquam euocari, nisi forsan a Congregationis Præfecto, vel a Confessario, idque prima ferme scholarum hora, admonito tamen Magistro.

67 Vt quæque decuria propius sedet ad scholæ ianuam, & vt quæque schola propinquior

est

est gymnasij portis, ita primæ exeant ex præscripto Præfecti vel Magistri: qui non descendet e suggestu, priusquam omnes schola egres-
sos viderit.

68 Nonnullos habeat, qui suorum auditorum domos sciant, perque eos internuntios (spe-
ctatæ tamen integritatis & fidei) inquirat de reliquorum moribus, & cur aliquando ab schola abfuerint: neque enim temere causas, quæ
afferuntur a pueris, probandas, nisi ab aliquo suorum confirmetur aut coram aut misso chirographo, quod suspectum non sit.

69 Qui sine causa plures dies abfuerint ab schola, in eam postea non recipiantur, nisi iussu Præfecti: Qui vero semel aut iterum, aut certe non crebro, graviter plectantur: & quot abfuerit diebus, loco compositionum, cum redierint, ferant in scholam totidem, imò duplo plures Auctoris prælectiones: & latino in vernaculum conuersas.

70 Ex usu quoque est, ut magister alternis fere mensibus cum negligentiorum aut periculosiorum parentibus alijsve, in quorum tutela sunt, colloquatur, ut scilicet eorum studijs moribusque prospiciant. Id quod etiam cum ceterorum discipulorum parentibus interdum fieri expedit, cum ea res magnopere & pueros contineat in officio, & eorum parentes magistro Societatique conciliet.

71 Pauperum studijs, ut bene prospectum sit,

strenue det operā Magister, ne vllus iure queri possit eos a nobis negligi atque contemni. Cum nobilibus etiam mitius agēdum: si quid tamen peccarint, plectendi non secus ac cæteri. Atque hi quidem (si pro more patriæ ad ædificationem & honestatem id pertineat) confideant simul omnes, & melioribus subsellijs habita ætatis ratione: ad scholam tamen superiorem, si idonei non sint, nullo modo prouehēdi, ne detrimentum in beneficio accipiant.

72 Nec serio, nec ioco aliquē Magister carpat: nec probrosa cognomina cuiquam imponat: neque quod vnius est vitium, toti generi aut sodalitati obijciat. Proborum, eorum præsertim, qui sunt e Congregatione, rationem habeat, eosque, si cætera paria sint, tractet indulgentius, modo ne delictis eorum parcat, aut alat desidiam.

73 Vsitatis pœnis plagarumque modo, qui a Præfecto alijsve Præpositis fuerit constitutus, noxios mulctet: inusitata supplicia ad Præfectum reijciat: ad eundem quoque referat, si quid animaduertendum in eos, qui domi peccarunt: neque enim delicta domi patrata facile in scholis punienda, ne nostros Magistros domesticorum impetus abripiat: Puniat autē per Correctorem, vbi est: sin desit, a pugnibus tamen ipse, a colaphis, ab alapis abstineat omnino.

74 Nec in puniendo præceps, nec in inquirendo

rēdo nimius sit: dissimulet quæ sine scholæ & cuiusquā damno dissimulari possunt: alijs honoris dedecorisque stimulis vtatur. frequentius, quam flagello. Cum vero id, quantumuis modice, agendum est, ita verbis rem exaggeret, vt scutica metus atque opinio apud pueros (etiam cum cessatur a scutica) plurimum valeat, & vel leuissimus ictus magnæ ignominie loco ducatur.

75 Si quis supplicium recuset, moderata vis afferri potest: sin autem adolescens is sextum decimum annum excedat, accersatur Præfectus. Nec publice puniantur flagitia quædam secretiora, sed privatim: aut si publice, aliæ ob tendantur causæ, & satis est eos, qui plectuntur, conscios esse causarum.

76 Non patiatür magister suorum odia & similitates; nec aliquid armorum in area, multo minus in scholis. Ad præfectum etiam sua sponte referat, si quid in schola grauius acciderit, etiam si turbarum quicquid fuerit, ab ipso met. compositum iam sublatumque sit.

77 Si quis interdum quidpiam aut ignorarit, aut peccauerit; ad id discendum in inferiorem classem ordinemve non trudatur: sin crebro, atque admodum negligens ac segnis fuerit; admonito Præfecto; & re ipsa per examen explorata, ad inferiorem locum deijci potest.

78 Iniussu Præfecti discipulum nullum aut in scho-

scholam admittat, aut admissum eiiciat: Nec locorum, quæ singulis ad sedendum sub studiorum instauratione Præfectus assignabit, eo inconsulto commutationem magnam imperet.

79 Cum extra scholam agit cum pueris, nec eos diu sinat esse aperto capite; nec de alijs agat rebus quam de ferijs: idque eo loco modoque qui cæteris merito displicere non possit; nec eorum alat familiaritatem; quamprimum potius ab ijs se expediat.

80 Nec ad publica spectacula ac ludos, nec ad personam vllam in externorum theatris agendam, nec ad supplicia reorum (nisi forsitan hæreticorum) nec ad singulare & inusitatum aliquid pueros dimittat Magister, nisi à Rectore, siue a Præposito Prouinciali pro varijs gentium moribus constitutum fuerit expedire: Quod si Rectori videatur non esse permitendum, vt ad publicas processiones eant (modo eatur ad eas, quæ Iobileo præscribuntur) earum loco in vnâquaque classe litaniz recitentur paulo ante finem scholarum.

81 Suos quilibet magister censors & publicos & priuatos, & vnum censorem maximum habeat, per quos in aliorum mores inquirat.

82 Nullam in rem pro schola sumptum facere pueros patiatur; nec eorum vtatur opera in describendo, aut in alijs, quæ ad ipsorum utilitatem, & vsitatas scholæ exercitationes non pertineant. Nec inconsulto Rectore externis

Pedagogum, aliumve, qui apud eos domi com-
moretur, proponat.

83 In qualibet classe suspensa ad parietem tabella palam omnibus exposita sint regulæ a discipulis obseruandæ, quas publicè legi iubeat singulis ferme mensibus.

REGVLÆ PROFESSORIS

PRIMÆ CLASSIS

Grammaticæ.

OFFICIVM ET FINIS.

ITA pueros, qui in Societatis disciplinam traditi sunt, instituendos esse sibi putet, vt e scholis nostris, quas frequentarint, vna cum bonis litteris veram etiam animi pietatem imprimis suxisse videantur.

GRAMMATICÆ PARS, QUÆ
primæ scholæ propria est.

VT inchoatio quædam Syntaxeos tertiam Classẽ fundat ac perficit, secundam vero mediocris progressus & compendium; ita primam cumulat illius ac perfectæ explicatio; quæ ad compendium adijcit non modo Figuratam constructionem, & informationem Prosodiæ, sed Syntaxeos etiam Appendices vel vniuersas prout ab Auctore dispositæ fuerint, vel tertij tantum generis in prouincijs, quæ non ipsius Auctoris, sed Romanum sequentur ordinem.

QUOTIDIANÆ EXERCI-

tationes.

3 **I**N his explicandis, facto Magister a facilioribus initio difficiliora, quæ occurrerint, grata vice facilioribus intermiscet, ut quantum in his festinat, tantum in illis exponendis, recolendis, ac per varias exercitationes inculcandis hæreat, quoad probe ac firmiter teneatur a pueris, etiamsi ob eam causam oportet aliquando Syntaxeos explicationem intermittere.

4 Iuxta Syntaxeos præcepta exerceat sedulo pueros thematibus interdum verbo tenus transferendis in latinum: & ijs quidē non temere confictis, sed ex probatis auctoribus ita petitis, ut quam paucissimæ voces immutentur; ne, quod fere fit, dum Grammaticam addiscunt, impure loqui & inquinate consuefcant.

5 Propositum vero thema puer statim ijsdem repetat verbis: id deinde postquam tantisper meditatus fuerit, non verbatim, sed totum simul latine redditū efferat attendentibus alijs, ut deinde, si forte eueniat, interrogati, in pròptu habeant quod respondeant.

6 Thema etiam aliquod, & quidem frequenter ad epistolæ formam, quotidie præter diem Sabbati dictandum, quod tamen antea Magister domi & latine scripserit, & patrio sermo-

ne

ne conuerterit : & quamuis pro capto puero-
rum, elaboratum tamen ; perinde ac si in ea re
prudentiæ , ingenij , doctrinæ specimen eden-
dum sibi foret.

7 Itaque argumentum sit nec ineptum , nec
vulgare : Ordo commodus : verba apposita ad
res explicandas ; neque abiecta & odiosa ; neq;
nimis exquisita & obscura. Quidquid denique
dictandum est , dirigatur , quò ad eius fieri po-
test , ad imitationem Ciceronis , & ad normam
seu filum cuiusdam narrationis , suasionis , gra-
tulationis , admonitionis , aliarumque id ge-
nus rerum ; quæ aut pueris pro varietate tem-
porum vsui aliquândo esse possint , aut frequen-
ter in familiarem sermonem incidunt.

8 Themate ; quod postea domi Latine ver-
tendum est , tradito , tradat statim Magister dif-
ficiliores quosdam dicendi modos , ad thema
scribendum necessarios , aliaque subsidia ;
quibus pueri iuuari possint , vt & perspicuita-
tis in scribendo rationem habeant quam ma-
ximam , & nihil , quoad eius fieri poterit , man-
dent litteris , quod ex idoneis auctoribus , ex
M. Tullio præsertim , depromptum non sit.

9 Duplex vnusquisque puer suæ compositio-
nis exemplum scribat , vnum sibi , alterum Ma-
gistro ad emendandum accedenti ; qui su-
periore ex loco clara corrigat voce exempla
fere terna quotidie , & in his vnum aliquod
ex deterrimis , palam indicando quidquid in

Syntaxi, in Orthographia, in interpunctione, aut aliter erratum fuerit.

10 Inter emendandum cum primum erratum aliquod publice pronuntiarit, iubeat; vt qui errarunt, aut eorum æmuli regulam, contra quam peccatum est, statim proferant, atq; reliqui omnes, suum quisque exemplum corrigant, correctumque tradant si non quotidie, aliquando tamen æmulis, qui dispiciant, correctum ne sit ex Magistri præscripto, & an habeat alia, præterea, quæ corrigenda sint. Ad eam vero censuram honore aliquo, & si commodè potest excogitari, præmiolo incitandi essent.

11 Hoc sane modo cum omnium exēpla quotidie Magister corrigere non possit: corrigat tamen, quo plura potest; quædam etiā priuatim ipse recognoscat e suggestu; ex ijs præsertim, quorum suspecta diligentia est, nunc istū, nunc illum ad se vocando, idque saltem eo tempore, quo æmuli aliorum exempla perlegunt & errata colligunt: prorsus vt schola in ternas quaternasve partes diuisa, nullus sit, cuius compositionem semel in hebdomada non emendarit.

12 Dum priuatæ tacitæque vacat correctioni, iubeat eos, quibus tunc negotij nihil est (ne perstrepant ex otio) aut describere aliquid ex Græco auctore, aut versus ex præscripto componere, aut excerpere phrasas ex Cicero

nis

nis prælectione, aut eam emendate, interpunctim, elegantiq; charactere transcribere, idq; sic attente, ut iam nunc incipiant, quod in exscribendo Thucydide ferunt Demostheni contigisse, occultam Ciceronis imitandi facultatem & consuetudinem nanciscantur.

13 Eorum vero, quæ tunc descripta aut composita fuerint, arripiat quamcunque potest occasionem legendi modo hæc, modo illa, ad emendandam orthographiam, qua nihil vitiosius in pueris: & quidem non sine eorum culpa, cum nihil ab ipsis scribendum foret, quod aliquo ex libro non exscriberent. Eadem de causa etiam inter dictandum semper admoneat, quomodo quæque orationis pars scribenda, interpungendaque sit; atque id ipsum a pueris non scribentibus solum, sed etiam dictatum clara voce legentibus exigat sedulo.

14 Ex usu etiam est, ut singulis fere mensibus pueri suo Marte scribant epistolam ad gratulandum, ad consulendum, ad monendum, ad reprehedendum, ad suadendum, ad dissuadendum, aut ad similia officiosæ urbanitatis genera. Sed principio oporteret illius generis, de quo scribendum est, nonnulla tradere præcepta, eorumque usum in aliqua Ciceronis epistola indicare: deinde consimile argumentum proponere, deque eo pauca quædam capita dictare, ex quibus discipuli facili negotio possint epistolam conscribere.

Porro

15 Porro sub anni finē, qui Prosodia tribuendus est, satis fuerit exponere facillima quæq; ex syllabarum dimensione sine appendicibus & incrementis: & communiores quosdam tū pedes ut Dactylum, Spondæum, Trochæum; tum versus ut Hexametrum, & Pentametrum; & initio quidem dissolutos versus reficere pueri assuescant: deinde ex dictato tantum argumento nouum carmen fingere. Idque alternis fere diebus.

16 Iam vero libri, quorum explicatio ad hanc Classem pertinet, sunt M. Tullij epistolæ ad Atticum & ad Q. Fratrem, & Ouidius de Ponto & de Tristibus: post Pascha autem etiam de Senectute vel de Amicitia M. Tullij, & selectæ aliqua ex Martiali, ex Tibullo, ex Propertio. Explicatio autem fiat primum Latino, mox iterum vulgari sermone.

17 Id quo melius fiat, saltem prælectionum capita, & ea potissimum quæ dictaturus est in schola, domi prius recte atque ordine sic scribat, ut ab alijs perlegi possint: Quæ autem scripserit, aut secum cogitarit, postea pueris tradat atque explicet hoc fere modo.

5. 1. Primum sententiam Auctoris, & antecedentium cum ijs, quæ modo interpretanda sunt, connexionem perstringat quam paucissimis.

5. 2. Deinde periodum ad verbum quantum oportuerit interpretetur, nec Auctoris

voces ac figuras suis locis, nisi coactus, dimo-
 neat, vt simul & locutionis integritati, quæ
 disiungendis vocibus per sepe corrumpitur,
 & aurium interiori illi iudicio, quod pluri-
 mum refert: in cognoscendis oratorijs nume-
 ris, consulatur.

§. 3. Tum periodum totam, indicandæ stru-
 cturæ gratia cursim resoluat, vt quæ quaque
 vox regat, pateat, si id paulo obscurius sit.
 Metaphoras quoque, præsertim Ciceroni pro-
 prias (quæ nisi intelligantur, veram ac germa-
 nam latinæ linguæ cognitionem vehementer
 impediunt) vt cunque potest, demonstret.

§. 4. Singula postmodum Auctoris verba,
 non omnia quidem, quo progressus fiat in Au-
 ctore, sed bina fere aut terna eorum, quæ ma-
 xime excellunt, perpendat; curetque, vt puer
 eorum non communem quandam atq; adum-
 bratâ intelligat significationem, sed propriâ,
 imprimis ac natiuam, eamque non nisi vnam
 aut alteram: nec aliunde quam ex Cicerone,
 Varrone, Festo, Nonio, Gellio alijsve anti-
 quioribus, qui de Verborum proprietate scri-
 pserunt, repetitam: & duobus non amplius,
 quam maxime appositis exemplis ex eodem
 potissimum auctore, enucleatam.

§. 5. Obseruentur quoque phrasæ illustrio-
 res, & quidem paulo vberius quam in Clasi-
 bus inferioribus. Non nihil etiam aspergatur
 eruditionis & antiquitatis, breuissime tamē

vt plus

et plus vacet ad Latinas phrasas obseruandas
puerisque distandas, quas emendate descri-
bant, & indibellos papyraceos refertant.

18 Seuere interdicit Magister, tum ne vnam
quidem litteram scribant pueri nisi iussi, cum
rerum ac verborum ipsi nesciant habere de-
lectum, tum ne Paedagogi pueris domi prae-
lectiones alias exponant, sed repetant duntaxat
auditas in Scholis, ne bonae interpretationis,
quam in scholis didicere, domi iacturam fa-
ciant.

19 Auditam praelectionem eodem, quem Ma-
gister seruauerat, repetant ordine, & quidem
clara voce, emendate, distincte, & quantum fa-
tis est, exprimant litteras seu verba, ea praefer-
tim, in quibus enucleate proferendis puerilis
lingua laborare solet. Cuiusmodi pronuntia-
tioni vt assuescant, iubeat interdum Auctoris
contextum, quem explicaturus est, ab aliquo
praelegi, non recte solum, sed ita lente, vt per in-
sta intervalla voces ipsae (quod sponte contin-
get) sensim in memoria collocentur.

20 Non vni repetitionem imperet, sed quam
plurimis per partes: nec eos interroget ordi-
ne quo confident, sed praetereat quos vclit: nō
temere tamen, sed ex occulto catalogo, vt sta-
tis vicibus exerceat vniuersos. Et primum
quidem prouectiores repetant, alij deinde,
crebrius vero tum noui discipuli, qui & dili-
gentius exercendi, & indulgentius tractandi.

quæ tradita sunt in classe inferiori, adiectis formationibus: inde tradantur verba in mi, & anomala, cæteraque rudimenta; & hic cursus bis in unno peragatur: Facilius etiam aliquis Græcus auctor explicetur, vt Æsopus, S. Chrysostomus de orando Deum, aut aliquid Luciani. Aliquid etiam Græce scribendum semel aut iterum in hebdomada.

24. Quo autem exercitationes istæ fructuosiores sint; silentium & attentionem puerorū omni ope atque opera Magister exigat: quam ad rem valet admodum si clara voce agant inter se; si feruide & acriter exerceantur a Magistro: si nullus aut ad repetendum dicendumve aliquid se offerat, aut aduersariū prouocet, nisi permissu Magistri: si seuerè caueatur, ne quis proxime assidentibus quicquam suggerat, dum interrogantur a Magistro: si denique quicquid in hoc genere peccatur, nō impune peccetur.

25. Faciendum quoque, vt Magister & discipuli non nisi Latine loquantur; data negligentibus (modo ne in Vniuersitates, in quibus id moris non sit, introducatur) Notula, seu Catenua, cuius ad finem scholæ ratio exigatur tam antemeridianis, quam pomeridianis horis.

26. Ea vero res sicubi intolerandas turbas excitet, satis fuerit, si quando patrium sermonē aliquis vsurpet, reprehendi ab aduersario, qui

262
punctum, victoriæ sibi notari iubeat, certo
quodam punctorum numero constituto, quem
qui excesserint, pœna aliqua litteraria afficiā-
tur, hoc est, aliquid ultra quotidianum scholæ
pensum aut ediscere, aut scribere iubeantur.
27 Danda denique opera est, tum vt aliquid
nominum verborumque non de industria, sed
per occasionem inflectatur, ne memoria pe-
nitus excidant, tum vt tempestive libri, qui-
bus vsuri sunt, emanantur a pueris: secus qui
fecerint, nullo modo immunes sint ab edi-
scendo, sed describere iubeantur, quæ erunt
explicanda, quoad eos sibi libros compara-
rint.

INCITAMENTA STUDIORVM.

28 **O**MNIBVS, quibus potest, artibus,
variandis tamen subinde, puerorum
animos ad litterarum studia Magister excitet
atque inflammet; duabus potissimum, spe ho-
noris ac laudum; Metu ignominia & verbe-
rum: dummodo sicut in alijs, ita in hoc gene-
re, nihil nisi consulto Præfetto introducatur
nouum.

29 Itaque suos Magister pueros referat in
Decurias, quarum vnaquæque ex denis ferme
pueris constet. In illarum autem tres qua-
tuorve primas, (pauciores etiam, vbi magna

pau-

paucitas auditorum) non nisi ex doctrinæ diligentiaque prærogatiua adsciscatur: & prout quotidie suam singuli operam probauerint, ita vel suum tueantur gradum, vel aliqui descendant, ascendant alij, modo id salua morum disciplina fieri possit.

30. Ut autem par est Decurijs in litterario certamine victricibus aliquem honorem aut immunitatem dari; ita in ignauissimum quæque de Rectoris Præfectique sententia constitui nonnullas ignominia notas, eas tamē, quæ perpenſa varietate regionum, pene nullam in eo loco habere soleant offensionem aut contumeliam.

31. Inter alias dedecoris notas, illud etiam probro ducatur, si quis eximi se postulet a scribendis versibus, ab audiendis Græcis, ab ediscendis lectionibus, alijsq; id genus, quæ odiosiora videntur: Eiusmodi tamen exemptiones nunquam præceptor, Præfectus autem grauissimis tantum de causis concedat.

32. Singulis Decurijs singuli præſint Decuriones, quibus reliqui dicto audientes sint. Probos sane illos oportet esse, modestos, diligentes, incorruptos a muneribus & gratia; & a quibus vel Decurionum maximus, vel Magister pensum memoriae, scriptionis, aliarumq; exercitationum exigat, sicut ipsi ab alijs.

33. Est autem Decurionis inter suæ decuriæ pueros silentium facere; memoriter eos reci-

tantes audire ex ordine, notareque in libello nomina eorum, qui optime, qui pessime, qui nihil, qui non totum recitauerint: quoties etiā quisque errarit in recitando.

34 Exploret idem, ecquis ab schola abfuerit: exigat quoque suæ decuriæ compositiones, cū primum Magister in scholam pedem intulerit, aut paulo antea; notetque, ecquis omnino thema non scripserit: ecquis aut non totum; aut diuersum, aut lituris inquinatum, aut interuallis omissorum verborum interruptum; aut duplex compositionis exemplum non tulerit, & cætera, quæ Magister præscripserit.

35 Est & illud mutuæ æmulationis quasi calcar pueris admouendum, vt veluti de principatu decertent. Diuidatur itaque schola in duas veluti classes, quarum vnaquæque suum habeat Prætorem, suum Tribunum, suos Senatores, suum denique summum Magistratum; siue Imperatorem illum, siue Consulem, siue Dictatorem cognominare velint. Hi vero Magistratus (nisi vbi per discipulorum infrequentiam id non liceat) suam in sua classe decuriā, cuius Decurio sit ipse princeps, efficiant; seddeantque ante & extra eas etiam decurias, quarum delectum facit assiduitas & ingenij doctrinæque præstantia.

36 Ad eos honores consequendos, quolibet mense semel a prandio componatur in schola, nec Latine tantum, sed ad id accedat interdum

dum Græca scriptio, carmen etiam sub anni finē. Breue thema proponatur, quod intra duas & dimidiatam horam scribi possit elaborate; omniū optime qui scripserit, magistratu summo potiatur: ex ijs vero, qui accesserint proxime, primus Prætoris, alter Tribuni, sex alij senatorum nominibus & honoribus augeantur. Sed & si quis primorum trium graui de causa fuerit suo loco mouendus, ad eum magistratū supplendum iterum intra eundem mensem eodem ordine componatur. Nec vero cum scribitur in schola, domestica discipulis scriptio remittenda est, cuius tunc argumentum mane dictandum.

37 Fient etiam acriores ac solito solertiores pueri, si inter se tanquam singulari certamine depugnare iubeantur. Quocirca unicuique suus attribuitur aduersarius, ac velut Antagonista, quo cum statis quotidie temporibus, quæ inferius præscribentur, decertet, & latine quoad eius fieri poterit: sed & per totum diē vterque ius habeat alterum aut cunctantem anteuertendi, aut errantem corrigendi: si non correxerit, sit eiusdem noxæ reus: Rogent ipsi non nunquam Magistrum, permittat, ut Decurix superioris aliquem laceessant ad pugnam, eiusque locum illustriorem, si vicerint, consequantur.

38 Ex usu quoque fuerit, si nihil impediat, binos quosque Antagonistas seu æmulos non ex eadem,

eadem, sed ex oppositis scholæ classibus deligere, atque eos potissimum, qui sibi ex aduerso loco, magistratue respondeant; facta potestate ijs, qui in magistratū sunt, subueniendi cuicunque suæ classis puero aut iam prolapsō, aut hærenti, laborantique, priusquam ab æmulo corrigatur. Quæ vero classis per diem plura victoriæ puncta tulerit ab aduersarijs, ea sub finem scholarum vespere superior ac victrix non modo Magistri voce declaratur, sed etiam, si nihil obstiterit, externo quoque signo, tanquam trophæo, quod in diem posterū aliosque, quoad vincat pars victa, perduret.

39 Ad hæc quo magis alacri erectoque ad studium animo sint, bis quolibet mense Primani ad Superiorem scholam, per semihoram certaturi cum Humanistis, ascendant; nō omnes quidem, sed lectissimi quique, dummodo eorum delectus sine inuidia atque offensione fieri queat; & ij qui non ascendunt, Decurionum opera in officio contineri possint. Inter sint concertationi Præfectus & duo præceptores, ipsi etiam inter se modeste disputaturi.

40 Disputent autem de ijs tantum, quæ suæ classi propria sunt: nec Dialectico more, sed illo fere modo.

Conuertere Latine sententiam istam.

Est ne hæc oratio bene Latina?

Expone illam regulam Grammaticæ locumve M. Tullij vel Ouidij.

Ostende

• Ostende illius vocis etymologiam germanamque vim.

Vnam aliquam sententiam duabus pluribusve Latinis phrasibus enuntia.

• Cedo mihi Modum; seu Tempus illius verbi Græci.

• Quæ sunt præcepta epistolæ gratulatoriæ, & cat.

• Quanta est hæc vel illa syllaba; & quam ob causam?

• Et alia id genus.

41. Præterea cuiquam puero ex prouectioribus demandet; vt circiter semihora prælectionem aliquam ex suggestu, qui aliquo tapetio instratus sit, non tam nouam habeat, quam habitâ a Magistro repetat solito ornatius in Sabbato, idque singulis fere mensibus. Immo id semel aut iterum etiam in anno faciendum cum honorariorum auditorum inuitatî, & apparatu maiori; sed qui pene nullum postulet sumptum.

42. Cum communia præmia publice diuidenda sunt, aut in theatro ab adolescentibus nostris aliquid exhibendum; sicut his rebus præciles animi exhilarantur, & ad studia bonarum artium inflammantur quam maxime; ita & Magister strenue labore, vt & suos egregie instructos mittat ad certamen; & seuerè caueat, ne morum doctrinæ iacturam faciant, dum se comparant ad theatrum.

T E M-

TEMPVS PRIMÆ CLASSIS

penso circumscriptionum.

43 **S**EMESTRI tempore tota Syntaxis cum figurata constructione pleno perfecteque explicetur. Neque vero is ordinarius huius scholæ cursus censendus est, nisi, sicut de reliquis classibus constitutum fuit, præcepta per vnum semestre exposita, per alterum denuo relegantur, vt pueris quæ semel audita leuiter hæserint, rursus inculcata confirmantur. Nam si per paucos excipias, pars maior vt quantum satis est proficiat, iterata indiget explicatione, & quidem intra eundem annum, vt vno conficiatur anno totus Primæ cursus, sicut & Secundæ, necnon & Tertiæ, quando vnum habet ordinem; aut si duos, duos etiam Magistros.

44 Ea de causa post Pascha in altiore gradum Humanitati penè parem Prima Classis attollenda non est: præterquam quod si attolleretur, minime conueniret nouis auditoribus, qui intra annum vel ex Secunda Classe vel ab externis scholis accedere solent ad Primam. Et quidem quæ Humanitati propria sunt, in ea, immo etiam in Rhetorica satis inculcantur, vt qui nondum profecit, a proficiendi tamen spe non excidat, si perseueret. At quæ ad Syntaxim pertinent, nisi in Grammaticæ scholis quantum oportet iterentur ac probe discan-

discantur, nullus ea discendi reliquus locus est.

45 Alterum igitur semestre in Syntaxi retractanda recolendaque ponatur, quanquam Auctores in gratiam prouectiorum non multo quidem, aliquanto tamen eruditius exponendi sunt, & postremus sesquimensis Profodiæ tribuendus, ne eius penitus rudes (id enim male cedere re ipsa compertum est) ad Humanitatem ascendant: in qua cum Ars metrica ab initio repetita diligenter soleat pertractari, & tam inibi, quam in schola Rhetorum assiduus carminum scriptioibus confirmari, satis est ad illam accessuros, paullo ante huius studij præceptis facilioribus nonnihil informari.

QUANDO DVPLICANDI PROFESSORES vel Ordines primæ classis.

46 **S**I numerosior fuerit auditorum multitudo, quā cui Magister vnus facere possit satis, discipuli in duas primas classes duosque Magistros diuidantur, qui diuersis quidem locis, easdem tamen res doceant atque explicet, eorumque quilibet seorsim illas eodem absoluat tempore, quo eas vnus vno in loco Magister solet absolvere.

47 Sin auditorum frequentia magna non sit, sed inæqualitas tanta, vt vniuersi (id vero raro accidit primæ classi, & ne accidat enixe curan-

curandum: accidere tamen posse nihil prohibet) in vnum referri nequeant ordinem, referantur in duos, sub eodē tamen Magistro, qui Syntaxim huic scholæ propriam duas dissecet in partes; & inferiorem inferiori ordini, superiorem vero explicet superiori.

48^o Explicet autem has Syntaxeos partes vel vno die vni ordini, altero alteri; vel ambobus quotidie, sed tempore quod Grammaticæ explanandæ repetendæque in dies circūscriptum est, diuiso duas in partes, quarum vna ordini vni, altera alteri tribuatur. Eadem erit ratio atque optio in obeundis exercitationibus alijs.

49 Quanquam quod ad Thema pertinet, satius est, vt ambobus ordinibus vnum commune sit, paulo quidem longius; quod totum ab ordine superiori scribatur, ab inferiori vero pars tantum prior, quæ Grammaticæ præceptis huic ordini proprijs respondeat, sicut & posterior Syntaxi superioris ordinis. Idem etiam Auctor ambobus explicandus; sed semel iuxta captum inferioris ordinis; iterum paulo eruditius in gratiam prouectorum.

50 Quandoquidem vero huic vni duorum ordinum Magistro ad eorum quemlibet seorsim erudiendum exercēdumque dimidio minus vacat, quam vnius Ordinis præceptoris: sicut hic suam Grammaticæ partem & semestri decurrit tempore, & semestri altero relegit

git ac retractat, sic ille in hoc utroque opere præstado nõ minus quã toto indiget biennio, 51 Denique sicubi fuerit auditorum tam frequens multitudo simul, & tam differens inæqualitas, vt in vnum nec Ordinem nec Magistrum redigi queant, in duos tam ordines quã Magistros segregentur, duas item in Classes, quarum vna primæ Classis inferior ordo, altera primæ Classis superior ordo nominetur. Explicent autem hi Professores, vnus quidem inferiori ordini inferiorem Syntaxeos partem, alter superiori superiorem: & quilibet semestre spatium in suo penso persolvendo, tantundem etiam in repetendo collocet, prorsus vt audire pueri vno possint biennio, quicquid utrique ordini prælegendum relegendumque est.

PROMOTIO AD SUPERIOREM

classem.

52 **P**ORRO discipuli ab inferiori scholæ vel ordine ad superiorem promovendi non sunt, nisi postquam quicquid suæ scholæ ordini ve proprium est, semel atque iterum audierint, cum auditarum rerum retractatio pueris per necessaria sit. Nonnulli tamẽ magna assiduitate ingenioque præstantes repetitionis non indigent: alijs contra, vt quantum satis est, proficiant, eadem bis & ter recurrenda atque inculcanda sunt.

Et

53 Et generalis quidem solemnisque promotio semel in anno, cum instaurantur studia, facienda est. Quam ob causam æquum est, ut vno ferme ante examen mense strenue suos magister in præcipuis ac difficillimis exerceat, quæ maxime ab ijs, qui promouendi sunt, requiri solent.

54 Intra annum vero vix paterere debet ad Humanitatem ascensus, cum Primani ad eius exercitationes longe grauiiores raro sint idonei, ut vsus ipse satis docuit: præterquam quod interdum paucis illis Humanitatis mensibus contenti, eaque vix dum leuiter tincti, cum desperent se ad Rhetoricam admitti posse, in Philosophiæ scholam irrumpunt, nullo ordine, fructu etiam pene nullo.

55 Non prohibendum tamen omnino, quin paucissimi quidam & egregie prouecti, quiq; in Prima annum totum, aut sesquiannum adhuc, aut etiam cum eximio quodam progressu si præstanti ingenio sint, sex tantum menses consumpsere, possint aut debeant promoueri quolibet anni tempore, si nihilo minus illis Humanitas, quam Prima, profutura credatur.

56 Ut autem Magister de suorum auditorum profectu iudicium semper paratum habeat, si a parentibus aut a Præfecto interrogetur de aliquo, sub initium anni in catalogum referat vniuersos: & ut quisque longo vsu atque obseruatione specimen sui dederit, ita cuiusque nomini

mini apponat notam industriæ aut negligentiæ : ingenij aut tarditatis ; frequentię aut infrequentię ; temporis quoque in ea schola consumpti, vt intelligatur, ecqua sit spes progressus faciendi, si ad superiorem scholam transferit.

57 Alternis mensibus huiusmodi catalogum latine, & Alphabeti ordine conscriptum in folio tradat Præfecto: accuratissimum vero, cū inflat annuæ promotionis examen : Quod quoniam magna ex parte pendet ex Magistri iudicio, quò plures potest, discipulorum gradus distinguat in catalogo, ac ferme sex, Nempe Optimos, Bonos, Mediocres (qui tamen apti iudicantur :) Dubios, Retinendos, Reijciendos. Quæ notæ numeris significari possent. 1. 2. 3. 4. 5. 6.

QUOTIDIANA TEMPORIS RATIO, *ac diuisio.*

58 **M**AGISTER ante signum datum scholas non ingrediatur ; potius, si cum aliquo agendum, agat in atrio. Nec dato signo vsquam demoretur, aut ab vllis, licet grauius viris, detineri patiatur, modeste sui illos muneris admoncāt, ingressumq; suum in scholam a discipulis iubeat anteuerti.

59 Det operam, vt quam minimum fieri potest recedat a temporum spatijs, quæ hic singu-

his exercitationibus assignantur, eaque ut ferre fit, distinguat ad Clepsydrum: Obseruet & exercitationum ordinem hic præscriptum, nisi iustis de causis Præfecto videretur variandus: In eo tamen, qui initio studiorum susceptus fuerit, constanter toto anno perseverandum.

MANE HORA PRIMA.

5.1. **T**HEMATTA corrigantur: quod dum prius ac summissa voce facit præceptor, pueri primum memoriter Decurionibus recitent Ciceronem & Grammaticam Græcam: deinde, tacite scribant, quæ Magister hoc tempore scribenda constituerit.

5.2. Recitatio tamen posset etiam (si nihil impediatur) ante præceptoris aduentum statim post primum campanæ signum inchoari: Eo quoque tempore recognoscat Decurio, & colligat quicquid afferendum domo fuerit a pueris, idque Magistro tradat cum Censorijs notis, hoc est, cum observationibus eorum, quæ quisque bene maleve gesserit in recitando, in scribendo, & in alijs huiusmodi.

HORA SECUNDA.

5.3. **P**UBLICICE recitetur a nonnullis, nisi id faciendum potius videatur

ad extremum horæ primæ. Prælectio pridiana breuissime repetatur, tum præfens explicetur per semihoram fere ex M. Tullij epistolis & explicata statim exigatur a pueris.

HORÆ TERTIÆ DIMIDIO.

§. 4. **V**ACETUR Græcis, habita prius repetitione eorum, quæ pueri Græce didicerant in secunda Classe.

PRANDIO HORA PRIMÆ.

§. 5. **R**ECITETUR Poeta ac Latina Syntaxis; at huius locò sub anni finem Profodia: interea cursim a Magistro recognoscantur censuræ Decurionum; & ea quæ priuatim mane scripta fuerint hora prima: deinde Syntaxis explicetur & repetatur per semihoram.

HORA SECUNDA.

§. 6. **C**VM Syntaxeos repetitione continetur aliqua exercitatio extemporalium thematicum & inflexio nominis aut verbi alicuius difficilioris per occasionem. Mox thema dictetur.

§. 7. Deinde Poetæ lectio habeatur per semihoram.

ULTIMA SEMIHORA.

§. 8. **R**EPETAT VR Poeta: reliquo tempore concertetur a pueris.

DIE VACATIONIS.

§. 9. **Q**UICQUID tēporis in schola potest innectur, nō discrepet ab alijs diebus.

DIE SABBATI MANE.

§. 10. **R**ECITENT VR primum audita per hebdomadam: imo ab initio libri præferat magister velle se librum illum a principio singulis sabbatis recitari. Sed ubi explicando ad quintam pagellam vel ulterius progressus fuerit, ex primis paginis aliquas, modo plures, modo pauciores iuxta pensam magnitudinem remittat: interdum tamen postremis paginis omisis primas iubeat recitari, ut totius libri recens memoria retineatur. Eo denique absoluto, sortito capiat aliquos ex ijs, qui ultro nomina in eam rem dederint, ut e suggestu totum librum per partes cum dignitate pronuntiēt, nec sine præmiolo.

§. 11. Totius deinde hebdomadæ prælectiones repetantur: & quia omnia earum capita non possunt, præcipua atque utilissima quæq; recolantur, partim discipulis sua sponte red-

den-

dentibus, aut inter se percunctantibus; partim
Magistro exigente.

P R A E N D I O.

§. 12. **I**DEM præstandum de rebus pome-
ridianis: & thema paulo longius di-
standum, quod post dominicum diem corri-
gatur.

§. 13. Nouissima semihora in breuem expli-
cationem Catechismi, piamque exhortatio-
nem collocetur. Exponetur autem Catechis-
mus ex P. Canisij libello, nisi alicubi alius iam
in usu sit nihilo minus utilis. Ediscatur autem
ac decigetur initio scholæ cum alijs prælectio-
nibus pomeridianis.

I N F E S T I S E T A M N I V I S Vacationibus.


§. 14. **T**A M in festis, præsertim si plura
sint, quam in annuis vacationibus,
siue præfectus, siue magister pueris aliquid,
quo occupentur, imponat.

P I E T A S A C D I S C I P L I N A morum.

60. **I**NCENSIS potissimum, &c. Vt Reg. 70.
tertiæ. Et sic de reliquis omnibus, quæ
sunt eadem ad verbum cum Regulis tertie.

REGVLÆ PROFESSORIS HVMANITATIS.

OFFICIUM ET FINIS.

 **DOLESCENTES**, qui in Societatis disciplinam traditi sunt, sic instituendos esse sibi putet, vt e scholis nostris, quas frequentarint, vna cum bonis litteris veram etiam animi pietatem imprimis hausisse videantur.

PER M. IN MAG. FI. IN. S.
huius scholæ

HÆ Classis eo comparata atque instituta est, vt discipuli multiplicem ac variam eruditionem ex Poetis, ex Historijs, ex Moribus gentium, ex Apophtegmatis, ex Adagijs, ex Morali Philosophia M. Tullij consequantur: caput autem est ad Latinæ linguæ elegantiam perpoliri: Latinas epistolas vñtorum generum non sine artificio, & orationum compendio scribere: carmina condere præcipuorum generum; styli historici eam adipisci cognitionem, quæ ex auctoribus, dum explicantur a Magistro, hauriri commodè poterit: in Græcis denique litteris

adeo progredi, vt Grace aliquid scribere non
imperite norint.

QVOTIDIANAE EXERCI-

tiones.

LIBRI, quorum explicatio ad hanc
Classem pertinet, sunt Ciceronis Of-
ficia, Paradoxa, Tusculanae quaestiones præter
primam, De Finibus, & de Claris Oratoribus,
cùm sit liber pene historicus. Ex historicis ve-
ro exponatur Cæsar, Sallustius, Q. Curtius.
Iustinus, Corn. Tacitus, & aliquand. Lini. Poeta
denique huius Clasis sunt Virgilius, Hora-
tius, Basti Ouidij, Tragediæ Senecæ, Statij syl-
lar, Claudianus.

Horum Auctorum explicatio, quæ Latine
tantum fieri debet, licet multiplex antiquita-
tis ac rerum scientia magis abundare debeat,
quam inferiorum clâssium. modus ille tamen
adhibeatur, vt id potius citra fiat quam vltra
mediocritatem, se totum potius Magister ef-
fundat in linguæ Latinæ obseruationes, in lo-
cutionum vsum varietatemque, in bonorum
auctorum præsertim Ciceronis imitationem,
leuioribus modo prætermisiss, modo cursim
& obiter indicatis.

Nihil autem magis obterit ac pessum dat
aut præceptoris & scholæ existimationem, aut
adolescentium indolem & in humanioribus

litteris progressum, quam Tractatus quidam philosophici, siue digressiones de Sybillis, de Triumpho, de Magistratibus, de Elegia, de Tragedia, de Tropis, ac similibus. Quare satis erit hisce de rebus tantum afferre in medium, quantum propositi loci postulat explicatio: discipulos autem ad libros de his rebus copiose conscriptos a varijs auctoribus, rejicere.

6. Germanam vocabulorum vim non aliunde promat, quam ex M. Tullio, Varrone, Festo, Nonio, Gellio alijsve antiquis Auctoribus, qui de Verborum proprietate scripserunt. Adjiciat quoque peculiares quasdam locorum difficultum (siue eiusdem scriptoris, siue aliorum sint) interpretationes, aut insigniores annotationes, quæ aut non facile cuius obuiæ solent esse, aut quas ex sua quisque doctrina Magister deprompserit, similes lucubrationibus eorum, qui variarum lectionum libros ediderunt.

7. Ac primum explicaturus Auctorem, propositi loci statim sententiam demonstret: deinde periodum, quantum oportuerit, ad verbum interpretetur, nec auctoris voces ac figuras suis locis, nisi coactus, dimoveat, ut oratorij numeri conseruentur. Tum ad eadem, quæ decurrerat, recurat adiectis suis, ubi locus exigit, rerum verborumque observationibus.

8. Ut historici explicatio quotidiana esse possit

sic in hac Classe, nec Magistro nimium onerosa, satis illi fuerit explicare rem gestam, prout ab auctore narratur, ut non sit opus alios etiā earundem rerum peruolutare scriptores. Proposita vero auctoris sententia, eius verba locuiter attingat, & ea tantum, quæ plusculam habent obscuritatis: Quo sane modo breui multa percurreret cum antiquitatis cognitione non penitenda, ex qua & viuendi & scribendi exempla egrogiā adolescentibus suppetant.

9 Duobus extremis anni mensibus loco M. Tullij & historici, exponatur Rhetoricæ compendium ex Cypriano cum faciliore aliquā M. Tullij oratione, ut pro Archia, pro Marcello, pro Deiotaro, Philippicæ septima. Quo tempore Adolescentibus proponantur argumenta Exordiorum, Narrationū, Epilogorum aliarumque partium orationis initio; postea vero totarum etiam orationum.

10 Ea quæ inter prælegendum Magister attulerit, siue ad elegantiam siue ad eruditionem pertineant, iubeat emendato a pueris describi; caueatque seuerè, tum ne vnam quidem litteram scribant nisi iussi; tum ne Pædagogi pueris domi prælectiones alias exponant, sed repetant duntaxat auditas in scholis, ne bonæ interpretationis, quam in scholis didicere, domi iacturam faciant.

11 Auditam prælectionem eodem, quem Magister seruauerat, repetant ordine; & quidem

clara voce, emendate, distinde: & quantum satis est, exprimant litteras seu verba, ea præferant in quibus enucleate proferendis puerilis lingua laborare solet.

12 Non vni repetitionem imperet, sed quam plurimis per partes: nec eos interroget ordine quo confident, sed prætereat quos velit: non temere tamen, sed ex occulto catalogo, ut statim vicibus exerceat vniuersos. Et primum quidem prouectiores repetant, alij deinde, crebrius vero tum noui discipuli, qui & diligentius exercendi, & indulgentius tractandi videntur, tum alij segniores: quanquam ingenio aut lingua tardiores breuius interrogandi sunt, ne in his plus æquo temporis conteratur.

13 Absoluto aliquo libro, ad totius repetitionem pueros paratos esse iubeat in certum diem, tametsi eos non de omnibus, sed de præcipuis capitulis interrogaturus. Quod si præmiola quædam nancisci queat distribuenda victoribus, paratis iam ad repetendum pueris omnibus illa proponat, ac simul edicat, Ecqui velint profiteri se de omnibus, quæ eo libro continentur, responsuros: ex professis autem aliquos sortito delectos reliqui binis ternisve læssant interrogationibus, præmiūque ferat qui vicerint.

14 Ad hæc initio scholarum matutinam mane, vespertinam vespere lectionem pueri reddant

dant memoriter Decurionibus: Hi vero vel Decurionum maximo, vel Magistro: qui tres etiam quatuorve ex alijs semper audiat per partes publice ac palam, tum ad explorandam Decurionum fidem, tum ad ea pronuntiationis vitia corrigenda, quæ ut in legendo cauerentur, superius constitutum est. Audiat autem præsertim desidiosissimum quenque, quique serius ad ludum venerant.

15 Porro in Græcis exponantur Syntaxis, ratio accentuum & spirituum post brevissimam repetitionem eorum, quæ tradita sunt in prima Classe. Explicentur etiam Isocrates, Lucianus, Epigrammata, Aristophanes, Theocritus. Alternis quoque diebus aliquid Græce conuertatur, & tribus postremis anni mensibus tradatur brevis ratio Prosodiæ, ac nonnulla tentetur in versibus faciendis prolusio. Nec mediocriter conducet, si præceptor faciliora quædam Græce interroget, Græce etiam respondeant auditores.

16 Themata huius scholæ ad epistolarum formam fere dictentur, traditis non nullis præceptis scribendi varia epistolarum genera vel ad gratulandum vel ad consulendum, vel ad narrandum, vel ad monendum, vel ad reprehendendum vel ad suadendum, vel ad dissuadendum, &c.

17 Themate, quod postea domi latine vertendum est, tradito, tradat statim Magister difficiliore

ciliores quosdā dicendi modos ad thema scribendum necessarios, aliaque subsidia quibus adolescētes iuuari possint, vt & perspicuitatis inscribendo rationem habeant quam maximam, & nihil, quoad ejus fieri poterit mandent litteris, quod ex idoneis auctoribus, ex M. Tullio præsertim, depromptum non sit.

18. Duplex vnusquisque adolescens suæ compositionis exemplum scribat, vnum sibi, alterū Magistro ad emendandum accedenti, qui superiore ex loco clara corrigat voce exempla fere terna quotidie; & in his vnum aliquod ex deterrimis, palam indicando, quicquid in Syntaxi, in orthographia, in interpunctione, aut aliter erratum fuerit. Neque hæc solum corrigat, sed elegantia quoque & cultus exigit rationem.

19. Inter emendandum cum primum erratum aliquod publice pronuntiarit, iubeat; vt qui errarunt, aut eorum æmuli regulam, contra quam peccatum est, statim proferant, atq; reliqui omnes, sicut quisque, exemplum corrigant, correctumque tradant si non quotidie, aliquando tamen æmulis, qui dispiciant, correctum ne sit ex Magistri præscripto, & an habeat alia præterea, quæ corrigenda sint. Ad eā vero censuram honore aliquo, & si commode potest excogitari, præmiolo incitandi essent.

20. Hoc sane modo cum omnium exempla quotidie Magister corrigere non possit: corri-

gat tamen, quo plura potest; quædã etiã priuatim ipse recognoscat e suggestu; ex ijs præsertim, quorũ suspecta diligẽtia est, nũc istũ, nunc illum ad se vocando, idque saltem eo tempore, quo æmuli aliorum exempla perlegunt & errata colligunt: prorsus vt schola in ternas quaternasve partes diuisa, nullus sit, cuius compositionem semel in hebdomada non emendarit.

21 Dum priuatæ tacitæque vacat correctioni, iubeat eos, quibus tunc negotij nihil est (ne perspirent exotio) aut describere aliquid ex græco auctore, aut versus ex præscripto componere, aut excerpere phrasas ex Ciceronis prælectione, aut eam emendate, interpunctim elegantique caractere transcribere; idque sic attente, vt quod in exscribendo Thucydide ferunt Demostheni cõtigisse, occultam Ciceronis imitandi facultatem & consuetudinem nanciscantur,

22 Eorum vero, quæ tunc descripta aut composita fuerint, arripiat quamcunque potest occasionem legendi modo hæc, modo illa, ad emendandam, præter alia, orthographiã, qua nihil vitiosius in puero. Eadem de causã etiã inter dictandum semper admoneat, quomodo quæque orationis pars scribenda, interpungendaque sit: atque id ipsum a pueris non scribentibus solum, sed etiam dictatum clara voce legentibus, exigat sedulo.

Ex

23 Ex usu etiam est, ut octavo quoque die Adolescentes suo Marte scribant Epistolam ex vno aliquo genere eorum, quæ paulo ante commemorata sunt, sed ita ut per omnia illa fere genera eat exercitatio. Et principio quidem, illius generis, de quo scribendum est, tradenda sunt præcepta, eorumque indicandus usus in aliqua Ciceronis seu Plinij epistola non explicanda sane sed percurrenda: deinde consimile argumentum proponendum, deque eo pauca quædam capita dictanda, ex quibus discipuli facili negotio possint epistolam conscribere.

24 Vbi vero visi fuerint sine cortice, ut dicitur, nare possent: tum Magister de alio argumento persimili nullis dictatis capitibus, sed verborenis significatis scribendam epistolam curret. Denique ubi satis exercitati ac prompti in hoc scribendi genere videbuntur, tum vero proposito duntaxat argumento exiget epistolam. Quam ad exercitationem necesse est de operam Magister, ut discipuli quasi syluam quandam verborum ac formularum cuiusque generis paratam habeant, rationemque Kalendarum, quas quotidie epistolis subijciant, non ignorent.

25 Accurate etiam prosodiam exponat, repetitis prius his, quæ primariis leuiter informatæ fuerant, totiusque Prosodiarum cursum bis in anno peragat. Iam vero cum solutæ oratio-

nis scribenda corrigendaque pensum quotidianum esse debeat, nec vnquam propter alias scriptiones intermittendum; carmen tamen duobus tantum hebdomada diebus, hoc est, Lunæ & Vacationis exigendum: Græca etiam scriptio semel, hoc est, post vacationis diem; Argumētum porro & carminis & Græca scriptionis in proximam hebdomadam eodem, quo alia corriguntur, die tradatur.

26. Quo autem exercitationes ista fructuosiores sint, silentium & attentionem puerorū omni ope atque opera Magister exigat: quam ad rem valet admodum, si clara voce agant inter se; si feruide & acriter exerceantur a Magistro: si nullus aut ad repetendum dicendumve aliquid se offerat, aut aduersariū prouocet, nisi permissu Magistri: si seuerè caueatur, ne quis proxime assidentibus quicquam suggerat, dum interrogantur a Magistro: si denique quicquid in hoc genere peccatur, non impune peccetur.

27. Faciendum quoque, vt Magister & discipuli non nisi Latine loquantur; data negligentibus (modo ne in Vniuersitates, in quibus id moris non sit, introducatur) Notula, seu Catenua, cuius ad finem scholæ ratio exigatur tam antemeridianis, quam pomeridianis horis.

28. Danda denique opera est, tum vt aliquod difficiliorum nominum verborumque non de indu-

industria, sed per occasionem, inficitur, ne memoria penitus excidant, tum ut tempestive libri, quibus vsuri sunt, emanant a pueris: secus qui fecerint, nullo modo immunes sint ab ediscendo, sed describere iubeantur, quæ et sunt explicanda, quoad eos sibilios compararint.

INCITAMENTA STUDIORVM.

29 **O**MNIBVS, quibus potest, artibus, variandis tamen subinde, puerorum animos ad litterarum studia Magister excitet atque inflammet; duabus potissimum, spe honoris ac laudum; Metu ignominia & verberum: dummodo sicut in alijs, ita in hoc genere, nihil nisi consulto Præfecto introducatur noui. Illud etiam habendum hæc incitamenta non omnia omnibus conuenire, sed habendam esse rationem ætatis, rerumque aliarum; ut a nullo exigatur, quod ferre nolit, aut nequeat.

30 Primū itaq; suos Magister pueros referat in Decurias, quarū vnaquæque ex denis ferme pueris constet. In illarum autem tres quatuorve primas (pauciores etiam, ubi magna paucitas auditorum) non nisi ex doctrinae diligentiaque prærogatiua adsciscantur: & prout quotidie suam singuli operam probauerint,

ita

ita vel suum tueantur gradum, vel aliqui descendant; ascendant alij, modo id salua morum disciplina fieri possit.

31 Ut autem par est Decurijs in litterario certamine victricibus aliquem honorem aut immunitatem dari; ita in ignauissimum quendque de Rectoris Præfectique sententia constitui nonnullas ignominie notas, eas tamē, quæ perpensa varietate regionum; pene nullam in eo loco habere soleant offensionem aut contumeliam.

32 Inter alias dedecoris notas, illud etiam probro ducatur, si quis eximi se postulet a scribendis versibus, ab audiendis Græcis, ab ediscendis lectionibus, alijsq; id genus, quæ odiosiora videntur: Eiusmodi tamē exemptiones nunquam præceptor, Præfectus autem grauissimis tantum de causis concedat.

33 Singulis Decurijs singuli præsent Decuriones, quibus reliqui dicto audientes sint. Probos sanē illos oportet esse, modestos, diligentes, incorruptos a muneribus & gratia; & a quibus vel Decurionum maximus, vel Magister pensum memoria, scriptiois, aliarumq; exercitationum exigat, sicut ipsi ab alijs.

34 Est autem Decurionis inter sua decuria pueros silentium facere; memoriter eos recitantes audire ex ordine, notareque in libello nomina eorum, qui optime, qui pessime, qui nihil, qui non totum recitauerint: quoties etiā

T quisque

quisque errarit in recitando.

35 Exploret idem, ecquis ab schola abfuerit: exigat quoque suæ decuriæ compositiones, cū primum Magister in scholam pedem intulerit, aut paulo antea; noterque, ecquis omnino thema non scripserit: ecquis aut non totum, aut diuersum, aut lituris inquinatum, aut interuallis omissorū verborum interruptum; aut duplex compositionis exemplum non tulerit, & cætera, quæ Magister præscripserit.

36 Est & illud mutuæ æmulationis quasi calcar pueris ad mouendum, vt veluti de principatu decertent. Diuidatur itaque schola in duas veluti classes, quarum vnaquæque suum habeat Prætozem, suum Tribunum, suos Senatores, suum denique summum Magistratum, siue Imperatorem illum, siue Consulem, siue Dictatorem cognominare velint. Hi vero Magistratus (nisi vbi per discipulorum infrequentiam id non liceat) suam in sua classe decuriā, cuius Decurio sit ipse princeps, efficiant; sedēantque ante & extra eas etiam decurias, quarum delectum facit assiduitas, & ingenij doctrinæque præstantia.

37 Ad eos honores consequendos, quolibet mense semel a prandio componatur in schola, nec soluta solum oratione, sed ad eam alternis adiiciatur modo carmē, modo Græca scriptio. Breue thema proponatur, quod intra duas & dimidiatam horam scribi possit elaborate:

om-

omniū optime qui scripserit, magistratū summo potiatur: ex ijs vero, qui accesserint proxime, primus Prætoris, alter Tribuni, sex alij senatorum nominibus & honoribus augeantur. Sed & si quis primorum trium graui de causa fuerit suo loco mouendus, ad eum magistratū supplendum inter eos intra eundem mensem eodem ordine componatur. Nec vero cum scribitur in schola domestica discipulis scriptio remittenda est, cuius tunc argumentum mane dictandum.

38 Fient etiam maiores ac solito solentiores Adolescentes: si inter se tanquam singulari certamine depugnare audentur. Quocirca unicuique suis attributur aduersarius, ac velut Antagonista, quo cum quoties res postulario decertet, utroque ius habente alterum aut cunctantem anteuertendi, aut errantem corrigendi: si non correxerit, sit eiusdem noxæ reus: Rogent ipsi nonnunquam Magistrum, permittat, ut Decuriæ superioris aliquem laceessant ad pugnam, eiusque locum illustriorem, si vicerint, consequantur.

39 Ex usu quoque fuerit, si nihil impediatur, binos quosque Antagonistas seu æmulos non ex eadem, sed ex oppositis scholæ classibus deligere, atque eos potissimum, qui sibi ex aduerso loco, magistratuve respondeant, facta potestate ijs, qui in magistratu sunt, subueniendi cuicunque suæ classis puero aut iam prola-

pſo, aut hærenti, laborantique, priuſquam ab
 æmulo corrigatur. Quæ verò claſſis per diem
 plura victoriæ puncta tulerit ab aduerſarijs,
 ea ſub finem ſcholarum veſpere ſuperior ac
 victrix non modo Magiſtri voce declaretur,
 ſed etiam, ſi nihil obſtiterit, externo quoquam
 ſigno; tanquàm trophæo, quod in diem poſte-
 rû alioſque, quoad vincat pars victa, perduret.

40 Ad hæc quomagiſ alacri erectoque ad ſtu-
 dium animo ſint; bis ſingulis menſibus Huma-
 niſtæ ad ſuperiorem ſcholam, per ſemihoram
 certaturi cum Rhetoribus, aſcendant; nō om-
 nes quidē, ſed lectiſſimi quique, dummodo
 eorū delectus ſine inuidia atque offenſione ſe-
 ri queat; & ij qui non aſcendunt, Decurſionum
 opera in officio contineri poſſint. Interſint
 concertationi Præfectus & duo præceptores,
 ipſi etiam inter ſe modeſte diſputaturi.

41 Diſputent autem de ijs tantum, quæ ſuæ
 claſſi propria ſunt: nec Dialectico more, ſed
 illo fere modo.

- Expone locum illum Virgilij, ſive M. Tullij,
 ſive alterius auctoris.

- Vnam aliquam ſententiã pluribus phra-
 ſibus ex Cicerone depromptis enuntia.

Quæ ſunt præcepta epistolæ gratulatoriæ,
 ſeu conſolatoriæ, ſeu Hortatoriæ &c.

Quæ ſunt præcepta ſcribendi epigramma-
 tis, Elegiæ, Odes &c.

- Videtur ne tibi mendofus ille locus Hora-
 tij?

41j ? & si mēdosus, quomodo corrigendus?

Explica figuram seu tropum illum.

42 Interpretare illud Hieroglyphicum, aut Symbolum Pythagoræum, aut Apophtegma, aut Adagium, aut Emblema, aut Ænigma cuiusquam antiqui scriptoris.

Cuius historiæ fundamentum habet fabula Dædali, Deucalionis, Aurei velleris &c.?

Iure ne exacti Reges ab vrbe?

43 Præstantior ne dux Annibal, an Scipio?

Quot sunt genera dicendi? quid exordium? quid insinuatio? quibus rebus hic vel ille commouetur affectus?

44 Verum ex his, alijsque id genus, ea potissimum proponenda requirendaque sunt, quæ aut explicata iam atque tradita sint a Magistro, aut aliqua alia ratione discipuli scire debeant & soleant; aut certe præmonendi, qui ne sponsuri sunt, ne ignorent, quas ad res meditati paratique accedere debeant. Possent etiã duo præceptores inter se conuenire, & ex condito suorum duos aut plures sic instruere, vt parati veniant, nec se paratos venisse diffiteantur, ad respondendum de nonnullis, quæ studij longioris indigent, vt acriorem incundio-remque reddat concertationem crebra, nec hæsitans vnius percunctatio, alterius responsio.

45 Nec semper verbotenus, sed descriptis aliquando thesibus differatur tam ab ipsis inter

se Humanistis, quàm cum Rhetoribus. Thesiũ vero materiam præbere possunt res paulo ante memoratæ, aliæque huiusmodi, idque sub hac fere formula.

Exponemus obscuriores aliquot locos, vt illum Ciceronis, illum Virgilij, illum Horatij &c.

Non placet interpretatio illa Seruij, Pædiani, Acronis, sed illa alia fuit mens auctoris.

Ostendemus in hac tota oratione M. Tullij nihil esse, nisi ex artis præscripto.

Recte Virgilius non ab excidio Troiæ, sed ab Æneæ nauigatione exorsus est.

Quæcunque propria sunt Epopæiæ seu Tragediæ, egregie Virgilius in Æneide, & in Troade Seneca seruarunt.

Et alia huiusmodi.

44 Præterea demandet Magister cuipiã Adolescenti ex prouectioribus, vt circiter semihora ex suggestu, qui aliquo tapetio instratus sit, prælectionem habeat solito ornatius in sabbatho, idque singulis fere mensibus: immo id semel aut iterum etiam in anno faciendum cum honorariorum auditorum inuitatu, & apparatu maiori, sed qui pene nullum postulet sumptum.

45 Quolibet etiam sabbatho extrema scholæ antemeridianæ semihorula vnus Rhetorũ aliquid minus quidem celebre, paulo tamẽ quotidiana descriptione ornatius in sua classe de-

clamet,

clāmet, eodem etiam conuenientibus Humanistis : sequente vero sabbatho coactis eadem hora in Humanitatis classem Rhetoribus vnus Humanistarum pronuntiet vel oratiunculam, vel si Rhetoricæ compendium expositum nondum sit, carmen aliquod, vel prolixiorē epistolam ad absētes. In neutram vero classem plures conueniant, quam quot ea commodē capere potest sine turbis; ad quas etiam cauendas interfit Præfectus.

46 Alternis præterea mensibus per occasionem litterariæ alicuius celebritatis Magister optima quæque carmina ex ijs, quæ per duos illos menses scripta sunt a discipulis externis, seligat, vt publice proponantur; modo tam a Magistro, quam a discipulis caueatur omnino, & a nostris scholis abigatur genus illud carminis, quod aut versus ab eadem semper ducat littera, aut varias effingit figuras, aut res alias eiusmodi confectatur populares magis, quam poeticas.

47 Nostri etiam qui humanioribus litteris vacant, in loco quopiam idoneo aliquid carminum affigant Dominico quoque die: quod in Renouatione votorum cæterisque solemnitatibus multo celebrius ac plenius præstandum est: longe vero copiosissime, cum studiorum celebratur instauratio, modo ijs tantum linguis scripta sint, quas profitemur in scholis, nisi cum celebritas aliqua multiplici va-

ricitatē aliarum etiam linguarum cohonestanda videtur.

48 Neque versibus solum exornandi parietes, sed admiscendum etiam aliquid prosæ brevioris; cuius usus frequentior est, nec inuentio minus gravis & acuta, nec minus laboriosa dictio: cuius generis sunt inscriptiones Sepulchrorum, Clypeorum, Templorum, Hortorum, Theatrorum; quædam etiam breves ac pressæ, sed non parum elaboratæ descriptiones Urbis, Portus, Pugnæ, aliusve rei gestæ, ab aliquo præsertim Diuorum.

49 Hæc autem nonnullis picturis, quæ Emblemati vel Ænigmati proposito respondeant, poterunt condecorari tum ab externis Adolescentibus; sed non nisi in insigni aliqua celebritate & permissu Præpositi Provincialis, ut vitentur scilicet immoderati sumptus; tum a Nostreis, raro tamen, nec sine Rectoris approbatione, idque cum argumētum eiusmodi est, ut religioni ac pietati potius, quam ostentationi deseruiat.

50 Cum communia præmia publice diuidentur, aut in Theatro ab adolescentibus nostris aliquid exhibendum; sicut his rebus pueriles animi exhilarantur, & ad studia bonarum artium inflammantur quam maxime; ita & Magister strenue labore, ut & suos egregie instructos mittat ad certamen; & seuerè caueat, ne morum doctrinæ iacturam faciant, dum

se com-

se comparant ad theatrum.

51 Quoniam in theatrum poemata minus frequenter edi possunt, ne huius rei nimia intermissione frigeat poesis ac iaceat, æquum est, ut ter aut quater in anno priuatim in schola sine scenico ornatu ab Adolescentibus mutuo colloquentibus recitentur ab ipsis compositæ Æglogæ, Scenæ, Dialogi: quorum partes ita Magister disponat ac diuidat paulo prouectioribus scribendas, ut coniunctæ postea vñ corpus coagmentent.

PROMOTIO AD SUPERIOREM classẽ.

52 S E M E L duntaxat in anno, nempe cū instaurantur studia, discipulorū promotio ad Rhetoricæ classẽ faciendã est. Quam ob causam æquum est, ut vno ferme ante examen mense strenue suos Magister in præcipuis ac difficillimis exerceat, quæ maxime ab ijs, qui promouendi sunt, requiri solent.

53 Ut autem Magister de suorum auditorum profectu iudicium semper paratum habeat, si a parentibus aut a Præfecto interrogetur de aliquo, sub initium anni in catalogum referat vniuersos: & ut quisque longo vsu atque obseruatione specimen sui dederit, ita cuiusque no-

mini apponat notam industriæ aut negligentia: ingenij aut tarditatis; frequentia: aut infrequentia: temporis quoque in ea schola consumpti, vt intelligatur, ecqua sit spes progressus faciendi, si ad superiorem scholam transierit.

54 Alternis mensibus huiusmodi catalogum latine, & Alphabeti ordine conscriptum in folio tradat Præfector: accuratissimum vero, cū instat annuæ promotionis examen: Quod quoniam magna ex parte pendet ex Magistri iudicio, quo plures potest, discipulorum gradus distinguat in catalogo, ac ferme sex, Nempe Optimos, Bonos, Mediocres (qui tamen apti iudicantur:) Dubios, Retinendos, Reiciendos. Quæ notæ numeris significari possent. 1. 2. 3. 4. 5. 6.

QUOTIDIANA TEMPORIS RATIO, ac diuisio.

55 **M**AGISTER ante signum datum scholas non ingrediatur; potius, si cum aliquo agendum, agat in atrio. Nec dato signo vsquam demoretur, aut ab vllis, licet grauius viris, detineri patiatur, modeste sui illos muneris admoneat, ingressumq; suum in scholam a discipulis iubeat anteuerti.

56 Det operam, vt quam minimum fieri potest recedat a temporum spatijs, quæ hic singu-

lis exercitationibus assignantur, eaque, ut ferre fit, distinguat ad Clepsydram: Obseruet & exercitationum ordinem hic præscriptum, nisi iustis de causis Præfecto videretur variandus: In eo tamen, qui initio studiorum susceptus fuerit, constanter toto anno perseverandum.

MANE HORA PRIMA.

§. 1. **T**HEMATI corrigantur: quod dum priuatim ac summissa voce facit præceptor, pueri primum memoriter Decurionibus recitent Ciceronem & Grammaticam Græcam: deinde tacite scribant, quæ Magister hoc tempore scribenda constituerit.

§. 2. Recitatio tamen posset etiam (si nihil impediat) ante præceptoris aduentum statim post primum campanæ signum inchoari: Eo quoque tempore recognoscat Decurio, & colligat quicquid afferendum domo fuerit a pueris, idque Magistro tradat cum Censorijs notis, hoc est, cum observationibus eorum, quæ quisque bene maleve gesserit in recitando, in scribendo, & in alijs huiusmodi.

HORA SECVNDA.

§. 3. **P**VBLICE recitetur a nonnullis, nisi id faciendum potius videatur
ad

ad extremum horæ primæ. Prælectio pridiana breuissimè repetatur, tum præsens explicetur per semihoram fere ex M. Tullio & explicata statim exigatur a pueris.

§. 4. Aliquid tamen huius horæ quotidie, aut frequenter superesse debet ad mutuam Adolescentium concertationem tunc habendam.

ULTIMA SEMIHORA.

§. 5. **H**ISTORICVS explicetur paulominus quàm semihora, ut aliquantisper vacet non ad omnia quidem, sed ad præcipua quædam repetenda.

PRANDIO-HORA PRIMA.

§. 6. **R**ECITENTVR Poeta ac Prosodia: qua absoluta aliquid ex Græco auctore, qui tunc exponitur. Interea Magister cursim recognoscat & notas Decurionum, & ea quæ mane priuatim discipuli scripserant idque per dimidiam horam.

§. 7. Altera dimidia explicetur Prosodia & théma dictetur.

HORA SECVNDA ET TERTIÆ dimidia.

§. 8. **P**OETÆ explicando repetendoque tres horæ quadrantes, totidem vero
Græcæ

Græcæ Grammaticæ, & Auctori impendantur.

DIE VACATIONIS.

§. 9. **D**IMIDIA horæ primæ expendatur, vt alijs diebus: altera dimidia emendationi carminum tribuatur.

§. 10. Secunda hora explicetur breue aliquod artificium ac ratio conscribendi epistolas & Chrias: deinde Prosodiæ præcepta, quæ breuiter reliquis diebus exponuntur, inculcentur & exigantur serio.

§. 11. Vltima semihora aliquid epigrammatum, aut Elegiarum, aut Odarum exponatur, nec sine repetiuncula.

DIE SABBATI MANE.

hora prima.

§. 12. **R**ECITENTVR audita per hebdomadam: imo ab initio libri præferat magister velle se librum illum a principio singulis sabbatis recitari. Sed vbi explicando ad quintam pagellam vel vltius progressus fuerit, ex primis paginis aliquas, modo plures, modo pauciores iuxta pensam magnitudinem remittat: interdum tamen postremis paginis omisis primas iubeat recitari, vt totius libri recens memoria retineatur.

rur. Eo denique absoluto, sortito capiat aliquos ex ijs, qui ultro nomina in eam rem dederint, vt e suggestu totum librum per partes cum dignitate pronuntiēt, nec sine præmiolo.

H O R A S E C U N D A.

S. 13. **T**OTIVS deinde hebdomadæ prælectiones repetantur idque per præcipua quædam capita, partim Magistro exigente, partim discipulis aut sua sponte red dentibus, aut inter se percunctantibus.

S. 14. Semel aut iterum quolibet mense huius horæ dimidia pars prior Græcis repetendis tribuatur, posterior autem disputationi aut ex propositis thesibus, aut verbotenus.

U L T I M A S E M I H O R A.

S. 15. **H**ABEATUR vel audiatur Heb domadaria Oratio.

A T R A N D I O H O R A P R I M A.

S. 16. **P**OETA memoriter recitetur: interea Magister partim publice, partim priuatum emendet carmina: mox eorum dicet argumentum.

H O R A S E C U N D A .

s. 17. **F**IAT hebdomadaria repetitio Poetæ per semihoram, cuius repetitionis loco interdum aliquod Epigramma, vel Ode vel Elegia explanetur; per alteram semihoram partim explicandæ, partim recolendæ Profodiæ vacetur strenue.

V L T I M A S E M I H O R A .

s. 18. **I**N breuem explicationem Catechismi, piamque exhortationem collocetur. Exponetur autem Catechismus ex P. Canisij libello, nisi alicubi alius iam in usu sit nihilo minus utilis. Ediscatur autem ac recitetur initio scholæ cum alijs prælectionibus pomeridianis.

I N F E S T I S E T A N N U I S
Vacationibus.

s. 18. **T**A M in festis, præsertim si plura sint, quam in annuis vacationibus, siue præfectus, siue magister pueris aliquid, quo occupentur, imponat.

37^a **I**NGENSIS potissimum, &c. Vt Reg. 70.
 o. 1. tertix. Et sic de reliquis omnibus, quæ
 sunt eadem ad verbum cum Regalis tertix.

INGENSIS potissimum, &c. Vt Reg. 70.
 o. 1. tertix. Et sic de reliquis omnibus, quæ
 sunt eadem ad verbum cum Regalis tertix.

INGENSIS potissimum, &c. Vt Reg. 70.
 o. 1. tertix. Et sic de reliquis omnibus, quæ
 sunt eadem ad verbum cum Regalis tertix.

INGENSIS potissimum, &c. Vt Reg. 70.
 o. 1. tertix. Et sic de reliquis omnibus, quæ
 sunt eadem ad verbum cum Regalis tertix.

REGVLÆ PROFESSORIS RHETORICAE.

OFFICIUM ET FINIS.



1 DOLESCENTES, qui in Societatis disciplinam traditi sunt, sic instituendos esse sibi putet, vt e scholis nostris, quas frequentarint, vna cum bonis litteris veram etiam animi pietatem imprimis hausisse videantur.

QVOTIDIANÆ EXERCITATIONES.

2 LIBRI in hac classe exponendi fere sunt orationes Tullianæ, aliquæ etiam Liuianæ, Partitiones, libri de Oratore, de Inuentione, Rhetorica Aristotelis, liber septimus Quintiliani loco Topicorum M. Tullij: ex Rodulpho autem Agricola nihil.

3 Qualis Auctorum explicatio huic classi conueniat, cum vix paucis perstringi queat, proprio seorsim Paradigmatæ demonstratur, a quo Magister, quam minimum potest, recedat. Caueat autem seuerè, tum ne vnâ quidē litteram scribant auditores nisi iussi, idque per quam emendate; tum ne ipsis Padagogi

prælectiones alias domi exponant, sed repetant duntaxat auditas in scholis.

4 Habitæ prælectionis statim a discipulis exigat repetitionem, nec eam vni imperet, sed quam plurimis per partes; nec eos interroget ordine quo confident, sed prætereat quos velit: non temere tamen, sed ex occulto catalogo, vt statis vicibus exerceat vniuersos. Et primum quidem prouectiores repetant, alij deinde, crebrius vero tum noui discipuli, qui & diligentius exercendi, & indulgentius tractandi videntur, tum alij segniores: quanquam ingenio aut lingua tardiores breuius interrogandi sunt, ne in his plus æquo temporis coneratur.

5 Adhæc initio scholarum matutinam prælectionem mane, vespertinam vespere discipuli reddât memoriter Decurionibus: hi vero vel Decurionum maximo, vel Magistro, qui ex alijs quoq; semper aliquos per partes audiat, & fere desidiosissimum quenque, quique serius ad ludum venerunt.

6 Porro in græcis explicentur Demosthenes, Xenophon, Homerus, Pindarus, Euripides, Sophocles, Thucydides. In horum lectione longius est quotidie progrediendum: tametsi non quicquid explicatur, sit ediscendum, sed quaterni fere versus: nec quicquâ explicetur, quod non statim ab auditoribus recolatur.

7 Græca Prosodia diligentius inculcanda: semel

semel etiam minimum octauo quoque die soluta oratione, semel item carmine, sed argumento proposito, græce scribendum. Singulis etiam minimum mensibus vel brevis oratio græca, vel carmen græcum publice pronuntiandum. Proderit etiam, si quod a græcis auctoribus vincula solutave oratione scriptum est, latine vertatur eodem orationis genere.

8 Latinae etiam orationis & carminis thema breuiter dictetur, quod amplificent postea discipuli, idque fere ad imitationem cuiusquam boni auctoris, quem Magister indicarit: nonnunquam etiam satis fuerit demonstrato Auctore aliquo, & proposito verbotenus argumento iubere, ut inde discipuli orationem suum Marte elucubrent: nonnunquam etiam cuiusquam oratio parieti affigatur, & ceterorum iuuenum censura castigetur. Carmen autem exigendum duobus per hebdomadam diebus, hoc est, lunæ, & vacationis.

9 Duplex unusquisque adolescens suæ compositionis exemplum scribat, vnum sibi, alterum Magistro ad emendandum accedenti, qui superiore ex loco clara corrigat voce exempla fere terna quotidie; & in his vnum aliquod ex deterrimis, palam indicando, quicquid in Syntaxi, in orthographia, in interpunctione, aut aliter erratum fuerit. Neque hæc solum corrigat, sed elegantiae quoque & cultus exigat rationem.

10 Inter emendandum, cum primum erratum aliquod cōtra præcepta non modo Grammaticæ, sed etiam Rhetoricæ publice pronuntiarit, iubeat; vt qui errarunt, aut eorum æmuli præceptum, contra quod peccatum est, statim proferant, atque reliqui omnes, suum quisque, exemplum corrigant, correctumque tradant si non quotidie, aliquando tamen æmulis, qui dispiciant, correctum ne sit ex Magistri præscripto, & an habeat alia præterea, quæ corrigenda sint. Ad eam vero censuram honore aliquo, & si commode potest excogitari, præmiolo incitandi essent.

11 Hoc sane modo cum omnium exempla quotidie Magister corrigere non possit: corrigat tamen, quo plura potest; quædã etiã priuatim ipse recognoscat e suggestu; ex ijs præsertim, quorũ suspecta diligētia est, nūc illū, nunc illum ad se vocando, idque saltem eo tempore, quo æmuli aliorum exempla perlegunt & errata colligunt: prorsus vt schola in ternas quaternasve partes diuisa, nullus sit, cuius compositionem semel in hebdomada non emendarit.

12 Dum priuatæ tacitæque vacat correctioni, iubeat cos, quibus tunc negotij nihil est (ne perstrepant ex otio) aut describere aliquid ex græco auctore, aut versus ex præscripto componere, aut excerpere phrasēs ex Ciceronis prælectione, aut eam emendate, interpunctim, elegan-

elegantique charactere transcribere; idque sic attente, vt quod in exscribendo Thucydide ferunt Demoltheni cōtigisse, occultam Ciceronis imitandi facultatem & consuetudinem nanciscantur,

13 Quo autem exercitationes istæ fructuosiores sint, silentium & attentionem puerorū omni ope atque opera Magister exigat: quam ad rem valet admodum, si clara voce agant inter se; si feruide & acriter exerceantur a Magistro: si nullus aut ad repetendum dicendumve aliquid se offerat, aut aduersariū prouocet, nisi permissu Magistri: si seuerè caueatur, ne quis proxime assidentibus quicquam suggerat, dum interrogantur a Magistro: si denique quicquid in hoc genere peccatur, nō impune peccetur.

14 Faciendum quoque, vt Magister & discipuli non nisi Latine loquantur; data negligentibus (modo ne in Vniuersitates, in quibus id moris non sit, introducatur) Notula, seu Catenuia, cuius ad finem scholæ ratio exigatur tam antemeridianis, quam pomeridianis horis.

15 Ea vero res sicubi intolerandas turbas excitet, satis fuerit, si quando patrium sermonē aliquis vsurpet, reprehendi ab aduersario, qui punctū victoriæ sibi notari iubeat, certo quodam punctorum numero constituto, quem qui excesserint, pœna aliqua litteraria afficiantur,

hoc est, aliquid vltra quotidianum scholæ pensum aut ediscere, aut scribere iubeantur.

16 Danda denique opera est, tum vt aliquod difficiliorum nominum verborumque non de industria, sed per occasionem inflectatur, ne memoria penitus excidant, tum vt tempestiue libri, quibus vsuri sunt, emanant a pueris: secus qui fecerint, nullo modo immunes sint ab ediscendo, sed describere iubeantur, quæ erunt explicanda, quoad eos sibi libros compararint.

INCITAMENTA STUDIORVM.

17 **O**MNIBVS, quibus potest, artibus, variandis tamen subinde, puerorum animos ad litterarum studia Magister excitet atque inflammet; duabus potissimum, spe honoris ac laudum; Metu ignominia & verberum: dummodo sicut in alijs, ita in hoc genere, nihil nisi consulto Præfeto introducatur noui. Illud etiam habendum, hæc incitamenta non omnia omnibus conuenire, sed habendam esse rationem ætatis, rerumque aliarum; vt a nullo exigatur, quod ferre nolit, aut nequeat.

18 Itaque suos Magister pueros referat in Decurias, quarum vnaquæque ex denis ferme pueris constet. In illarum autem tres quatuorve primas (pauciores etiam, vbi magna pau-

paucitas auditorum) non nisi ex doctrinæ diligentiaque prærogatiua adsciscantur: & prout quotidie suam singuli operam probauerint, ita vel suum tueantur gradum, vel aliqui descendant, ascendant alij, modo id salua morum disciplina fieri possit.

19 Vt autem par est Decurijs in litterario certamine victricibus aliquem honorem aut immunitatem dari; ita in ignauissimum quæque de Rectoris Præfectique sententia constitui nonnullas ignominia notas, eas tamē, quæ perpensa varietate regionum, pene nullam in eo loco habere soleant offensionem aut contumeliam.

20 Inter alias dedecoris notas, illud etiam probro ducatur, si quis eximi se postulet a scribendis versibus, ab audiendis Græcis, ab ediscendis lectionibus, alijsq; id genus, quæ odiosiora videntur: Eiusmodi tamen exemptiones nunquam præceptor, Præfectus autem grauissimis tantum de causis concedat.

21 Singulis Decurijs singuli præsent Decuriones, quibus reliqui dicto audientes sint. Probos sane illos oportet esse, modestos, diligentes, incorruptos a muneribus & gratia; & quibus vel Decurionum maximus, vel Magister pensum memoria, scriptionis, aliarumq; exercitationum exigat, sicut ipsi ab alijs.

22 Est autem Decurionis inter suæ decuriæ pueros silentium facere; memoriter eos reci-

tantes audire ex ordine, notareque in libello nomina eorum, qui optime, qui pessime, qui nihil, qui non totum recitauerint: quoties etiā quisque errarit in recitando.

23 Exploret idem, ecquis ab schola abfuerit: exigat quoque suæ decuriæ compositiones, cū primum Magister in scholam pedem intulerit, aut paulo antea; noterque, ecquis omnino thema non scripserit: ecquis aut non totum, aut diuersum, aut lituris inquinatum, aut interuallis omissorum verborum interruptum, aut duplex compositionis exemplum non tulerit, & cætera, quæ Magister præscripserit.

24 Est & illud mutuæ æmulationis quasi calcæ pueris admouendum, vt veluti de principatu decertent. Diuidatur itaque schola in duas veluti classes, quarum vnaquæque suum habeat Prætorem, suum Tribunum, suos Senatores, suum denique summum Magistratum, siue Imperatorem illum, siue Consulem, siue Dictatorem cognominare velint. Hi vero Magistratus (nisi vbi per discipulorum infrequentiam id non liceat) suam in sua classe decuriā, cuius Decurio sit ipse princeps, efficiant; seddeantque ante & extra eas etiam decurias, quarum delectum facit assiduitas, & ingenij doctrinæque præstantia.

25 Ad eos honores consequendos, quolibet mense semel a prandio componatur in schola, nec soluta solum oratione, sed ad eam alter-
nis

nis adijciatur modo carmē, modo Græca scriptio. Breue thema pponatur, quod intra duas horas & dimidiam scribi possit elaborate : omniū optime qui scripserit, magistratu summo potiatur.

26 Ad hæc quo magis alacri erectoque ad studium animo sint, bis singulis mensibus Rhetoricæ auditores cum Humanistis disputent, sed de ijs tantum, quæ duabus his classibus communia sunt: nec Dialectico more, sed illo fere modo.

Expone locum illum Virgilij, siue M. Tullij, siue alterius auctoris.

Vnam aliquam sententiam pluribus phrasibus ex Cicerone depromptis enuntia.

Quæ sunt præcepta epistolæ Gratulatoriæ, seu Consolatoriæ, seu Hortatoriæ &c.

Quæ sunt præcepta scribendi epigrammatis, Elegiæ, Odes &c.

Videtur ne tibi mendosus ille locus Horatij? & si mendosus, quomodo corrigendus?

Explica figuram seu tropum illum.

Interpretare illud Hieroglyphicum, aut Symbolum Pythagoræum, aut Apophtegma, aut Adagium, aut Emblema, aut Enigma cuiusquam antiqui scriptoris.

Cuius historiæ fundamentum habet fabula Dædali, Deucalionis, Aurei velleris &c.?

Iure ne exacti Reges ab vrbe?

Præstantior ne dux Annibal, an Scipio?

Quot

Quot sunt genera dicendi? quid exordium?
quid insinuatio? quibus rebus hic vel ille com-
mouetur affectus?

27 Verum ex his, alijsque id genus, ea potissi-
mum proponenda requirendaque sunt, quæ
aut explicata iam atque tradita sint a Magi-
stro, aut aliqua alia ratione discipuli scire de-
beant & soleant; aut certe præmonendi, qui re-
sponsuri sunt, ne ignorent, quas ad res medi-
tati paratique accedere debeant. Possent etiã
duo præceptores inter se conuenire, & ex con-
dicto suorum duos aut plures sic instruere, vt
parati veniant, nec se paratos venisse diffi-
teantur, ad respondendum de nonnullis, quæ
studij longioris indigent, vt acriorem iucun-
dioremque reddat concertationem crebra,
nec hæsitans vnus percunctatio, alterius re-
sponsio.

28 Nec semper verbotenus, sed descriptis ali-
quando thesibus differatur tam ab ipsis inter
se Rhetoribus, quam cum Humanistis. Thesiũ
vero materiam præbere possunt res paulo an-
te memoratæ, aliæque huiusmodi, idque sub
hac fere formula.

Exponemus obscuriores aliquot locos, vt il-
lum Ciceronis, illum Virgilij, illum Hora-
tij &c.

Non placet interpretatio illa Seruij, Pædia-
ni, Acronis, sed illa alia fuit mens auctoris.

Ostendemus in hac tota oratione M. Tullij
nihil

nihil esse, nisi ex artis præscripto.

Recte Virgilius non ab excidio Troiæ, sed ab Æneæ nauigatione exorsus est.

Quæcunque propria sunt Epopæiæ, seu Tragediæ, egregie Virgilius in Æneide, & in Troade Seneca seruarunt.

Et alia huiusmodi.

29 Præterea demandet Magister cuipiã Adolescenti ex prouectioribus, vt circiter semihora ex suggestu, qui aliquo tapetio instratus sit, prælectionem habeat solito ornatus in sabbatho, idque singulis fere mensibus: imo id semel aut iterum etiam in anno faciendum cum honorariorum auditorum inuitatu, & apparatu maiori, sed qui pene nullum postulet sumptum.

30 Iam vero non leues laudis stimulos Adolescentibus subicere solet vsus declamandi. Itaque initio cuiusq; mensis in aulam quampiam ampliore, vel ea si desit, in templum: quotannis etiam semel & iterum in theatrum conueniant scholæ omnes superiores ad audiendam celebrem cuiusquam Rhetoris declamationem, seu declamatoriam concertationem inter duos, adhibito etiam iudice, qui litem sua auctoritate componat, dummodo de ijs tantum rebus litigetur, de quibus litigare non dedeceat, & quæ pie afficiant auditores ex instituto, vel ex opportuna digressionem.

31 Quolibet etiam sabbatho extrema scholæ

ante-

antemeridianæ semihorula vnus Rhetorū aliquid minus quidem celebre, paulo tamē quotidiana descriptione ornatus in sua classē declamet, eodem etiam conuenientibus Humanistis: sequente vero sabbato coactis eadem hora in Humanitatis classē Rhetoribus vnus Humanistarum pronuntiet vel oratiunculam, vel si Rhetoricæ compendium expositum nondum sit, carmen aliquod, vel prolixiorem epistolam ad absentes. In neutram vero classē plures conueniant, quam quot ea commodè capere potest sine turbis; ad quas etiam cauendas inter sit Præfectus.

32 Quicquid autem in schola priuatim vel publice in aula, in tēplo, in theatro declamatur; ab eo qui declamat oportet esse conscriptū; nisi quod publica declamatio a Præceptore tātò accuratius emendanda est, vt illa frequentia indigna non sit; & tamen eius, qui orationem habet, partus, quoad eius fieri potest, & sit, & habeatur.

33 Sit autem publica declamatio vel oratio Latina sola, vel cum Latino carmine copulata, vel Latinū carmen cum Græca oratiuncula, vel Latina oratio cū Græco carmine breui.

34 Alternis præterea mensibus per occasionem litterariæ alicuius celebritatis Magister optima quæque carmina ex ijs, quæ per duos illos menses scripta sunt a discipulis externis, seligat, vt publice proponantur; modo tam a

Magi-

Magistro, quam a discipulis caueatur omnino, & a nostris scholis abigatur genus illud carminis, quod aut versus ab eadem semper ducit littera, aut varias effingit figuras, aut res alias eiusmodi confectatur populares magis, quam poeticas.

35 Nostri etiam, qui Rhetoricæ vacant, in loco quopiam idoneo aliquid carminum affigant Dominico quoque die: quod in Renouatione votorum cæterisque solemnitatibus multo celebrius ac plenius præstandum est: longe vero copiosissime, cum studiorum celebratur instauration, modo ijs tantum linguis scripta sint, quas profitemur in scholis, nisi cum celebritas aliqua multiplici varietate aliarum etiam linguarum cohonestanda videtur.

36 Neque versibus solum exornandi parietes, sed admiscendum etiam aliquid prosæ breuioris, cuius vsus frequentior est, nec inuentio minus grauis & acuta, nec minus laboriosa dictio: cuius generis sunt inscriptiones Sepulchrorum, Clypeorum, Templorum, Hortorum, Theatrorum; quædam etiam breues ac pressæ, sed non parum elaboratæ descriptiones Urbis, Portus, Pugnæ, aliusve rei gestæ, ab aliquo præsertim Diuorum.

37 Hæc autem nonnullis picturis, quæ Emblematicæ vel Ænigmati proposito respondeant, poterunt condecorari tum ab externis Adole-

scen-

scentibus, sed non nisi in insigni aliqua celebritate & permisso Præpositi Prouincialis, vt vitentur scilicet immoderati sumptus; tum a Nostreis, raro tamen, nec sine Rectoris approbatione, idque cum argumētum eiusmodi est, vt religioni ac pietati potius, quam ostentationi deseruiat.

38 Cum communia præmia publice diuidenda sunt, aut in Theatro ab adolescentibus nostris aliquid exhibendum; sicut his rebus pueriles animi exhilarantur, & ad studia bonarū artium inflammantur quam maxime; ita & Magister strenue labore, vt & suos egregie instructos mittat ad certamen; & seuerè caueat, ne morum doctrinæ iacturam faciant, dum se comparant ad theatrum.

39 Quoniam in theatrum poemata minus frequenter edi possunt, ne huius rei nimia intermissione frigeat poesis ac iaceat, æquum est, vt ter aut quater in anno priuatim in schola sine scenico ornatu ab Adolescentibus mutuo colloquentibus recitentur ab ipsis compositæ Æglogæ, Scenæ, Dialogi: quorum partes ita Magister disponat ac diuidat paulo prouectioribus scribendas, vt coniunctæ postea vnū corpus coagmentent.

QVOTIDIANA TEMPORIS RATIO,
ac diuifio.

40 **D**V A B V S horis mane doceat, totidem a prandio: ingrediatur igitur Classẽm semihora post commune scholarum initium: ac det operam, vt quam minimum fieri potest, recedat tam a temporum spatijs, quę hic singulis exercitationibus assignantur, quā ab earundem exercitationum ordine, qui hic præscribitur, nisi iustis de causis Præfecto videretur variandus: in eo tamen qui initio studiorum susceptus fuerit, constanter toto anno perseuerandum.

M A N E.

§. 1. **P**ER tres circiter horę quadrantes corrigantur themata: quod dum priuatim ac submissa voce facit Præceptor, Adolescentes recitent memoriter Decurionibus M. Tullij orationes: deinde Græce aliquid modo exscribant, modo componant, aut quod a Græcis auctoribus vincta solutave oratione scriptum est, Latine vertant eodem orationis genere.

§. 2. Recitatio tamen posset etiam (si nihil impediatur) ante præceptoris aduentum statim post primum campanę signum inchoari: Eo quoque tempore recognoscat Decurio, & colligat

ligat quicquid afferendum domo fuerit a pueris, idque Magistro tradat cum Censorijs notis, hoc est, cum obseruationibus eorum, quæ quisque bene maleve gesserit in recitando, in scribendo, & in alijs huiusmodi.

§. 3. Posthæc per horam exponantur præcepta artis Rhetoricæ & breuiter repetantur, vt ultimo quadrante possint aliquando recognosci vel Censoriæ notæ Decurionum: vel ea quæ discipuli priuatim scripserint hora prima: nonnunquam thema dictari: interdum alicuius oratio ad parietem affigi, vt cæterorum iuuenum censura castigetur, nec sine breui inter ipsos concertatione.

A PRANDIO HORA PRIMA.

§. 4. **O**RATIO M. Tullij explicetur, & breuiter repetatur.

HORA SECVNDA.

§. 5. **R**ECITENTVR memoriter Decurionibus quaterni fere versus ex Græco auctore, idque si fieri potest, ante ingressum Præceptoris in scholam: tribus circiter quadrantibus exponatur & repetatur Græcus auctor: ultimo autem quadrante aliquando aliquid ex Græca Prosodia explicetur: nonnunquam Græcū thema dictetur tam carmine

mine,quam prosa: interdum hoc ipsum thema corrigatur.

DIE VACATIONIS.

5.6. **S**EMI HORA carmina corrigantur; per horam explicetur & repetatur alternis egregius aliquis nūc Poeta, nunc Historicus, præcipuis quibusdā rebus ac phrasibus breuiter annotatis. Deinde carmen dictetur in sequentem hebdomadam cum aliqua explicatione artificij poetici in epigrammate, in Elegia, in Ode, alijsve poematijs conscribendis.

DIE SABBATI MANE.

5.7. **P**ER semihoram recitentur audita per hebdomadam: imo ab initio libri, vel orationis præseferat Magister velle se librum illum a principio singulis sabbatis recitari. Sed vbi explicando ad quintam pagellam vel vltius progressus fuerit, ex primis paginis aliquas, modo plures, modo pauciores iuxta pensam magnitudinem remittat: interdū tamen postremis paginis omisis primas iubeat recitari, vt totius libri recens memoria retineatur. Eo deniq; absoluto, sortito capiat aliquos ex ijs, qui vltro nomina in eam rem dederint, vt e suggestu totum librum per par-

tes cum dignitate pronuntient, nec sine præmiolo,

§. 8. Deinde per horam totius hebdomadæ prælectiones repetantur, idque per præcipua quædam capita, partim Magistro exigente, partim discipulis aut sua sponte reddentibus, aut inter se percunctantibus.

§. 9. Huius horæ dimidia posterior semel aut iterum quolibet mense impendatur disputationi aut ex propositis thesibus, aut verbotenus.

§. 10. Ultima semihora habeatur, vel audiathebdomadaria oratio.

A P R A N D I O.

§. 11. **P**ER semihoram repetantur per capita pomeridianæ prælectiones.

§. 12. Altera semihora exponatur grauis aliquis Poeta.

§. 13. Tertia semihora recolantur Græca.

§. 14. Ultima semihora in breuem explicationem Catechismi, piamque exhortationem collocetur. Exponetur autem Catechismus ex P. Canisij libello, nisi alicubi alius iam in usu sit nihilo minus utilis. Ediscatur autem ac recitetur initio scholæ cum alijs prælectionibus pomeridianis.

IN FESTIS ET ANNUIS
Vacationibus.

§.15. **T**AM in festis, præsertim si plura sint,
quam in annuis vacationibus siue
præfectus, siue magister pueris aliquid, quo
occupentur, imponat.

PIETAS AC DISCIPLINA
morum.

48 **Q**UANTQVAM huius classis audi-
tores non tam facile seneris disci-
plinæ legibus, quæ inferioribus scholis præscri-
ptæ sunt, coerceri solent: eas tamen Magister,
quatenus illorum ætas aliæue rationes ferent,
curent obseruandas: ac primum incensis in id
studijs incumbat, vt Christiana pietate suorū
adulescentum mentes imbuat: quod maxime
consequetur, &c. Vt Reg. 70. tertiæ. Et sic de
reliquis omnibus, quæ sunt eadem ad verbum
cum Regulis tertiæ.

AT QVÆ HÆC DE COLLE-
gijs, in quibus sunt quinque scholæ in-
feriores; nunc de alijs, in quibus sunt
pauctores.

D E C O L L E G I O

Q V A T T V O R C L A S S I V M.

1



VONIAM supremarum classium ratio superius constituta, Collegij & scholarum auctoritatem magnopere tueri solet: idcirco suprema in Collegio quatuor Classium retineat ac seruet omnia, quæ de classe Rhetoricæ præscripta sunt Collegijs quinque scholarum: secunda vero pro classe Humanitatis habeatur, & ab eius ordine ac ratione nihil omnino discrepet.

2 Tertia classis in duos secetur ordines: quorum superior primæ Grammaticæ respondeat, inferior autem secundæ; quarta demum classis in duos item tribuatur ordines, qui duobus tertiæ classis ordinibus pares sint.

D E C O L L E G I O

T R I V M C L A S S I V M .




V. Æ inferiores classes retineant eum gradum, qui paulo ante præscriptus fuit tertiæ & Quartæ in collegio quatuor classium.

2. Supremæ vero Classis Professor doceat, quæ sunt propria scholæ Humanitatis, & anno vertente addat post Pascha Rhetoricæ compendium ex Cypriano. Posset etiam si commodius videbitur, ea classis in binos ordines diuidi, quorum Superior ad scholam Rhetoricæ, inferior autem ad scholam Humanitatis, vt proxime potest, accedat.

DE COLLEGIO DVARVM CLASSIVM.

1 **I**NFERIORIS classis duo statuuntur ordines, quorum inferior ea, quæ tertiæ Classi; Superior autem ea, quæ secundæ Classi conueniunt, foriatur.

2 Superior Classis etiam in duos distrahetur ordines, quorum inferior primæ Classis pensum sibi vendicet; Superior autem Humanitatis, addito duobus tribusve mensibus ultimis Rhetoricæ compendio.



D E C O L L E G I O .

VNIUS SCHOLAE.




ICVBI necesse sit (quod tamē rarissime & ægerrime faciendum) collegia vnius Classis admitti, ea Classis duo complectatur ordines, quorum inferior ea, quæ ad tertiam & secundam classem pertinent, à facilioribus ad difficiliora paulatim progrediendo, condiscat: Superior autem suū cursum ab ijs, quæ primæ Classi propria sunt, inchoet: deinde ad ea promoueatur, quæ ad Humanitatem pertinent: postremo ad Rhetoricæ compendium.

COMMVNIA COLLEGIIS,

IN QVIBVS PAVCIORES

Scholæ,quam quinque sunt.


1.  ERVENT ac doceant, quoad eius fieri potest, omnia, quæ de collegijs quinq; classium cōstituta sunt, nisi quod tempus ea docēdi atque explicandi duplicādum fere est; vt quæ illis vno traduntur semestri, in his in annum prorogentur: & quæ in illis annum sibi poscunt, in his habeant biennium: atque ita deinceps de reliquis.

2 In his pauciorum Classium Collegijs danda esset opera, vt ad scholas nostras non admitterentur rudiores, hoc est, qui non satis bene teneant, quæ ad tertiam Classē pertinent, aut certe ad inferiorem tertiæ Classis ordinem: sic enim cursus singulis ordinibus præscriptus celerius absolueretur. Sin id obtineri non poterit, quæ paulo ante constituta sunt, retineantur.

3 Vbi sunt duo ordines, videndum esset, an ambobus idem thema eiusdemque auctoris explicatio, vt supra dictū est, conuenire queāt, Id vero si cedat incommode, habeat quilibet suum thema & Auctorem, sed tempore, quod cuiusque exercitationis proprium est, in duas partes

partes diuiso, quarum vna vni, altera alteri
impendatur ordini. Quod tempus cum sit du-
plo minus, longiori discipulorum mora in
cursu cuiusquam ordinis peragendo compen-
sandum est.

4^o Quilibet Professor habeat & obseruet re-
gulas earum scholarum, quibus suæ classis or-
dines respondent.



REGVLAE SCHOLASTICORVM SOCIETATIS.

1



NIMI puritatem custodire, & rectam in studiis intentionē habere scholastici nostri conentur; nihil aliud in his, quam diuinam gloriam, & animarum fru-

ctur, quærentes, ad hunc enim scopum studia Societatis diriguntur; & in suis orationibus gratiā vt in doctrina proficiant, crebro petāt.

2 Serio & constanter ad studia animū adijciant: vtque cauendum sibi putent, ne feruore studiorum intepestcat solidarum virtutum, ac religiosæ vitæ amor, ita sibi vicissim persuadeant, nihil gratius se Deo facturos in collegijs, quam si cum ea intentione de qua dictum est, studijs se diligenter impendant, & licet nunquam ad exercenda ea, quæ didicerint, perueniant; Illum tamen studendi laborem ex obedientia & charitate, vt par est, susceptum, opus esse magni meriti in conspectu diuinæ & summæ Maiestatis apud se statuunt.

3 Ijs facultatibus singuli operam dabunt, eosque audient præceptores, quos superior assignabit.

4 Scholastici in audiendis lectionibus sint assidui, & eis præuidendis diligentes, & postquā
 eas

cas audierint, repetendis, in quibus repetitionibus si quid erit, de quo ipsi dubitent, magistrum adeant.

5 Ex lectionibus quæ adnotatu digna erunt, in scripta referent, & postea maiori cum ordine digesta, transferant in libros papyraceos, quæ in posterum conseruata velint.

6 Inter sint scholastici communibus scholarum etiam externarum, ad quas accedunt, disputationibus; & doctrinæ specimen pariter ac modestiæ præbere curent.

7 Quotidianis disputationibus, ac repetitionibus omnes intersint; & qui disputant, ei qui præst, religiose obediunt.

8 Cum ad publicas scholas eundum erit, eant & redeant inuicem associati, cum ea modestia interiori, & exteriori; quæ ad sui & aliorum ædificationem conueniat.

9 Eorum colloquia, qui cum scholasticis externis loquendi facultatem habuerint, sint solum de rebus ad litteras, vel ad profectum spiritus pertinentibus, prout ad maiorem Dei gloriam omnibus vtilius fore iudicabitur.


10 Omnes; quidem, sed præcipue humaniorum litterarum studiosi, latine loquantur, & memoriæ quod a suis Magistris præscriptum fuerit, commendent, ac stylum in compositionibus diligenter exerceant.

11 Ultra duas horas nemo aut legendi, aut scribendo, labori incumbat, quin studium
inter-

intermittat aliquantulo temporis interuallo.
Præscriptam vero a Præfecto diuisionem tem-
poris seruent diligenter vniuersi, nec alijs quã
ab eo sibi traditis vtantur libris.

12 Horis priuato studio attributis, qui supe-
rioribus facultatibus vacant, domi relegant
quæ scripserunt in scholis, eaque curent intel-
ligere, & intellecta sic examinent, vt ipsi sibi
objiciant, & quæ obiecerint soluant: quæ ne-
queunt, annotent ad interrogandum vel dispu-
tandum.

F I N I S.



1.005.178



ERRATA

quædam paulo magis insignia.

<i>pag. vers.</i>	<i>errata</i>	<i>correcta</i>
4 11	explicationi	explicatione
8 10	etia	etiam
14 4	Geographiæ vel Sphæræ	Sphæræ vel Geogra- phæ
81 15	quoque	quoque
89 8	amittunto	amittito
112 9	repetet	repetat
169 5	annuas	annuos
203 8	quandoquidi- dem	quandoquidem
216 15	obtendatur	obtendantur
221 9	quidam	quidem
225 1	perstringat	perstringat
252 16	§. 58.	§. 16.
331 11	externorum	externarum.



REGESTVM.

A B C D E F G H I K L M N O P
Q R S T V X.

Omnia sunt folia præter initium libri,
quod est dimidia duernicnis.



BIBLIOTECA NAZ.
ROMA
VITTORIO EMANUELE

R O M Æ

In Collegio eiusdem Societatis Anno Dñi
M. D. XCI.









